

Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.46







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.46





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.46




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.46




*Ab. 2/2*  
*7009*  
*8*



*Ex Libris Joannis Nenoni*  
*1874*











A D

c

.M.

Ex i r

appell

litterar

stantia

sensu i

sis illu

& quaz

ris, & n

detur e

otium,

consist

nec ipse

nisi ad fi

litteris

dencia,

perara

occurr

absint.

bellica

guisse

MVM  
AD ILL. ALBERICVM  
CIBO, MALASPINAM,  
MASSAE ET CARRARIAE  
PRINCIPEM.

EX IIS artibus, quæ merito liberales appellantur, excellere duas in primis, litterarum scientiã, & rei militaris præstantiam, in omni ætate omnium consensu iudicatum est: utra uero ex his ipsis illustrior, utra magis expetenda sit, & quæsitum aliquando est a magnis uiris, & minime tamen adhuc plane uidetur explicata deliberatio. nam, ut otium, & pax, sine quibus litteræ non consistunt, armis comparentur: tamen nec ipsa feliciter satis arma tractantur, nisi adsint illa, quæ magna ex parte a litteris petuntur, consilium, ordo, prudentia, animi præterea ita ratione temperata magnitudo, ut, sicubi periculû occurrat, metus pariter ac temeritas absint. itaque constat, quæ nationes bellica gloria claruerunt, in iisdem uiguisse studia doctrinæ, ut in Græcia,

A 2      quæ



quæ Persarum innumerabiles exerci-  
tus non modo sustinuit, uerum etiam  
fregit, atque profligauit; ipsa uero nun-  
quam uinci, nisi a se ipsa, potuit. do-  
mesticis enim & diuisa discordiis, &  
infirmata bellis, non tam Philippi, Ma-  
cedonum Regis, uirtute, quam pro-  
priis perculsa uiribus, afflictâq. corruit.  
Romana uero gente quæ fuit ulla un-  
quam gens aut belli gerendi scientia,  
ac fortitudine præstantior, aut iis præ-  
cipue litteris, quæ rudes animos huma-  
nitate informant, exulta diligentius?  
hinc illa manus ducum excellentium,  
quæ Romani terminos imperii quam-  
longissime protulit, Catones, Aemili-  
ani, Syllæ, Luculli, Cæsares, quos hi-  
storiæ mirabiliter laudant, nec tamen  
ita, ut eorum merita laudes ullæ satis  
adæquare uideantur. Age, Macedo-  
num tot uictoriæ, tot militaria deco-  
ra unde fluxerint, si quis interroget;  
quid respondebimus? hoc primum,  
ut opinor, ab Alexandro duce: is e-  
nim Asiam perdomuit uniuersam, &

ad in  
netra  
ge, q  
ma.  
perpe  
fortat  
sibi ui  
mis a  
lis, &  
ni præ  
omni  
susest  
sophia  
gem u  
uno p  
nasse  
prodic  
ris ad  
tera f  
tum a  
le uige  
scunt  
cium  
muni  
quam



ad intimos etiam Oceani recessus penetrasse fertur : deinde illud , a phalange , quæ fuit acies in exercitu firmissima . quod utrunque si spectetur , ac perpendatur accurate ; non exiguam fortasse bellicæ laudis partem litteræ sibi uindicant . nam Alexandrum a primis annis disciplina erudiit Aristotelis , & ad eam tum animi , tum ingenii præstantiam , qua postea res illas , omnium opinione maiores , & aggressus est , & confecit , præceptis philosophiæ pulcherrimis extulit . Phalangem uero , eiusque artem struendæ ab uno primum Homeri poetæ uersu manasse , doctissimi homines memoriæ prodiderunt . Ergo uicissim & a litteris adiuuantur arma , & ab armis litteræ sustententur . quod si , ubi quæsitum armis imperium est , ibi artes illæ uigerent , quæ litterarum usu cognoscuntur : conseruarentur facile studia ciuium , ac populorum : & in communi omnium concordia , nullus unquam externis uiribus ad labefactan-

A 3 dam



dam publicam rem locus esse posset.  
quod contra & in Græcia, & apud Ro-  
manos, & ubiuis gentium accidisse,  
atque accidere quotidie, uidemus.  
Neque solum in una ciuitate, aut in  
una etiam gente multos, sed uix in  
singulis familiis singulos, qui utran-  
que laudem adamauerint, & in utra-  
que pariter excelluerint, reperire dif-  
ficillimum est. unum quidem non mo-  
do nostra tempestate, sed multorum  
sæculorum memoria, historiæ cele-  
brant, quem uere phœnicem inter o-  
mnes Europæ uniuersæ Principes li-  
cet appellare, Laurentium Medicen,  
proauum tuum: cuius, nescio, plus ne  
uirtus in bellis, an in pace sapientia, ac  
moderatio enituerit. nam rem Floren-  
tinam, sæpe aduersa fortuna nutan-  
tem, confirmauit, interdum malis pro-  
pe extinctam unus ipse non modo re-  
stituit, uerum etiam uehementer au-  
xit. tranquillis uero rebus, ornauit pa-  
triam, ac muniuit legibus optimis, at-  
que institutis: iustitiam præter cete-  
ros,

ros, a  
timq.  
quam  
ginqu  
etiam  
li conc  
do uirt  
urbem  
uel in p  
garia m  
ram Gr  
norum  
que ege  
gnitate  
uit, ac  
sibi uin  
teras, &  
Laurent  
ipse pro  
acerrim  
tor, & n  
nificen  
ut mira  
to patre  
stri exe



ros, ac temperantiam publice, priuatimq. coluit: liberalitate, si quis unquam, delectatus est: cuius fama longinquas regiones peruagata, barbaras etiam gentes, & religione diuersas, illi conciliauit, multosque, aliqua modo uirtute, nobili ue arte insignes, in urbem Florentiam perduxit. Et, ut alia uel in patriam, uel in singulos non uulgaria merita omittantur, quis miseram Graciam, suis sedibus Othomanorum iniuria pulsam, supplicem, atque egentem hospitio excepit, benignitate subleuauit, perpetuo studio fuit, ac tutatus est? unus eam laudem sibi uindicat, unus in Italia Græcas litteras, & præclara doctrinarum studia Laurentius Medices excitauit: cum & ipse pro ea, qua excelluit, eruditione acerrimus esset ingeniorum æstimator, & naturæ quodam impulsu ad beneficentiam magnopere propenderet: ut mirandum minime uideatur, si tanto patre genitus, domestico tam illustri exemplo commotus, Leo X, Pon-

A 4      tífex



tifex maximus, omnes liberales disci-  
plinas præmiis extulit atque ornauit  
amplissimis, effecitq. ut aliquando Ro-  
mam in urbe Roma liceret agnoscere.  
In tua uero paterna gente Cibo, & in  
materna Malaspina, mirabilis omnium  
uirtutum in omni ætate fuit exercita-  
tio. et, ne illa nimis uetera ex annali-  
bus fide dignis repetamus, iam inde ab  
eo tempore, cum, Græcorum Impera-  
torum ætate, oppidum Pera, quod pro-  
xime Byzantium situm est, Genuenses  
obtinebant; quo tempore summis ho-  
noribus, & copiis maiores tuos florui-  
sse constat: aut, cum Mucius ille Cibo,  
plane alter Mucius in tuenda patriæ sa-  
lute, triremibus priuato sumptu com-  
paratis, atque instructis Pisanos, Ge-  
nuensium rebus acriter infensos, in Sar-  
dinia profligauit: sexcenta præterea in  
Genuensium remp. merita, in qua etiã  
Gulielmus Cibo cruce rubea, publico  
insigni, uirtutis ergo decoratus est: hæc  
ut omittam; & illa, quæ auorum no-  
strorum memoria gesta sunt, attingã;  
Aranus,

Aran-  
tus, e-  
ni Ser-  
le qui  
multo  
qui ni-  
um, n-  
lique u-  
fecit, is  
degaue  
Regi be-  
cunque  
lanur,  
eo, ut  
pro Re-  
ampliss-  
rio ita  
am est  
sum ruz  
Renari  
norific  
apud R  
eum, e  
in disc  
tatis, e



Aranus, Aaron in historiis nominatus, equestri dignitate ornatus, Romani Senatoris titulo insignis, antiqua ille quidem suæ gentis nobilitate clarus, multo tamen suis laudibus illustrior, qui nihil unquam in uita non egregium, non amplum, non ingenuo nobilique uiro dignum aut cogitauit, aut fecit, is, qua tempestate Renatus Andegauensis Alfonso Neapolitanorum Regi bellum intulit, in eo bello, quæcunque a summo duce munera postulantur, ea fortissime præstitit, usque eò, ut Renatus, Neapoli potitus, cum pro Rege, iure summo, ac potestate amplissima, constituerit. quo in imperio ita se gessit abstineret, ita iustitiam est complexus, ut, cum ad Alfonso rursus uictoria inclinasset, afflictis Renati partibus, exceptus ab illo sit honorifice in primis, ac splendide: quemque apud Renatum antea, eundem apud eum, quem sæpe armis læserat, sæpe in discrimen uitæ adduxerat, & dignitatis, & gratiæ locum obtinuerit. Ex  
hac



hac tantarum uirtutum præstantia filius eius, ad optimam naturam optima uoluntate adiuncta, documenta sumpsit ad uitam laudabiliter instituendam, & iis artibus excolendam, quibus postea maximam adeptus & uirtutis, & probitatis opinionem, Pontifex, approbante Deo, fauentibus, atque incumbentibus hominibus, creatus est. Nec se postea, ut multi, sui dissimilem præbuit; sed, quantum antea contenderat, ut in studio uirtutis omnes anteiret, tantum, ut se ipse in omni laude uinceret, & studuit, & consecutus est. itaque, quemadmodum ei non modo ad obtinendam Cardinalis dignitatem, uerum etiam ad Pontificatum antiqua maiorum existimatio, & clarissima patris memoria quasi uia ex aliqua parte muniit, aditumque patefecit: sic patris deinde tui fratrem, multis illum quidem animi bonis ornatum, multo tamen facilius ad Cardinalatum egregia Pontificatus Innocentii fama perduxit. Hæc est in tua  
gen-

genti  
ac di  
digni  
ria, p  
rie qu  
sum u  
uero p  
dicand  
landum  
ra spect  
spinaru  
Etrusci  
fini Da  
nobilita  
tem, q  
uocabu  
lim uni  
quitas  
ante no  
rit, Co  
non ut  
multis a  
appellat  
nem du  
que uer



gente, magne Princeps, non opum,  
ac diuitiarum, quibus etiam minime  
digni sæpe affluunt, sed uirtutis, & glo-  
riæ, perpetua multorum sæculorum se-  
rie quasi per manus tradita, & ad te ip-  
sum usque conseruata hereditas. Nec  
uero paternum tibi quidem genus præ-  
dicandum, maternum autem dissimu-  
landum uidetur. utroque licet, si uete-  
ra spectes, æque glorieris. nam Mala-  
spinarum nobilitas simul & antiquitas  
Etrusci poetæ doctissimi, ac sapientis-  
simi Dantis testimonio cognoscitur:  
nobilitas in eo, quòd illam Italiæ par-  
tem, quæ hodie Lunciana communi  
uocabulo nuncupatur, Malaspinis o-  
lim uniuersam paruissè tradit: anti-  
quitas autem, quòd, cum ipse annis  
ante nos ducentis quinquaginta floue-  
rit, Corradum tamen Malaspinam,  
non ut ætati suæ proximum, sed ut  
multis ante sæculis natum, honorifice  
appellat. Vides, a quibus uiris origi-  
nem ducas, Alberice clarissime. ne-  
que uero uides tu quidem, sed nō imi-  
taris,



taris, aut imitaris quidem, sed non as-  
sequeris. uersantur enim in animo tuo  
cogitationes egregiæ. inde emergunt  
præclara facta, tuis maioribus, teq. ip-  
so digna. et quanquam tibi maxime  
propositum est militare decus, unde  
primum tuæ gētis nobilitas fluxit: ma-  
gni tamen facis earum doctrinarum  
studia, quæ si absint ab hominum ui-  
ta, simul absit omnis humanitas, ne-  
que satis diu, quæ merces uirtutis est,  
recte factorum memoria conseruetur.  
faues ingenijs, ut audio: nihil deesse  
litteratis hominibus, nullum commo-  
dum, nullum ornamentum, pateris:  
cupis uirorum illustrium res gestas æ-  
ternis mandari monumentis litterarū.  
et uidi iam de Laurentii Medices uita  
libros tres, a Michaelē Bruto luculen-  
ter conscriptos: quī cum superioribus  
diebus Venetias uenisset, mira quæ-  
dam de animi, ingenij, consilij tui præ-  
stantia, de studio erga nobiles discipli-  
nas, præterea de humanitate, ac mo-  
rum elegantia prædicabat, quæ cum  
in

in te  
ligen  
runt  
argen  
fidere  
nere m  
ribus,  
summo  
tingere  
tibi con  
tamen  
rantur  
mos pe  
nere, u  
nes rati  
so expe  
re; uell  
ficentia  
quia pa  
iam es  
terna b  
lem, c  
as, ex  
fa, qu  
cum u



in te ipso bona sint, longe pluris intelligentium iudicio, quàm ea, quæ petuntur extrinsecus, æstimantur. nam argenti; atque auri magnam uim possidere, imperare populis, oppida tenere munitissima, clarum esse a maioribus, omnes pæne Italiæ Principes, summos etiam Reges necessitudine attingere; magna quidem hæc sunt, nec tibi communia cum multis, eiusmodi tamen, ut inter fortunæ munera referantur; quæ scis etiam ad tui dissimillimos peruenire: uitam autem sic instituere, ut omnia consilia, omnes actiones ratio moderetur; uirtutem in se ipso expetere, in aliis diligere, ac ornare; uelle inter homines eminere beneficentia potius, quàm potestate: hæc quia partim sequeris, partim adeptus iam es, iccirco te uere diuitem, qui æterna bona tibi compares, uere nobilem, qui nobilitatem a te ipso haurias, existimamus. Atque etiam illa ipsa, quæ dixi a fortuna pendere, quia cum uirtute coniungis, firmiora fiunt: quan-



quandoquidem neque tuas urbes , tu-  
amque ditionem mœnia potius , & ag-  
geres , & flumina , quàm populorum  
benevolentia tuebitur ; neque facilius  
ulla re , quàm recte factis , beneuolen-  
tia comparatur. Quæ sit autem eorum ,  
qui prope adsunt , qui te quotidie in-  
tuentur , ad te diligendum propensio ;  
nos , qui longinqui sumus , ex nostro  
in te singulari studio facile iudicamus .  
nam me quidem , iam aliquot abhinc  
annis , ea , quæ de te adolescentulo ,  
rerum laudabilium infinita cupiditas ,  
& magnarum indoles uirtutum , fere-  
batur , in tui amorem atque obseruan-  
tiam cœpit allicere : postea , tuis laudi-  
bus cum ætate auctis , incensus ita sum ,  
ut statuerim , tibi quidem primum ,  
deinde etiam aliis , aut meum in te ce-  
lebrando ingenium , aut certe uolun-  
tatem aliquando ostendere . Quare  
cum hæc iam increbuerit consuetudo ,  
ut , de quibus optime sentimus , iis di-  
cata esse , & eorum nomine insigniri  
nostra scripta cupiamus : mittendum  
putaui

putaui  
tasse  
episto  
quas e  
induxi  
etiam  
uisset a  
mis erg  
hi uide  
n aquu  
amplifi  
tillimis  
Tuo ue  
exiret , f  
te offenc  
me , no  
tione co  
erga te  
poneren  
petrare  
cer , cur  
dandum  
nulla pe  
tam , at  
minim



putaui ad te, dum aliquid interim for-  
tasse præstantius adornatur, uolumen  
epistolarum, & præfationum mearum.  
quas ego nequaquam edere animum  
induxissem, nisi me suadentis, atque  
etiam petentis Venetæ nobilitatis mo-  
uisset auctoritas. quibus enim pro sum-  
mis erga me meritis omnia debere mi-  
hi uideor; iis cur aliquid a me nega-  
ri æquum putem? cur non obsequar  
amplissimis uiris, non credam sapien-  
tissimis, non gratificer amicissimis?  
Tuo uero nomini liber inscriptus ut  
exiret, fecerunt illa superiora: quæ ne  
te offendant, (quandoquidem sunt a  
me, non ut gratiam tuam ficta lauda-  
tione colligerem, sed ut omnibus mei  
erga te studii causam uerissimam ex-  
ponerem, commemorata) cupio im-  
petrare a modestia tua, & debeo scili-  
cet, cum etiam in iis non tam ad lau-  
dandum, quàm ad cohortandum non  
nulla pertineant: & currentibus ad me  
tam, atque etiam appropinquantibus,  
minime molestas esse cohortantium  
uoces,

uoces, minime plaufum displicere con  
stat. Venetiis, M. D. LVIII.

E  
P

R A

Q

colucla  
fais nepo  
multis, q  
gnitumq  
notum  
per illu  
111. Po  
dignitate  
lefcens m  
& honon  
bor. cada  
virtutes  
qui hono  
ma defon  
sunt pra  
cum glori



EPISTOLARVM  
PAULI MANVTII  
LIBER PRIMVS.

RAINVTIO FARNESIO,  
CARDINALI CREATO,  
Romam.

VIA uirtus est ipsa per se amabilis ;  
 Q & quia nobilitati honor & obseruan-  
 tia debetur ; amari te iam inde a tua  
 pueritia, studio uirtutis incensum ; &  
 colui, clarissimo genere ortum, Pauli III. Ponti-  
 ficis nepotem . iam tum equidem uidi, prædixique  
 multis, qui futurius esses : & nunc, opinionem, au-  
 guriumq. de te meum exitu comprobante, utrique  
 nostrum gratulor, tibi, cui tribuuntur ea, quæ sem-  
 per illustria fuerunt, nunc eo magis, quòd a Paulo  
 III. Pontifice tribuuntur ; mihi, qui de tua futura  
 dignitate, fretus indole, moribus, ingenio tuo, ado-  
 lescens uere coniecerim . Cardinalis es . optabile ,  
 & honorificum : sed est in isto honore pondus, & la-  
 bor . cadunt in eam, quam nunc sustines, personæ  
 uirtutes omnes, atque ita cadunt, ut, si absint, is,  
 qui honor est, honor esse desinat, uel sit etiam sum-  
 ma deformitas . Curæ autem, & cogitationes illæ  
 sunt præclaræ, illæ, Rainuti, te dignæ, æternaque  
 cum gloria coniunctæ : pietatem præcipue colere ;  
 B excubare



excubare animo pro salute, ac dignitate Ecclesiæ; beneficentiam sine spe præmiorum exercere; nihil omnino facere, nihil cogitare, in quo statim decus non eluceat: nam, ubi paullo uidetur obscurius, ibi satis constat turpitudinem inesse. quæ profecto tibi in mentem uenire, atque ob oculos assidue uersari, cum in aui tui summam gloriam intueris, necesse est. et omnino datum hoc uestro generi diuinitus uidetur, uobis nascentibus heroum numerus ut augeatur, & quasi maius lumen de sublimi quadam specula errantibus honestis disciplinis uiam, et hospitium ostendat. ergo alter alteri exemplo estis ad bene agendum: uobiscum simul & oriuntur uirtutes, et cum ætate crescunt; donec uitæ munere perfectos educant ex hac rerum humanarum teterrima caligine, & in illa sempiterna luce collocatos cum illo bonis omnibus circumfluente caelestium animorum cœtu coniungant. Aut igitur mihi nullus tui cohortandi relictus est locus, aut hic tantum, ut uelis esse tui quam simillimus; quodq. tuo generi, tuo nomini, tibi met ipsi, tuisq. debes institutis, id cumulate persoluum existimes. Vnum exoptandum, ut qui tibi istam mentem cum auctoritate dedit, (dedit autem omnium auctor laudandarum rerum, & creator Deus) idem uelit utriusque rei si uetum esse maxime diuturnum, & æquare tuæ uitæ spatium cum ijs bonis, quæ in te summa contulit. profecto, tales gubernatores, tam peritos, tam vigilantes, Christiana religio si nunquam non haberet.



beret; nunquam illæ exorirentur dissidentium opinionum horribiles procellæ; quæ iactare multis ab hinc annis Petri nauem cæperunt, neque dum consistere patiuntur. quo quidem mihi libet ominari de te idem plane, quod cupio; futurum, ut optimis artibus, quàm diu uixeris, præsidio sis, & ornameto; uiuas autem, quàm diu uel temperantia duce, uel naturæ lege licet. Vale. Venetijs.

ALFONSO CARAFÆ,  
CARDINALI CREATO,  
Romam.

SOLENT esse, quæ minus expectantur, lætiora. nihil tamen ista, qua te auctum nuper accepimus, dignitate neque magis expectatum apud eos, qui tua studia, tuos ad uirtutem præclaros impetus nouerant, neque iucundius, aut lætitiæ maioris unquam fuit. nemo enim dubitat, quin eum, qui te nunc ornat, honorem ornaturus aliquando sis, eximia tua gloria bono publico coniuncta. quò te hortari res ipsa non patitur. nam si attendes diligenter, & considerare cum animo tuo, adhibita in consilium ratione, uolueris, primum illud, quis te Cardinalem creauit; deinde, quæ Cardinalis partes, quàm graues, & laboriosæ, quàm eadem honorificæ, ac splendide sint; postremo, quibus temporibus hæc tibi sit imposita persona, quàm alienis a uirtute, quàm turpi omnibus in locis omnium præ-

B 2 ne



PAULI MANVTII

ne scelerum labe fœdatis : profecto ipse te , nullo  
cuiusquam hortatu , a te ipso de tua laude monitus ,  
excitabis ad excellentem omnium artium honesta-  
rum cupiditatem : quæq. his artibus aduersantur ,  
abijcies , atque contemnes , neque solum eo uiro ,  
quem in posterum præstare debes , qualemq. te fo-  
re omnes auguramur , uerum indigna prorsus homi-  
ne iudicabis . Vixisti semper antea laudabiliter :  
fuit in puero pudor : est in adolescente probitas , est  
perfecta pene ratio , et expetendarum uitandarûq.  
rerum scientia . desiderari uidebatur , in quâ te osten-  
deres , occasio . delata diuinitus est omnium maxi-  
ma , singulari consilio summi Põtificis Pauli IIII .  
qui cum sit patruus parentis tui ; cum te ab ineunte  
ætate non mediocriter dilexerit ; cum omnes suos in  
credibili quadam complecti caritate consueuerit :  
tamen in te honestando alia quædam secutus est :  
dedit honorem non propinquitati , aut familiæ , sed  
tibi ipsi , qui familiæ nomen studes illustrare , et , quo  
modo principia se dant , studium comprobabit euen-  
tus . En habes Alfonse campum , in quo tua uirtus ,  
parta uigilijs , bene agendi consuetudine confirma-  
ta , excurrat . hac est illa , ad quam te exercebas ,  
quò tuæ spectabant curæ , tuo ingenio , tuis optimis  
cogitationibus , ac studijs dignissima prouincia . ostē-  
de , quæ tuæ sit non modo uoluntatis , uerum etiam  
industriæ præstantia ; & prome ex animo tuo illa  
præclara , quæ , ut antiquum gentis tuæ decus , ac  
domesticam præsentem uirtutem referres , a pueri-  
tia

tia co  
sentia  
bis ip  
mitur  
res ip  
allicit  
omnib  
mi tua  
na .  
isto , qu  
honori  
magis  
cum ip  
nunc qu  
tem , em  
situm ad  
nam . Q  
debes am  
ad te ip  
ipso ex  
erunt ad  
nim , me  
deo plura  
sumus .



tia collegisti. non est, mihi crede, labor ei, qui bene sentiat, bene facere. quod enim positum est in nobis ipsis, non aliunde pendet, non extrinsecus assumitur; in eo, quid obstat, quo minus uoluntatem res ipsa consequatur? Iam, ipsa uirtus inuitat, ipsa allicit, atque afficit sui studiosos omni uoluptate, omnibusque præmijs. nec dubito, quin excellens animi tui uis omnes difficultates, omnia superet humana. Quare gratulor equidem tibi tua causa, de isto, quò te extulit Pauli Pontificis diuina sapiëntia, honoris altissimo gradu: sed me mouet aliquanto magis publica res: quam tu, traditam tibi simul cum ista dignitate, atque commendatam, sæpe, ac nunc quidem maxime, talium uirorum ope indigentem, tueberis in omni uita; præsidiumque. erit in te situm aduersus iniustitiam impietatemque. firmissimum. Quæ si tibi magna uidentur, atque gloriosa; debes animum sic instituere, ac moderari, nihil ut ad te ipsum referas, nihil ipse tibi arroges, aut a te ipso expectes. manasse a Deo cuncta puta; qui perennis æternusque. bonorum omnium est fons. nos enim, ut nos, nihil sumus; aliquid autem, atque a deo plurimum, ut a Deo, & per Deum, esse possumus. Vale.



STEPHANO SAVLIO,  
Decentianum.

MAGNUM est hoc, Sauli clarissime, humanitatis, & amoris in me tui argumentum, quòd, cum in istis locis nunc sis, ubi multam diei partem cum singulari uiro, Cardinali Polo, grauissimis, sanctissimisque sermonibus traducas; non modo tamen de me cogites, quo ego uno contentus esse poteram, uerum etiam id ipsum mihi declarandum litteris existimes. at quibus litteris? scriptis mehercule, quod ad uerba attinet, elegantissime; quod ad sententias, prudentissime: ut ijs legendis non magis amarem amorem tuum, qui te ad scribendum impulerat, quàm eloquentiam suspicerem; qua effecerat, ut illa ipsa, quæ scriberes, cum ornatiore essent, amabilia quoque uiderentur. Quare cum tibi ago gratias, ut debeo, immortales, quòd ita animatus in me sis: tum uero etiam atque etiam te rogo, in quo me ambitio quædam mouet, ut id, quod facis, perpetuo facias. quanti enim putas ad meam laudem interesse, cum hoc percrebescit, me a Stephano Saulio diligi: cuius est familia perillustris: qui suæ ipsæ familiæ clarum lumen est: quem præclari illi uiri, eius consuetudine, & conuictu magnopere delectati, coluerunt, Flaminius, Bonamicus, Iulius Camillus, Longolius. Hæc ego, Sauli, cum aliquot abhinc annis cogitarem; semper quidem, ut a te dilige-

dilige  
fortas  
te non  
berali  
facult  
quod eg  
non ip  
aperiam  
esse uer  
quentia  
que hoc  
crius in  
Bembus  
mina per  
& scrip  
nunc in  
me scrip  
ego tuum  
non null  
scebam.  
se id, qu  
Rhambe  
præstant  
serat, pr  
paullo at  
gistrorum  
diebat, &  
quantum  
quæ iecerat



diligerer, optavi; ut uero etiam laudarer, optare fortasse potui, sperare, cum ipse me nossem, certe non debui. at tu in hac parte mecum sane perliberaliter egisti. scripsisti, in hac Romanæ linguæ facultate, non, mihi neminem præstare, sed id, quod ego cum legerem erubui, neminem esse, cui non ipse antecellam. equidem, ut, quod res est, aperiam, fateor a prima pueritia ita me in litteris esse uersatum, ut unam maxime spectarem eloquentiam, unam colerem, unam admirarer. atque hoc me studio satis mea sponte flagrantem, acrius inflammabant ij, qui tum homines uiuebant, Bembus, Sadoletus, Bonamicus; quorum nomina per orbem terrarum celebrari sermonibus, & scriptis, intelligebam. Polus hic noster, qui nunc in omni laude, omniq. uirtute tantus est, suis me scriptis capiebat, atque afficiebat maxime. ego tum, ut erat ætas mea, præter uerborum, & non nullarum sententiarum ornamenta nihil agnoscebam. pure, & eleganter scribere, putabam esse id, quod unum si assequerer, excellerem. sed Rhambertus meus, qui ex Gasparis Contareni, præstantissimi uiri, consuetudine prudentiam hauferat, præclara quædam notabat in Polo; meq. paullo ætate inferiorem, ex uulgata uenaliū magistrorum disciplina rudem, atque impositum, erudiebat, & conformabat exemplo. tum quidem, quantum proficerem, non me penitebat: & ex ijs, quæ ieceram, fundamentis aliquid eiusmodi, quæ-



le ego uellem, excitari aliquando posse uidebatur. sed in rebus humanis, quis est, cui nihil unquam secus accidat? cum in eloquentiæ studio multus essem, nec satis ualetudini parcerem, incidi in morbum: qui cum esset per se grauis, tum eo factus est periculosior, quod, usu mihi librorum à medicis interdicto, magna sane est animi mei affectio, atque ægritudo consecuta. post biennium denique ualetudine recuperata, cum prateriti temporis iacturam sarcire diligentia uellem, ad pristina studia redeuntem exceperunt domesticæ controuersiæ; quas neque sedare minimo negotio, neque negligere sine graui mearum fortunarum exitio licebat. his quoque me difficultatibus aliquando is, cui omnia debeo, eripuit Deus. Lucem iam, quasi diu per tenebras errassem, uidebar adspicere: et quamquam, multorum annorum amisso fructu, erat sane cur ingemiscerem, uitamq. mihi haud satis iucundam putarem; tamen, ocij spe recreatus, facile impetrabam a me ipso, ut ex animo meo superiorum molestiarum, atque incommodorum memoriam obliuione delearem. Vigebat item, ut antea, pristina illa cura: nec erat quidquam in meis consilijs antiquius, quàm ut abditas atque implicatas in mente cogitationes non modo aperire, atque explicare uerbis, uerum etiam exornare, quasiq. pigmentis & coloribus illustrare possem. res erat nec exigui temporis, & maximi laboris. tempus non, quantum rei magnitudo ferret, suppetebat;



bat; cum ex uetere patris instituto in hoc imprimen-  
dorum librorum munere, & restituendæ antiqui-  
tatis cura distinerer. laborem autem, uel si abun-  
darem tempore, perspecta ualetudinis meæ ratio  
recusabat. utrumque tamen cum uoluntas uince-  
ret; quotidieq. aliquot horas, occupationibus ere-  
ptas, stylo darem: ecce me nescio quis, homo cer-  
te satis a fortuna felix, præmijs commotum, &  
blanditijs captum, atque irretitum, Romam ab-  
duxit. ubi cum aliquot menses non in ijs, quæ sem-  
per amaueram, litterarum studijs, sed inani offi-  
ciorum genere consumpsissem; & is, quem secu-  
tus eram, mōtes aureos pollicitus uix minima præ-  
staret: collegi ipse me; neque solum studiorum meo-  
rum, quæ intermiseram potius, quàm dimiseram,  
uerum etiam rei familiaris, cui nisi cōsulerem, ipsa  
quoque iacere studia necesse erat; habendam mihi  
esse rationem duxi. quo consilio in patriam reuer-  
sus, retuli me omnino ad ueteres meas tum legen-  
di, tum scribendi exercitationes: sed tum in dome-  
stica re constituenda, tum in emendandis antiquo-  
rum libris districtus, postea uero etiam erudienda  
duodecim nobilium adolescentium Academia per  
triennium occupatus, quantulam habuerim exco-  
lendæ facultatem eloquentiæ, quantumq. in tan-  
tis temporum angustijs per eam, quam ingressus  
eram, latine scribendi uiam procedere potuerim,  
facile, ut opinor, est existimare. Nosti tu, Sauli,  
cuius acies ingenij etiam ea, quæ occultissima sunt,  
asse-



assequitur, primum, cuius prudentiæ sit, quale il-  
 lud est, quod in imitatione sit optimum, dijudica-  
 re; deinde cuius industriæ, quod optimum iudica-  
 uimus, id re ipsa consequi. quod utrumque cum sit  
 difficillimum; id quod, ut uides, ætate nostra opti-  
 morum scriptorum penuria declarat; cum tamen,  
 qui hoc in genere elaborent, plurimi sint: satis e-  
 quidem mirari non possum, cur tu me in epistola  
 tua summum feceris in eloquentia, dederisq. id,  
 quod ego si accipiam, mei sane dissimillimus, hoc  
 est impudens plane sim. nam, ut cetera, quæ di-  
 xi esse ad studium huiusce laudis necessaria, mihi  
 non defuerint; quæ utinam mediocria fuissent: tem-  
 poris quidem, ut paullo ante exposui, multo minus  
 habui, quàm rei magnitudo postulabat. fatum in  
 hoc singulare meum est, ut otio nunquam abun-  
 dem. abundem autem? utinam non semper indi-  
 gerem maxime. nunc ad occupationem etiam ac-  
 cessit sollicitudo: quam mihi ex immaturo Cardi-  
 nalis Maffei, diuini hominis, interitu exortam  
 utinam aliquando dies extinguat: ratio quidem hoc  
 non dum potuit. ille mea studia fouebat unus: ille  
 mihi otij spem dederat: & fecisset: quis enim ad  
 benignitatem propensior? ille me, ubi opus esset,  
 auctoritate ornabat, consilio monebat, re susten-  
 tabat. quid plura? in illo mihi erant omnia, &  
 cum illo mihi omnia perierunt. quare non tam mi-  
 hi cogitandum est, ut opus uniuersum de Romanis  
 antiquitatibus, quod tu dilaudas, illo auctore in-  
 stitu-



stitutum, possim absoluerē, quā ut partem aliquam, iam confectam, liceat perpolire. quod ipsum, si mihi nunc per meas occupationes liceret, hic tamen, qui me uexat, dolor certe non concederet. ac mehercule hæc ipsa, quæ tu nunc legis, irrigavi lacrymis, cum scriberem: nec putavi fore, cum tot curis distinerer, ut possem scribere: sed magna uis amoris est, magna obseruantia erga te meæ. ea fecit, ut hoc officium rebus omnibus anteferebam. Aduentus tui iam aliquam nobis expectationem amicorum sermo commouerat. eam tu quod litteris confirmes, ualde lætor. cupio enim tuam tum humanitatem, tum prudentiam, quarum altera tibi ab hominibus amorem, altera etiam honorem conciliat, in consuetudine & sermonibus regere. me autem, quod huius consilij præcipuam tibi ais esse causam, facile patior. Imhi hoc a te, uiro grauissimo, persuaderi; amoq. mirabiliter animum, atque amorem istum tuum: cui respondere officijs, ut si difficile est; perpetuo tamen studio, & singulari quodam obseruantia genere, ut spero, tibi satisfaciam. Vale.

E I D E M,  
Decentiano Genuam redeunti.

ET SI multarum rerum curis atque oneribus ita premor, optime Sauli; ut respirare uix possim: tamen, ut litteris tuis, amantissime scriptis, aliquid



PAULI MANVTII

aliquid respōderem, abieci omnia, et officium, quod tibi a me debetur, habui antiquissimum. Video te miro quodā ueteris eloquentiæ amore, ac studio teneri. significant hoc studia tua: declarāt scripta: sermones ubique non obscure testantur. nā tu rem pulcherrimam diligis: cuius me quoque forma cepit adolescentem: et de uoluntate illa, uel cupiditate potius, tantum abest, ut dies aliquid detraxerit, ut cū ætate simul amor creuerit. quare cum tibi ego tam multis in rebus cōcedam; patere, obsecro te, in hac me una riualem esse tuum, nec tibi uel tantillum omnino uelle concedere. sentimus enim idem, quod tu, nihil esse speciosius eloquētia, nihil præstantius: quam, ut ipse nosti, amarunt ætate nostra, atque appetiere quamplurimi; potiri autem, ut mihi quidem uidetur, adhuc nemo potuit. quis enim latinæ orationis laudem non magnopere diligēdam dixit? quis porro rationem, et quasi uiam, qua peruenire ad eam liceat, nobis indicauit? nam, qui se ita exercēt, ut ex ueterum scriptis et membra, et integrum quandoque comprehensionis corpus sua inscripta transferant; non equidē eos reprehendo; si quidem perfecti similitudinem quandam sequuntur; sed, quia perfectum ipsum non attingunt, in magna laude non posuerim. Obsecro te, Sauli, qui iudicio excellis, quid tibi de Christophoro Longolio uidetur? equidem, si quando, quid de scriptis illius existimem, interrogor, ita soleo respondere, exilem esse in sententijs, non luculentum in uerbis; ut tamen de

de eo,  
seam  
dem se  
tum, q  
diana  
terdum  
Quid t  
ingeni  
circum  
cit, qu  
eterni  
iactam  
cher, q  
tus, qu  
quod po  
care an  
cuso: ne  
factum  
lil agere  
pis, qu  
instrum  
cuplerat  
esser, ut  
quotidie  
ea, quæ  
iudicio ab  
longissime  
conuentu  
sentire a n



de eo, si uita contigisset usura diuturnior, bene cen-  
seam sperandum fuisse. sed, ut nunc est, mea qui-  
dem sententia, nullus est. quid enim affert exquisi-  
tum, quid singulare, non uulgatum, non ex quoti-  
diana consuetudine, usuq. sumptum? At scribit in-  
terdum et de rebus familiaribus, & ad familiares.  
Quid tum? quasi non uel in obscuro argumēto possit  
ingenij lumen elucere. Nam quod in eo uerborum  
circuitus sæpe a Cicerone totus est: si consulto fe-  
cit, quod inde laudem speraret, iudicium requiro.  
etenim, aliena quæ sunt, ad nos translata stulte  
iaetamus: ut neminem laudare solemus, quia pul-  
cher, quod accipitur a natura; at quia tempera-  
tus, quia iustus; quæ posita sunt in nobis ipsis. sin,  
quod potius existimo, inops a latina lingua expli-  
care animi sensa aliter non potuit: necessitatem ex-  
cuso: nec tamen, quod faciebat, diutius eum puto  
facturum fuisse. qui enim in illo ocio Patauino ni-  
hil ageret aliud, quàm ut se tum eloquentiæ co-  
pijs, quæ philosophiam ornant, tum earum artium  
instrumento, sine quibus muta silet eloquentia, lo-  
cupletaret; utriusque studio facultatis consecutus  
esset, ut, suis quasi opibus abundans, de alieno  
quotidie parcius assumeret. cuius autem generis  
ea, quæ moriens reliquit, scripta sunt; abesse eum  
iudico ab ea specie, quæ est in scribendo optima,  
longissime. qua de re cum aliquot abhinc annis in  
conuentu amicorum sermo esset ortus, memini dis-  
sentire a me amicum hominem, & eruditum: qui  
Cice-



PAULI MANVTII

Ciceronis in libris diu, multumq. uolutatus, tamen Longolium suspicit. aurea uidelicet cum assidue tractet, ærea non internoscit. itaque, paucis post illum sermonem diebus interiectis, cum epistolam ad me misisset, in qua ita scripsit, nihil sibi tam accidisse mirandum, quàm quod a me audisset, cum dicerem, mihi Longoliana scripta non admodum probari: nihil rescripsi, quòd homini quinquagenario insitam opinionem non speraui me posse euellere. & sunt omnino quædam res, quas ubi sensu & iudicio ipsi non percipimus, atque assequimur, nulla satis oratio probabit; ut cum Anaxagora, niuem atram iudicante, frustra de albedine disputares. Improbas igitur, inquires, si ab antiquitate scribentes mutuemur? Ego uero, si apte fiat, etiam summe probo. sed hoc ipsum, apte, quàm difficile sit, ex eo licet cogitare, quòd latinam linguam continet uniuersam: uniuersa enim sub imitationem cadit. imitandi autem ratio, quia et multiplex est, et admodum recondita: primum, de ea præcipere sigillatim, infinita doctrinæ est; deinde, quæ præcipiantur, cognoscere, & perfectè exsequi, non mediocris ingenij. cumq. id, quod enitet in oratione, aut in re uideatur esse, aut in uerbis: ego olim rem significatam simul cum uerbis significantibus sumebam; eaque meis scriptis cum inferuisssem, tum optimum illud, quod quæritur imitando, plane arbitrabar me esse consecutum. postea cæpit mihi meum consilium displicere:

re: co  
quàm  
tos po  
esse. T  
quam e  
gebant  
pias, a  
eas orn  
quasi ue  
alia tam  
borum  
lustrior  
interdum  
rabiles a  
imagines  
in hac e  
mature e  
arrepam  
dem, si  
non pug  
contend  
sentis esse  
quo min  
bes, qua  
ut animi  
nis pace d  
ingenio me  
dinem pr  
gloria præ



re: cogitavi, quoniam id esset memoriae magis, quam ingenij; quod ego efficerem, præstare multos posse; quod autem multi possent, egregium non esse. Tum iniuri rationem haud paullo difficiliorem, quam cum paucissimis mihi esse communem intelligebam. exquisitas sententias, de Cicerone excerptas, aut de Terentio, tacitus in animo uersabam. eas ornabam uerbis quam poteram lætissimis; ut, quasi uestitu orationis mutato, cum eadem essent, aliæ tamen uiderentur. Erat non dissimilis in uerborum figuris commentatio. si quas notaueram illustriores, ad alias sententias ita traducebam, ut interdum eandem locutionem in res prope innumerales accommodans, quasi ex una cera plures imagines, nec tamen eiusdem generis effingerem. in hac exercitatione quantum esset, utinam aut mature cognouissem, aut sero cognitum, auideq. arreptum uis occupationum non extorsisset. equidem, si quis me neget in scribendo quidquam esse, non pugnabo: sed, si quid sum, ab hac una esse contendam. Tibi gratulor Sauli, qui & uis, quod sentis esse præclarum; & quod uis, nihil impedit quo minus præstare possis. otij enim tantum habes, quantum styli exercitatio postulat. abundas, ut animi, sic fortunæ bonis: in quibus ipsis (Zenonis pace dixerim) non minima ad uirtutem uis est. ingenio uero ita flores, ut tuam maxime consuetudinem propterea expetierint ij, qui ipsi ingenij gloria præter ceteros excellere putabantur. atque  
utinam



utinam ea, quæ litteris mandasti de homine Christiano, aliquando emittas; ut opinionem ac sermones de te meos res ipsa confirmet. quod breui futurum facile spero. recipis enim te nunc in uillulas tuas, hoc est in summum otium: ubi cum nullam tibi horam a studijs uacuum abire patiaris; (sic enim & a multis antea cognoueram, & postea Coccius noster confirmauit) expolitionem intra paucos menses expectamus operum tuorum. qua de re ut interdum me Bruti nostri litteris certiolem fieri uelis, etiam atque etiam te rogo. Pontificis Legatus, Ludouicus Beccatellius, homo antiquæ probitatis, humanitate, ac doctrina præstans, post obitum Cardinalis Maffei ita me complexus est, ut omnem in meis commodis atque ornamentis curam & cogitationem fixisse uideatur. cui non tam a me gratiæ sunt habendæ, quod agit ipse quantum potest, ac plus etiam, quàm potest; quàm, quod alios etiam, magnos et principes uiros, ad me augendum, atque honestandum suo exemplo, atque auctoritate uehementer excitat. qui cum multi sint, tua tamen inter omnes elucet liberalitas; qui, re uix audita, amore in me tuo, studio erga litteras incitatus, tantum tua sponte ad hanc prouinciam conferre uelle pollicitus es, quantum ex animo meo nulla unquam delebit obliuio. Vale, tuamque ualetudinem cum tua, tum nostra etiam, qui a te pendemus, causâ diligenter cura.

Eidem.



## E I D E M, Genuam.

MAGNUM mihi solatiū attulit epistola tua: incunditatem, dicere non possum; quam tempora eripiunt, sic, ut me tristitiæ pæne totum tradiderim. Ac primum, obijisse audio fratrem meum Bononiæ, cum ualeret optime, repentino morbo oppressum. fratrem cum dico, me alterum iure naturæ dico. uerum addo illud. obierit, si uera narrantur, frater is, qui bonitate præstabat, ualebat ingenio, excellēbat industria, factus ad omnia maxime omnium uidebatur. itaque obruor dolore: nec, puto, emergam, nisi aut, illi melius esse, cognouero, aut, si naturæ satisfecit, opem tulerit ipsa dies; quæ ualet ad omnia plurimum, animi uero morbis plus etiam interdum, quàm ratio, medetur. Ad hanc ægritudinem accedunt domestica, meaq. propria. uxor, cuius præcipue studio res familiaris, ac domus tota nititur, quæ me multis molestijs, multarumque rerum & curarum onere leuabat, quæ meam ualitudinem præsentis semper officio tuebatur, ipsa nunc iacet, periculi non expers, affectis diuturno morbo uiribus. ego uxor acerbissime annuersarijs oculorum doloribus: quos sanare, cum iam pæne tentata sint omnia, humanæ artis esse non puto. remedia sunt ab uno illo, qui malis cunctis medetur, cælesti medico expetenda. is mihi optimam, ut spero, ualitudinem aliquando restituet: si hoc minus, mu-

C      niet

Eidem.



niet me saltem ea uirtute, qua res aduersæ facile  
 perferuntur. ita salus ex morbo nascetur, non hæc,  
 qua corpus uiget, quam ego adhuc omni remedio-  
 rum genere frustra quæsiui, quæ cum ipso corpore  
 paucorum annorum spatio terminabitur, sed illa  
 multo præstantior, qua nostræ mentes, cum sese ab  
 hac terrestri labe seiunxerint, & cum purissimo illo  
 celestium animorum cœtu consociauerint, perpe-  
 tuo fruuntur. interim, tot in me concurrentibus ma-  
 lis, ægre impetum sustineo, planeque, quoniam ho-  
 mo sum, debitor aduersis. Hic tu me uocas ad scri-  
 bendum; et hortaris, ut ea tradam litteris, quæ as-  
 siduo latinæ linguæ usu, et diuturna tibi uideor ex-  
 ercitatione consecutus. uis me scilicet, optime Sau-  
 li, eam uiam, quæ ad eloquentiam ducit, aperire.  
 spissum opus, ac difficile, multi otij, tranquillæ men-  
 tis, non nostræ fortuna, cuius tibi imaginem osten-  
 di, neque nostrorum neruorum, quos tu putas esse  
 satis firmos; ego, quàm sint imbecilli, experior sæ-  
 pe, ac sentio. At erunt præclari conatus, etiam si  
 non succedat. Si ita est, hac laude nemo excluditur.  
 potest aggredi, qui uult. uelle autem quis non de-  
 bet? siquidem egregia cupientem aliqua uel ex  
 hoc ipso gloria consequetur. te, si quenquam, Sauli  
 doctissime, te, inquam, ipsum decet maxime om-  
 nium id suscipere, quod mihi imponis. quæ enim  
 sunt ad hoc munus necessaria, quorum alijs alia de-  
 sunt, ea in te uno abundant omnia, ingenium, usus  
 diuturnus, doctrina, iudicium. quid? opes, & for-  
 tuna



una nunquid huc pertinent? illa uero, mea sententia, uel maxime. cursum enim ingeniorum retardat, uires debilitat, ac frangit inopia. an tu putas Aristotelem, & Platonem, illa Græciæ lumina, an Ciceronem nostrum, an Plinium tam multa potuisse litteris mandare, nisi summum illis otium rerum omnium affluentia peperisset? domi alebant seruos eruditos: contubernales habebant, eximijs præmijs accersitos ex ultimis terris, rhetores, historicos, præstantis ingenij, singularis doctrinæ philosophos. cum his se quotidie exercebant, commentabantur, disputabant: horum omnium opera, quatenus liberet, utebantur. at ego sumptum unius pueri, minima mercede conducti, quo inscribendo utor, ægre sustineo. Et in his angustijs, in hac mea tam tenui uoletudine, tam aduersa fortuna, quia rudes homines, ueteris eloquentiæ cupidos, meis scriptis non erudio, nec in rectam latine scribendi uiam induco, appellas me, quasi malum debitorem, atque etiam accusas, uerbis tu quidem humanissimis, & alieno, ut uideris, nomine, re tamen ipsa grauitate, & ut ego interpretor, tuo iudicio: quod uereor in primis, facioque, sicuti debeo, plurimi. ueruntamen uidere te puto, quam facultatem res desideret. quid autem præstari a me possit, nemo omnium, qui uiuunt, me ipso melius intelligit. quare noli mihi languorem, aut desidiæ obijcere: quæ abesse procul a me, qui antea mea uita cursum inspiciet, atque examinabit, facile cognoscet. satis



PAULI MANVTII

habeas, si nemo istam culpam in te conferat. qui cum ingenio præstes; ætatem omnem in latina lingua contriueris: ex quo factum est, ut eam perfecte calleas: id quod tuorum scriptorum subtilitas, & elegantia declarat: cum ualetudinem non desideres; otio pæne diffluas: addo etiam illud: cum optime tibi cum fortuna conueniat: quæ tibi de suis bonis tantum elargita est, ut erogare quantamuis pecuniam in homines doctos, eorumq. studia nullo tuo incommodo possis: hæc cum ita sint omnia, eaque, ut ego arbitror, summa, non minima quidem certe; abstines tamen ab hoc munere, & hortaris alios, nulla tibi re, præterquam uoluntate, & studio, conferendos. quis non miretur sitire fontes? sitiunt enim certe, cum tu petis a me tanquam ex arido solo, quod in te ipso uberrimum esse constat; & cum ad nostram potius inopiam confugere, quam tuis copijs uti uis. Hoc loco mihi uenit in mentem, tuam quoque causam, non modo meam, meditati, quod tu fortasse respondeas. Distingues illa superiora: negabis in te uno esse omnia, quæ dixi esse de latina lingua scribentibus necessaria. de fortuna concedes: patet enim: etiam, opinor, de ualetudine, de otio: ingenij laudem, & doctrinæ, quæ tua modestia est, abs te reijcies, fortasse etiam, quæ tui est in me animi propensio, quæ humanitas, ad me transferes. Nolim equidem tecum, Sauli, ne in tua quidem laude, contendere: uerum, quod tu mihi de te ipso non credes, credent alij, uerumq. fatebuntur, ad-

ducti



ducti in hanc sententiam, ac plane confirmati, non tam auctoritate mea, quam tamen in his praesertim elegantioribus litteris, in quibus iam tot annos uersor, non esse nullam intelligo, quam tuo ipsius testimonio, quod habet ponderis apud bonos ac sapientes uiros in omni re plurimum. te, inquam, ipso te ste locuplete, cui fides habenda uideatur, probabo tuam uirtutem. Oblitus ne es, aut oblitum me putas illius temporis, cum tu librum tuum de homine Christiano mihi ostendisti? bone Deus, quam in illo multa praeciosa, cuius industriae, cuius prudentiae, quam a te grauer, quam copiose, quam splendide tractata. neque uero ego unus illum librum, uidere alij, uidit, qui uir, & quantus, Reginaldus Polus Cardinalis, qui potest esse instar omnium, quem tu profecto iudicem in re tua nunquam recusabis. hunc ego audiri, audire alij, de tuo interdum libro loquentem. ornabat laudibus. ( & est homo, ut scis, natura simplex, rectus, cuius ab intimo sensu nunquam ne minimum quidem aut uultus, aut oratio discrepet ) quid plura? conferendum cum antiquitate indicabat. Quamobrem redeo illuc, & concludo paucis. Magni facis eloquentiam: cupis eam cognosci, cupis amari, et coli. egregia cupiditas, et nobili sane uiro digna: uerum, ut tibi satisfacias, et inuenias exitum studij tui, elige de duobus utrum uis. aut ipse, qui potes, ostende nobis Latinae linguae pulchritudinem, ac praestantiam; doce nos, doce posteros, quae sit eius adipiscenda, &



perfrundæ ratio ineunda : aut , si quos existimas  
 hoc præstare posse, excita eos liberalitate, fove tuis  
 copijs : noli pati, animum eorum hac & illa cura di-  
 strahi : sit intentus, & fixus hoc uno in studio ; ne-  
 que abducat eum ab opere pulcherrimo, ac nobilif-  
 simo humillimæ interdum rei turpis, et sordida pro-  
 curatio . ita consequeris facile, quod uis ; optimisq̃.  
 studijs et posteritati magna tua cum laude consules.  
 Illa, quæ scribis de leguleijs quibusdam in meum li-  
 brum de Romanis legibus, detrahendi studio, in-  
 currentibus, legi nullo cum stomacho : nec sum mi-  
 ratus, a barbaris hominibus, sordido quodam lit-  
 terarũ genere assuetis, elegantioris doctrinæ scien-  
 tiam, & quasi lauitiam quandam studiorum con-  
 temni . Non placet istis meus liber : magnis uideli-  
 cet uiris, quorum fama ædium illarum, in quibus  
 ipsi habitant, limina non dum est egressa. at placet  
 Vincentio Portulacæ, cuius est in urbe Brixia insi-  
 gnis auctoritas, illustre per Italiam nomen ; placet  
 Antonio Augustino, Marco Antonio Nattæ, Læ-  
 lio Taurello, Vido Pancirolo, iuris utriusque scien-  
 tia claris ; quorum nomina, scriptis egregijs testa-  
 ta uirtus, atque expressa, cum æternitate cõiunget.  
 hos ego meorum laborum, & uigiliarum laudato-  
 res cum audio, uiros graues, & certos, omniumq̃.  
 nobilissimos ; uoculas raucae plebeculæ contemno ;  
 quidq̃. leues, & obscuri homines de me sentiant,  
 aut loquantur, non esse mihi ualde laborandum exi-  
 stimo . te quoque sperabam in meis præsijs esse,  
 &



*Et, si qui urgerent grauius, obsistere, impetumq. inuidia, & maleuolentiae tua auctoritate, ac testimonio frangi. quod si facis; fructum fero meae singularis in te obseruantiae, & habeo tibi, quam debeo, gratiam: sin minus; hoc tamen nomine tibi debeo, quod meos obrectatores flocci facis, usque eò, ut indignos, quibus respondeatur, existimes.*

*Vale. Venetijs.*

## VIDEO FABRO,

*Patauium.*

*NESCIO, utrum fortunae succenseam, cuius culpa factum sit, ut ego tuas litteras duobus fere mensibus post eum diem, quo tu scripseras, acceperim; an eidem gratias habeam, quod mihi, arcu lam quandam scriptorum meorum euoluenti, planeq. aliud agenti, deimproviso illas obtulerit. gratias habebo potius; quod eodem tempore simul cū iniuria beneficium accepi; & iniuriae beneficium praeferrī, æquum est. sed quoniam uereor, ne tarditatem in scribendo meam durius acceperis; hunc tibi mihi scrupulum, Vide, si ex animo euelleres, faceres humane, nec tamen inique: cum hoc ipsum, quod commissum a me est, primum ex aliena culpa pendeat, deinde nunc quidem etiam corrigatur. Venio ad tuas litteras: quibus mihi gratius nihil potuit accidere: dicerem incundius, nisi clausula illa de Bunello meo plane omnem incunditatem eri-*

*C 4 peret.*



peret . nam sic fac existimes , ex illius uiri interitu  
 tantum me cepisse dolorem , quantum dies exhauri  
 re nulla poterit . Vixerat mecum Venetijs per qua  
 driennium : cum ego in illo probitatem morum ,  
 uirtutemq̃ . diligerem ; ille in me propensionem , cre  
 do , quandam ad litteras non improbare . interces  
 sere etiam inter nos officia quædam , sed a me leuia ,  
 nec satis digna , quæ memoria tenerentur : quæ ta  
 men ille , ut erat gratus , non meminisse solum , sed  
 prædicare etiam solebat . ego ab illo maximum ha  
 bebam beneficium , quòd me , cum Philelphis , &  
 Campanis nescio quibus ( ut alijs parcam ) mise  
 re errantem , in hanc recte scribendi uiam primus  
 induxerat . Videbatur quibusdam natura seuerior ;  
 sed erat lenissimus erga sui similes , hoc est erga bo  
 nos uiros ; ubi uitium nosset , censor acerrimus . Di  
 stinguere homines non fortuna , sed moribus sole  
 bat . Loqui ad uoluntatem neque ipse poterat , ne  
 que ferre qui ad istam artem eruditus esset : totus  
 erat apertus , & simplex . Satis scio fuisse , qui il  
 lum deprauatæ religionis nomine in crimen uocaue  
 rint . quorum uitam si cum Bunelli uita compara  
 res , Socratem diceres iniquorum conspiratione cir  
 cumuentum . coluit omnes uirtutes & philosopho  
 dignas , et homine Christiano , sed continentiam præ  
 ter ceteras . hac uero ille triumphauit maxime , et  
 triumphauit adolescens , cum ceteros uoluptas ca  
 pit . quo mirandum est minus , si tantus postea uir  
 ex tanto adolescente factus est . nam extremam ui  
 tæ

te par  
 perfe  
 nam .  
 Bunelli  
 litate  
 non sma  
 bi amia  
 ego sum  
 interit  
 le : nec  
 mas mo  
 etiam p  
 tior uti  
 lios hanc  
 referen  
 dos , ate  
 ualere n  
 magnific  
 bus pare  
 etiam d  
 nobiliss  
 sed etiam  
 caput est  
 tamen ,  
 eamini  
 obsecro  
 tibi , qu  
 isto me  
 habent y



ta partem, quam, ut in fabula actum, decet esse  
perfectissimam, heroicam audio fuisse, et plane diui  
nam. Quare incumbamus, o Vide, et hanc operam  
Bunello nostro nauemus, ut illius nomen, immorta  
litate dignissimum, extingui mortali cum corpore  
non sinamus. quod equidem enitar; & hominis mi  
hi amicissimi, summi uiri, memoriam ( si modo is  
ego sum, qui tantum præstare possim ) profecto ab  
interitu uindicabo. uideo te in tuis litteris idem uel  
le: nec dubito, quin possis. nam & Bunellum a-  
mas mortuum: & uales plurimum ingenio; quod  
etiam pietas excitabit. cuius officij societas eo gra-  
tior utrique nostrum esse debet; quod cum apud a-  
lios laudabilis maxime erit, illustri exemplo gratiæ  
referendæ; tū ad animos nostros amore coniungen-  
dos, æternaq. necessitudine conglutinandos, plus  
ualere nihil potest. Reliqua erant in epistola tua  
magnifica quedam, & eleganter scripta de laudi-  
bus parentis mei; quæ uerissima fateor; quedam  
etiam de me ipso, quæ non agnosco. nam etsi tibi,  
nobilissimo adolescenti, multis non solum fortunæ,  
sed etiam naturæ, doctrinæq. bonis ornato, et, quod  
caput est, uirtutis amanti, placere maxime uelim:  
tamen, quia nemo adhuc a me hoc impetrauit, ut  
ea mihi adsciscerem, quæ mea non essent, patere,  
obsecro te, de me ipso mihi potius me credere, quàm  
tibi. quod si, cupidum esse laudis, laudem esse uis:  
istò me licet nomine non contemnas: quod ea, quæ  
habent ij, qui laudabiles ducuntur, ego, eadem ut  
ha-



PAULI MANVTII

haberem, semper laboravi. sed scis, uelle, & perficere, non idem esse. alterum contingit multis, al-  
terum duntaxat ijs, quos Dij diligere putantur. quorum ego te in numero, optime Vide, præstanti natura præditum, Bunelli præceptis informatum, confido facile futurum. Vale. Venetijs.

MARCELLO CERVINO,  
CARDINALI,  
Romam.

POSTEA quàm Roma discessi, etsi tum mea uetus in te obseruantia, tum tua in me perpetua beneuolentia postulare uidebatur, ut ad te quàm sapissime scriberem: tamen id non feci: propterea quòd omne otium, atque omnem etiam mentis tranquillitatē molestæ in primis ademerunt occupationes: quarum me, cum primum huc reuerti, tantus æstus absorbuit, ut longo interuallo uix emerferim. nam primum domesticas res ita male affectas offendi, ut, eas seruare, multi temporis, non exigui laboris, etiam alicuius artis esset. deinde, cum illa, quam scis in meis epistolis nutu tantum appellari, inimica natio uirtutis, ac diligentiae, quæ etiam patri meo, uiro optimo, ( & adde, si quid uis ) negotium exhibuit, ad me uexandum, atque opprimendum conspirasset: durius habui negotium, ut meas fortunas in tuto collocarem. sed me, qui antea præsto mihi semper affuit laboranti, idem in hoc potissimum



simum discrimine egentem opis & consilij, nec me  
diocriter de toto rerum mearum statu sollicitum, re  
spexit, ac liberavit Deus. itaque omni plane mole-  
stia perfunctus esse mihi uideor. quid quæris? ali-  
qua etiam officij specie ab iisdem observamur: ac se  
satis apte simulationis, ut opinor, artificio tuentur.  
accipere tamen quod datur, quocunque animo de-  
tur, inscitia non est: nec hodierni mores, & ratio  
temporū secus postulat. Cetera sunt in meis rebus  
nō plane cuiusmodi nos optabamus, sed cuiusmodi  
tamen multi non sperarunt: quibus hæc, quæ nunc  
agimus, amplissima uidentur esse, cum nos præ ijs,  
quæ, nisi quis casus nostris consilijs occurrerit, age-  
re aliquando cogitamus, tenuissima iudicemus. quā  
quidem ad rem quod tu omnia, quæ in te sunt, libe-  
ralissime polliceris; quodque Alexandrum etiam  
Farnesium, præstantem omni uirtute Cardinalem,  
in eandem rationem propensum esse affirmas: equi-  
dem de te sic existimo; & multas esse res, in qui-  
bus iuuari a te pro tua summa tum dignitate, tum  
etiam fortuna possim; et in ijs rebus nunquam om-  
nino mihi tuam esse humanitatem defuturam: Far-  
nesium autem, diuinum adolescentem, natum ad li-  
beralitatem, et ad gloriam, non miror eo esse erga uir-  
tutem, animo, quo quia semper fuit auus eius, ic-  
circo ad eum gradū, qui est in terris summus, et au-  
gustissimus, Dijs hominibusque uolentibus adscēdit.  
ac sane ille cum domestico exemplo, tum multo e-  
tiam magis, egregia ipsius natura ad immortalita-  
tis



tis laudem excitatus, sæpe alias, quanti bonas artes  
 faceret, ostendit, sed proxime uel in primis, cum  
 Hieronymum Ferrarium, iuuenem rarissimæ uir-  
 tutis, sanèquam pro eius meritis ornat, atque  
 auxit. in quo, cum apud unum posuisse beneficium  
 uideatur, a multis tamen gratiam iniuit. nam cum  
 uos, tales uiri, patrociniū litterarum suscipitis:  
 quicunque bonis artibus delectantur, animo recrea-  
 to, ueniunt in spem aliquando fore, ut, post diutur-  
 nos labores, & molestiarum quasi tempestates, in  
 quietis et otij portum, uobis adspirantibus, deferan-  
 tur. quos si in cursu studiorum instituto uestre be-  
 nignitatis aura deficiat; hærebunt, neque iam po-  
 terunt, quò intendebant, sine ope auxilioq. uestro  
 peruenire. uerum huiusmodi dubitationem uestra  
 iam consuetudo sustulit. magna enim optimæ uo-  
 luntatis documenta sæpissime dedistis, maiora etiā  
 dare cogitatis; cum quidem, ut Antonius Bladus  
 ad me detulit, pulcherrimam rem, & uobis dignis-  
 simam aggressi, omnes libros græce scriptos, qui  
 nunc conditi asseruantur in bibliotheca Palatina,  
 prælo subijcere cogitetis; ut, multiplicatis exem-  
 plaribus, per orbem terrarum, in usum omnium gē-  
 tium, omniumq. sæculorum, diuulgentur. cui se mu-  
 neri Bladus a te esse præpositum aiebat: itaque ue-  
 nisse ad nos, ut & eos typos, quibus atramento illi-  
 tis charta imprimatur, conflandos curaret, & si  
 qua præterea sunt ad opus necessaria, maturaret.  
 sane sum latatus plurimum; hominemq. sua spon-  
 te

te dilige  
 in ea re  
 uero ad  
 ne parca  
 teretur.  
 sum, ubi  
 dilige: &  
 ponatur  
 complex  
 te fratre  
 fictio coho  
 tam se,  
 mea, pa  
 cum m  
 modo m  
 quod ta,  
 teris adhe  
 fectus, in  
 tamen hoc  
 esse patem  
 demus, &  
 atatis cum  
 consistere

BER

V B I T



te diligentissimum tamen cohortari non desino, ut in ea re, quæ ad commodum studiosorum, maxime uero ad tuam, ut ego sentio, gloriam spectat, operæ ne parcat: eiq. dixi, ut ad omnia me et fratribus ueretur. neque minus prolixè, quæ uerbis pollicitus sum, ubi ille petierit, re præstabo. nam et hominem diligo: & uero tua uoluntas maximi est apud me ponderis. In Romulo quidem tuo, quem initio sum complexus ut fratrem tuum, deinde amare cœpi ut te fratre dignum, nihil prætermitto, quod aut in officio cohortandi, aut etiam in studio iuandi positum sit. sed ille, cui notissimæ sunt occupationes meæ, pudore, credo, facit, ut rarius ad me scribat: cum mihi, uel in maximis negotijs ei uacare, non modo non molestum, sed etiam gratissimum sit. quod tu, si uidebitur, ad illum scribes: simulq. literis admonebis, ut, quo consilio Patavium est profectus, id studio & diligentia consequatur. neque tamen hoc dico, quod eum, adhuc quidem, lapsum esse putem; de quo etiam ea, quæ uolumus, & uidemus, & audimus; sed quod, infirmitatem eius ætatis cum recorder, interdum uereor, ut possit consistere. Vale. Venetijs.

BERNARDINO MAFFEO,

EPISCOPO CREATO,

Romam.

VBI te audiui Episcopum esse creatum, letatus



PAULI MANVTII

tus sum non tam ob ipsam rem, quæ sane est perbo-  
norifica; propterea quòd Episcopatus & sacerdo-  
tium est, & maximum sacerdotium; quàm quia,  
de te ipso cogitans, intelligebam te eum esse, cui ad  
istam honestandam dignitatem summa facultas in  
optima uoluntate non deesset. Tibi erunt, quæ mul-  
tis solent esse laboriosa, uirtus, et uigilantia, ex tua  
ueteri consuetudine facillima. non enim honorem  
quasi legē bonitatis, ad quam te fingeres, accepisti;  
sed ad honorem bonus accessisti, multis antea, ma-  
gnisq. rebus Paulo III probatus: cui Pontifici?  
omnium sapientissimo, & optimo; qui & ipse Deo  
probatus est, & non probat nisi sui similes. Gratu-  
lor igitur tibi, non ut gratulantur ij, qui fere, qui-  
bus fructibus auctus sis, unum cogitant, cetera ma-  
gnopere non spectant; sed ut ij, quibus dignitas, et  
religio prima sunt: quæ tu coles maxime, & eris in  
Christi militia antesignanus. Grauem sane per-  
sonam Episcopi sustinetis. uestrum est, errantes a-  
nimos in uiam reducere. et reducit uos quidem  
præceptis diuinæ doctrinæ tradendis: sed magna  
uis est in exemplo, cum ea, quæ traditis, ipsi uita,  
& moribus exprimitis. quod tu præstabis utrun-  
que omnium maxime: qui et habes non doctrinam  
modo, uerum etiam eloquentiam, quarum altera  
imperitos crudias, altera languentes excites; &  
uiuis, ut homo, satis extra culpam. quod memini  
me multis abhinc annis in tua prima adolescentia  
miratum; cum ea in te laudarem, quæ tamen imi-  
tari

tari non  
te singu-  
& quæ  
confirma-  
bitem qu-  
eternus?  
dia, tu se-  
dubitare  
non eo so-  
pus es, in-  
scis esse co-  
cum ista  
quia uides  
qui potes  
referte ad  
lud quidem  
pri erga te  
multo, qua  
Vale.

GA

EPIS  
scriptam de  
xi. kal. Se-  
nonarum O-  
buit fere nu-  
cetera iucun-



tari non poteram. quod fecisti adolescens, cum tua te singularis, optimaq. natura ad decus inuitaret, & quasi manu prehensum duceret; nunc, etate confirmata, cum ad uoluntatem accesserit ratio, dubitem quin idem multo sis alacrius constantiusq. facturus? dubitet qui te ignorat: mihi, cui tua studia, tui sensus ex nostra familiaritate notissimi sunt, dubitare non licet. Quare, ut ad prima redeam, non eo solum nomine tibi gratulor, quod Episcopus es, in summa dignitate constitutus; quod tibi scis esse commune cum multis; sed quod is es, qui cum ista dignitate uirtutem aequare possis. quod quia uides quam non multi potuerint, eo magis tu, qui potes, hoc ipsum, quod potes, acceptum Deo referre debes, tantumq. munus in te collatum, illud quidem plurimi facere, sed, quoniam est proprium erga te amoris argumentum, muneris causam multo, quam ipsum munus, pluris aestimare. Vale. Venetijs.

GABRIELI CATIANO,  
Brixiam.

EPISTOLAS a te habeo duas, utranque scriptam elegantissime, sed illam plenior, quam XI. kal. Sept. dederas: nam hac recentior, cui nonarum Oct. dies erat adscripta, argumentum habuit fere nullum. uenio igitur ad priorem: in qua cetera iucundissima, illud permolestum, quod te minus



minus commode significas ualere: scribis enim, ualde te ob aduersam ualetudinem uereri, ne non illud, quod instituisti, absoluere, ac perpolire tibi liceat. Mi Catiane, excita prudentiam tuam; et occurre morbi principiis; ne ille, grauior deinde factus, & te, & amicos tuos, qui, te agrotante, ualere non possunt, diutius uexet. Hoc loco mihi ueniunt in mentem, quæ tu me olim, minus recte cū haberem, prudentissime, & amantissime monuisti. illa, illa ipse tibi nunc in memoriam redige; et, quæ tuæ tunc partes erant, eas nunc fac esse meas. Tu mihi non ex Hippocrate, aut Galeno, sed ex ueterum philosophorum libris ea remedia, quibus ad salutem meam præstantius esse nihil potuit, attulisti: ego nunc idem in te facio, tuamq. tibi medicinam restituo. uis, quæ meum morbum, te medente, sanarunt, ea tuo ipse in morbo prætermittere? non uis, opinor. non enim id te dignum est: qui ea sæpe legisti, unde homines alijs cauere cum discant, sibi eos non cauere turpe est. quare adhibe eam, quam ad omnes res soles, ad te curandum diligentiam: & quod oneris suscepisse te scribis, id si grauius uidetur, quàm ut perferre possis, depone prius, quàm opprimare. magnum est, quod moliris, & magni non solum ingenij, quo tu non eges, sed etiam otij: quo nisi abundas, quo modo te speras ea, quæ in iure civili dispersa sunt, quæ scis esse minime pauca, primum posse cogere, deinde coacta ita disponere, ut ex certis generibus totum ius civile

le cog  
quis e  
aut on  
na tua  
runt, u  
ratio,  
multi t  
tem qua  
modi est  
duarum  
Elus, ut  
obrem,  
di parte  
enim pla  
uides: id  
magnope  
gem, uale  
nias, qua  
tanta cur  
tua salu  
bro, uale  
cur mita  
gent. Q  
instituta,  
sunt ut uol  
soleo, hoc e  
nostris fru  
dem hac no  
tatem, illa



le cognoscatur? atque ego tamen sic existimo: si quis est, qui hoc præstare possit, aut eum te esse, aut omnino neminem: sed, quoniam res & fortunæ tuæ, quemadmodum tu quidem affirmas, ita ferunt, ut in forum tibi necessario sit eundum; quæ ratio, si modo & tibi, & populo placere uelis, multi temporis exercitationem desiderat; hæc autem quæ a te est iuris civilis instituta digestio, eiusmodi est, ut nihil operosius existimetur: uereor, ne, duarum rerum difficillimarum tractatione distractus, utranque dum uis, neutram assequare. quâobrem, quid suscipias, tui consilij est: ego monendi partes, quæ sunt prudentiæ, non assumo: neque enim plus ulla in re me existimo uidere, quàm tu uides: id, quod est beneuolentiæ meæ, faciam, ut magnopere te non solum horter, uerum etiam rogem, ualetudini tuæ minus, quàm gloriæ, ne seruias. quæ quidem nobis, qui te summe diligimus, tantæ curæ est, ut plurimas nostræ salutis partes in tua salute positas existimemus. De Alciati libro, ualde te amo: sed, eum, hoc quidem tempore, cur mittas, non est. sunt quædam, quæ magis urgent. Quæ scis a nobis anno proximo superiore instituta, iam pæne absoluimus. Domestica fere sunt ut uolumus. fratres ualent optime, ego sicut soleo, hoc est, etsi non optime, sic tamen, ut studijs nostris frui liceat. quod si perpetuo detur; equidem hac mea tenuitate contentus ero; illam firmitatem, illa athletarum latera nō appeto: neque mi

D

hi



hi unquam de natura queri ueniet in mentem, quæ  
 me corpusculo finxerit imbecillo: gratias agam po-  
 tius, quòd effecerit, ut omnibus pæne horis, aduer-  
 sæ uoletudinis metu, spectanda mihi ratio sit, &  
 continentiam, quæ uirtus est, aut certe ad uirtutem  
 ducit, cogar amplecti. Amamur a multis: si mo-  
 do ex uultu, & uerbis amor agnoscitur: colimur  
 etiam a non nullis; qui, falsa de nobis opinione ad-  
 ducti, nostram consuetudinem, quasi docti homi-  
 nis, uidentur expetere. quibus ego si me patefe-  
 cero, facile hunc errorem eripiam. &, puto, fa-  
 ciam; ne totos dies saluatoribus tribuam. Vale.  
 Venetijs.

FRANCISCO LVISINO,  
 Patauium.

SI NESCIS, Luifine, quantum ego amo-  
 ri nostro tribuam; cognosce ex hoc, quòd & supe-  
 rioribus mensibus licere mihi per eum putavi ad  
 tuas litteras, humanissime scriptas, nihil responde-  
 re; & nunc, eodem fretus, etiam male respondeo.  
 Non est hoc, inquis, officium colere. Quasi iam  
 probaueris, quia non coluerim, ideo me turpem es-  
 se. non placet ita duris legibus amicitiam adstrin-  
 gi, ut nunquam relaxentur. summam diligentiam  
 maximis in rebus si ab amico requiris, iure facis:  
 sed si etiam in minimis, non æquus es. est enim pro-  
 fecto quædam suauitas in negligentia: quam qui ex  
 amicitia



amicitia tollit, horridior est, quàm ut urbani mores  
ferre possint. quare, si amabilis esse uis, (quanquã  
quis te uno amabilior est?) ueruntamen, si id tibi  
propositum est, ut omnibus in rebus æque amabi-  
lis, æque iucundus sis: permitte mihi, ut liceat ali-  
quando tecum esse negligenti. Nam, quod ad tu-  
as litteras attinet, ita iudico, scriptas esse non so-  
lum eleganter, in quo tamen non minima laus est,  
sed etiam sapienter; quod quia solet ab ætate tua  
longius abesse, non solum laude, sed etiam admira-  
tione dignum est. uitium hoc in plerisque adolescen-  
tibus, atque etiam in robustioribus quibusdam fa-  
ma celebratis animaduerto, ut inania colligant, &  
eloquentiam non, ut ueteres illi, in sententijs, &  
uerbis a communi consuetudine alienis, sed in qui-  
busdam uulgaribus, ac pæne puerilibus ineptijs con-  
stituant. Quocirca non ego te, Luifine, hortabor,  
ut ex ista imperite scribentium turba te eximas: sed  
gratulabor potius, quòd ita effecisti, ut hortationi  
locum non reliqueris. hoc cum adolescens adhuc, et  
pæne imberbis, non dum ea prudentia, quæ extrin-  
secus assumitur, propter ætatem copiose instructus,  
naturali quadam ingenij facultate, & assidua Cice-  
ronis lectione sis consecutus: cum illa accesserint  
Aristotelica, in quibus nunc totus es; usumq. re-  
rum, qui in adolescentem non cadit, percallueris;  
qualem te uirum futurum putemus? non sum natu-  
ra blandus: neque soleo cuiusquam auribus inser-  
uire: potius offendit quosdam libertas mea. ita-

D 2

que,



que, quod dicturus sum, gratiæ causſa dictum ne  
putato. ſi quando accidit, ut interroger de ijs, qui  
antiquam illam perfectè ſcribendi laudem poſſe no-  
bis uideantur iam pæne amiſſam reſtituere: ſoleo te  
duobus præſtantiffimis adoleſcētibus, meis familia-  
riffimis, Calino, & Amaltheo, tertium inferere.  
Calinum, puto, non noſti: qui clariffimum iuue-  
nem, Aloyſium Cornelium, ſingularis uiri, Ioan-  
nis Cornelij, filium, in Cyprum inſulam ſecutus,  
tertium iam annum abeſt. ſed mihi hoc uelim cre-  
das affirmanti: ea bona, quæ magiſter tuus Ariſto-  
teles laudabilia eſſe dicit, omnia fere in illo adole-  
ſcente aut eſſe iam, aut breui, ut ego auguror, fu-  
tura. De Amaltheo autem quid ſentiam, non ex-  
ſpectas, opinor, ut ſignificem, neque ut ego tibi eum  
quaſi latentem indicem, quem in illuſtri quadam  
ſpecula uirtus conſtituit. quare cōiunge te cum his;  
& eloquentiam tres optimi adoleſcentes, ætate fe-  
re pares, concordī ſtudio, ſicuti pulcherrimam uir-  
ginem, diligite. quòd ſi me etiam ſocium recipitis,  
& riualem in hoc amore fertis: erit præclara con-  
ſenſio; & latinæ linguæ formam, quam, ſuperio-  
ribus temporibus turpi barbarie uitiatam, nunc a-  
gnoſcere uix poſſumus, poſthac, ut opinio mea  
fert, intactam, illibatamq. tuebitur. Vale.  
Venetijs.

Paulo



PAVLO CONTARENO,  
Venetias.

CUM Venetijs proxime discessi, ut in hanc solitudinem ex ista frequentia me conferrem; magna sane lætitia perfruebar; & quòd ad ea, quæ homini carissima sunt in uita, uxorem, ac liberos meos redibam; & quòd mihi, otium ad studia, amœnitatem ad ualitudinem quærenti, hunc esse præter ceteros locum expetendum atque adamandum intelligebam. sed, ut in rebus humanis nihil est simplex, in summa uoluptate molestiæ tamen hoc erat, quòd ita fortuna tulisset, ut, quo tempore tibi per anniuersarias Patauini gymnasii ferias Venetijs esse, et commorari liceret, tum ego a te disiungerer, magnamq. manendi cupiditatem maxima discedendi necessitas uinceret. nec uero mihi dubium est, quin cum meo sensu tuus quoque sensus congruat, & quæ me cura torquet, eadem te pugnat. uinci enim in officio, atque amore, quàm sit turpe, si te non mea uox aliquando docuisset, ipsi te libri, unde hauris illa præclara, quibus ad laudem informamur, penitus erudirent. quòd si, ut una simus, quod & tu, ut opinor, sperabas, & ego certe cupiebam, per interualla locorum non licet: at, quod proximum est, ut una esse uideamur, non uideo cur præstare literis & consequi non liceat. nam si propterea, simul, esse iucundum est, quia mutuo sermone frui-

D 3 mur:

Paulo



mur: in litteris nō ego quidem tuam uocem audio, neque tu meam; sed, quæ uoci subest res, eam nihi lo minus, quàm una cum sumus, percipimus, hoc etiam maiore cum fructu, quòd aliquanto scribimus accuratius, quàm loquimur. quare uelim ad scribendum te des: & cum me tuæ consuetudinis usura, ob ingenij tui suauitatem, & sermonis elegantiam, mirifice capiat; hæc, quæ in te amo, quæ nūc abesse doleo, fac, si me diligis, ne omnino desiderem. debes hoc mea causa non nolle, tua uero maxime cupere. nam, cum te aliquot abhinc annis in rectam illam antiquæ eloquentiæ uiam dederis, patris tui, uiri optimi, ac sapientissimi uocibus, consilijsq. commotus, patrui uero, clarissimi ac præstantissimi ciuis, exemplo incitatus: turpe tibi est, in mediocri laude consistere; & ad summam peruenire, sine stylo assiduaq. exercitatione non licet. quid enim ille noster, cuius tu libros nunquam de manibus deponis, quid aiebat? timere se, nisi frequenter declamaret, ne, quod adeptus erat in arte oratoria facultatis, exaresceret. Attende, mi Paule, et tuam causam, a qua mea disiuncta non est, si placet, mecum considera. Ille sibi, homo Romanus, latine orationis inopiam metuebat; cum tamen omnibus in hoc genere diuitijs abundaret: nos, quibus latina lingua peregrina est, qui in optimo scribendi aut dicendi ratione rudes, et infantes pæne sumus, de summa eloquentia sine summo studio cogitabimus? & unam omnium difficillimam rem, eandemq. omnium gloriosissimam, persequemur.

riofissimam  
sum, quæ  
quibus  
termittit  
ex quo  
abierit.  
ignotus,  
ti prædit  
nisi a Ro  
lingua f  
erat, cur  
tam enim  
idelicet  
sua induc  
non optim  
iudicanti  
suppetit  
in diligenti  
utrinque  
laudi præ  
consilio  
re, quia,  
qui, quod  
bus homin  
iisdem ad  
quid es, d  
fonte fluxit  
do pendet  
erit, errare



riosissimam, ludibundi consequemur? Vides me ipsum, qui quid sim, ego quidem non statuo; sed sunt, quibus non esse nihil uidear; nullum pæne diem intermittere, quin aliquid latine scribam? cū tamen, ex quo lapidem hunc uoluo, annus iam uigesimus abierit. Est adolescens in uestra nobilitate, tibi non ignotus, mihi admodum familiaris: quem excellenti præditum ingenio, gloriæ cupiditate flagrantem, nisi a Romanæ eloquentiæ laude ad huius maternæ linguæ studium falsa quædam opinio traduxisset; erat, cur de illo sperarem ea, quæ summa sunt. tantam enim operam in scribendo ponit, quantam tu uidelicet in legendo. sed neque illi in summa industria iudicij satis est, qui de latinæ linguæ dignitate non optime sentire uideatur: neque tibi, rectissime iudicanti, ad id ipsum, quod probas, obtinendum suppetit industria. quare uellem, ut & tu illum in diligentia, & ille te imitaretur in sententia. quod utrumque si contingeret; næ ego uestræ utriusque laudi præclare consultum putarem. Sed ille de suo consilio uiderit. iccirco enim se non existimat errare, quia, quos sequatur, auctores habet eos uiros, qui, quod optimum esse ducunt, in eo facile omnibus hominibus antecellunt. Te uero, qui mecum in ijsdem ædibus per trienniū fere uixisti; qui, quidquid es, de meorum consiliorum præceptorumque fonte fluxisti; cuius a laude mea laus quodam modo pendet; te, inquam, mi Paule, quantum in me erit, errare non patiar; teque, coactus amore, &



officijs tuis, hortari nunquam desinam, ut in ueram ac sinceram eloquentiæ formam, cuius ego tibi excellentem pulchritudinem, duorum ueterum oratorum exemplo, sæpe demonstraui, tuæ mentis oculos acriter intendas; eamq. tibi a me ueris, ut arbitror, lineis designatam, tu aliquando tuis scriptis, quasi coloribus, coneris exprimere. Graue, inquires, onus imponis, & difficilem mihi laborem mandas. Fateor ita esse: addo etiam illud, non esse nobis optandum, ut aliter sit. nam, cum omnium hominum in appetenda laude par prope uoluntas, similisq. sensus sit: quod omnes appetunt, id si esset eiusmodi, ut consequi multi possent; quanti, obsecro, aestimares? opinor, minimi. copiam enim uilitas, et uilitatem sequitur contemptus. quare non tibi est dolendum, quòd de sudoribus manat gloria. letare potius, quòd, cum eam omnes amabilem esse, ualdeq. expetendam sentiant, plerosque tamen laboris magnitudo terret, et amulandi studium rei difficultas imminuit. Est autem tibi ad hanc laudē, quòd te uoco, aditus eo faciliior, atque apertior, quòd, quæ duo sunt ad comparandam eloquentiam instrumenta maxime necessaria, ingenium, et memoria, utrunque sic tenes, ut in altero excellas, in altera ijs, qui excellere putantur, non admodum cōcedas. hæc tu bona si languere sinis; gratiam naturæ non optimam refers: quæ non in te benigna fuit, ut suū beneficium negligeres, sed ut ad decus, ad dignitatē, ad immortalem, æternamq. laudem conferres. Ne  
que

que uer  
lophi  
da orat  
tire put  
se dico  
uirtutum  
tem. sed  
optime l  
sciat, ne  
interest  
monibus  
cogitata  
aut ita d  
structa  
niam am  
consules  
ut recte  
nebis; qu  
uilem  
rum uoce  
nem m  
quorunda  
tia uideo  
phontem  
gnificantib  
philosophi  
ne uides  
lophia su  
mines inep



que uero is ego sum, qui te uelim eloquentiam a philosophia seiungere, totosq. dies in hoc uno expolien-  
dæ orationis studio consumere. erras, si me ita sen-  
tire putas. ego philosophiam diuinum quiddam es-  
se dico, indicem ueritatis, magistram uitæ, omnium  
uirtutum, omniumq. laudandarum artium paren-  
tem. sed idem ita statuo; si, qui optime sciat, non  
optime loquatur, plerunque fieri, ut id ipsum, quod  
sciat, nescire, uideatur: et ut in conuiuijs non paræ  
interest, qua epulæ ratione condiantur; sic in ser-  
monibus, aut scriptis, magni refert, quibus animi  
cogitata uerbis enuntiètur. quòd si cui ita stupidus,  
aut ita deprauatus est sensus, ut ornata, & bene  
structæ orationis suauitatem, & tanquam harmo-  
niam auribus non percipiat: hunc tu, si sapis, neque  
consules in re tua; quia, recte qui non intelligit, is  
ut recte iudicet, sperare non licet: neque ipsum mo-  
nebis; quia, quibus desunt principia naturæ, ijs in-  
utilem artem esse constat. tu, si me audies, musa-  
rum uocem ab rusticano sono distingues; & ut ina-  
nem multorum loquacitatem oderis, sic elinguem  
quorundam sapientiam non amabis. qua in senten-  
tia uideo fuisse, quos uiros? Platonem, & Xeno-  
phontem: quibus ego plus crederem solis nutu si-  
gnificantibus, quàm omnibus, qui nūc ubique sunt,  
philosophis cum iureiurando confirmantibus. non  
ne uides magnum utrunque & excellentem in phi-  
losophia fuisse, utrunque tamen in hac, quam ho-  
mines inepti reprehendunt, exornandæ orationis fa-  
cultate



PAULI MANVTII

cultate ita præstitisse, ut, eorum scripta cum legimus, nihil fieri posse purius, nihil elegantius, nihil illustrius iudicemus? a qua laude plurimum abfuis-  
sent, nisi temporis industriæq. multum in eloquentiæ studio collocassent. neque uero eloquentiæ studuis-  
sent, nisi ex ea decoris ornamentiq. plurimum ad philosophiam accedere, tanquam ad formosam uirginem a corporis cultu, iudicassent. Hos igitur ego te imitari malo, quorum nomina adhuc uigent, cum ipsi duobus abhinc annorum millibus obierint, quàm istos, si qui sunt, qui te infirmis-  
simis rationibus a pulcherrimo consilio conantur abducere. Perge, ut facis, in disciplina philosophiæ; in qua Patauij artificem habes eximium M. Antonium Genuam: eloquentiam uero, cuius, ut opinor, in uia me ducem non contemnis, ne dimitte. utrunque enim & debes, si tibi magna proposita sunt; & potes, si, quod me sæpe dixisse memini, diei horas apte, et cum ratione distribues. Vale, & patrem tuum, & patruum, quos ego plurimi sane facio, & communes amicos meo nomine saluta. Ex Plebe Sacij.

CHRISTOPHORO MADR-  
TIO CARDINALI,  
Mediolanum.

AUDIO te de nobis & loqui, & sentire per-  
honorifice. præclarum hoc est, laudari a Principe  
uiro,



uiro, & ab eo Principe, qui cum fortuna uirtutem  
 ita coniunxerit, ut in utraque pariter emineat. at-  
 que ego te semper antea, cum nunquam essem allo-  
 cutus, nunquam uidissem, tamen uehementer co-  
 lui. mouebar tuis præstantissimis actionibus, homi-  
 numq. constanti sermone, omnia de te summa præ-  
 dicantium. neque uero, si quis in te laudaret opes,  
 aut nobilitatem, aut dignitatem, admirabar. com-  
 munia multorum hæc sunt, optabilia potius, quàm  
 laudabilia. sed illa, quæ tua proprie sunt, cum au-  
 direm; unum esse Christophorum Madrutium, qui  
 uirtutem ipse coleret studio singulari, in alijs orna-  
 ret præmijs amplissimis, omnesq. liberales discipli-  
 nas, fato quodam, temporum dicam, an hominum  
 iniurijs? exsulantes exciperet, amplecteretur, fo-  
 ueret; qui denique solidam gloriam spectaret, ina-  
 nia, quæ multi sequuntur, contemneret: hæc ego  
 cum audirem, incitabar studio meæ tibi singularis  
 erga te obseruantia declarandæ: sed obstrepere lit-  
 teris inanibus tali uiro, præclaras Italiæ urbes, mul-  
 torumq. populorum fortunas non potestate magis,  
 quàm iustitia, tuenti, hominis esse uel inepti nimis,  
 uel impudenter ambitiosi existimabam. nunc au-  
 tem, cum ad me sermones tui, mea cum laude ha-  
 biti, referantur; occasionem cupide complector,  
 quam mihi tua liberalitas offert; tibiq. gratias,  
 quas possum quidem, ago, habeo autem certe ma-  
 ximas, atque immortales; tum quòd ornes me te-  
 stimonio iudicij tui, quod apud omnes ualere pluri-  
 mum



PAULI MANVTII

num intelligo; tum uero, quòd isto officio, ista tam  
præstanti humanitate quasi fores mihi aperueris  
ad amicitiam tuam. qua quidem ego me, si minus  
alia re licebit, perpetuo certe, ac singulari erga te  
studio, assiduaq. tuarum uirtutum meis omnibus  
in sermonibus et scriptis prædicatione, dignum præ  
stabo. quod cum antea fecerim, iudicio meo com-  
motus; faciam tamen in posterum alacrius, ac di-  
ligentius, tua humanitate incitatus: quam semper  
eandem in me futuram, non magis constantiæ ra-  
tio, quàm naturæ tuæ benignitas, mihi persuadet.  
Vale. Venetijs.

ROMULO CERVINO,  
Patauium.

QVOD tu persæpe queri solitus es, id mihi  
nunc accidit, ut epistolæ prorsus caream argumen-  
to: sed ego tamen non committam, quod tu soles,  
ut argumenti me inopia deterreat a scribendo. quin  
uide, quàm diuersa ratio sit. tu, cum sententiam  
non habes, ualde tibi ais laboriosum esse epistolam  
texere: ego nunquam facilius soleo scribere, quàm  
cum nihil habeo, quod scribam. At, inanes hu-  
iusmodi litteræ sint, necesse est. Primum, hoc non  
semper. quandoque enim accidit, ut nihil dicentes,  
aliquid tamen dicamus. et ut in fidibus est quædam  
manus. aberratio sine arte, in qua tamen ipsa ars sit:  
sic in epistolis argumentum quandoque est sine ar-  
gumento.



gumento . itaque , non semper inanes huiusmodi literæ : siquidem in ijs solet aliquid non nunquam existere , quod pondus habeat . sed fac inanes esse : quid refert ? non hoc spectamus , id sequimur , ut , exercitatione duce , eò perueniamus aliquando , ubi sit laus uidetur eloquentiæ ? quòd si nobis tantum in hoc proficere non licet , ut ueteribus illis , quorum est purissima oratio , similes esse possimus : at tentemus tamen , si possumus nostris , qui inquinat loquuntur , dissimiles esse . quod , ut opinor , & multum , & sæpe scribendo consequemur . Ac noli putare , semper in eo nobis esse elaborandum , ut philosophemur in epistolis . graues sententiæ probantur : fateor : sed nunquid hoc uno latina lingua continetur ? me quidem Cicero paullo minus delebat , de iocis cum agit , quàm de turpi , & honesto cum disputat . utrobique enim sunt ornamenta : & utrunque sæpe necessarium est . itaque ad utrumque me do : teque , ut idem facias , etiam atque etià hortor . cumq. res non erit , de qua scribas ; tum tu , si me audis , uel leuissima quæque ex omni parte , ex omni genere arripies , & ijs pro argumento utere . hoc autem quatenus agas , aut cum quibus agas , tibi non præscribo : cuius tanta prudentia est , quantam ætas ista , qua nunc es , capere uix potest . Summa sit , ut & cum argumento , & sine argumento sæpissime scribas . Vale . Romæ .

Franciscus



FRANCISCO GONZAGAE,  
Ferrariam.

ODI pæne meos oculos: etsi oculi sunt, id est omnium rerum carissimi: sed odi certe peius, quàm antea, hunc morbum, quo mihi nunc tuus adspetus, tuus complexus eripitur. aduolare enim ad te, si ualerem: nihil me moraretur: nihil esset tanti. an cum tu, magni principis filius, familia natus Italicarum omnium nobilissima, nec iam a maioribus tantum, sed a te ipso clarus, Mantua me, humilis hominem loci, nondum de facie notum, litteris humanissimis tua sponte salutandum putaueris; ego, cum Patauij, hoc est prope in conspectu meo sis, non accurram ad te? facerem: sed soluta uoluntas non est: impeditur enim uoletudine. solatio tamen hoc, in magno dolore, sustentor, quòd futurum breui non despero, ut conualescam. concurrunt simul, anni tempus, assidua medicorum cura, mea summa continentia. hæc si proficient; adibo ad te, nulla interposita mora. opto enim, quæ inter nos mutuo litterarum officio conglutinata amicitia est, eam paullo arctius mutuis sermonibus, mutua consuetudine adstringi. sin hærebit morbus: obsecro te, largire hoc uel meæ in te obseruantia, uel humanitati tuæ, ut omnino tuis litteris ne caream: quas ego meis quàm potero creberrimis dabo operam ut eliciam. Mitto ad te librum meum de Romanis legibus,

legibus  
pio, le  
te a stu  
tiam, c  
dustrian  
tibi esse  
cultatem  
merito,  
qui plus  
tu is es,  
ad reliqu  
ri cognos  
iuueni; c

AN

GRA  
quite me  
me scribo  
mentum  
nium uer  
quantum  
ad homine  
res, epist  
stintam lu  
sed uerus,  
color emite  
iuuene extm



legibus, proxime rogatu multorum editum. cupio, legas, cum hoc tamen, si uacat. nam, auocari te a studijs grauioribus mea caussa, nolo. cupio etiam, cum legeris, probari tuo iudicio nostram industriam. sed hoc me cupere, rogare ne puta. uolo tibi esse liberam in utranque partem iudicandi facultatem. nihil mihi tribue: rem ipsam pende suo merito, ac statue de tuo sensu. nec enim is ego sum, qui plus amicitiae dari postule, quam ueritati: nec tu is es, qui, si postulem, facile concedas. Pergam ad reliqua, haec si tibi, tuique. similibus non improbari cognouero. Vale. Posseuino salutem, rarissimo iuueni; cuius heri epistolae respondi. Venetijs.

ANTONIO POSSEVINO,  
Ferrariam.

GRATVS, & iucundus admodum amor is, qui te in eam mentem impulit, ut officij gratia ad me scriberes. quid enim aliud existimem? cum argumentum res quidem ipsa tibi nullum daret. ingenium uero mirifice tuum amari, amplexatusque, quantum licuit, animo sum, quod, raptim, & ut ad hominem familiarem, familiariter cum scriberes, epistolam tamen confeceris elegantissimam, distinctam luminibus eloquentiae, in qua non fucatus, sed uerus, ac tanquam naturalis Romanae linguae color eniteat. Maeste Posseuini, fratre iam maior, iuene eximio: urge totus in studio literarum. uides,



des, quæ te manent præmia. gloriam habes proxima, eamq. pene manibus attingis. paullulum si te incitaueris, apprehendes. non me hercule, quia nolis, dico: sed, ut intelligas quantum cupiam, propterea dicendum putavi. faueo enim omnibus, qui recte sentiunt, recteq. faciunt: in te uero mea præcipua & est uoluntas, & esse debet. scis, quinētū ab hinc annum Romæ cum te frater tuus adolescentulum adduxit ad me, quibus uerbis commendaauerit, amicitia iunxerit, & ueluti in clientelam tradiderit. ex eo tempore, quoties adijsti ad me, quos tecum habuerim sermones, quàm studiose, quàm amanter ad illa præclara, quæ frater tuus amabat, sim cohortatus, potes recordari. dixi sæpe, non esse tibi de fortunæ bonis cogitandum; quæ uel improbi malis artibus quærerent, uel bonis uiris recte quæsita facile casus eriperet. ostendi, uere & esse, & appellari diuitem posse, qui liberalium doctrinarum scientiam possideret. non neglexisti: contulisti cogitationes omnes tuas ad studium ueræ laudis: & in eo nunc apud Franciscum Gonzagam, nobilissimum, ac uirtutis amore incensum adolescentem, ita uersaris, ut propemodum uidearis excellere. Quare gratulor equidem fratris tui manibus; quos lætari arbitror summopere, quia talis es, & quia fore tantus uideris, quanta potest esse uirtus, maximo ingenio, acerrima uoluntate, summo studio comparata. Nec uero, quod epistola tua significat, mea tibi sunt aut ad ullam fortunæ accessionem, aut ad dignitatem



dignitatem studia exspectanda. a te ipso, mihi crede, omnia proficiuntur. uirtutem si habes, nihil desideras. ea pro te prensabit: ea tibi omnes honores, omnes, quas petieris, opes impetrabit. o præclaram uitæ ducem. te felicem, Posseuini, qui cum hac uiuis, & uiuendum statuis: me miserum, qui, cum idem sentiam, cogor tamen eam a me disiungere, uictus grauitate morbi, & ijs curis, quæ inuitum aliò traducunt. quòd si me Deus aliquando respexerit; acquiescam in ijs studiis, quæ sola sunt ad naturam meam, sola tranquillitatem animis afferunt, hominemque paulatim ab homine separant, & quantum licet, cum Deo coniungunt. Vale. Venetijs.

# HIERONYMO LIPPOMANO, Venetias.

BREVIS epistola tua, sed habet multa sua uia. primum significas amorem in me tuum: quod quid gratius? nam, amari a nobili adolescente, propinquitatibus, amicitijs, opibus florentissimo, optabile est: ab eo uero adolescente, cuius ad animi bona comparanda mens omnis, et cogitatio dirigatur; qui scientiam litterarum ita expetat, ut inani tamē ambitione prorsus uacet, nihil ad se ipsum, ad summum Deum omnia referat; hoc uero eiusmodi est, quod qui assequitur, triumphat. itaque ego uehementer mihi gratulor de amicitia tua: quam cupio

E esse



esse perpetuam: & , ut sit , omni equidem studio ,  
 omniq. erga te obseruantia laborabo . Quod uero  
 ais nescio quid de beneficio in te meo : mi Hierony-  
 me , noli tantum largiri modestiæ tuæ , ut uocabulis  
 parum proprijs , nec satis cum re congruentibus u-  
 tare . quod enim tu beneficium appellas , ego uerius  
 officium , & officium eiusmodi , quod prætermitti a  
 me sine graui culpa uix posset . rogabas , ut consule-  
 rem studijs tuis : impetrasti facile , & curauì libentis-  
 sime . quod enim tribuere uni tibi uidebar , id non  
 tam tibi tribuebam , quàm litteris , quàm uirtuti ,  
 quàm consuetudini , & naturæ meæ . amplector  
 tamen istam humanitatem : quæ tibi non modo be-  
 neuolentiam conciliat , uerum etiam laudem parit .  
 nam , ut extenuare , ac dissimulare , quæ acceperis ,  
 beneficia , ieiuni animi est , & perangusti , ac sordi-  
 di : sic , ea uerbis augere , palamq. profiteri , excel-  
 si , atque ampla spectantis hominis est , & ad libera-  
 litatem , id est ad decus , & ad gloriam , nati . coniu-  
 ge , queso , istam mentem , atque istam sententiam  
 cum doctrina , & cum ijs studijs , ad quæ te uocat  
 illustre domesticum exemplum Veronensis Episco-  
 pi , patruì tui : quem uides auersum penitus a stu-  
 dijs rerum humanarum , eaq. contemnentem , quæ  
 ceteri admirantur , totum esse in una uirtute desi-  
 xum , & diuinam consuetudinem , quatenus homi-  
 ni liceat , imitari . itaque nunc eius sapientissimis  
 consilijs , ac sanctissimis institutis , eximiaq. doctri-  
 na , magna ex parte Romana nititur Ecclesia . hunc

tu



tu ducem si sequeris, & in eius uestigio pedem pones : non errabis in hoc dubio uitæ cursu, non labe-  
ris in lubrica iuuentutis uia . quod te facere iam,  
lætor ; facturum etiam multo in posterum diligen-  
tius , confido . atque ego, quando mihi licere apud  
te tantum uis, languere te præclaris in studijs non  
patiar . hortabor litteris, dum abero : præsens ser-  
monibus excitabo . nunc me cupidum urbis , tuiq.  
maxime, ac paucorum tui similium , tenet tamen  
in his locis uxoris meæ morbus : de qua iactor ua-  
rie, tanquam fluctibus, modo spe , modo metu . in  
una tantum cogitatione uidetur animus consistere,  
& quietem aliquam capere , cum quasi secum lo-  
quitur, et commemorat ipse sibi necessitatem illam  
rebus omnibus impendentem, ut animata intereât:  
creata dissoluantur . At est dolendum , si quem ui-  
ribus atateq. florentem immatura mors oppressit.  
Ita , si mortem in malis, uitam felicitatis loco sta-  
tuas. quod qui existimat, refellitur exemplis. quàm  
multis enim , diu uiuere , miserrimum fuit ? Hæc  
quàm diu cogito, uideor acquiescere ; satisq. leui-  
ter incommodi mei grauitatem sustineo . sed certe  
nimis acerbæ fortuna mecum egit , quæ me , de me  
ipso, ut scis, ac de mea ualetudine sollicitum, alienis  
etiam malis implicauerit . Benacum petere statue-  
ram . non licuit: neque forsitan licebit . Asule qui-  
dem , oppido satis eleganti, ubi magnam pueritiæ  
meæ partem traduxeram, omnes mihi incūditates;  
omnia gaudia tuæ in fratris conuietibus, tum in uete



rum amicorum consuetudine finxeram. cecidit contra. frater enim ægrotauit diu, neque dum firmus est: amicis autem qui possum frui, cum uxorem, multorum dierum morbo conflictatam, nunc incerta uitæ spe animam trahentem, in oculis habeam? De me ipso, ac de meo reditu noli expectare dum scribam. uides me alienis miserijs esse miserum: in eam non esse liberam, aut solutam uoluntatem, intelligis: nisi si meos deferere, id est ab omni prorsus humanitate uelim desciscere. quod profecto nunquam committam. quod si nostrorum animorum sensus, & nostra consilia Deo patent, ut certe patent: amat, opinor, pietatem meam; eaque, non dubito, quin mihi uel opem ab eo celeriter impetret, uel hoc saltem, ut, quidquid euenerit, moderate feram. profecto enim ex uno illo fonte omnis nostra fortitudo manat, omnisque sapientia. alioqui facile frangimur, & facile aberramus a uero, insidiosus uoluptatum illecebris abducti, & rerum mutabilium fallacissima specie decepti. quæ tu, ac multo plura, cum audieris sæpe de patruo tuo, quicum ab ineunte pueritia in ijsdem ædibus, atque in eodem pæne cubiculo uixisti: si quid huius generis mihi nunc, multis difficultatibus ac molestijs circumuento, litteris imperties; habebo a te munus aptissimum meo tempori, dignum amicitia nostra, dignum uero maxime ea persona, quam tu sustines: qui te sacris addixisti, semper ut bene ageres, aut bene cogitares. Vale: & ad Episcopum Vero-



na designatum, quem uidi nunquam, de fama ta-  
men cognitum studiose colo, obsecro te; cum scribes,  
meo nomine salutem plurimam. Asule.

## E I D E M, Venetias.

NUNQVAM putari fore, ut iniuriam ac-  
ciperem in beneficio, præsertim a te, cuius in fron-  
te, oculis, uultu habitare uidetur humanitas. beni-  
gne mecum, et liberaliter agere, quod est propriū  
familia tua, magnopere te decuit: idq. adeo postu-  
labat amicitia nostra: callide uero agere, & ficta  
ueritatis imagine fucum facere, neque te dignum  
fuit, ad præclara laudandarum rerum studia ex no-  
bilissima familia nato, neque uero me, tui studiosis-  
simo, de tua bonitate, tuisq. moribus egregie non  
modo sentiente, uerum etiam prædicante. astutiæ  
præstantibus uiris nunquam placuere. apertam,  
simplicem, rectam in omni uita consuetudinem se-  
quuntur. quo ego te in numero quia credidi esse, et  
quia, ut esses, curare non mediocriter debuisti; ideo  
sum in fraudem facillime inductus, & illo tuo fig-  
mento, quo nihil unquam gustavi suauius, abstinui  
perinuitus. mea tamen inscitia eo me pudet mi-  
nus, quia sequitur amorem credulitas, et ita uitium  
laude corrigitur. noli igitur me, quasi rudem quen-  
dam, & prorsus earum epularum, quæ nouo quo-  
dam artificio condiuntur, imperitum, contemnere.  
pænarum satis in ipsa re tuli: quam reieci quasi no-

E 3

xiam;



PAULI MANVTII

xiam; cum esset eius generis, ut me docuit heri uesper  
Sebastianns noster, unde simul possem & ali-  
mentum capere, ualitudini meae uehementer ap-  
tum, & palatum oblectare, quantum antea fortas-  
se nunquam. restitue nobis tuam fidem. liceat mi-  
hi meum errorem tuo beneficio corrigere. magna  
res non est: magnopere tamen sum commotus, uel  
inscitia mea, uel malitia tua: quae uicit omnino, uel  
fessellit potius opinionem meam. id si moleste fers;  
non longe abest mei leniendi facultas: si modo ani-  
mum tuum induxeris, ut id, quod potes, etiam ue-  
lis. quod si secus acciderit: praedico tibi, culpam  
exiguam grauer lues: neque te mellitis placen-  
tis, quibus me munerari solitus es, absoluam, sed  
ea poena condemnabo, cuius etiam nomen cum au-  
dieris, extimesces. interim sustineo me, neque dum  
muto iudicium de te meum; quia te spero rationem  
utriusque nostrum habere uelle. cupio tecum coram  
iocari, & simul ad speculum illo tuo incundissimo frui.  
Vale. E cubiculo meo, ante lucem.

E I D E M, Romam.

CUM in magnis molestiis haec una me res de-  
lectare non mediocriter soleat, quod amicitias a me  
diligenter coli, nec unquam officium contemni, ip-  
se mihi sum conscius; legi perinuitus eam partem  
litterarum tuarum, in qua me, ut immemorem pro-  
missi, appellas, atque etiam, ut oblitum humanita-  
tis,



tis, leniter accusas. Ego tuæ familiæ nobilitatem,  
 egregiaq. tuorum maiorum decora, pro eo ac de-  
 bui, semper suspexi: te uero ipsum, præditum ijs bo-  
 nis, quæ nobilitatem omnem uincunt, amaui pror-  
 sus, a quo die mihi cognitus es, amore singulari.  
 hanc immutari in me uoluntatem, ita etiam si te  
 mihi casus aliquis immutet, neque consuetudo mea,  
 neque natura pateretur. quod equidem antea tibi  
 certum esse, atque exploratum arbitrabar, nunc,  
 quando subdubitare te uideo, significandum putau-  
 ne posthac unquam suspiciones istiusmodi, plane  
 meo erga te studio, & mehercule etiam tua boni-  
 tate indignas, mearum epistolarum afferat infre-  
 quentia. quanquam, si tuum otium cum meis occu-  
 pationibus conferatur, non intelligo, cur ego tuam  
 in scribendo ualde laudare diligentiam, tu meam re-  
 prehendere negligentiam debeas. satis, nisi fallor,  
 statum rerum tuarum habeo cognitum: tu me scili-  
 cet uideris ignorare: nam, si nosses, & exigeres  
 tamen id, quod præstare uix possum; esses iniquior.  
 At erat amoris nostri, lenire litteris dolorem tuum  
 in obitu patruī, summi uiri. sit ita: ueruntamen  
 abs te postulabat idem amor, ne, officium a me illud  
 sine causa prætermitti, animum induceres. Pri-  
 mum ego te, per aliquot annos domestica sanctissi-  
 mi hominis disciplina insitutum, putabam humana  
 omnia contemnere, mortem uero, quæ sempiternæ  
 uitæ initium est, etiam in bonis ducere. Quod si  
 frangimur humanis, aut commouemur saltem; cer-



te enim a stipite, a saxo, a ferrea materia longe distat hominis natura: quis tamen ab afflicto solatiū expectat? aut quis me minus tranquilla experitur omnia? quæ si tibi nota sint: profecto me liberares ab omni culpa, & cupias reuocare querelam tuam. Neque uero, si uigeat animus, & perferat aduersa; ita ualemus ingenio, ut, consolandi partes, quæ doctrinæ plurimum, & sapientiæ postulant, audeamus assumere. non hæc in nobis facultas est: quæras eam aliunde licet: si modo, ut significas, quod mihi tamen haud omnino persuades, in te ipso non est; qui & acuere mentem liberalibus studijs, & augere prudentiam usu rerum, ac præstantium uirorum sermone potuisti. quæ si absint, ut abesse a me magna ex parte fateor: tamen ille ipse, qui tibi luctus caussam attulit, idem a luctu te remouet exemplo uitæ suæ, cuius abesse nullam partem a constantia, & a uirtute reperies. Hunc igitur tibi unum ante oculos constitue: finge ad eius imaginē quidquid cogitas, quidquid agis: noli oculos ad uulgi deprauatam consuetudinem flectere. ita consules egregie rationibus tuis: & illud recte instituendæ uitæ consilium, quod a me requiris, nusquam esse præstantius, quàm in te ipso, cognosces. Vale.

EPISTO-



29  
EPISTOLARVM  
PAVLI MANVTII  
LIBER SECVNDVS.

FRANCISCO VARGAE,  
CAROLI V. IMPERATORIS, ET  
PHILIPPI, EIVS FILII, HISPA-  
NIARVM REGIS, ORATORI,  
Venetias.

O FFICII mei sæpe me admonet of-  
ficiorum tuorum recordatio. officium  
autem, quod absens absenti præstare  
possum, litteræ sunt: quas misissem ad  
te iam antea, nisi huc aduenientem graues admo-  
dum, & peracerbæ curæ statim excepissent. quas  
enim res scis esse nobis in uita omnium carissimas,  
omniumq. primas, in ijs me grauiter exercere for-  
tuna cæpit, uxore, liberis, fratre uno pane tempo-  
re in morbum coniectis. ne mihi quidem bellisatis  
est. animo enim affectus, ualere corpore qui pos-  
sum? ueruntamen, quia mihi hærent in mente con-  
silia tua, fero hæc ut humana, diuina spe, in qua  
tu soles omnia ponere, confirmatus. quod nisi hunc  
in portum, te ducem secutus, confugissem: facile  
me tot malorum subita tempestas obruisset. En,  
quàm sit incertus nostrorum consiliorum euentus,  
& quàm ea, quæ nobis ipsi ad uoluntatem fingi-  
mus, contra cadant. Petiui has regiones, non si-  
ne



ne sumptu, non sine labore, spe ductus ualetudinis recuperanda: reliqui urbem pulcherrimam, mea negotia, tuam consuetudinem, in qua mihi ornamentum statuo plurimum. hac bona, tantum abest, ut alijs bonis compensata sint, ut etiam multa successerint, quæ si ad sensum referantur, mala uere possum appellare. sed, cum me sensus quandoque moueat, ratione tamen utor sapius. hac ostendit, nihil esse malum, nisi quod nostra culpa contingat: ancipitem esse in rebus humanis rationem iudicandi: nihil enim semper idem esse: quin, quæ nobis aduersa, exitiosa, prorsus misera uideantur, ea sepe ita conuerti, ut ex ijs ipsis multæ commoditates emanent: contra, quæ speciem habeant felicitatis, inde fluere quæ acerbissima sunt, exilium, paupertatem, ignominiam. quæ ego cum cogito, reficior paullulum, & excito me, quatenus licet, ad eam uirtutem, quæ in aduersis rebus elucet: de qua cum multa sint a philosophis tradita, unus tamen eam suo exemplo præclare docuit nostræ salutis auctor Iesus Christus: quo magistro, quæ sit uera fortitudo, discimus, omniumq. laudandarum artium absolutam, ac uere salutarem doctrinam consequimur. Atque ego te, Francisce Varga, quod hoc studij genus omnibus & studijs, & scientijs anteponas, longe quidem hoc nomine pluris facio, quam quod negotia Caesaris Imperatoris ex omnium seculorum memoria præstantissimi, & Philippi Regis, omnium Regum maximi, apud Venetiam



tam Remp. orator administres. ista enim dignitate alij quoque nobiles uiri claruerunt: pietate uero in Deum, & sanctitate uitæ, parem fortasse aliquem, superiorem certe habes neminem. itaque, postquam a te discessi, uix credas, quàm sæpe meus ad te animus, tuorum sermonum desiderio, recurrat. equidem, uel si mihi cetera hic omnia secundissima fluerent, quæ experior, ut dixi, satis aduersa; iniucunde tamen uiuerem, quia, procul a te absum: cuius ex humanitate, sermonibus, consilijs mirificos capiebam fructus, & documenta ad uitam recte traducendam utilissima. Quare iam me minus, quàm antea, delectat, ac pæne displicere totum cæpit consilium illud meum de lacu Benaco incolendo. tua me singularis doctrina, tua probitas, tua benignitas ad urbem renocat. Benacum, per anni tempus cum licebit, æstate scilicet ineunte, (nam hieme regionem illam procellis, & uentorum uī totam audio agitari) si ualetudo ita postulabit, inuisam. interea meam imbecillitatem ratione uictus, & abstinentia tuebor. ac fortasse fiet, quoniam a Deo cuncta pendent, ut Venetijs, intra meos parietes, in oculis, & adspectu meorum, commodissimo uitæ genere, ita conualescam, ne qua postea me calī mutandi necessitas extrudat. quod si assequar; habebis me, si me tantum ab humanitate tua sperare uis, quod profecto uis, familiarem, ac pæne contubernalem: & hac equidem spe iam nunc mirifice sustentor. Vale. Venetijs.

Hiero-



PAVLI MANVTII

HIERONYMO FALETO,

HERCVLIS, FERRARIENSIVM

DVCIS, ORATORI,

Venetias.

*QVOD* heri iniecisti in sermone, hæret in ani-  
mo, et, quo diligentius rem perpendo, eo magis om-  
nia mea consilia, omnes cogitationes ad nouam so-  
cietatem, quæcunque ea sit, conuerto. uxor enim,  
et deludor indigne ab homine teterrimo, omniumq.  
impurissimo: cui non satis est auertere communem  
rem; sed me prorsus ita despicit, ut nec dignum du-  
cat, ad quem adeat accersitus. equidem nihil mihi  
adscisco, nihil arrogo insolèter: nihil enim habeo ne-  
que a fortuna, neque a me ipso, quo nimium extol-  
lar: ueruntamen limina mearum ædium teruntur  
quotidie pedibus uirorum clarissimorum, ad me  
confluentium. tu ipse, tu, inquam Falete, et maxi-  
mi Ducis orator, & maximus ipse uir, quem gra-  
uissima distinent negotia, qui scribis historiam, le-  
gum scientiam, ueterum, & recentium, scriptis lu-  
culentissimis explicas, uenire tamen ad me, quæ tua  
est humanitas, sæpe solitus es, horasq. multas sua-  
uissimo sermone consumere. Malum est, inquires,  
ab homine nequissimo contemni. Malum: sed peius  
etiam, expilari. quòd nisi tua prudentia medicinam  
huic malo affert; periit fructus omnis tuæ liberali-  
tatis. clauam enim citius de manu Herculis possim  
ex-



extorquere, quàm ab isto nummum. aut igitur ea  
 mihi conseruetur utilitas, quam tuo beneficio, spera  
 ueram: aut, qui nos uult perditos, perdatur ipse no  
 biscum, & societas communi pernicie dissoluatur.  
 uerum, cum in tuum ingenium, tuam auctoritatē,  
 & singularem in me beneuolentiam intueor; tra  
 ducor facile ad optimam spem; tranquilla omnia,  
 commoda, copiosa mihi ipse polliceor. tu restitues  
 unus afflietam rem: & istum postremi ordinis ho  
 minem, omnibus uitijis inquinatum, indignum pror  
 sus non modo amicitia nostra, sed congressu etiam,  
 ac sermone, extrudemus; ut uersetur posthac, &  
 uiuat cum sui similibus, in sordida nequitie, seiun  
 ctus a nobis, qui humanitatem colimus, et uirtutem  
 omni lucro anteponimus. Interim lege, quam sæpe  
 iam efflagitasti, partem libri nostri de quattuor re  
 bus pub. quam cupio a te probari. otium si habuero,  
 quale aliquando consequar, si alibi non licebit, in  
 Bellombra tuo totum uolumen absoluam. Vale.  
 ex ædibus nostris.

### Ex libro de quattuor rebus pub.

EX IIS, quæ supra sunt commemorata,  
 duæ uidentur propositi nobis argumenti partes ab  
 solutæ. patere enim satis arbitramur, non modo  
 quibus uitijis duæ maximæ, ac firmissimæ ciuitates,  
 primum Sparta, deinde Carthago, labefactatæ cor  
 ruerint; uerum etiam, quibus illa uitia remedijs  
 uel



uel sanari penitus, uel ita saltem corrigi potuerint, ne reip. salutem in discrimen adducerent. nunc urbis Romæ quæstio succedit: qui erat tertius in diuisione locus. postremæ narrationi, conclusio futura nostri muneris, omniumq. nobilissima, et eadem difficillima tractatio, Venetiæ nostræ reseruantur.

AC DE Roma, quæ nullo magis uitio, nullo grauius unquam morbo, quàm imperij magnitudine, laborauit, primum illud occurrit, nulla omnino in ciuitate post homines natos aut uirtutes, & honestas actiones aliquando floruisse magis, aut æque malas artes, & exitiosa publicis rebus consilia ualuisse. Primis reip. temporibus, cum nulli dum de plebe magistratus creabatur, summa senatus potestas, summa fuit auctoritas. utraque cum per aliquot annos uigisset, inclinare tum primum cæpit, cum tribuni pl. creati sunt. creatos autem culpa senatus, historiæ declarant. nam, si prima repetere, & quæ cuique rei causa sit, placet animo perquirere: tribuniciam potestatem, quæ deinde senatus opes fregit ac debilitauit maxime, ipsius uitio senatus Romæ constitutam, facile constabit. Quid igitur? an tu, dicet aliquis, senatum reprehendis, quia tribunos pl. creari passus sit, cum plebs eum magistratum non iam uocibus posceret, sed armis extorqueret? an amplissimum ordinem, quia permiserit, quod recusari sine reip. presenti iam periculo non poterat, imprudentiæ condemnas? Ego quidem minime: habeo enim rationem necessitatis; cui parere,



re, sapientis semper est habitum. Secesserat armata multitudo in Sacrum montem: flagrabat ira, et odio in ordinem nobilium: auaritiam, superbiam, crudelitatem senatus accusabat: se bella gerere, urbes capere, pro patria sanguinem effundere, mortem obire clamabat: pro his meritis inopiam, & iniurias pati: senatum commodis frui, senatum honoribus abundare: plebem seruire, quæ, ut ceteri liberi essent, quotidie sua corpora hostium telis obijceret. quem non mouerent huiusmodi querelæ? quem non terrent, cum ij, qui hæc querebantur, alij pila, alij gladios manibus tenerent? recte fecit senatus: tribuniciam potestatem, a plebe flagitatâ, concessit, non libenter, sed, ut impetum sedaret, maiorem temporis, quàm suæ uoluntatis, rationem duxit. hæc, ut dixi, recte, nec sine summo consilio: sapiens enim cum necessitate non pugnat: at illud neque recte, neque prudenter; quod, ut in eam necessitatem res deduceretur, siue negligentia, siue superbia commisit. occurri principijs oportuit, & nascentem pestem extinguere. nam cum omnes ciuitates, quæ suo milite bella gerunt, quotidianis prope seditionibus fluctuare necesse sit: quo malo & ueterum memoria, & nostra ætate florentissimas ciuitates occidisse constat: summæ difficultatis, ac diuinæ cuiusdam sapientiæ uidetur esse, ita rem moderari, ut consistat; neque permitttere, ut multitudini, quæ satis ipsa per se lenis est, ulla paullo instior ad motum accedat occasio. Erant in plebe Romana  
quam-



quamplurimi; quibus ære alieno obstrictis, unde soluerent, non erat. hi cum ad tribunal consulum, qui tum, non dum creatis prætoribus, de creditis pecunijs ius dicebant, a feneratoribus uocarentur; egestatem excusantes, & domesticas miseras ad eliciendam misericordiam commemorantes, tamen non audiebantur. magistratus nesciendum feneratori debitorem tradebat, ut, quamcunque creditor uellet, seruitutem seruiret. iniqua, et homine prorsus indigna siue consuetudo fuit, siue lex. Tu mihi libertatem lege eripias, cum libertatis causa leges constituentur? an ego ullam legem potiore ea lege ducam, qua Deus, ut homo liberum animal esset, ac ceteris animantibus imperaret, æterno iure sanxit? pecuniam aufers: non relinquis, unde uiuam, unde liberos alam: fero: relinque libertatem; ut mercenario saltem opere ipse mihi, & esurienti familie uictum queram. Cum his acerbe magistratus agebat; acerbius etiam feneratores; qui ciues Romanos, nexu uinctos, grauissimo seruili opere fatigabant, & nexorum in terga flagellis, ac uerbis sæpe sæuebant. Hic senatus miseris ciuibus consulere, causam libertatis suscipere & potuit, & debuit, nexos e uinculis eximere, humanitatis fuit; diem soluendi laxiorem egentibus statuere, æquitatis; usuris modum facere, iustitiæ. hæc & facienda fuerunt; &, ut fierent, cum a patribus plebs, atque a consulibus frustra petiisset; ad extremum, ut homines desperatio præcipites agit, arma

ta

ta m  
be pa  
stimu  
pericu  
quia re  
que tri  
creati  
nes dis  
rum fin  
tium re  
ditiofis  
modi sp  
terunt  
tum opp  
sacerdos  
qui solet  
quod pa  
sum, qua  
hoc in  
mero se  
similitu  
me liber  
si specten  
fere semp  
ramo stat  
tionis ex  
regum sum  
optimatum  
ior, quam



ta multitudo in Sacrum montem, tria millia ab ur-  
 be passuum, secessit. tum, ut plebeiorum animi,  
 stimulis iracundiæ perciti, continerentur; senatus  
 periculo territus, de creando plebeio magistratu,  
 quia res aliter conuenire non poterat, assensit. ita-  
 que tribuni pl. primum quinque, deinde decem,  
 creati sunt. ab hac radice ortum quidquid inter ci-  
 ues discordiæ, quidquid seditionis, quidquid bello-  
 rum fuit. per annos quingentos, id est, usque ad exi-  
 tium reip. tribuni pl. contra nobilium potentiam se-  
 ditiosis concionibus uociferari, plebem ad noui com-  
 modi spem, ad noua incitare consilia nunquam desti-  
 terunt. specie libertatem tuebantur; re uera sena-  
 tum oppugnabant. primo magistratus, deinde &  
 sacerdotia plebi communicata. ad extremum is,  
 qui solet, exitus consecutus est. nam plebs, ubi,  
 quod paucorum erat, ad se transtulit, rursus id ip-  
 sum, quod multitudinis est, in unum confert. facit  
 hoc inscitia, facit inopia, facit ea, quæ in magno nu-  
 mero semper existit, uoluntatum & opinionum dis-  
 similitudo. ita popularis administratio, quæ maxi-  
 me libertatis imaginem præsefert, occulte tamen,  
 si spectemus exitum, tyrannis est: quoniam ex ea  
 fere semper exoritur tyrannus: sicuti deinde ex ty-  
 ranno status optimatum generatur. Huius muta-  
 tionis exemplum satis illustre Roma est. primo,  
 regum summa potestas fuit: deinde senatus, hoc est,  
 optimatum, maior, quàm populi: tum populi ma-  
 ior, quàm senatus: postremo rursus unius maxima,

F

&amp;



& singularis. populus enim C. Cæsarem extraordi-  
 narijs imperijs auxit, eoq. extulit, unde, cum se  
 monarchiæ proximum esse homo acutus intellige-  
 ret, priuatam condicionem despexit; altiusq. ma-  
 luit, ut humani mōs ingenij fert, adscendere, quā  
 ad inferiora, quæ reliquerat, descendere. Neque  
 uero me fugit id, quod a doctissimis uiris memoriæ  
 proditum est; firmissimas illius reip. uires esse, &  
 quæ non facile ab externis uiribus debilitentur, cu-  
 ius non simplex, neque unius generis administratio  
 est, sed ita mixta, ita temperata, ut in triplici for-  
 ma unum consilium, unam quasi mentem significet.  
 neque ego tum in ciuitate præclare agi negauerim,  
 cum & unus, & pauci, & multi maximas res ge-  
 runt, nec tamen aut unus, aut pauci, aut multi præ-  
 cipue dominantur. uerum, ut harum trium par-  
 tium in suo quæque munere modum seruet, & ea,  
 quam habet, potestate nunquam abutatur, ego qui  
 dem hoc fieri posse non arbitror. sunt enim hi tres  
 ordines admodum dissimiles: et inter dissimilia per-  
 petuus æquabilitati locus esse non potest. nam quæ-  
 admodum in musicis, quo plures chordæ percutiun-  
 tur, eo suauior concentus efficitur; quia uarijs ille  
 multarum fidium numerus, in quo summa discordia  
 est, arte conciliatus, & ad concordiam perductus,  
 incredibili quadam iucunditate aures, animumq.  
 permulcet; sed hæc tamen iucunditas ideo breuis  
 est, quia de multis fidibus aliqua statim remittitur,  
 & discrepat: sic multorum ordinum administratio  
 uidetur

uidet  
 longi  
 libert  
 difficil  
 tione e  
 tus dea  
 testati  
 rat, &  
 est, ut  
 ad teme  
 timent,  
 ribus ad  
 lūm in  
 sic, hū  
 ciuitate  
 cum eo  
 etiam lib  
 appetet,  
 leges, nā  
 libenter  
 re, sed leg  
 quiq. fura  
 set, mata  
 let, ita cum  
 mmes uet  
 nisset: ip  
 subleuasse  
 xi, consec  
 sione tribu



uidetur illa quidem esse omnium optima; quia quo longius ab unius imperio disceditur, eo propius ad libertatem acceditur; sed quia multis idem sentire difficile est, facile dissoluitur. quid autem ex dissolutione existat, multarum ciuitatum miserrimus exitus declarat, quare, cum sit necesse, ut de tribus potestatibus, quæ pares sint, aliqua aliquando se effe-  
 rat, & reliquis duabus insultet: ante providendum est, ut ea unde magis hoc imminet periculi, quæq. ad temeritatem procliuior est; inferiorem locum obtineat, & reliquas duas neque dignitate, neque uiribus adæquet. quæ uero de tribus ea sit, quæ facilius insaniat, & cum insanierit, cohiberi non possit, hic sine dubio populus est. qui ut inferiorem in ciuitate condicionem æquo animo ferat, ita fiet, si cum eo semper iuste, nunquam superbe, interdum etiam liberaliter senatus aget. tum populus nihil appetet, nihil molietur: nouos magistratus, nouas leges, noua imperia nõ desiderabit: libera seruitute libenter seruiet: putabit enim se nõ hominibus seruire, sed legibus. hæc si Romæ senatus initio cauisset; quiq. furentis multitudinis impetus, quæq. uis esset, mature cogitasset: non, ut cum seruis agi solet, ita cum ciuibus agi passus esset: neq. liberi homines uetuisset: usuras, hoc est inopiæ causam minuisset: ipsam autem inopiam publica benignitate subleuasset. quæ quia non fecit, iccirco illa, quæ dixi, consecuta sunt, ex desperatione secessio, ex secessionem tribunatus, ex tribunatu ordinum contentio,



ex contentione libertatis interitus . Primis tempo-  
 ribus omnia potuit senatus ; medijs multa senatus,  
 multa populus ; extremis omnia populus . itaque  
 et primis temporibus, & medijs florentissima resp.  
 fuit, extremis facile concidit . nullum enim ius, nul-  
 lam potestatem a senatu tribunorum temeritas non  
 abstulit . Aerarij dominus per multa sæcula sena-  
 tus fuerat . antiqua tamen iura tribunus pl. P. Clo-  
 dius neglexit, lege lata, qua Pisoni, et Gabinio cos.  
 simul cum prouincijs pecuniam, quantam uoluit,  
 de publico dedit . Senatus lege Sempronia consula-  
 res prouincias proconsulibus decernebat . decretas  
 tamen idem Clodius abstulit, Vatinijs scilicet tribu-  
 ni pl. improbitatem imitatus; qui anno proximo C.  
 Casari Galliam Cisalpinam cum Illyrico, inuito se-  
 natu, sua lege dederat . Legati etiam ex auctorita-  
 te senatus deligebantur . Vatinius immutauit, &  
 ipse sibi sua lege legationem detulit . Ipsa comitia  
 quodam modo senatus in potestate fuerant : quia  
 magistratum non gerebat is, qui ceperat, nisi patres  
 auctores essent . hoc quoque amissum, nec fieri iam  
 solere, Cicero significat in oratione pro Plancio .  
 Triumphum a senatu petere imperatores e prouin-  
 cia redeuntes diu consueuerant . inuentus est, qui,  
 cum senatus triumphum negasset, ad populum con-  
 fugerit, & populo iubente, triumpharit . Qui po-  
 terat ea resp. consistere, & ad interitum non ruere,  
 in qua, quod senatus improbat, populus iubeat;  
 quod decernebat senatus, infirmabat populus ? ius  
 enim



enim intercedendi tribuni pl. habebant : quo iure ,  
 ne senatus consulta fierent , impediabant . at , impe-  
 dire iussa populi si senatus uellet ; non erat , ut tuto  
 posset . ilico enim , incitantibus tribunis , erumpe-  
 bat seditio , ilico uis , ilico cades . cuius periculi me-  
 tu saepe senatus iniquissima tulit . nam , ut omittam  
 alia , quæ sunt huius generis sexcenta , regna ipsa si-  
 ne senatus consulto barbaris hominibus ex tribuno-  
 rum pl. libidine esse donata , scriptum est . quæ li-  
 centia cum retineri non posset , eo progressa demum  
 est , ut omnia perdiderit . nec dissimilis erit euentus ,  
 quacunque in ciuitate pares cum senatu uires popu-  
 lus habebit : non quòd , ubi æqualitas est , ibi recte  
 non sit : sed quòd , ubi ad æqualitatem populus per-  
 uenit , diuturnam esse non patitur . Quare , cum ex  
 duorum ordinum æqualitate statim oriatur inæqua-  
 litas ; æqualitati perniciosæ tutam inæqualitatem  
 antepono ; et eum ordinem præesse rebus malo , qui  
 potestate minus abutitur , quàm eum , cuius potesta-  
 tem summa statim licentia , summa temeritas con-  
 sequitur .

MARIO NIZOLIO,  
 Parmam.

EPISTOLA tua , mi Nizoli , ut amici ho-  
 minis , ac uehementer amandi , summa me uolu-  
 ptate affecit , ac meam uehementer incendit cupi-  
 ditatem Parmam adeundi : non quòd urbs , aut ur-  
 bis



bis ornamenta, me moueant: (alijs hoc mirantur,  
 apud me uulgaria sunt) sed aueo incredibiliter ue-  
 terem meū, meum dico? immo uero litterarum ac  
 studioforum omnium, ipsumq. litteris excellentem,  
 Alexandrum Farnesium Cardinalem salutare:  
 quem cognoui Romæ & colui puerum adolescens,  
 eximia iam tum indole præditum, & earum lau-  
 dum principijs, quas deinde auctus ætate simul &  
 iudicio perfecit, magna omnium expectatione floren-  
 tem. quo quidem tēpore uehementer urbs ipsa ex-  
 citauit me atque acuit in studio liberalium discipli-  
 narum, adpectu ipso antiquitatis, & multiplici ac  
 uaria hominum eruditorum scientia: sed, ut inge-  
 nue uereq. fatear, proprie me expoliuit aula Far-  
 nesii moribus, ac litteris; cum uiuerem coniunctissi-  
 me ac familiarissime cum duobus præstantissimis  
 uiris, Marcello Ceruino, & Bernardino Maffeo:  
 quorum alterum Pontificem maximum, alterum  
 Cardinalem, utrunque immortalitate dignissimū,  
 aduersa bonis artibus iniqua mors eripuit. Quare,  
 quodd me Parmam uocas, & multis uerbis inuitas  
 amantissime, non me litteræ tuæ sopitum excita-  
 runt, sed currentem potius, ut aiunt, incitarunt.  
 quod utinam cum uoluntate cetera congruerent:  
 iam iamq. uobiscum essem. sed uides anni tempus:  
 uides itinerum difficultatem: scis, quàm imbecillo  
 sim corpore, quàm tenui, & ad incommoda, in-  
 iuriasq. cæli perferēdas parum apto. timeo etiam  
 a militibus; a quibus otium non est: excurrere enim  
 dicuntur,



dicuntur, & prædas facere. non igitur ueniam, cum a nobis unius diei uix absim intervallo? ueniam, opinor; quæq. aduersantur, & impediunt, cōtemnam omnia. uolo omnino meis oculis, Farnesio uidendo, satisfacere: uolo hanc a me ipso gratiam inire, & salutationis officio, expetito sane, ac debito, perfungi. Te uero, optime, ac doctissime Mari, cuius consuetudine & sermone careo multis abhinc annis, quem mihi tamen ex animo nunquam eripuit neque tempus, neque longinquitas, quo studio complectar? quantam hauriam, cum præsens præsentem alloquar, uoluptatem? dilexi equidem, a quo primum die te cognoui, tuos mores, tuam naturæ comitatem, ac suauitatem: doctrinam uero, ingenium, industriam suspexi semper, extuliq. laudibus ad celum: nec iniuria. nam si, Romane linguae studium colere, & illustrare, laus est: quis hoc te uno aut curauit studiosius ætate nostra, aut cumulatus præstitit? ego ipse, quem tu esse aliquid uis in hac latine scribendi facultate; in quo uereor ne te fallat amor: nam iudicium in dubium nocare non debeo: sed, si quid sum, quadam ex parte de tuo fonte fluxi. thesauros enim Ciceronis omnes, in illo præclaro tuarum observationū libro congestos, reperi; & usus sum facile: quos colligere dispersos, immensi laboris fuisset, ac temporis. Laudas igitur beneficium tuum, cum me laudas, & quodam modo præmia capis meritorum tuorum. De loco in oratione pro Sextio, disputas erudite: nec a iudicio

F 4 tuo



tuo mea discrepat opinio. quiddam tamen superest,  
quod me leuiter pungat. qua de re cum erimus in-  
ter nos collocuti; uel ego tuam sententiam, ut ue-  
ram, uel tu meam sequeris gratiæ saltem caussa.  
Vale, et Farnesio Cardinali, simulq. Antonio Mi-  
randulæ, Episcopo uni omnium doctissimo, atque  
humanissimo, meis uerbis salutem plurimam dici-  
to. Asulæ.

SILVIO ANTONIANO,  
Ferrariam.

ACUTE admodum, mi Silui, nec minus a-  
manter scribis. ego autem in amore facile possum  
tibi respondere, planeq. respondeo: ingenij signa,  
prædico tibi, ne prorsus ulla meis in litteris exspe-  
ctato. non soleo fere studiosius epistolas elaborare:  
primum, quia, si quid scribitur ad familiares, pla-  
ne familiariter agendum puto: odi illa nimis ambi-  
tiosa, constructa uerbis, et sententijs exquisitis: dein-  
de, quia ne si uelim quidem in epistolis agere accu-  
ratijs, relinquitur ut possim. urgeor quotidianis  
amicorum salutationibus: negotijs, et rei domesti-  
cæ cura pæne opprimor: oculorum uero uoletudine  
sic interdum uexor, ut nullam partem capiam quie-  
tis. quare male merearis de amico tuo, Silui, si ue-  
lis ei, tam ualde occupato, tam grauiter affecto,  
diligentiæ onus imponere. imitetur epistola sermo-  
nem, excurrat libere, nullis adstricta legibus, &  
suauem



suauem quandam, perfecta non indignam amici-  
 tia, negligentiam praesferat. alioqui officium scri-  
 bendi, saepe inter absentes necessarium, gratum  
 quidem semper, iniucundum & graue nimis accu-  
 rata reddet industria. Quod me ornas laudibus;  
 non efficis ut ipse mihi placeam, aut assumam plus,  
 quam soleo: tueri placet modestiam meam: id asse-  
 queris, ut me tibi deuincias magis, cuius ex amore  
 fluere ista uideo, nimis in me honorifica, pracla-  
 ra, singularia: quæ optauī equidem semper, asse-  
 cutum me nunquam putauī. sed uidelicet, affinge-  
 re ueritati, uobis poetis religio non est: idq̃. faci-  
 tis libenter; ne, consuetudine intermissa, quodam  
 modo uestra iura minuantur. me tamen, si poeti-  
 ce scribis, artificium tuum, sin, ut scribis, ita de  
 me sentis, error etiam delectat. hæc enim me tibi  
 commendat opinio, & amorem augeat necesse est:  
 foris etiam, ut spero, fructum pariet. nam meis  
 laudibus, tuo commoti testimonio, quem excelle-  
 re ingenio, florere magnorum Principum gratia  
 constat, non pauci fortasse assentientur. quod uti-  
 nam, id quod in meis consilijs erat summum, Fer-  
 rariæ mihi uiuere, Principiq̃. egregio, & optimo  
 Cardinali, Hippolyto Estensi, in illa nobilissima  
 præclaris referta uiris aula, operam nauare per  
 ualeitudinem licuisset. nā ego te, singulari uirtute  
 adolescentem, ita meis studijs, & officijs essem  
 complexus, ut nemini prorsus tuorum familiarium,  
 ne Riccio quidem ipsi, apud quem filii locum obti-  
 nes,



PAULI MANVTII

nes, in te amando concederem. Quid, inquires, si te, depulso morbo, confirmares? Tunc quidem nihil esset mihi mea fide potius: starem promissis: officio non deessem: omnis mea uoluntas, omnia studia, omnis industria unum spectaret Hippolytum Estensem, ab unius nutu, imperioq. penderet. uerum ut hæc aliquando esse percuperem, ita, ne futura nunquam sint, ualde metuo: nunc quidem certe nullo pacto esse possunt: iaceo enim, sicut hieme soleo, & languéo miserrime: nec mihi cæli mutatio profuit: nec nouis remedijs locus est; quæ iam omnia frustra consumpsi: uno tamen bono mea mala compensantur, quòd etsi uires corporis magna ex parte, ingenium tamen, qualecunque est, uis morbi minime debilitauit, aut fregit. itaque singulis noctibus aliquid scribo, aut legenti puero aures præbeo. sic assequar fortasse, ut, qui me non uident, carentem publico, & communi luce, uiuere tamen intelligant, atque ita uiuere, ne quando cum alijs plane totus extinguar. Tu frui, optime Silui, ista ualetudine, & isto otio: cum illa tibi naturæ munere satis firma contingerit, hoc habeas tui Principis liberalitate uberrimum. Vale. Venetijs.

BARTHOLOMAEO RICCIO,  
Ferrariam.

VERA narras, optime Ricci, atque ita narras,



*ras, ut in magna tuarum litterarum prudentia facile tamen amor interluceat. Mihi, ut scribis, condiciones hoc biennio delatæ sunt multæ, quinque fere, aut sex, omnes cum emolumento, nulla sine dignitate. fecit tamen siue uoletudo mea, siue uoluntas, seu fati potius, quæ in rebus humanis dominatur, occulta quædam uis, ut omnes reiecerim. hanc postremam, ut dederem me summo Cardinali, Hippolyto Estensi, unam auide sum complexus, unam omnibus anteposui: nec est in meis consilijs quidquam antiquius, quàm ut in illius aula, eximij Principis, ac uiri præstantissimi, consenescam. quare, quod hortaris, ut ad uos quamprimum me conferam; non efficis, ut cupiam; qui cupiditate iam ardeam; dolorem potius auges; cum intelligam, quod maxime uolo, id me consequi, hoc quidem tempore, minime posse. nam, ut omittam, quòd hæc me frigoris acerrima uis, et intemperies celi semel aut iterum cubiculo egressum pessime accepit, & in eadem claustra, in eadem, ubi multis iam mensibus iacui, tenebras retrusit: præterea pietas me retinet. Fratres habet uxor mea duos: quos ego ambos unice diligo: contraq. ipsi mihi singularem non modo beneuolentiâ, uerum etiam obseruantiam præstant. probi sunt adolescentes, ingenio, modestia, uirtute etiam ornati, una re minus laudandi, quòd inter ipsos parum conuenit. orta est inter eos post obitum patris de hereditate dissensio: inde lis, inde odium. quòd*

*nisi*

RICCIO.



nisi ego me interponerem; nisi utrūque prensarem, rogaremq. per parentis manes, per solitudinem matris, per existimationem familiæ: conflētarentur assidue turpibus iudicijs, graui iactura famæ, magno rei familiaris detrimento. hoc ego dum uersor in negotio; dum in eo studium, operamq. pono, ut uxoris meæ fratribus consulam: putem mihi esse uerendum, ne quis me, sana prædita mente, reprehendat? non puto. non igitur hoc, te iudice, pertimescam. hem Ricci, qui sacris in litteris non ambitione, ut multi, sed ita uersatus es, ut scientiam, è libris petitam, uita exprimeres; quæ sunt illa præclara, quæ nos ille bonarum actionum magister optimus edocuit? non hæc sunt, egentibus subuenire, errantes in uiam, dissidentes ad concordiam reuocare? ama igitur me de hoc officio. non postulo, ut laudes. iam enim didici, uel ætate doctus, uel morbo admonitus, recte factorum fructum a Deo potius, quàm ab hominum iudicijs, expectare, omnemq. laudem non in honore uerborum, sed in ipsa re, atque in una uirtute constituere. Vides iam duas esse commorationis meæ causas, utranque satis grauem. accedit tertia, ne ipsa quidem leuis, ut imprimam librum meum de legibus Romanis; quem poscentibus multis debere iam diutius uix possum. eoq. magis in hanc uoluntatem incubui, quòd inscriptum opus Hippolyto Cardinali, cui me addixi totum, emittetur. ac, si quid in posterum ingenio, si quid litteris consequar, ad unius arbitrium



arbitrium refero: unius laudem mea studia spectabunt: uni posthac mea seruiet industria. Tu, mi Ricci, fac tibi ita persuadeas, amabiliorem mihi Ferrariam fore tua causa. tuis enim sermonibus, tua humanitate, tuo lepore frui, interruptamque multorum annorum consuetudinem licebit aliquando resarcire. quod ut sit maxime diuturnum, opto vehementer, & ut tu amantissime auguraris, etiam spero. Vale. Venetijs.

ANTONIO AVGVSTINO,  
Romam.

ACCEPI tuum Varronem, missum ab Octavio nostro, delatum a Læuino. quid quæris? te dignus est. quod si operam eandem posueris in Festo; plurimum tibi Romanæ litteræ debebunt. aggredere. quid enim tibi non succedet? qui, (ut omittā illa, quæ pleno iam theatro spectata sunt, ingenium, iudicium, doctrinam) quantus quantus es, totus labor, totus industria es. ac mehercule proprias tibi ego agam, atque habebo gratias. nam, quem in eo libro emendando laborem suscipere cogitaueram, quem fortasse, & alijs pressus oneribus, & natura, ac valetudine imbecillus, non ferrem, eo me leuabis. Vale. Venetijs. Egregio iurisperito, Pyrrho Taro, ueteri mihi necessitudine coniuncto, tui perstudioso, salutem plurimam.

Eidem



## E I D E M, Romam.

E G O uero & scripsi iam, nisi me fallit memoria, satis aperte: & nunc, quando tibi ita placet, iterabo eadem libentissime. Lapidem, aut nummos, si quos habes, in quibus mentio fiat legum Romanarum; eos si nobis impertieris, habebo gratias, tuumque etiam beneficium ipsa fortasse, me narrante, posteritas audiet. tabulas uideor mihi legisse Romæ nescio quas: sed neque tum descripsi; qui magni non facerem ea, quæ nunc quidem tanti puto, nihil ut potius mihi sit: neque uero, quo in loco, aut apud quem eas legerim, satis nunc in memoriam reuocare possum. quare ad te confugio, uniuersæ arcam antiquitatis, arcam tamen eiusmodi, quæ pateat amicis tuis, hoc est bonis uiris: quo me in numero quia esse uis, triumpho. Alexander autem tuus facile nostrum artificio uincet. tu enim excellis: at nos quid sumus? aliquid fortasse, si cum alijs; nihil certe, si tecum Augustine comparemur. Plura nec possum, quod eram occupatus: quamquam hoc quidem quotidianum est: nec debeo hac in re, quam tibi non solum amicitia nostra, uerum etiam litteræ ipsæ, quibus tibi scio nihil esse carius, etiam me tacente, magnopere commendant. Vale, & Siluestrum Aldobrandinum, uirum excellentem, meum perueterem amicum, nisi graue est, saluta meis uerbis plurimum. Venetijs.

Eidem



## E I D E M, Romam.

*N I S I* quis casus meis consilijs occurrat, editionem cogitabam eius libri, quem de legibus Romanis quinquennio ante a me conscriptum, debere diutius multis flagitantibus non possum. ad hunc librum quantum ex antiquis lapidibus accedere possit ornamenti, præclare intelligo. porro, tu is es, qui hoc in usu, atque hoc in genere scientiæ, tum quia Romæ uiuis, tum quòd in studijs totus hæres, pæne solus excellas. quanquam hoc in tuis laudibus minimum est: alia sunt in te, quæ ego non desino prædicare, aut sane paullo præstantiora: quæ non est hic commemorandi locus, ac ne significandi quidem; ne tu me nimium esse blandum, & quasi tuæ diffidentem humanitati, ad hoc artificium confugisse existimes. peto igitur a te, atque etiam rogo, (quanquam hoc uerbum amicitia nostra, tuaq. maxime bonitas respuere uidetur) si quid habes, quod ad leges Romanas pertineat, e libris excerptum, & ueterum lapidum, aut etiam nummorum obseruatione collectum, id mihi ut impertias. bene mereberis de litteris, uel potius bene de te meritis gratiam referes: quandoquidem earum ope, ac merito tantus es: bene etiam de me ipso; cuius laudi pro nostra necessitudine, meoq. erga te studio singulari, debes uelle consulere. quanquam hoc ego certe nõ admodum specto: ambitionem enim pæne habeo  
in



PAULI MANVTII

in extremis : prima mihi est , omniumq. rerum antiquissima publica studiosorum hominum utilitas : quò mei labores intenduntur , mea , quaecunque est , dirigitur industria . excute , si me amas , atque euolue funditus illa tua scrinia , in quibus conditi rerum antiquarum thesauri asseruantur . nemo enim , si possessio litterarum diuitiæ sunt ; quod homines elegantiori iudicio , sanaq. præditi mente opinantur ; nemo , inquam , optime Augustine , te ditior est . nec de tuis copijs multum imminues , si , quod futurum speramus , inopiæ nostræ subueneris . qui si etiam nobiscum plurima communicares ; multo id tamen , quod dares , minus esset , quàm quantum tibi , libris assidue tractandis , quotidie quæritur . uerum modeste tecum agimus : petimus a te minima de maximis : itaque facile impetrabimus . Vale . Venetijs .

EIDEM, LEGATO  
PONTIFICIO,  
Viennam.

QVIA mihi honore tuo nihil est antiquius , propterea non mediocrem cepi lætitiā : tibiq. sum absenti gratulatus , quo primum tempore de legatione tibi delata ad Romanorum Regem , tum ex amicorum litteris , tum ex multorum sermonibus cognoui . illud , ut uere dicam , molestiæ non nihil adspersit , quòd ueritus sum , ne nostræ litteræ , quibus,



bus, cum in urbe uiuis, tua studia splendorem, & utilitatem addunt, te discedente, & in Austriam usque, ad longe diuersum uitæ genus translato, iacturæ plurimum facerent. quod, si, secus esse, significaueris: ( iam enim uersaris in ipsa re; quæq. tua futura sit in uniuerso fere munere occupatio, usus te monere, & erudire facile potest ) cumularis mea gaudia, & habebo gratiam ijs, quibus honestare tuam uirtutem his honoris insignibus, nullo nostro, hoc est artium, doctrinarumq. liberalium, detrimento, curæ fuit. Ac primum illud, pro meo incredibili erga antiquitatem studio, etiam atque etiam a te petam, uel potius, quando pollicitus iam es, a te exigam, ut Festum Pompeium tua emendatione perpolias, atque illustres; aut, si habes ita emendatum, ut tibi, acerrimi, ac seuerissimi iudicii uiro, satisfaciat, edendum omnino cures, neque deberi nobis eam utilitatem diutius patiari, quam, cum in illo uere aureo libro dispersam uideamus, colligere tamen uix possumus, uel plane nullo modo possumus, locorum, ut scis, pæne innumerabilium difficili scientia impediti, bene collocabitur industria tua: et hunc sibi comitem adiungi, ne solus eat per ora uirum, Varro tuus æquo animo patietur. rogandus non es in tua laude, communi præsertim studiosorū cōmodo coniuncta: ut, si de illa non laboras, hoc saltem commouere te debeat. quòd utinam aut mihi cum hac mente pars aliqua doctrinæ tuæ, aut tibi mea mens, et plane incredibilis

G

dibilis



dibilis ad communicandam uirtutem animi propensio, cum ista tam exquisita, tamq̃. multiplici omnium p̃ane litterarum scientia contigisset. nã ego, quod ad me attinet, multa non sinerem ignorari, quæ scire præclarum est, quæq̃. in tenebris, nisi tu eruas, perpetuo iacebunt. nec tamen persuadere mihi possum, te uelle nobis tam iniquum esse, ut tantam doctrinam, si quid tibi accadat humanitus, (homines enim sumus: nec ego mihi, nec tu tibi de uitæ diuturnitate præstare quidquam possumus) extinguere tecum uelis. Quid ea, quæ chartis iam, & uoluminibus explicasti? cur diutius premis, optime Augustine? cur ex ingenij tui fontibus expleri nostram sitim non uis? sed, opinor, aliquando facies: & faueo libenter meæ spei, paullo minus, quàm tuæ gloriæ; cui scio me optime consulere, cum hæc ad te scribo. De me si quæris: uexamur oculorum anniuersario morbo: nec tamen labori parcimus: scribimus aliquid quotidie, aut legenti puero operam damus: aliquo fortasse ualetudinis damno: sed nihil est tanti, ut a litterarum suauissima consuetudine seiungar. Onuphrius Panninius, ille antiquitatis heluo, spectatæ iuuenis industriæ, et ingenio, ut probitate, præstans, hic est, eritque, ut uideo, in aliquot menses. imprimit suos Fastos cum commentarijs; & interim adornat alia. sæpe litigat obscuris de rebus cum Sigonio nostro: sed utriusque bonitas, mutuus amor, excellens ad cognoscendum ueritatem iudicium, facit, ut inter eos facile



facile conueniat. Sigonium de facie non nosti: eius tamen scripta, non dubito, quin legeris. ea doctrinam, & ingenium declarant: humanitatis, & studij erga te, tuique similes testis ego sum: quem debes ipsum suo merito, præterea tuæ præconem eruditionis, diligere. Vale. Venerijs.

## E I D E M, Romam.

VBI te ad urbem rediisse cognoui, uehementer sane, pro meo erga bonas litteras perpetuo ac singulari studio, sum lætatus. te enim absente, silere mihi prorsus Romanæ musæ uidebantur. Scripseram ad te superioribus diebus; easque litteras ad aulam noui Imperatoris miseram; quas acceperis, nec ne, cupio scire. appellabam te, quod iam promiseras, de Festo cum tuis correctionibus diuulgando. de quo nunc eo magis urgeo, quia, nisi fallor, spatij plus habebis. aggressus ne sis, & quousque opus perduxeris, ac de perpolitioe quid speres, si ad me scripseris, rem gratissimam facies. simul illud: si quid, quod ad ius Latij pertineat, aut obseruasti, scriptum a ueteribus, aut ingenio tuo, quo uales plurimum, consecutus es. nam Latinos reliquis omnibus socijs antecellere, satis constat; quo autem iure, quibus honoribus, & commodis, adhuc quæro. & ut non nulli ex Liuij, alij ex iure ciuili, quæ rem aperire uideantur, in medium asserant: nihil tamen intelligo esse ita firmum, ut in



PAULI MANVTII

eo possit cogitatio consistere . quod tu fortasse præstabis . Vale . Venetijs .

BENEDICTO RHAMBERTO,  
rusticanti .

SVADEBAM, ut exires ; quòd agrotans , quantum esset in cali mutatione, cognouissem : nūc idem angor, te profecto : neque me congressus, neque sermo cuiusquam iuuat : solus, ut in litore, ob erro . quin etiam, et si scio quàm sis prudens , & in omni re moderatus : tamen, ut est amor sollicitus , offensiones in te omnes timeo . commune omnium est, ut rure, ueluti quandam uiuendi licentiam nacti, liberius agamus . amabo te , mi Rhamberte, noli istam consuetudinem imitari, serua tuam ueterem in urbe continentiam . et quoniam mihi , ut sepe tecum locutus sum , aduersus non dissimilem destillationem præsens auxilium fuit exercitatio : te quoque ipsum , nisi fallor, hoc uno maxime senties allenari ; si modo hoc tenebis, ut meridianum in solem ne te committas, multo uero minus in uentum, qui sit inclementior . nam etiam sunt auræ quædam leues, quarum spiritus non modo non hominum generi noxius, sed etiam uitalis : & ego, has sæpe ultro secutus , sensi languentes in me uires earum quasi flabris excitari . Sed o Rhamberte, audi me hoc uerissime monentem . nihil agis, nisi iucunde uiuas . si uis te tibi restituere ; des te ad hilaritatem oportet,



oportet, & ex animo tuo dispellas, si qua tristium cogitationum residet nubecula. Hanc esse præstantissimam medicinam, uel potius unam esse medicinam, me quidem, superioribus temporibus eodem morbo laborantem, docuit euentus. quare te rogo, ut pro eo, quanti ipse tibi es, quanti q. etiam nos apud te sumus, quorum salus in tua salute posita est; des operam, ut ueterem morbum noua ratione cures, & aliquando istam turbam medicorum malam in crucem iubeas abire; qui te pharmacis non solum diuersis, sed etiam contrarijs integrum iam annum lacerant, dum latentem in obscuro ueritatē tuo periculo quærunt. Vale. Venetijs.

MARIO CORRADO,  
Brundisium.

DEBEO tibi, mi Corrade, tot iam nominibus, prorsus ut non uideam, qui soluendo esse possim. scripsisti ad me sæpe: tantum ne? sunt alia: humanissime, elegantissime: laudes in me contulisti eas, quas si agnoscam, ipse me nimium uidear amare. tibi tamen habeo gratias de ista tam liberali, tamq. erga me proluxa uoluntate; eamq. si gratus, id est si uir bonus esse uolo, ut certe uolo, puto mihi esse inter summa beneficia collocandam. itaque, cum te nunquam uiderim, fero tamen in oculis: &, quanquam habeas, qui te talem diligant; quos necesse est esse quamplurimos; ego tamen pri-

G 3 mas



mas in amore partes appeto, secundis non libenter acquiesco. non soleo blandus esse, nec auribus dare, quod negari possit ueritati. quare uelim mihi credas affirmanti; neminem me tibi Latina in oratione antepondere, conferre paucos. hoc ego ita iudico: nec tu meum iudicium in dubium reuocare debes; cum mihi iam in epistolis tuis tantum in hoc genere tribueris. unum doleo, tuam istam latere uirtutem in extremo Italiae angulo, neque in hac luce uersari, fructumq. capere laudem eam, quae tibi debetur, iudicio, ac testimonio praestantium uirorum. quod si te cohortando possem adducere, ut de migratione cogitares: aggrederer, & in hanc rationem totus incumberem: uerum neque mihi de statu rerum tuarum constat; et si cohortatione moueri potes, ipsa te res, nequaquam tibi, ut, opinor, obscura uel me tacente debet incitare. Quod scire uis de meis antiquitatibus, haec sunt. Liber nunc imprimitur de legibus: quem, cum erit absolutus, curabo ad te perferendum. sequetur, de ciuitate, aut, de comitijs; tum reliqui libri; ut extrema cuique manus imponetur. sunt enim omnes decem; nec mihi ordinem in edendo praescripsi. Edidi iam commentarium in orationem pro Sextio, & proximis diebus in epistolas ad Brutum, & ad Quintum fratrem: quem tibi nunc utrunque mitto, munusculum uidelicet, ut ait ille noster, leuidense: sed rem uoluntate metieris. maiora uellem, & fortasse possem: uerum infirmitas corporis facit, ut labore



re debiliter; lippitudo autem, ne legere diutius liceat, aut scribere. magnam etiam mihi temporis partem eripiunt salutationes amicorum, magnam domestica negotia: sexcenta præterea, quæ me a studijs auellunt. sed feramus: humana sunt, nec præcipue nostra, sed communia cum multis. Tu me, uelim, ames, & si par pari referre uis, amore non uulgari. Vale. Venetijs.

FABIO STELLAE,  
Brixiam.

CUM tu ad me, Fabi, quem de facie non dum nosti, adductus humanitate epistolam miseris tam elegantem, distinctâ notis non amoris minus, quàm ingenij: ferreus sim, ni te, patremq. tuum sic amem, ut amare solemus ea, quæ nobis in uita prima sunt. sed quid, si me ipsum etiam uestra causa plus amem? quid enim? cum ego me a parente tuo, magni nominis uiro, summis uirtutibus ornato, diligere uideam, a te uero etiam laudari, excellentis ingenij adolescente, optime ad uirtutem animato; non ipse mihi pluris sim? non gaudeam haberi a uobis, qualis esse semper uolui, & ut essem, laboraui; sed uoluntati exitum respondisse nunquam duxi? Equidem cum natura sum, tum uoletudine, et morbo subtristis; nec ad hilaritatem facile traducor: tuæ tamen litteræ, patrisq. tui, uix credas, quid animo meo incunditatis instillarint, qua uoluptate,



PAULI MANVTII

qua letitia perfuderint. itaque officij uestri memoria sustentor; eaq. sic fruor, ut beneficijs omnibus anteponom. quod utinam adire ad uos, ac studio uestro satisfacere liceret. nihil esset optatius: et esset iter Pastorio comite iucundius. uerum nescio quo fato contigit, ut, quo primum huc die perueni, cum tota pene familia cœperim egrotare, uxor quidem grauissime; nec dum ualet; ego satis leuiter, sic tamen, ut iaceam. corpori enim imbecillo quæuis incommoditas uix ferenda. quamobrem, affectus morbo, a uiribus infirmus, equo me non audem committere, uel placidissime incedenti. lecticam, inquis, mittemus. hac equidem ueherer commodius: sed, mi Fabi, hoc genere deliciarum mei ordinis homines uti non solent: ad fortunatos pertinet. itaque differam per aliquot dies, quoad uires colligam, id est, quoad equo, aut etiam cisis liceat uti. equos quidem hic, quales infirmitas nostri corporis requirit, id est qui alterno gressu crura molli-ter explicent, quos gradarios antiquitas appellabat, facile possum inuenire: sed insolentiam huius cæli non nihil metuo: cisis autem, uereor, ne succussu lædat. omnia tamen, ut uideo, moderabitur humanitas uestra. Vale, et patri tuo, præstanti uiro, multam salutem meis uerbis. Asulæ.

E I D E M, Brixiam.

AGNOSCO tuis in litteris & patris tui, summi uiri, singularem humanitatem, & Pastorij nostri,



nostri, hominis integerrimi, nec eloquentia minus,  
 quàm doctrina, præstantis, egregiam disciplinam.  
 et cum ego te propter illos diligam: (est enim, ut  
 scis, uterque mei, & ego item utriusque amantissi-  
 mus) tum uero ad meam in illos beneuolentiam,  
 quæ summa est, non nihil tamen tua causa uidetur  
 accedere. Patet, atque elucet in epistola tua pu-  
 dor ille, ingenuo dignus adolescente, qui maxime  
 commendat ætatem: patet etiam, quo fit pudor a-  
 mabilius, plusq. sibi gratiæ conciliat, ingenium.  
 quæ perspexeram equidem in te, ac laudaueram,  
 quo tempore diuersatus Brixia sum in ædibus ue-  
 stris, exceptusq. & cultus a parentibus tuis om-  
 ni genere officij: sed nihil præstantius, nihil admira-  
 bilius, quàm laudis in adolescente perpetuitas. pri-  
 mum enim lubrica ipsa ætas est; nec reperitur faci-  
 le, qui consistat: deinde, tenduntur sæpe bonis, qui  
 bus capiantur, insidiæ: & multa sunt ad deprauan-  
 dum parata, improborum consilia, æqualium exem-  
 pla, uoluptatum illecebræ. hæ sunt illæ Syrtes, qui-  
 bus incerto cursu nauigantes absorbentur: hæc illa  
 saxa, quò salutis cum aperto discrimine impingitur.  
 nec uero, poetas, cum & hæc, & huius generis a-  
 lia cecinerunt, simpliciter locutos, uelim existimes.  
 utuntur similitudine rerum, quæ subiectæ sensibus  
 sunt, ut animos erudiant, moribusque nostris, ac  
 famæ consulant. itaque sapientem appellarunt  
 eum, qui maris pericula, uoragines, & scopulos,  
 & dubijs agitata uentis loca uitauisset, atque illa  
 per-



perdendorum hominum auda monstra, uirginum  
 facie simulata, prædulciq. cantu blandientia, con-  
 tempisset. quæ sunt omnes, mihi crede, imagines  
 humanæ uitæ: qua nullum est mare difficilius, &  
 in qua, nisi rationis quasi gubernaculo regamur,  
 quàm facile fluctuemus, quàmq. multa, & quàm  
 graua rei familiaris, existimationis, ac uitæ nau-  
 fragia contingant, si te propter ætatem non dum u-  
 sus docuit, disce a libris, uel disce a parente tuo, spe-  
 ctatæ sapientiæ uiro; qui se ex hac tempestate tan-  
 quam in portum recepit sacrarum litterarum;  
 quodq. habet a foro, quod a publicis muneribus otij  
 totum id in theologia libentissime consumit. quem  
 tu imitaris, ut audio, si minus in studio doctrinæ, at  
 in uoluntate, in moribus, uitæq. instituto. contem-  
 nere te aiunt, quæ ceteris ab adolescentibus cum uo-  
 luptate sunt: abhorrere a lusu, uenatione, cursu,  
 alea: leuia ducere hæc, inania, indecora, turpia:  
 deditum esse litteris, uel quibus ad humanitatem  
 informamur, uel quibus ad excellentem liberalium  
 disciplinarum cognitionem aditus aperitur: maxi-  
 me uero solitum ea meditari, & curare diligenter,  
 quibus æternæ uitæ salus comparatur. diuina sunt  
 hæc munera, mi Fabi, non a nobis profecta, aut ela-  
 borata, nec omnibus impertita. tibi contigit, ut ita  
 sentires, & ita uelles: habe gratiam Deo, qui te  
 tantis in tenebris, atque erroribus præcipuo quo-  
 dam lumine illustrauerit. alijs non idem contigit:  
 mirari noli, neque causam quære. abdita sunt, nec  
 hu-



humanis comprehensibilia mentibus arcana celi.  
Stet illud modo, nihil usquam fieri, nihil euenire aut  
insciente, aut nolente Deo: quæq. ille uult, & quæ  
permittit, ea nequaquam reuocare ad nostrum iu-  
dicium debemus, neque, recte ne fiant, an secus,  
interpretari. Et omnino uelim te, cum de diuinis  
rebus cogitas, minuire opinionem scientiæ, demit-  
tere animum, ac mentem, unamq. putare certissi-  
mam doctrinam, pietatem in Deum, aut beneuolen-  
tiam, & studium erga illos, qui nobis a Deo com-  
mendantur. Quæ non dubito quin sæpe ita cogites,  
ut credas: nec te ita puto credere, ut re ipsa non præ-  
stes: cum te omnes ita uiuere confirment, ut a tuis  
moribus prorsus absit arrogantia. ueruntamen, si  
tibi laudo id, quod amas, & quod amandum existi-  
mas, non a te gratiam in eo? non hæc tibi licet, pa-  
rum necessaria, iucunda tamen commemoratio est?  
Sequitur illud. ipse mihi satisfacio. nam, quæ lau-  
datio uidetur, eadem, si attendis, cohortandi etiam  
uim habet. quo genere, pro mea in te beneuolentia,  
magnopere delector. Atque etiam in huiusmodi  
sermones ego soleo libenter ingredi; quia, si nihil  
aliud, ipse mihi fructum fero, dum ea tracto, qui-  
bus amore summi boni, studioq. incendor. Te au-  
tem, cum hæc legis, letari oportet uel tua causa,  
qui tuum intelligas iudicium nostra sententia com-  
probari; uel mea, quem sentire tecum uideas, &  
ijsdem gradibus parare adscensum ad ea, quæ quan-  
ta sint, ex eo conijcitur, quod ipsa tantum spes tran-  
quillitatem



PAULI MANVTII

quillitatem parit animis nostris, eosq. non a malis modo, sed a malorum quoque motu uindicat. Ma-  
cte igitur ista uoluntate, & isto sensu. mature ui-  
disti, quis esset reclus ad gloriam cursus. sequere  
iudicium tuum: nec tamen contemne nos, si quan-  
do hortamur: & ipse nos uicissim, ubi languemus,  
hortare. sic erit mutua gratia: sic amabimus etiam  
magis inter nos, mutuo beneficio prouocati. Vale.

IOANNI BAPTISTAE

PASTORIO,

Brixiam.

Ego uero te, mi Pastori, tua caussa dilexi  
semper. habes enim, quæ tibi amorem concilient,  
doctrinam, & humanitatem. munera, quæ mittis,  
me tibi obstringunt magis, beneuolentiam in te  
meam augere non possunt. quæ enim a uirtute pro-  
fecta sit, non his tanquam adminiculis nititur, sed  
consistit ipsa per se, eoq. iam processit, ut ad sum-  
mum peruenisse uideatur. præsta te mihi, obsecro,  
qualem hætenus cognoui, amantem mei, & in a-  
micitia constantem. munus hoc erit omnium mune-  
rum præstantissimum. quod ego, qui sim mei erga  
te animi ipse mihi conscius, quasi debitum exspecto.  
Vale. Asula.

Vincentio



VINCENTIO STELLAE,  
Brixiam.

SUPERIORIBVS diebus, quo magis  
 incitabar cupiditate ueniendi ad te, uisendaq. ur-  
 bis, ut audio, pulcherrimæ, qui essem littteris &  
 tuis, & filij tui, id est utrisque tuis, amantissime  
 inuitatus; eo me reuocabat magis pudor meus; ne-  
 que tam, quid tua permetteret humanitas, quàm,  
 quatenus mihi per modestiam meam progredi lice-  
 ret, cogitabam. ac sæpe mecum sic. An tu ad ho-  
 minem, quem nunquam allocutus? quem ne uidisti  
 quidem? adde: quem uirum, quàm nobilem, quàm  
 grauem, quàm districtum magnis rebus? ego au-  
 tem quis? infirmus natura semper, nunc etiam ua-  
 letudine impeditus, exquisita quadam ratione &  
 cura tuendus. Contendebam equidem cum animo  
 meo: nec uici facile, sed uici tamen aliquando, &  
 decreui omnino ad uos primo quoque tempore me  
 conferre. uereor enim, dum ualetudinis cōmodum  
 exspecto, & id ago, ut, quas morbus ademit, uires  
 colligam, in hiemem ne incidam, id est in imbres,  
 & frigora: quorum altero uia corrumpuntur; alte-  
 rum scis esse λεπὸν καὶ πολέμιόν τ' αὖτον. nam illud  
 in quo tibi fortasse, uel domesticis tuis inconmoda-  
 re mea mollities, & paullo fastidiosior in uictu con-  
 suetudo potest, id non specto. aut enim exiguum  
 quiddam erit, & feretur facile; aut, si magnum,  
 illustrabit



PAULI MANVTII

illustrabit benignitatem tuam. Statutum igitur de re: nec est, cur sententiam mutem: uidendum de ratione itineris: quam tu ad meam uoluntatem, meumq. consilium, quæ tua est humanitas, totam reijcis. ego autem nihil puto commodius, nihil aptius ad uirium infirmitatem sustentandam, quàm leætula gestari. sed habet species illa, quod ad Fabium tuum scripseram, quiddam nimis honorificum: nec ego is sum, qui, quod superat fortunam meam, eo libenter utar. uerum ignoscetur ualetudini: quam satis infirmam, atque imbecillam, concussus et uexatio facile frangeret. cisio quidem, quomearum bene perita curationum ancilla cum filiola & puero uehatur, opus est. hæc si habebo, uel potius cum habebo; (uis enim me a tua liberalitate omnia expectare) dabo me statim in uiam, & ea quidem spe, ut aliquem e cæli mutatione fructum capiam, maximum quidem ex tua humanitate, quam cantari ab omnibus audio. Vale. Asulæ.

E I D E M, Brixiam.

Q V O D ueritus sum, fieri uideo, ut imbribus madescat humus, & puluis in lutum coacta uias impediat, ac turpi sædet adspectu. frigoris etiam acres morsus hoc triduo sentire cœpimus. quæ cum sint iter habentibus incommoda; tum uero, maiora ut timeantur, hiemis propinquititas facit: ut mihi uel mature, nulla interposita mora, ueniendum ad  
uos,



uos, uel totum consilium necessario abijciendum intelligam. febricula omnino tentamur quotidiana: sed, opinor, decedet, cum primum ex hoc me domestico marore ereptum statuam in tuis adibus, id est in aliqua, ut spero, iucunditate, atque latitia. iniurias autem celi, lætica circummuniti, possumus contemnere. quamobrem, quod tuo commodo fiat, dabis negotium tuis, ut Saturni die, aut, qui sequetur, proximo, uehiculo perducant. Læticiario mandetur, atque etiam aurigæ cistum moderanti, ne quid approperent, nisi me iubente; & omnino rationem itineris ad meam uoluntatem accommodent. hoc tu, scio, Stella, uel me non scribente, mandasses. nihil enim te præterit, ob eximiam prudentiam: nihil porro nõ uis amicorum tuorum causa, ob humanitatem prudentiæ parem. Vale. Asula.

FRANCISCO OTHOMANO,  
Argentoratum.

Ego uero, comprimi a te mea causa librum tuum, minime uolo. quin, si ad me refers, ut edas quamprimum suadeo: rogo etiam pro eo, quantus est amor in me tuus: quem non esse mediocre, tuæ litteræ significant. an ego ita sim bonis artibus infensus, ut industriæ Francisci Othomani impedimenta opponam, & excellentis ingenij fructus, cum bene maturi sint, condi potius, ac domesticos intra



intra parietes asseruari, quàm in publicum efferri,  
& communicari cum omnibus uelim? Illa de tuis  
hortis, & nostris fontibus, eleganter a te, nec sine  
sale, prolata sunt. uerum, agam tecum perliberali  
ter, atque hanc partem libenter dissimulabo, tibiq.  
totam largiar. in reliquis etiam habebo rationem  
amicitiæ nostræ, nuper institutæ, maiorem tamen  
fortasse ueritatis. Tua scripta, quæ Iordanus attu-  
lit, proxime edita, doctrinam habent, & accura-  
tam antiquitatis obseruationem. itaque uigebunt  
omnibus, & laudabuntur. quòd si quid est, quod  
desiderari possit: primum id leue est; deinde, ut  
scis, non imminuit, sed auget natus in formoso cor-  
pore pulchritudinem. Vale. Venetijs.

E I D E M, Argentoratum.

N O L I, mi Othomane, officium litterarum  
a me requirere. nunquam scripsisti, quin rescripse-  
rim. quòd si contra, quàm res est, uidetur; alieno  
uitio fit; a me quidem prorsus abest culpa. De ho-  
rologio quòd iterum iam scribis, uincit pudorem  
meum humanitas tua. iam enim statueram oneris  
tibi nihil imponere, publica exponendi iuris cura  
occupato, quotidie aliquid scribenti, unde ad nos  
utilitas, ad te ipsum gloria permanet. negotium de-  
deram Petro Pernæ: et ille curaturum promise-  
rat: nec tamen biennio fidem soluit. quare accipio  
libenter, quod das, humanissime Othomane. tu mi  
hi,



hi, quod tuo commodo fiat, horologium *Auguste* elaboratum, ego tibi, quantam scripseris, pecuniam statim curabo. quale uelim, iam antea significavi, factum eleganter, artificio non uulgari. Perna dixerat, quæ ducuntur egregia, minoris triginta scutatis emi non solere. Hoc quidem esset nimium: nec rei familiaris ratio ferret: cui consulere, quia copiosa non est, uideor debere. porro genus hoc ornamentorum ita soleo cupere, ut non insaniam: cupio autem uoletudinis, non libidinis causa. cum enim me satis tristem natura finxerit, accersenda extrinsecus incunditas est, quam a me ipso petere non possum; eoq. magis, quod plurimus in cubiculo sum, affectus iam quadriennio per totam hiemem oculorum morbo, molesto tamen potius, quam acerbo. nolim igitur impensam esse supra decem scutatos, aut omnino quindecim, eamq. ita fieri, si horologium probeatur oculis eruditis. itaque uide, cui negotium mandes. nam neque omnes intelligunt: et alijs alia probantur. ego formam, & artificio, non materiam, cupio emere. De tuis Instit. egi diligenter, hortatus sum, lucri maximi spe proposita. ubi ad pretium uentum est, audire se negarunt. itaque tibi auctor sum, cum Episcopo transigas; quem facilem iam habuisti, & in tuo merito satis, ut audio, liberalem. Sturmium saluta meis uerbis, eamq. communi litterarum nomine excita ad scribendum. utinam, quantum ualet, tantum uelit. optime consuleretur studijs nostris, optime etiam ipsius glorie:

H rie:



PAULI MANVTII

riæ: quam si uult esse amplissimam, habet unde consequatur. Vale. Venetijs.

IOANNI STVRMIO,  
Argentoratum.

VOLFANGVM VVerter, cum aliquot  
abhinc annis Patauij adolefcens daret operam Bo-  
namico, dilexi multis nominibus plurimum. nam,  
ut omittam, quòd & in adfpectu species quædam  
index nobilitatis, & in sermone, atque in mori-  
bus probitas elucebat; incensus litterarum studio  
colebat me, atque obseruabat diligentissime, sic, ut  
in magna frequentia amicorum nemo tamen mihi  
effset illo carior, nemo iucundior. tueor illum amo-  
rem, &, quoad uiuam, tuebor, eiq. absenti memo-  
riam, beneuolentiamq. quam debeo, fratribus  
præsentibus officia, quæ potero, accurate præsta-  
bo. hoc cum mea sponte facturus essem, quantum,  
optime Sturmî, mihi accessisse uoluntatis existimas,  
quòd eos tu, uir inter maximos summus, & in exer-  
cenda uirtute semper occupatus, commendandos  
mihi tuis litteris putasti? nam si quis est, qui de tuo  
ingenio, de doctrina, in primisq. de eloquentia be-  
ne & sentiat, & loquatur; is ego sum; planeque  
meos eò sensus libenter conferam, ut, qui tibi cari  
sunt, eosdem ego quoque diligam. Quare, si uis,  
da mihi ornandos, atque amandos, qui ad nos ue-  
niunt, amicos tuos. officijs eos, si potero; sin mi-  
nus,



nus, studio certe, & humanitate complectar. ac ne dubita futurum, ut, quo tu sis apud me pondere, cum intellexerint, gratias tibi, quod eos tua commendatione sis prosecutus, diligenter agant. Audio te quiddam pangere in Rhetoricos Aristotelis libros: quod quale exspecto, auguror futurum, præclarum scilicet, ac te dignum. urge igitur; ut & communi utilitati, & tuæ gloriæ consulas. Vale.

## E I D E M, Argentoratum.

Nos hic, optime Sturmi, (ordiar a re tristi; quando lætæ non suppetunt) annum habemus pestilentem; & pulcherrimam civitatem quotidianus deformat adspectus mortuorum. furere iam cœpit morbus, & insultat in omnes palam, sine discrimine, qui antea repebat sensim, & latenter, nec fere quenquam, nisi obscuri loci, infimæq. sortis, attingebat. quare diuina sunt imploranda remedia: humana quàm iaceant, sæpe docuit euentus. Vobis recte istic esse audio, perpetuoq. sit opto, tum ab huiusmodi morbo, qui non modo priuatas domos exhaurit, uerum etiam urbes deuastat, tum a cunctis discordijs, ac bellis, & intestinis, & externis. Te uero florere omni laude, ualere auctoritate, ualere gratia, esse unum, ad quem omnes confluant consilij auxilijq. causa; nisi plurimum later, male sentiam de uirtute, unde tibi ista fluxerunt; male etiam de me ipso, qui tuam uitæ rationem proba



ui quidem semper, secutus autem sum, quatenus licuit: licuit enim certe multo minus, quam uolebam. unum si addis, ut ingenium tuum, quo nullum uidi praestantius, languere non sinas, & otij tui rationem constare uelis, hoc est, ut aggrediaris ad scribendum illa praecleara, quae te audio tuis familiaribus esse pollicitum, aut, si iam habes instituta, perpolias, nobiscumque. & cum posteritate communices: nam tu, Sturmi, omnium fortunam uincis, & solidam plane possides felicitatem. Equidem, quod ad me attinet, idem conor pro mea uirili parte: & haereo, quoad possum, in scribendo: sed mea ratio quam non sit eadem, quae tua, cognosce. Valetudine sum ea, quae facile in morbos incurrat, imbecilla prorsus, & incommoda. itaque saepe in cursu institutorum meorum, cum progredi maxime uellem, consistere sum coactus. Accedunt, quae temporis haud exiguum partem auferunt, salutationes multae multorum: in quibus uidetur esse honor; et est omnino quaedam species: sed ualeat ambitio: odi omnia, quae detrimentum studiis important. Quid domestica? non enim tantum a me pendent ij, qui meos intra parietes uiuunt, uxor, liberi, familia: sed fratres quoque suas in me uno rationes habent sitas: uterque meis consilijs, alter etiam meis opibus, quantulacunque sunt, nititur, ac sustentatur. Vides rerum mearum imaginem, ut in tabula depictam. nec tamen obrui me sino fluctibus molestiarum; sed enitor saepe, & consequor interdum,





terdum, ut ex omnibus curis, atque occupationibus emergam, meq. saltem per aliquot horas in portu recipiam litterarum. quo si frui diutius liceret, in caelo essem: quia non licet, hortor te, cui otij satis est, ingenij uero, scientiae, iudicij multo plus, quam mihi, ut haec omnia studiosorum ad utilitatem conferas. quod si facies; gloriosum tibi erit ex ipsa re, quem uideo praeitare posse maxima; ceteris non modo re, uerum etiam exemplo fructuosum. fortasse enim, te praesente, alij, quoquo modo poterunt, inuitati laude subsequantur. Ego meas antiquitates, etsi, ut ille ait, spissum opus est, aliquando tamen, ut spero, pertexam. Vale. Venetijs.

\*

GRATAE mihi tuae litterae, gratissimus uero qui te ad scribendum animus impulit. atque ego te antea diligebam; quod, ingressum esse minime uulgarem in uiam litterarum, longeque per eam processisse, intelligerem: sed auxit amorem in te meum haec, a me nunc minus expectata, eoque iucundior, uoluntatis erga me tuae minime dubia significatio. soleo enim amare in hominibus humanitatem haud paullo plus mehercule, quam doctrinam. ac doleo factum esse antea, casu dicam, an uoluntate tua? ut oriatur inter nos quibusdam ex opinionibus dissensio, ijs tamen de rebus, quae si dilucide pateant, quod accidere potest utroque nostrum

H 3 di-



disputante, studiosis fortasse non nihil in eo consule-  
tur. id quod est in meis consilijs, & fuit semper an-  
tiquissimum. Nam, quod mea quadam impro-  
bas: si recte sentis, habeo gratiam: errare pos-  
sum; & corrigi uolo. sin, ubi de meo sensu iudicas,  
tua te fallit opinio: ego tamen, quæ a studio uerita-  
tis culpa manat, libenter ad laudem conuerto. ita-  
que, quod ad hanc partem spectat, nemo audiet me  
querentem. excusabo te potius, atque etiam, quo-  
ad licebit, ornabo. Quod autem, quæ meis in scri-  
ptis non improbas, ea dissimulas, & in tuos com-  
mentarios, meo nomine prætermisso, quasi noua  
transfers: miratus sum, & requisui paullisper in  
eo modestiam tuam. agam enim tecum libere, si-  
cuti natura mea postulat, & inter bonos uiros æ-  
quum est. Illa de iudicijs extraordinarijs, quæ te  
scribis edidisse, si dederis operam ut ad me perferan-  
tur, etsi ea discrepare significas a sententia mea, gra-  
tissima tamen erunt. et gaudeo te tam esse diligen-  
tem in meis scriptis peruolutandis, & occasionem  
mei admonendi, & corrigendi tam libenter quæ-  
rere. sic enim intelligam; ubi corrigendi finem fe-  
ceris, nimirum, quæ supererunt, a te omnia proba-  
ri. unum peto: sit condicio par: des mihi, ut idem  
liceat per te, quod licere tibi per me uolo. si quid  
ego de tuis itidem non probauero; noli grauius cõ-  
moueri. iudicemus pariter, ego de te, tu de me, u-  
tram in partem libet: amemus tamen inter nos, ut  
boni uiri solent; & si quid fortasse de iudicio, ni-  
hil



hil tamen de benevolentia detrahatur. Libros, quos petis, habeo nullos, Cicerone excepto, nec eius generis, nunc quidem, tibi quidquam polliceor. quæ uero ipse composuerim, paucis mensibus habebis, si ualebo, commentarium in epistolas ad Quintum fratrem, & librum de legibus Romanis: qui est antiquitatum mearum sextus. De Sextiana oratione manuscripta, si contuleris cum impressa, quæq. loca uaria sunt, miseris; amabo te: idque ut facias, rogo. Vale. Venetijs.

HIERONYMO FURNARINO,  
Rauennam.

VIDES me tibi satisfacere, & quod olim petieras, id nunc, tuæ memorem uoluntatis, re præstare? non enim, ut solebam, plebeio sermone tecum ago, sed eo, quem in quadam epistola patricium appellasti; qui quàm tibi sit in delicijs, quantumq. in eo studij posueris, & industriæ, facile ex ea ipsa epistola potui coniungere. uerum, quod ad me attinet, non ego meas litteras eius esse generis intelligo, ut ab homine patricio scriptæ uideantur esse. quid enim habent, ut ita dicam, nobilitatis, quid splendoris aut in sententijs, aut in uerbis? color equidem; & huius me cupiditas laudis multos iam annos incitat: sed moratur rei difficultas, occupatio domestica, ualeitudinis infirmitas. scribo tamen assidue, quantum licet, et quoquo modo licet.

H 4 animos



animos uidelicet mihi facit, quod inter nos dictum sit, multorum inscitia: cum quibus interdum me confero non sine uoluptate: sicuti contra, cum in antiquitatem ipsam intueor, contemno me, planeq. ipse mihi displiceo. uera enim illa fuit, suisq. absoluta numeris eloquentia: nostra infantia est, mi Furnarine; nos balbi, nos elingues pæne sumus in Latina lingua. sed quid ago? dum tecum suauissime loquor, nulla certa re proposita; paginam, uerbis undique sua sponte confluentibus, impleui. erit igitur, quod initio scribere statueram, idem clausula mearum litterarum. Mitto ad te, munusculum tenue, amoris tamen significationem in te mei, commentarios, a me nuper editos, in epistolas ad Brutum, & Quinctum fratrem: quos, cupio, diligenter legas. id si assequor a te, & a tui similibus; honestabor, & gratia meis laboribus optima referetur. Vale. Venetijs.

LAEVINO TORRENTIO,  
Leodium.

MIRABAR, cum in tuis uerbis tanta sit humanitas, quæ tuo mehercule etiam elucet in uultu, cur deberi mihi tam diu paterere tuas litteras, quas, ubi Leodium peruenisses, missurum statim pollicitus eras. hanc admirationem, in qua molestiæ quiddam inerat, sustulit prorsus epistola tua, scripta sane elegantissime; in qua causam tui silentij con-



*confers in peregrinationem, & negotia. quod si iam in otio confedisti; exerce ingenium tuum præclaris in studijs, non ut amicus tuus, qui nihil unquam parit, cum tamen parturiat semper, sed ut edas aliquid, quo tuum nomen, æterna cum laude coniunctum, ab hominum obliuione, omniq. prorsus interitu uindices. Leodiensem Episcopum, de quo multi multa narrant, omnia præclara, summoq. digna principe, si quid habebo artis, aut facultatis, ornabo laudibus: sin, quod suscipiam, præstare non licebit; amabit ille tamen, ut opinor, uoluntatem. tu me interim de meliore, ut ille inquit, nota commendabis; eiusq. in me beneuolentiam, si qua est, ea, qua apud illum uales, gratia fouebis. Vale, nosque saepe litteris, si otium est, saluta. Venetijs.*

SEBASTIANO LEONI,  
CORDVBENSI,  
Romam.

*SOLES in nostris sermonibus, humanissime Leo, quod mihi maximum est argumentum amoris tui, monere me, atque etiam rogare, ut pro tenuitate uoletudinis meæ litteris utar moderatius, & in studio uirtutis, quod difficillimum est, temperantiam adhibeam: amabiliter tu quidem, & officiose admodum: sed hoc mihi persuadere si uis, prius illud persuadeas oportet, non magnopere esse de gloria*



ria laborandum : inanes esse nostras cogitationes ,  
 stulta consilia , quæ ad eam dirigantur . ad quam  
 causam non tu quidem unquam tantam afferes elo  
 quentiam , ut in re tam præstanti mihi quidem pro  
 bes modum esse seruandum . quanquam , quod ad  
 rem attinet , tu quoque mecum sentis , uel potius e  
 go tecum . in litteris affirmas esse uiuendum , & op  
 tandam in primis scientiæ cognitionem , sed cum eo  
 tamē , ut salutis ratio habeatur . obsecro te , mi Leo ,  
 quid tu existimas de ijs , qui diuitias immoderate ap  
 petunt ? num errare uidentur ? certe . at ipsi aliter  
 putant : itaque persequuntur institutum . quid de  
 ijs , qui honores sitiunt ? non dubito , quin hos quo  
 que sentias peccare . et peccant sane : timida est e  
 nim ambitio , ideoq̃ . misera : neque tamen pauci  
 sunt , quos inficit hæc labes . ego et cum his intelligo  
 me errare , & præterea cum multis : sed diuersa ra  
 tio est . illi eas res plus æquo appetunt , quas conse  
 cuti , meliores nunquam , deteriores etiam plerun  
 que efficiuntur : ego in earum artium indagatione  
 sum nimius , ( sic enim ipse existimas ) quarum co  
 gnitio euellit ex animis uitia , inserit uirtutes . ita  
 que uides errorem aliorum cum turpitudine esse cō  
 iunctum , meum non modo non turpem , uerum e  
 tiam laudabilem . At morbis sæpe tentamur . Pri  
 mum , hoc quidem non est præter naturam : ars e  
 nim præstare nō potest , ut recte semper ualeamus :  
 nam , si posset , ij , qui scientiam medicinæ tenent ,  
 ipsi nunquam ægrotarent . deinde , est præclarum  
 in

in maxim  
 enas, par  
 summa su  
 quod poet  
 mis exant  
 sum rogo  
 uideo num  
 ea cum uol  
 gentes, an  
 uauitas, q  
 mos nostros  
 que sunt ad  
 Quid si qua  
 ite curet . ne  
 præstantius  
 pariter, ig  
 cum bellis ;  
 tu, indige  
 nem, iustit  
 am, si ad  
 amo ualent  
 requirere .  
 tes, uestro e  
 tem in aures  
 dia optimat  
 na commemo  
 licet, exerce  
 capietis etia  
 ditis in coler  
 re. Vale



in maximis laborare: & , quacunque re uirtutem  
emas, paruo emas. non posse autem nos ad ea, quæ  
summa sunt, sine sudore peruenire, indicat illud,  
quod poetæ ne Herculi quidem Ioue nato, nisi maxi-  
mis exantlatis laboribus, cælum dederunt. Te ip-  
sum rogo, qui me mones; quem ego studia doctrinæ  
uideo nunquam intermittere: ullam ne uoluptatem  
ea cum uoluptate putas esse comparandam, qua le-  
gentes, aut scribentes afficimur? potest esse tanta  
suauitas, qua non maior ea sit, quæ persundit ani-  
mos nostros, earum rerum intelligentia fruenter,  
quæ sunt ad bene beateq. uiuendum necessaria?  
Quod si quis doctrinam contemnit: haud scio, quid  
iste curet. negligit animum; quo nihil potest esse  
præstantius: se ipse ignorat; quo nihil turpius: cor-  
pori seruit, ignauix deditus; quod est illi commune  
cum belluis; quibus id præcipuum, ut alantur, uen-  
triq. indulgeant, a natura tributum. itaque sequar  
meum institutum, neque te, mi Leo, neque alios  
audiam, studiosissime monentes: quorum equidem  
amo uoluntatem, iudiciū tamen cogor paullulum  
requirere. & , ut ipse quoque erga uos amici par-  
tes, uestro exemplo, suscipiam; sinite meam uo-  
cem in aures uestras influere, quæ uobis artium stu-  
dia optimarum assidue cantat; quæ uestra uobis bo-  
na commemorat, eaq. ut agnoscatis, & , quantunz  
licet, exerceatis, hortatur. cui si parebitis; fructum  
capietis eum, quem ipse mihi, cum meam reprehen-  
ditis in colenda uirtute constantiam, studetis eripe-  
re. Vale. Ex ædibus nostris.



PAULI MANVTII

MARCO ANTONIO,  
LOMBARDINO,  
Patauium.

SCIS, optime Lombardine, benignitatem a philosophis, magis etiam a Christianis hominibus laudari: recte id quidem: nihil enim est, quod hominem æque cum Deo coniungat: sed illa cautiore quiritur, ut adsit cum uoluntate prudentia. thesauros plerunque uideas in aliquem conferri ab ijs, qui dominantur. quere causam: laudabilem nullam reperiēs. quis igitur beneficium illud prædabit, in quo neque meritum accipientis, neque iudicium dantis agnoscitur? Equidem pro magnis opibus existimo hesternam illam animi tui significacionem. quod enim ad me munus misisti, tum est ipsum per se gratum, quia pertinet ad ea comoda, sine quibus, imbecilla ualetudine qui sunt, agre sustentantur; tum uero multo gratius, quia iudicij tui laude commendatur. nisi enim tibi meæ uitæ ratio, nisi ea, in quibus assidue uersor, studia probarentur; me tu certe, qui probitatem colis, qui doctrina ingenioq. excellis, beneficio non afficerēs. quando igitur ex ista tua in me liberali uoluntate, quid de meis moribus, quid de litteris sentias, facile possum conijcere; contemno Principum diuitias; beatus esse possum in tua beneuolentia; unde honor, & decus, unde præclara uirtutis argumenta, unde



unde etiam commoda manabunt. quare conserua  
 mihi, si uis me felicem esse, tuum amorem: quem  
 certe intelligas mihi deberi, si tibi, mea quæ sint er  
 ga te studia, liceat intueri. Illa uero, quæ a tua be  
 nignitate profisciscuntur, persuade tibi, hoc potissi  
 mum nomine, quia sunt amoris argumenta, mihi  
 esse carissima: neque ego te unquam ex beneficio,  
 sed beneficium semper ex te ipso pendam. Librum  
 de magistratibus, quem petieras, habeo equidem  
 absolutum, non dum tamen edendum: itaque com  
 primetur, usque dum accurate perpoliam. proœ  
 mium degustabis: quod ad te cum hac nocturna e  
 pistola statui mittere. Vale. Ex adibus nostris,  
 ante lucem.

PROOEMIUM LIBRI DE  
 magistratibus Romanis.

QVOD in priuata domo pater familias, idē  
 in ciuitate præstat lex. ille præcipit filiis, quid a  
 gant, & qua ratione agant: hac iura ciuibus man  
 dat, et ad pietatem, ad rectum spe præmiorum in  
 uitat; a delicto, proposita pœna, deterret. quem  
 admodum autem rei priuatae non hoc uno consuli  
 tur, si sit qui imperet; uerum illud præterea requi  
 ritur, ut imperanti domestici omnes pareant: sic in  
 ciuitate, nisi legem aliquis tueatur, & ut ei ciues,  
 quasi parenti optimo suū, audientes sint, potestati  
 imperioq. perficiat; non est in ipsa lege præsidij  
 satis,



satis; optimeq. ac laudabiliter uiuendi præscepta norma negligitur. quo fit, ut tam legi necessarius uideatur esse magistratus, quàm lex ipsa ciuitati. Ac mihi, hoc de genere consideranti, longe uidetur optabilius esse, ut iniquæ legi præsint optimus magistratus, quàm ut improbus æquissimæ. nam si summam potestatem cum optima mente coniungas: uir bonus in iure dicendo, præter æquabilitatem, & iustitiam, nihil spectabit: si quid erit in lege uitiosum, pro sua sapientia corriget: si quid ambiguum, in eam partem interpretabitur, quæ ad pietatem, ad communem ciuium utilitatem, ad reip. salutem propensior esse uideatur. sin autem, qui non optime sunt a mente constituti, ijs potestatem addas, & uoluntatem uiribus confirmes: legis uocem magistratus non exaudiet; quid maiores uoluerint, sanxerint, seruarint, non attendet; ad suum arbitrium, suamq. libidinem omnia reuocabit. quod cum faciet; reip. quæ tota a iure, & æquitate pendet, non solum factò, sed multo etiam magis exemplo nocebit. nam quia præeuntem sequi non difficile est: propterea, qui imitentur, quàm qui inueniant, plures non modo in rep. administranda, uerum etiam in omni arte reperias. male C. Cæsar; qui libertate ui & armis oppressa, ea, quæ omnium erant, possedit unus: sed longe improbius, ac nequior L. Sylla; qui, ut auderet sperare Cæsar ea, quæ consecutus est, exemplo suo perfecit. quòd si, qui legibus præfuerunt, tales fuissent, quales eos, qui leges



ges ipsas condiderant, fuisse legimus: stetit in suo gradu resp. quæq. artes in ciuitate libertatem auxerant, eadem facile conseruassent. uerum, in hominibus, non in legibus, uitium fuit. primi omnium duo fratres e Sempronia familia, Tiberius et Caius Gracchi, malo publico eloquentes, et ingeniosi, serere inter ciues discordias cæperunt, infimaq. plebis animos nouorum commodorum in spem turbulentis concionibus excitare. qui etsi decreto senatus iusta ui oppressi, debitas eorum audaciæ pœnas exsoluerunt: tamẽ exitiosæ consuetudinis initium attulit ille dies, qui ciuili sanguine gladios primus infecit. quod enim non modo iustum, sed nec usitatum antea fuerat, id postea ne nouum uideretur, effectum est. itaque cû aliquot post annis P. Sulpicius, primû, ut uisus est, non pessime animatus; deinde, siue ambitione inductus, siue iracundia concitatus, ab optima caussa desciiisset; eademq. fere, quæ duo Gracchi, in tribunatu pl. aut certe non dissimilia moliretur: facile ad uim & ad cædes prolapsa res est: neque prius arma quieuerunt, quàm, ciuium magna parte trucidata, aut eiecta, unius libido antiquis legibus par, atque etiam superior esse cæpit. quod neque tunc, neque postea contigisset, si, quàm sapientes in scribendis legibus maiores fuerant, tam in creandis magistratibus cauti posteri fuissent. nam etsi non recte geritur publica res, nisi præstantibus uiris, acriq. ac magno animo præditi committatur: tamen periculosa in primis hæc est, & lubrica  
sane



sane deliberatio : propterea quòd non languentibus in animis , sed in crectis mentibus , ac maximis ingenijs dominandi cupiditas exoritur. bonorum spe, fateor , ad labores , ad industriam , ad subeunda etiam pericula homines excitantur : sed in libera ciuitate est , quatenus cuique credatur ; & in danda potestate si modus retinebitur , modus item in gerenda seruabitur . legitimis enim potestatibus , & moderatis imperijs alitur libertas : neque facile quisquam uult quod se posse desperat : et qui tantum potest , quantum si consequatur , ceteri nihil possent ; hic si malus est , potestate fit deterior ; sin ita moribus exploratis , ut antea nihil neque fecerit indignum bono uiro , neque uoluerit , interdum tamen , ut humana mutantur , a rectis cogitationibus ad ini quas libidines traducitur ; & peccat eo ipso , quia peccare permittitur ut possit . quocirca patriam meam singulari sapientia institutam , ac diuino quodam consilio temperatam licet existimare : in qua neque magistratus ijdem continuantur , quod est seruandæ ac diutissime retinendæ reip. uinculum firmissimum ; neque cuiquam tatum uni committitur , ut extraordinario iure elatus libertati communiq. otio moliri periculum possit . qua moderatione factum est , ut post annos MCXXIIII. ( tot enim ab urbe condita numerantur ) non modo resp. sit , uerum etiam ita sit , ut omnibus rebus publicis , quæ nunc sunt , magnitudine opum : ijs autem , quæ fuerunt , imperij diuturnitate antecellat . quæ quibus institutis



institutis ac magistratibus usa, ab humili tenuiq.  
 principio ad tantam dignitatem, atque amplitudi-  
 nem peruenerit; neque est hic narrandi locus, &  
 hoc argumentum uiri sapientissimi ita non modo co-  
 piose, uerum etiam perite ornatèq. tractarunt, ut,  
 si quid uelis adiungere, idem sit, ac si in Apellis ali-  
 qua perfectissima imagine, puta in Venere illa Coa  
 labores. Nobis Romana ciuitas proposita est, quæ  
 quàm multas habuerit partes ad imitandum præ-  
 claras, ex eo patet, quòd ita bello ac pace uiguit,  
 ut illius uim et potètiā omnes reges populiq. ex-  
 timescerent, æquitatem & abstinentiam subiectæ  
 urbes nationesq. diligerent. formam senatus, quod  
 in ea publicum consilium fuit, ordinem comitio-  
 rum, iura legum tribus libris exposuimus. nunc  
 de magistratibus, eorumq. potestate disputabimus;  
 tum, quia locus ipse admonet; (hoc enim legibus  
 adiunctum, & tanquam adnexum uidetur) tum  
 etiam, quia Ciceronem, cui uideo in ijs libris, quos  
 de legibus conscripsit, hunc ipsum ordinem placuif-  
 se, libenter imitamur.

CAESARI FERRANTIO,  
 Patauium.

Ego uero istum erga me animum, istam,  
 quæ significatur in epistola tua, beneuolentiam am-  
 plector libentissime, & amo prorsus amore singula-  
 ri. nam, ut omittam, quòd ita postulat humanitas:

I tui



tui te præterea mores, tua modestia, & maior iam  
 ætate uirtus egregie commendat. quæ cum ipsa me  
 mouent: tum uero in affinem tuum, Episcopum  
 Sueffanum, eiusmodi meum studium est, multis ab-  
 hinc annis ex incredibili eius humanitate, doctri-  
 naq. susceptum, ut eos etiam, qui modo aliqua il-  
 lum necessitudine attingunt, quosq. ille caros ha-  
 bet, complectatur. quo tu in numero ut esses, affi-  
 nitate primum, id est naturæ quodam quasi mune-  
 re, tibi contigerat: postea uero cum natura uolun-  
 tatem, & cum uoluntate studia coniunxisti, exco-  
 lendis artibus ijs, unde fluxit honor, ac dignitas af-  
 finis tui, & unde eadem ad te manabunt, si te illi,  
 immo uero si te ipse tibi quam simillimum præbue-  
 ris. quis enim tantos processus tam adolescens in  
 philosophia fecit, quantos illa tua in aula perillustre  
 Cardinalis Estensis celeberrima disputatio, multis  
 præsentibus, ostendit? Qua tamen de laude ita te  
 sentire uolo, ut maximam esse putes, si cum ætate  
 tua conferatur; sin res ipsa spectetur, longe statuas  
 maiorem esse posse; quodq. uia confeceris, id qui-  
 dem esse multum, nec tamen tantum, quâ tum ad-  
 huc spatij supersit. sed, mihi crede, omnis in eo tuo-  
 rum studiorum sita perfectio est, si, quemadmodum  
 nunc id cogitas, & id, opinor, agis unum, ut intelli-  
 gas, humanæ res quantum alijs aliæ præsent, ita,  
 quantum infra diuinas humanæ prorsus cunctæ  
 sint, aliquando simul cogitabis. næ tu, Cæsar, si  
 te ad hanc, quam ignorari a plerisque uideo, præ-  
 claram



claram disciplinam contuleris, magistros habebis  
haud paullo meliores, quàm quibus nunc uteris,  
aut etiam per omnem uitam uti potes. extat san-  
ctissimorum uirorum multis libris expressa doctri-  
na, qua instruimur, & erudimur ad aeternæ uitæ sa-  
lutem. habes præterea domesticum exemplum af-  
finis tui, summi uiri: cuius in uitam si inspexeris;  
excitaberis ad omnem laudem; coles autem præci-  
pue ueritatem; quam ille tuetur acerrime, habuitq.  
semper antiquissimam. neque uero impedio, quo-  
minus, ut cœpisti, Marco Antonio Genuæ, & si  
cui præterea uelis, operam des: eloquentiam quo-  
que si adiunxeris, ut res graues & obscuras orname-  
ac splendide tractare possis, minime improbabo: sed  
illa præstantiora sunt, quò te hortor ut aliquam om-  
nino transferas industriæ tuæ partem. De libris ad  
te missis, habeo gratiam humanissimo, & in pri-  
mis erudito iuueni, Sebastiano Leoni, utriusque no-  
strum æque familiari; qui mihi hanc instituendæ te-  
cum amicitiae occasionem obtulit: quam auide arri-  
pui. iam enim incenderat me studio tui, cum de in-  
genio, de studijs, denique de tua ad optimas res pro-  
pensa uoluntate multa prædicasset. quòd si quid ac-  
ciderit, in quo tibi opera mea usui possit esse: id si ip-  
se intelligere potuero, mea sponte suscipiam: sin se-  
cus, a te admonitus, efficiam, ut esse tuam apud me  
plurimi uoluntatem intelligas. Vale. Venetijs.



PAULI MANVTII

VIDO LOLGIO,  
Placentiam.

PAVLO ante dederam ad te litteras; quas coniectura dierum putabam tibi iam esse redditas: hæ nunc alteræ consequentur. Scripsi, te absente me cessare in litteris, & omnino tuam operam, tuamq. illam in meis rebus officiosissimam sedulitatem uehementer requirere; sed meum consilium esse, te istinc ne prius commoueres, quam ego alicubi consedissem. id ego uolebam scilicet inuitus, qui te socium et administrum meorum studiorum summe desidero: sed uolebam tamen tui commodi causa: primum, quod hanc equitandi iactationem, quæ me quidem delectat, tibi, otij cupido, suspicabar non placere: deinde, quod, si accidisset ut istas regiones peteremus, quod post balnea facturi uidebamur; intelligebam fore, ut adire commodius ad me posses interuallo minore. nunc audi, cur sententiam mutauerim. Cardinali nostro, cui nimium sæpe calculus molestus est, multis iam remedijs frustra tentatis accedere nunc ad aquas Lucenses ualetudinis causa deliberatum est; nosque, ut scis, idem cogitamus. ijs aquis qui uti uolunt, id maxime spectant, ut sicco tempore utantur. hæc est quasi methodus quædam, quam seruantibus salubres dicuntur esse: permistæ cum imbribus putrescunt, graui periculo bibentium. nos porro, o Lolge, qui didicimus a philosophis,



losophis, bonam ualeitudinem expetere sapientis es-  
 se; ualde in hac quidem parte sapimus, & ut opti-  
 me ualeamus, accurate, quæcunque uires tuentur,  
 aut augment, persequimur; quæ posse uidentur infir-  
 mare, ac minuire, declinamus. itaque ad balneo-  
 rum medicinam prius non accedemus, quàm id &  
 tuto, & salutariter fieri posse intelligamus. nunc  
 quidem alienum tempus est. uides, quæ pluuiæ,  
 quàm pæne hiemales dies. hæc dum ita se habent,  
 nos oportunitatem expectantes, in his oppidis, &  
 uillulis iucunde satis oberrabimus. quod quoniam  
 quàm diuturnum sit futurum, diuinare difficile est;  
 & ego, dum te careo, multis commoditatibus una  
 careo; tuque, ut ternis iam litteris significare uide-  
 ris, non abes a me sine molestia: mea causâ rogo,  
 tua hortor, ut, quanquam non dum consedimus, ma-  
 ture tamen, nisi quid grauius impedit, reuertas.  
 & ut scias, quo me loco conuenire possis: Pisis ad  
 idus Iunias, & ultra, ut opinor, aliquanto. sed ad  
 idus Iunias certe commorabimur. Vale. Pisis.

HANNIBALI CARO,  
 Rauennam.

FOROLIVIENSIBVS male sit, qui  
 te longius a me abstrahunt. sed istorum motus præ-  
 fectioni prudentia sedabit; tuque, ut scribis, Rauen-  
 nam breui recurre. ibi uelim ne quid causæ sit,  
 quo minus ad me quamprimum. ego uolebam ad

I 3 te;



te; sed impediunt multa, maxime Ciceronis editio; cuius tempus aduentat, uel potius iam adest. itaque occupationem onere ualde premor. sed mihi nulla res esse potest tanti, ut ab hoc scribendi officio diuellar. Nunc est, quod a te uelim. Qui tibi has litteras attulit, est & mihi, & fratribus meis ualde familiaris. eius opera multis in rebus usi sumus egregie fideli. cum Rauēnam uenturus esset, quiddam ut exigeret, quod ibi habet in nominibus; petijt a me, ut se tibi commendarem. dixi, cum causam optimam haberet, commendatione eum non egere; tamen me esse facturum. Si quid me amas, Care, uel potius, quantum me amas, tantum hunc hominem adiua. his temporibus, cum fides ubique sit angustior; uereor, qui debent, ne non facile dissoluant. si res in iudicium uenerit; noli pati, uirum bonum, amicum meum, exhauriri longi temporis impensa. beneficium non conferes in ingratum. memorem enim cognoui. sed tu eum ne respicias: me uide, qui a te peto. mihi enim gratius facere nihil potes. nam etsi, quod ad nos attinet, ipsi quidem inter nos magis, quam amamus, amare nō possumus: tamen ualde laboro, in quo me ambitio quædam mouet, ut homines nostram coniunctionem, tuamque in me beneuolentiam perspiciant: quarum alteram uitæ æqualem fore, alteram eiusmodi iam esse confido, ut nihil addi posse uideatur. *Vale. Venetijs.*

*Eidem,*



## E I D E M, Rauennam.

VIRVM te duco, qui compedes illos frange-  
 re, & aliquando te in libertatem vindicare potue-  
 ris. id quod ego, qui nervos ingenij tui bene cogni-  
 tos haberem, prorsus ita fore sperabam. ut autem  
 etiam cum Guidiccione, id est cum homine doctissi-  
 mo, & ad tuam naturam aptissimo, tibi uiuere li-  
 ceret; hoc uero ne optare quidem unquam sum au-  
 sus. quod quando accidit; beneuolentiæ in te meæ  
 est, gratulari, quod euenerit; prudentiæ autem tuæ  
 non committere, ut frustra euenisse uideatur. He-  
 rum habes, Care: herum autē, dico? cuius ea sua-  
 uitas est, is in te amor, ut potius æqualis, potius  
 germani fratris loco tibi sit: sed, quoquo nomine ap-  
 pelletur, eum certe habes, qualem uis. Quare, quod  
 mihi, aliorum arbitratu cum uiuebas, promittere  
 solitus eras; id ego nunc, quando tui iuris es, non a  
 te petam, sed exigam, ut operas Musis, iam diu a  
 te, non sane tua culpa, tamen prætermittas, eo, qui  
 cum es, permittente, atque etiam cohortante, red-  
 das. sed ita procul dubio te esse facturum, uel po-  
 tius iam facere existimo. itaque hoc ne monendus  
 quidem es; illud autem etiam rogandus, ut ad nos  
 quamprimum uenias; ut possim urbanitatis tuæ sa-  
 les ex interuallo regustare. pedibus, puto fore com-  
 modius: nam mari præ frigore obtorpueris. o dul-  
 cem congressum; in quem ego, uix credas; quàm



*multa reſeruem, quæ litteris commiſſa, eandem ſuauiſſimam non habent. Vale.*

E I D E M, Rauennam.

FESTI V V M *Molſæ noſtri poema libenter legi, explanationem uero tuam libentiſſime: & ſum admiratus acumen ingenij tui ſummo iudicio coniunctum: quorum alterutrum non ita multis contingit, utrumque uero pauciſſimis. Quod ſcire uis, quid alij ſentiant: idem, quod ego, nihil eſſe in illo genere perfectius. quo magis te hortor, ut hanc facultatem ad grauiora ſtudia transferas, & aliquando te ab iſtis occupationibus uindicatum, in litteras totum abdas. quod ſi mature feceris; cerno iam animo, quantæ tibi hoc conſiliū laudi, quantæ nobis, qui te amamus, lætitiæ ſit futurum. memini, quid tu mihi te facturum eſſe dixeris: neque te arbitror oblitum, quid ego tibi in eam ſententiā reſponderim. Mi Care, induc animum, nullos præſtantioreſ eſſe fructus, quàm qui e uirtute colliguntur. et cum hoc feceris, quod & facis, & feciſti ſemper; tum illud tecum exiſtimato, ac pro certo habeto, incredibilem eſſe exſpectationem, quam de te apud homines concitaſti: quam ſi ſuſtinere, ac tueri uis; contende, dum integrum eſt, omni ſtudio, ut ex hoc uitæ genere, in quod olim te non tuū iudicium, ſed uis quædam temporum, tanquam in aliquod piſtrinum, detrufit, quamprimum te eripias.*



pias . quod quia tibi deliberatum esse , mihi sæpe ostendiſti ; non ero longior in te cohortando : tantum hæc attigi amore impulsus ; ut intelligeres , in summis meis occupationibus me tamen de tua laude cogitare . De ArdinghELLO nescio quid atrocius est allatum : quod ego sane quam pro eo ac debui moleſte tuli . hominem enim eruditum , & cum tibi amicissimum , tum a nobis , ut uisus est , non alienum cognoui . uelim , tu id ad me planius , quid fuerit , & unde fuerit , perscribas . Vale .

E I D E M, Rauennam .

LITTERIS tuis , quas tu idibus Quintil. dederas , ego nonis accepi , rescripseram quo modo mihi tunc occupatissimo licuit : postea , cum eas per otium in manus sumpſiſſem , accuratiusq. perlegerem ; sensi me quasdam partes , quibus nunc ex interuallo respondeo , imprudentem omiſſiſſe . quod etiam si ita non fuiſſet ; ego tamen aliquam scribendi ſententiam alicunde arripuiſſem ; non ſolum , ut quaſi tecum loquerer ; quo nihil facio libentius ; ſed etiam , ut tuas elicerem ; quarum ſermo & purus in primis eſt , atque ornatus , & humanitatis , ac beneuolentiæ notis maxime inſignis . uel quas menſe proximo dedisti , quàm amabiles , quanti conſilij , quàm multi officiij ? quod munus , quæ partes in ijs a te ſunt hominis amantiſſimi , prudentiſſimi , diligentiffimi prætermiſſæ ? quàm accurate , quàm diſtincte ,



*stinēte, quā perite tuam de meis typis sententiā  
 explieasti? quibus quidem typis, spero fore, ut e-  
 mendatissimis utar, quando ad te, & ad Thomam  
 nostrum missi sunt: quorum alterum in labore pa-  
 tientissimum, alterum in iudicio elegantissimum co-  
 gnoui. Quod autem ita scribis, homines hoc ani-  
 mo esse, ut nihil a me nisi perfectum, absolutumq̃.  
 exspectent: facis tu quidem officiose, & peraman-  
 ter, qui ad me excitandum aliorum quoque opinio-  
 nes, & iudicia colligas: sed hoc ipsum genus, quod  
 perpoliri a me uis, ut perficiatur, in te est. Qua-  
 re quoniam ita casus tulit, ut unus fere hoc tempo-  
 re tantum mea caussa posses, quantum ego tua sem-  
 per uolui: etsi mei commodi, atque etiam honoris  
 ratio postulare uidetur, ut in te rogando pluribus  
 uerbis utar; tamen id non faciam, ne maiorem desi-  
 derij mei, quā humanitatis tuæ, rationem uidear  
 habuisse. De artifice autem confirmando, quoniā  
 in hoc uides esse omnia, et me longinquum nihil pos-  
 se intelligis, omnem curam tu suscipias oportet: qui  
 ut idem nobis sit, qui antea fuit, facile cum pruden-  
 tia, tum commoditas illa tua præstabit. quanquam  
 non dubito, quin ipse per se, uel sine ullo artificio  
 tuo, ad id, quod reliquum est, persequendum ita, ut  
 uolumus, animatus sit. profecto enim constantiæ  
 rationem sibi habendam ducet. sed tamen, quoniā  
 gloriæ magis studio, quā emolumentum cupiditate,  
 incensus, ad opus est aggressus; subiicies tu quoque  
 identidem in sermone quasi igniculos, ut uehemen-  
 tius*



sententiā  
re, ut e-  
Thomam  
abore pa-  
ssimum co-  
s hoc ani-  
solutumq.  
peraman-  
ne opinio-  
nus, quod  
st. Qua-  
oc tempo-  
go tua sem-  
in honoris  
pluribus  
iorem desi-  
em uideat  
o, quoniam  
nihil pos-  
ortet: qui  
m pruden-  
uamquam  
o artificio  
m ita, ut  
instantie  
, quoniam  
riditate,  
quoque  
ebemen-  
tius

tius inflammetur. Ficus tuas quod ais te in aper-  
tum referre uelle, ut aliquando uenales circumfe-  
rantur, quæ quotidie ab omnibus, te insciente, de-  
gustantur: ego uero, ut id facias, magnopere sua-  
deo. Quod autem meorum typorum expectatio-  
nem nimis longam esse dicis; mihi quoque ita uide-  
tur; idq. cum mea causa, tum tua non mediocriter  
doleo. Figurarum opus, quod te hortante sum ex-  
orsus, textitur illud quidem diligenter, sed uereor  
ne plus oneris susceperimus, quam quantum nostra  
imbecillitas sustinere possit. quod si ita erit; accur-  
res, ut, parte aliqua nobis detracta, & in te trans-  
lata, releuemur. Sed, amabo, quid sibi uult, quod  
in tuarum litterarum clausula posuisti? te, si quæ  
essent inter nos ad significandum notæ, quiddam oc-  
cultius fuisse scripturum. equidem, etsi, quale sit,  
uideor mihi iam intelligere; tu tamen ut apertius  
declares, ualde uelim. De mandatis meis, ea,  
quod tuo commodo fieri possit, si exhauries; per mi-  
hi gratum, perq. iucundum fuerit; sed illud primo  
quoque tempore, de quo se Martellus tuus curatu-  
rum recepit: qui si stetit promissis, reliqua ego a te  
exigo: sin autem, quod pollicitus fuerat, non dum  
exsoluit; eum tu litteris appella. nam de ceteris  
non ita ualde urgeo: ages cum licebit, uel dicam e-  
tiam cum libebit. in hoc autem nisi mihi quampri-  
mum satisfacis; prædico tibi, flagitatorem habebis  
acrem, & permolestum. Vale, & amicis com-  
munibus salutem a me plurimam. Venetijs.

O Et auiano



OCTAVIANO MAGIO,  
Romam.

PROFECTO nihil tam accidit contra uoluntatem, quod aliqua demum incunditas non temperet. sic sunt humana. angebar animi, (quid enim dissimulem?) tuis factum occupationibus, ne te complecterer discedentem: nunc idem gaudeo, euenisse quod nolebam: quando tu, arrepta inde tui purgandi occasione, litteras ad me misisti, officio primum refertas, & humanitate singulari, deinde latine loquentes egregie, sic, ut eius urbis, in quam te cum Aloysio Mocenico, præstanti uiro, Venetæ Reip. legato, contulisti, ueterem eloquentiam redolere uideantur. Quare cum animo sum letatus erga me tuo; fuitq. uoluntatis ad me amandum propensæ gratissima significatio: tum uero ex ista, quam adolescens admodum consecutus es, latinæ linguæ facultate, istoque, quo te uideo florere, ingenio, tantum accessit ad letitiam, quantum ne conabor quidem uerbis explicare, sensu ipso uiuix, atque mente comprehendo. Atque equidem tibi eo etiam gratulabor magis, si tua bona noueris, id est, si & quæ habes iam, studio tueberis, & quæ ostenduntur, ac deferuntur a fortuna, magni facies; quantumq. in te erit, nunquam dimittes. non enim, mihi credas, tanti esse tibi Roma debet, quia Roma est, quæ præstantes olim uiros tulit, imperij termi-

terminos  
hominis a  
Arina par  
is est Octa  
nestantur,  
nactus, col  
lius consili  
plurimum,  
suo congress  
mendatibus  
fert homin  
tua signifi  
latis. Quo  
gistratus uir  
qui futur  
uicinde ad L  
ne, quæ bo  
ma se sape  
tuo tanqua  
fate, nisi p  
leatur. V  
ita eloquen  
tiam, &  
Venetis.



terminos cum Oceano coniunxit; quanti ob unius hominis consuetudinem, cuius est humanitas doctrinae par, doctrina uero, quae potest esse maxima. is est Octavius meus; qui urbem, a qua ceteri honestantur, sua ipse uirtute nobilitat. Hunc tu uirum nactus, cole, si sapias; & pete tuam gloriam ex illius consilijs; utere, quantum licet: & ut liceat plurimum, exopta. ipse te, si uacabit, nunquam a suo congressu, nunquam a sermone excludet. commendaticijs ad eum litteris minime opus est; nec fert hominis humanitas: & tu illi, quod epistola tua significat, satis iam notus, fortasse etiam familiaris. Quod reliquum est, non te fugit illud: Magistratus uirum indicat. itidem haec legatio, qui sis, qui futurus aliquando, patefaciet. quamobrem incumbe ad laudem: amplectere uirtutem: illa reijce, quae bonis artibus, ac moribus aduersantur: quae te saepe in ista aetate, tuorum commodorum, tuaeq. tanquam hostes gloriae, circumuenient, nec facile, nisi prudentiam summam adhibueris, depellentur. Vale, & salutem dic meo nomine exquisitae eloquentiae uiro, Iulio Poggiano, cuius tibi amicitiam, & consuetudinem ualde gratulor. Venetijs.



EPISTOLARVM  
PAULI MANVTII  
LIBER TERTIVS.

HIPPOLYTO ESTENSI  
CARDINALI,  
Ferrariam.

V ALDE me leuauit, in hac mea satis  
grauiter affecta uoletudine, oratoris  
uestri, Hieronymi Faleti, uiri præstan-  
tis, oratio: qui cum sermonem mihi,  
Ferrariæ tecum habitum, exposuisset, multaque,  
ut solet, de ingenio tuo singulari, de summa graui-  
tate, ac sapientia, non nulla etiam de tua nequa-  
quam a me, ut audieram, aliena uoluntate narra-  
set; cepi lætitiā, quantā aliquis ex insperata,  
exoptataq. re capere maximam possit; measq. sta-  
tim esse partes duxi, ut ad te scriberem, ageremq.  
gratias quòd in eo loco, unde me depellere fortuna  
conaretur, tua me retineret humanitas. quo sane  
mihi nihil optatius, nihil hoc tempore, cum infir-  
mus langueo, ad animum meum sustentandum o-  
portunius potuit accidere. atque equidem ita sta-  
tuo, actum esse mecum misere prorsus, atque infe-  
liciter, quòd meam ad te ueniendi cupiditatem in-  
credibilem pestilentia primum, deinde morbus im-  
pedierit; & in eo magnum studia mea, measq. res  
adijsse



adijsse damnum; quibus a te, pro tuo instituto, ueteriq. consuetudine, consultum iri optime, pro certo existimabam. quod quando ita accidit; & quando me a tuo conuietu non mea uoluntas, non iudicium, aut ulla mentis inconstantia, sed corporis imbecillitas, atque hæc anniuersarij, ac pene iam perpetui morbi uis importuna seiungit: peto a te, Princeps humanissime, id saltem, quod in tua, non in fortunæ manu situm est, tribuas, & largiare, ut bene uolentia mihi tua, & quæ fuit antea, & quæ, si ad te iuissem, futura erat, eadem conseruetur. hoc si assequor; beatus hac una re sum; cetera paruiendo. ea porro mihi ut conseruetur, ita postulo, si me, qualis in aula tua fuisset, talem esse absentem intellexeris, id est obseruantem tui, tuâq. in laude omni studio & cogitatione defixum. Quod si quibusdam litteris animus a me tuus est offensus; quod in ijs dicar minus fortasse, quàm decuit, de te, aut de tuis modeste locutus; quod certe secus est: sed si me tunc a mea consuetudine impetus quidam abduxisset iracundiæ: nosti pro tua sapientia ingenium humanum: magna uis doloris est: impellimur saepe longius, quàm ratio concedat; & facta quæ sunt, paullo post infecta frustra cupimus. te tamē ita decet ignoscere dolori meo, si ex iusta; ut ego arbitror, caussa susceptus est: sin aliter tibi uidetur, ignoscere tamen debes, ut eluceat magis in culpa humanitas: quæ si omni digna Principe uirtus est, te uidetur Principe dignissima; quem ad omnem lau-



PAULI MANVTII

*laudem natura genuit , disciplina crudiuit , mul-  
torum annorum consuetudo assuefecit . Vale .  
Venetijs .*

FRANCISCO MOLINO,  
Patauium .

*QVOD meas epistolas descripseris , ualde te  
amo : & custodiri a te malo , quàm ad me mitti .  
Quòd autem , non esse tibi scriptionem illam infru-  
ctuosam , significas : prorsus non abnuo : uerunta-  
men , quòd tibi hoc in genere multo & plura , &  
meliora domi quotidie nascantur , hoc equidem no-  
mine haud paullo magis tibi gratulor . quam tu , si  
sapis , agnosce , & opta diuturnam occasionem . ui-  
uis cum eccellente uiro , adolescens , præstanti inge-  
nio , optima ualetudine : uiuis Patauij , id est in ur-  
be scientiarum laude celeberrima : quò , tanquam  
ad mercatum , uirtutis cupiditate ita omnes con-  
fluunt , ut inanes redire turpissimum ducant . Plu-  
ra non debeo . noui enim , ad quem : & hæc ipsa mi-  
nime necessaria uidebam : sed obsequendum amori  
fuit in te meo ; qui me tacitus , ut tecum de tua lau-  
de loquerer , hortabatur . Patri uero tuo , & opti-  
me de me merito , & ijs uirtutibus , quæ nobilem ui-  
rum decent , in primis ornato , quid est , quod a me  
deberi non intelligam ? Extabit igitur in te , si qua-  
re potero , studium meum : illum autem colam sen-  
sibus intimis in omni uita studiosissime . Vale ;  
&*



*Et, ut Mureti contubernio, ac disciplina dignum te praestes, quanti tuam laudem facis, quæ mihi maximæ curæ est, tantum enitere. Venetijs.*

## MARCO ANTONIO

M V R E T O,

Patauium.

*BEASTI me tuo iudicio: si modo plus est a te ueritati, quàm amicitia, tributum. quod ego, quia faueo meæ laudi, facile mihi patiar persuaderi. sed, amabo te, uis ne mihi legem illam diutius deberi? nescis, quàm sim studiosus huius generis monumentorum? describe aliquando: aut, si, stantem in media uia describere, minus honestum uideatur, nec pudor tuus fortasse fert; da negotium homini diligenti: quando Achilles noster uel negat, uel certe prorsus agit eo modo, ut negare uideatur. salutabis tamen eum meis uerbis: cui certe fortunam opto, qualem si magister eius haberet, omnia bona merenti pessime contingerent. Si quid peperit ingenium tuum, dignum pene dixi utroque nostrum, sed si quid te ipso dignum; mitte: ut constes humanitati tuæ, atque etiam constantia: es enim pollicitus. Quid Carneseccus meus, flos omnium leporum omniumq. uirtutum? ut ualet? iube, eum saluere quàm potes humanissime. Charta me deserit, ut uides, tecum suauissime loquentem. Vale.*

K

Eidem,



## E I D E M, Patauium.

VNAM tragœdiam duobus ipsis diebus, cum assidue scripserim, absolueri non potui. meorum oculorum, ut uideo, res non est, ac ne digitorum quidem. quid? ego habeo tuos articulos? hui, quantum interest. reliqua igitur ad te reijcio. uinces me facile celeritate; æquabis in diligentia, si uolueris. finge, operam te dare, cum describes; homini ditte rarum & prorsus ignaro, & prorsus cupido. finge, amico singulari: quem explere officijs, si liceat, optabile sit. quanquam hoc non finges. nam, cum a domesticis discessi, nihil habeo te carius. oraculum hoc puta. nihil unquam tam uere cecinit Apollo. ueruntamen, hæc si tibi proposueris; de quo rogandus non es; monere tantum uolui; nihil quidquam omittes in describendo. habes, quam ego in me desidero, mentis constantiam, pectoris firmitatem. hæc mihi morbi diuturnitas eripuit: quæ uideo esse in te, utinamq. diu uideam, ἐν τῇ ἀκμῇ. habes oculos in legendo, manum in scribendo exercitatum: uacui uero temporis quantum uis: & uis in rebus meis plurimum; qui te sæpe dixeris, professusq. sis ad meum arbitrium tua studia conferre. nam, quod ad gymnasii curam attinet; nec dies instat publici muneris, & si instaret, opera hæc bidui tota est, bidui, inquam, tibi, nihilo longior: mea uero & diuturni temporis, & laboris esset non ferendi.

ad



ad hæc si accesserit uoluntas, quæ mihi non uenit in  
dubium, & inductio illa animi, quæ magnas res fa-  
cile conficit: negotium habeo absolutum. serua, mi  
Murete, quod in te est, amicum tuum integellum:  
parce ualeitudini: nostram imbecillitatem, tuorum  
officiorum ope, sustenta. scis, ἐμὲ ἐλέποντος, quo  
amore, quo cōsilio, quo etiam præsidio fortunæ tuæ  
nitantur. ἔτις ἐμεῦ ζῶντος: nosti reliqua. Hæc alie-  
na manu scripsi, cum paullulum languerem. tota  
enim fere nocte, nescio quo casu, somnum oculis non  
uidi meis, aut uidi tristium imaginū turba permi-  
stum. Tuum Euripidem remitto, unaq. meum;  
quem cupio similem esse tui. Ex ædibus nostris.

## E I D E M, Patauium.

MONSTRI simile, Muretus non respon-  
det: immemor ne nostri? nefas credere: et hanc su-  
spicionem longe animus respuit. at occupatus? hoc  
fortasse: uerum, ulla ne cursum amoris interrumpit  
occupatio? omitto iocum. Mi Murete, garrit  
sæpe amor: at tu siles; cum tamen, ut opinor, ita  
me ames, ut fortasse nemo magis; quod certe facis  
mutuo. quòd si, quia legē illam describere per tua  
negotia non licet, ideo non scribis: rogo te, abijce  
istam curam. abrogentur potius omnes leges, quàm  
tuarum litterarum fructu diutius caream. nec ta-  
men, detrahi multum de otio tuo mea causa, uolo.  
scio, tempus quàm utiliter ponas. illa satis erunt:

K 2 Mi



Mi Manuti, ualemus: et, ualere te, ualde cupimus. τὰ ἡθικὰ sunt in manibus. cum Carnesecco tuo, Pero, Endimio saepe sum: plane uiuo. hac sententia, sed alijs uerbis, id est elegantissimis, quibus ipse abundas, si scripseris; satis plane cupiditati meae, (quid enim dicam uoluntati?) satis etiam officio tuo feceris. Video te expectare aliquid de meo discessu. dies appropinquat, uel potius iam adest iam ut ille ait, sarcinulae collectae sunt omnes; nec fere, quod agam, superest. itaque nonis Sept. cogitamus. Cum illo, qui mihi nunquam placuit, impuro adolescente, si quid aduersus me, suscipe, ut ego in tuis iniurijs soleo, et sustine praelia. neruos enim habes. ille, nostram uicem, ulciscetur sua malefacta. nam inuidia rumpitur: et habet, quod intimis eum sensibus dies noctesque, excruciet. nos laudabilia cogitemus, & ad praecleara illa studia incumbamus: de isto ne meminerimus quidem: qui bonos omnes, hoc est sui dissimiles, odit iniquissime. Vale, & amicis nostris (sunt enim fere communes) plurimam salutem. Venetijs.

SCRIPTIS litteris, & iam obsignatis, hesternae tuae sunt allatae, graece loquentes non minus argute, quam eleganter. qui possum paria paribus? si pergis, clamabo me circumueniri. mehercule non tam aquis ulli fontes, quam ingenium tuum scatet graecis & sententijs, & dictis. maeste: extra iocum, amo te, quotidie magis; quia tu scilicet ad perfectam uirtutem quotidie accedis propius. Sed



Sed pauca de re. Vides ne, quàm facile tum fran-  
tur, tum abrogentur leges? Vbi sunt, qui tribuni-  
ciam potestatem accusant? illa quidem, cum bona  
mente coniuncta, salutaris. Sed hæc ne nimium cu-  
remus, utere fortuna tua. ego alias regiones spe-  
cto, inuitus nostri dissidij caussa: sed coniungemur  
animis, corporibus disiuncti. id est maximum, in  
maximo dolore, solatium. De Philopono, quia co-  
mes futurus est itineris mei, uelim ineas rationem,  
si eum hic reliquisti, ut ad me quamprimum. colli-  
go omnia; ne quid me moretur in discessu. non e-  
nim id agitur unum ut uoluntati meæ, sed illud si-  
mul, ut fidei satisfiat.

## E I D E M, Patauium.

Tu uide, cui committas. ego enim binas tan-  
tum accepi. prioribus respondi nudius tertius, me-  
amq. tibi de Bononiensi re non modo sententiam, ue-  
rum etiam uoluntatem ostendi. his alteris, quæ mi-  
hi redditæ sunt heri uesper, si rem speculo, rescribe-  
re nihil est necesse: sunt enim eiusdem argumenti:  
sin tuam uoluntatem; quæ quanta sit, ex tuis lite-  
ris apparet; sunt eadem iteranda. sic igitur faciam.  
Affirmo tibi, Sigonium nostrum, si Bononiam ie-  
rit, præsensq. contenderit, certum futurum. habet  
auctoritatem, ex huius loci dignitate partam, suis  
scriptis mire amplificatâ, præsertim his postremis,  
minime uulgari doctrina, iudicio, ingenio, diligen-

K 3 tia



## PAVLI MANVTII

plum,

E

[illegible]



plum, quod eius uirtus non æquet, meam, ut opinor, diuinationem exitus non fallat. nisi si quid attulerit casus; qualia fert hominum uita. De Carne-secci nostri ualetudine, cum rescribes, adde uerbum, si me amas. Vale. Venetijs, nonis Sept. quo me die discedere cogitantem noua res detinuit.

## E I D E M, Patauium.

QV I D homini non timendum? cum te, tam ualidum, istis lateribus, ista ætate, nihil tale metuentem animus reliquerit. ualde me percussisti tā graui nuntio, eoq. magis, quod ignorare te caussum scribis. nam tuendi tui quam rationem inibis, si te morbus inuasit imprudentem? tuam continentiam narras. equidem ita credo. unde igitur fluxit uitium? parce tibi in studijs, mi Murete, pro eo quanti ipse tibi es; aut, si te ipse non diligis, quem omnes pæne diligunt, pro eo quanti ipse apud te sum: quem tu nisi magni facis, egregium simulandi tenes artificium. an tu nos una tecum uis perdere? nescis modum esse retinendum in omni re? nescis, uirtutem nimis appetere, uirtutem non esse? age igitur iam te respice, si minus antea: tibi consule; & eam quære gloriam, quæ te uiuentem oblectet, non quæ discedentem e uita prosequatur. ita diu incunde uiuam, ut acerbe nunc uiuo, quia sollicitus de te sum, neque dum ab illo periculo suspicor esse tutum. medicos habes doctrina singulari, quorum consilio uti

K 4 possis:



PAULI MANVTII

possis : cælo uteris clementissimo : in rebus tuis nihil, opinor, est incommode. genus enim uitæ non honestum minus, quàm utile, delegisti . etsi te scio de re & lucro minimum laborasse , illa uero habuisse prima , quæ nec mihi postrema unquam fuerunt , decus , & amicitias nobilium uirorum . Hæc cum ita sint; modo paullo minus mentem, & paullo magis corpus exerceas , rectissime tibi erit : nosque , tui peramantes, afficies maxima latitia. quod augur futurum : et, ut meam spem, quantum in te est, exitu confirmes, te ipsum tua, nec minus mea, causa rogo . kalendis Apr. omnino te , sin id minus , Catullum tuum exspecto . diem unum prorogari , e re mea non est . Vale .

E I D E M, Patauium .

PLANE non assequeris , ut uideo , quorsum illa de me Momo scripta sint a me . non enim id spectavi, tuam ut remorarer industriam, sed ut acuerem potius, atque incitarem. tu autem ita commotus es, ita mecum uehementer, ac pæne iracunde agis in epistola tua , ut uix tibi temperes, ac ne satis quidem, cum uelles, temperare potueris , quin aculeos etiam in me non nullos emitteres. deinde quasi blandiris in extremo, uerbis utens amantissimis, atque honorificentissimis : cum ea mihi tribuis, quæ si respuerem , ipse me non amarem . tanti enim mihi sum, quanti ab ijs, quibus ego plurimum tribuo, fieri



fieri me sentio. Ac putabam, mi Murete, meos tibi sensus bene cognitos omnes esse: quod si paullulum a mente quandoque aberraret oratio, non esse facturum, ut eò mea uerba detorqueres, quò neque meum iudiciũ, neque nostra iam pæne fraterna necessitudo ferret. quod quando secus uideo contingere; aberit posthac a meis litteris omnis ironia, aberit iocatio, quidquid denique eius esse generis intelligam, ut in utranque partem flecti possit. de illo ne meminero quidem, si potero: hominem enim contemno: silentium quidem, quod potero, ipse mihi imponam. De Plauto, uideor tibi scilicet, quod aiunt, in alienam messẽ. sic enim illud interpreto, A me, ut scis, efflagitabatur. Tu uero, me perlubente, rem suscipies: si modo, quod contra mihi uidebare, animum induxisti, ut efflagitantibus breui satisfacias. uerum, si præclaros de finibus commentarios, ad exitum iam perductos, paucorum dierum studio perpolire non uis, & magno litterarum damno pateris iacere: qui sperem te aut uelle hoc tempore noui aliquid ordiri, aut, si ordiaris, posse pertexere? magni negotij est, quantum otij res exigat tuis occupationibus eripere: non minoris, a te ipso, ut uelis, impetrare. facio tamen æquissimo animo, ut in te reijciam, ac transferam hoc, quidquid oneris, aut laudis est. consulatur modo publicæ utilitati. id, non modo a te, quem fero in oculis, sed si uel ab ijs, quos & de facie, & de nomine prorsus ignoro, præstabitur, æque latabor.

Quare



PAULI MANVTII

*Quare non solum per me licet, uerum etiam, si pa-  
teris, precibus tecum ago, ut ad emendandas, illu-  
strandasq. Plautinas comœdias tuam excellentem  
industriam conferas. uereor tamen, ne, quod sum-  
me cupio, id frustra rogem, atque expectem.  
Vale. Venetijs.*

E I D E M, Patauium.

*REM tenes: optime tres poeta coniungen-  
tur, ille, M. ANTONII MVKETI COMMEN-  
TARIO ILLUSTRATVS; reliqui duo, si rem  
suscipis; quod ita liberaliter, ac benigne polliceris,  
ut a me non minorem uerbis, quàm re gratiam in-  
eas; AB EODEM EMENDATI. quòd si, ut  
significas, ad emendationes aliqua præterea fiet ac-  
cessio: næ ego tunc, uere mutuam inter nos esse be-  
neuolentiam, intelligam, ac uelle te mecum officijs  
certare: in quo antea (dicendum est enim) potuit  
esse illustrior amor tuus. Confugies uidelicet ad oc-  
cupationes: ego ad illud: Nulla potest esse occupa-  
tio tanta, quæ amoris, & officij cursum debeat in-  
terrumpere. me ipso quenquam ne tu magis impe-  
ditum a negotijs, districtum a curis unquam nosti?  
quis tamen amicorum (amicorum autem? immo  
uero etiam alienorum) negotia curat libentius? tua  
mehercule causâ noctis etiam partem cogitando sæ-  
pe consumpsi: cum tamen corpusculi tenuitas maxi-  
me quietem postularet. Sarcies igitur, si quid o-  
missum:*



missum: uel, si nihil, auge superiora: quod certe  
potes, & si meum in te animum spectas, etiam  
debes. Vale.

E I D E M, Patauium.

REMITTO scholia, ut habeas corrigendi  
facultatem. quanquam est, cur addas potius, quam  
mutes. quid enim? totus ne quartus liber ita men-  
dosus aut obscurus est, nihil ut assequare, nihil scri-  
ptione dignum excogites? mihi non probabis, nec  
omnino cuiquam, tuum in Catullum præstantem  
commentariū qui tractauerit. confice igitur, quan-  
tum quidem per te licet. licet autem tibi, quod, ut  
ego sentio, quam paucissimis. nos opus nostrum in-  
termisimus tua causa, tuum ipse opus nostra caus-  
sa ut urgeas, atque absolvas. nec dubito, quin, si  
adniti uolueris, & quasi cum ipsa re contendere,  
quod ego interdum soleo; magna ex parte præstes  
id, quod præter opinionem meam, ut aliquid ἐκ τῶν  
ἀδωρίτων, abiecisti. De rebus tuis, quæ mihi me-  
hercule magnæ curæ sunt, consilium dies afferret:  
animus certe meus fluctuat: ita multa in utranque  
partem occurrunt. placet constantia, ita, sed si cum  
utilitate coniungatur. utilitatem porro non lucro  
magis, quam dignitate, metiamur. quod tu quo-  
que uideris significare in illo loco, Vellem hic paul-  
lo ἐν τιμώτερον uiuere liceret. Veruntamen, mi Mu-  
rete, si quid agimus minus interdum splendide, con-  
tra



PAULI MANVTII

tra quàm nos præclara liberalium disciplinarum studia docent, excusamur temporum iniquitate, et multorum exemplo; qui, cum affluant ijs rebus, quæ sæpe a nobis, fortune potius culpa, quàm nostra, desiderantur, quotidie tamen aliquid ultra appetunt: quam meus magister Egnatius, si audires uerba, stultitiam, si uitæ rationem spectares, plane singularem sapientiam indicabat. Vale. Venetijs.

E I D E M, Patauium.

QVINCTILIS kalendæ, quem tibi ego diem desinieram, præteriere iam, ut uides. itaque, si quam ex meis litteris de perpoliando Catullo tuo curam susceperas, ea te libero. temporis enim coæctus angustijs, mandavi meis, ut alia quedam prælo subijcerent. mensem, quod ad me attinet, uel integrum, eoq. amplius, licet interponas. interim ad Terentium omnem tuam industriam, suadeo, conferas. noui omnino te laudis in studio nunquam languentem: sed in hoc libro, qui maxime omnium uersatur inter manus, ipse te debes incitare, & eo magis, quod erit, qui editum statim arripiat, syllabatimq. omnia dimetiatur. admodum enim seuerè, ac studiosè iudicat aliena; sua uero premit, exire non patitur, diu licet euigilata, acerbus etiam in se ipsum, minimeq. indulgens. Ego accingor ad Plautum. nec desperarem aliquid a me, si minus ingenio,



ingenio, saltem diligentia, posse præstari: sed interpellant salutatores a mane ad uesperam, honesti illi quidem, cupidi uirtutis, officio, & amore erga me, ut uidentur, incensi; tamen interpellant. Scis illa Ciceronis nostri, ad Sebos, Arrijq. aduentum ingemiscantis. hui, unum ne ego Sebosum, unum habeo Arrium? uidelicet: sexcentos: quibus, uelim nolim, diei horæ dandæ sunt omnes. ex quo quantum molestiæ, quantum hauriam acerbitalis, ipse, qui meam consuetudinem, ac meos plane sensus tenes, facile potes conijcere. nam rem familiarem, etsi minime abundo, iacere tamen æquo animo patior: studia uero mea negligere nullo modo possum. De tuo aduentu spem non nullam inieceras: eam rursus extenuant postremæ tuæ litteræ. ego illud scilicet primum, ut habeas rationem ualitudinis; secundo loco, quod tuo commodo fieri possit, ut te nobis restituas, exopto. Quid Molinus noster, quid agit? quid autem ego hoc quero? nimirum ille totos dies tecum, id est in uirtute totus est; nec tuam complexus doctrinam dimittit, iudicio adductus suo, meo consilio confirmatus. Vale. Hæc ante lucē, cubans in lectulo, amanuensi meo, & iam meorum studiorum socio, dictaui, nobili adolescenti Cyprio, Herculi Podocætharo, qui cras Patauium cogitat, teq. meo nomine salutabit. illa superiora familiari meo, Sebastiano Leoni, qui se forte obtulerat, dictaueram inambulans, quod eram paullo crudior: nec fere mea manu libenter uti soleo.



E I D E M, Patauium.

QVI mihi tuas attulit litteras, ei ego meam omnem operam, si qua in re uellet uti, atque omnino quidquid ualeo, tua caussa detuli. uisus est meam amicitiam plurimi facere, & a me, præter eam, nihil expetere. quod illi facillimum fuit impetrare. nam cum omnibus natura pateo: tum uero, qui a te diliguntur, amore meo nunquam excludentur. Catulli quod apud te reliquum est, biduo si miseris, satis oportune facies. deinde mihi orna duos comites eius, utrumque dignum, ubi neruulos ingenij tui contendas. etiam illud. mihi tribuis petenti: quod ante omnia, & unum fortasse, spectare te puto. cras, ad summum perendie tria Catulli folia mittam. Filiolum meum Hieronymum, non dum quinquennem, Aldo parem ingenio, ualitudine firmiorem, mandare Epidaurum ad hominem eruditum, meiq. peramantem, Paullum Bosium, cogitabam. ibi moribus, & primis litteris imbuetur. nam ego me ad hæc humilia demittere nullo modo possim. Quid præterea? nihil scilicet: immo aliquid. Scribe, amabo te, mi Murete, ut instituisti, quamsepiissime. mehercule, e summis, atque assiduis non modo negotijs, uerum etiam animi curis, tantum in tuarum epistolarum elegantia, & suauitate conquiesco. atque etiam, dum ipse ad te scribo, quia te mihi præsentē statuo, mutuumq. inter



inter nos sermonē fingo, incredibili uoluptate perfundor. Vale. Venetijs. Hercules meus, quia festus hodiernus dies est, abest. ideo hac mea manu, decies interpellatus, exaravi.

## E I D E M, Patauium.

A I S ne? Iannottus ita suaserit? uix adducor, ut credam. tibi tamen cur non credam? ego mehercule, quod Iannottus probare uidetur, id non solum probo, uerum etiam mirifice cupio. quid enim mihi suauius tua consuetudine? qua nihil iucundius. tuo uero sermone quid utilius? qui solet esse tum eruditus, ingenijq. notis adpersus, tum etiam beneuolentia refertus in me singulari. At, Ferrariensem condicionem ut acciperes, auctor fui. Id quidem (tu scis: facile enim potuisti conijcere) ualde contra meam uoluntatem: cui nihil potest esse molestius, quàm a te diuelli. Sed quid? an ego paterer tuam fidem in dubium uocari? qua maxime probitatis nititur opinio. dixeras de Turulone, præstanti uiro, non solum animi, uerum etiam fortunæ bonis ornato: cuius mihi fuit, item ut esse debet, auctoritas grauissima: nec ausus sum repugnare: dedi manus. ἰτέον, conclusi. quòd si Iannottus, quem noui rerum agendarum usu peritissimum, antiqui hominem officij, pollicetur sese impetraturum: suscipio, quod abieceram, consilium; nec iam amplius ἰτέον, sed hic, hic nimirum φιλοσοφίτεον, idq. nobiscum,



nobiscum, summa cum animi uoluptate clamo. primum igitur illud, Sigonius ut habeat, quod uult: quod eum plerique minime cupidum impellunt: deinde, ut nos te fruamur. quod si assequor: ego quoque iisdem multam salutem: pro sexcentis ipse unus eris. diuitiarum satis habebimus, si contemnemus. Ergo, quod iam institueram, obseruabo omnia, omni enitar studio, omnibus inseruiam. uolo te bene sperare, me agente, bonis fauentibus, inuidis & obtrectatoribus imbecillis. Molino, parum abest, quin uehementer inuideam. quid ni? artem memoriae tenenti. ueruntamen impedit amor, a quo abesse solet inuidia: etiam ea spes, quod ille, quo eum bono alienus homo impertiuit, cui suo homini amantissimo, fortasse etiam bene merito, certe nunquam denegabit. esset enim sui dissimillimus, id est humanitatis expers. sin recusat: allegabo ad illum, quem? quem putas? te scilicet, cui debet omnia: si modo in uirtute omnia posita sunt: quam ille discit te magistro. καὶ σὺ τέ δὲ ἐρχομένω, quid non impetremus? Vale.

E I D E M, Patauium.

PROFECTO nihil est uberius amore in me tuo: nec amor cedit ingenium: itaque mea causa & uis omnia, & idem facile praestas. quod cum ita sit; nimis tamen facerem impudenter, atque adeo neque ipse te amarem, nec amore tuo dignus essem,



essem, si plus tibi oneris imponerem, quàm occupa-  
 tiones patiantur tuæ. Scholijs, quæ polliceris, con-  
 tentus ero; quandoquidem uideo te commentario-  
 lo non uacare. tu modo, qui Catullum expolieris,  
 da operam ut in Tibullo, & Propertio, qui locum  
 illi proximum in elegancia uerborum, atque in sen-  
 tentiarum concinnitate obtinent, quam simillimum  
 tui te præbeas. ita tres pulcherrimi poetæ, & sine  
 dubio inter Latinos in illo festino genere Principes,  
 ueterem suum splendorem, ereptum uetustate, at-  
 que hominum inscitia, tuo maxime studio recupe-  
 rabunt. ego autem ipse mihi gratulabor, & quodā  
 modo gratias habebo, quia te ad hanc industriam  
 excitauerim. nec desinam eadem ratione de litte-  
 ris, quando per humanitatem tuam licet, bene me-  
 reri, cum eo tamen, ut tibi, homini occupatissimo,  
 studiosorum utilitatem, id est tuam laudem, uere-  
 cunde commendem. Molino meo salutem, & si-  
 mul age gratias de meis scriptis. Vale.

## E I D E M, Patauium.

B I N I S iam litteris de Martello: nec tamen  
 a te uerbum. ualde te distentum esse oportet, qui  
 tam longis diebus, tam pone tuas ades habitantem  
 alloqui non possis. at qua de re? primum mea, de-  
 inde ea, in qua non ultra sex aut septem uerba ser-  
 monem continuare sit necesse. quare si te nimis ur-  
 si, uelim ignoscas; tum, si per tuas occupationes li-

L cet,



PAULI MANVTII

cet, frustra ne urserim, efficias. quid? Molino nostro negotium dederis: non recusabit, nostra utriusque causa. in quo danda opera est, ut omnino responsum ab illo aliquod exprimatur. nam ex hominis diuturno silentio adductus sum in suspicionem, ne parum sincere mecum agat, & exactum neget, quod iam in usum suum erogauerit. quod equidem cupio esse falsum, & me de amico peruetere sceleris suspicari. Nunc audi, quod tua magis interest. quanquam nihil ad te pertinet, quod me quoque ipsum non attingat. nec te puto aliter esse animatum erga me. ueruntamen audi, quod certe non expectas. Quenam ei deberi a te putes euangelia, qui librum inuenierit antiquum, & illam aperuerit latebram, ubi, Caluier, illud sit aliquando deprehensum? equidem incesse omnibus latitijs, ut ait ille. sedabuntur enim illæ turbae, & comprimetur quidquid erat sermonis aduersus te dissipatum. quod ego & tua, & eorum, quos dilexi semper, causa uehementer cupio. uerum primum quidque explicemus. nunc Tibullus instat, denuo prælo subiectus. is, & qui sequitur, Propertius, absoluendi tibi sunt. deinde ad Terentium accingere. interim da operam, ut Bembi libro uti possis: cuius ope quin maculas eluas bene multas, & suos uersibus numeros, aliena culpa perturbatos, restituas, etsi non dubito, tamen hortor ut adhibeas diligentiam. cupio enim de te omnes bene sentire: cupio comprimi os paullo liberius loquentium; qui non modo te, uerum me

me quon  
que sole  
Vale.

PAV  
postea qu  
rant alien  
cuius oper  
corporis m  
benefactio  
deicere qu  
cessaria cu  
differebat  
nec ne, mal  
qui si uener  
nihil ad He  
tibiograp  
guendi rat  
que, cum m  
litterarum  
rit. Scrib  
bestaro.  
habeo inst  
uero salut  
fulantium  
nis, & de  
no aut an



*me quoque uidentur ignorare, non sine caussa ea,  
quæ soleo, de tuo ingenio, ac iudicio prædicantem.  
Vale. Venetijs.*

## E I D E M, Patauium.

PAVLLVLVM nunc quidem ego exorior:  
postea quàm mihi amanuensius meus, quem abduxe-  
rant aliena consilia, optans optanti restitutus est:  
cuius opera, & officio meis oculis, uel plane totius  
corporis ualetudini consulitur egregie. iam me la-  
befactabat, iã nutare cogebat labor: stomachumq.  
deijcere quotidiani uel operis, uel officij scriptio ne-  
cessaria cæperat. et is, quem Bononia exspectabã,  
differebat aduentum, usque eò, ut, uenturus esset,  
nec ne, ualde iam suspicarer, atque subdiffiderem.  
qui si uenerit; erit omnino aliquid, sed, ut arbitror,  
nihil ad Herculem: quem scis meam non modo or-  
thographiam, totamq; interpungendi, & distin-  
guendi rationem tenere, uerum ita manum quo-  
que, cum uelit, imitari, ut te ipsum, peritissimum  
litterarum mearum cognitorem, aliquando fefelle-  
rit. Scribe, inquis, ubi tantum necesse est: ita scri-  
bes raro. Non ita est. possem studia mea, quæq.  
habeo instituta, quæ multa sunt, abijcere: litteris  
uero salutantium amicorum, aut aliquid a me po-  
stulantium, quaternis in die minimum, sæpe octo-  
nis, & denis, non respondere qui possum? ut omni-  
no aut amittenda ualetudo, aut humanitas deferen-

L 2 da



PAULI MANVTII

da uideatur. Quare locum habes gratulandi. debes enim meis perinde commodis gaudere, ac tuis, magis etiam fortasse; quod ego minus, quam tu, possum incommoda sustinere. De Tibullo, cessator esse noli, etiam si tibi ego cessandi facultatem prolixè detulerim. est enim, ut scripsi antea, unius præli opera, ne tibi crebra appellatione molesti essemus, intermissa. Verum istos ego quotidie poetas, quos in manibus habes, amo uehementius. causam quæris? quia tuas, amantissime ac disertissime loquentes, eliciunt epistolas: quarum non modo suauitate, uerum etiam fructu aliquo, occasione sublata, carerem. quod cum ita sit; cupio tamè, atque etiam, si pateris, rogo, rationem habeas rerum mearum: quibus quo longior, eo grauius procrastinatio damnum inferret. Vale. Ante solis ortum, albescente die. Venetijs.

E I D E M, Patauium.

Tu uide, cui commiseris. nam ad me nulla diu perlata sunt Catulli folia. quæ si periere; damni factum est eo plus, quod nec ad illa, quæ sunt apud te, licet transilire. quandoquidem ordo foliorum non seruat; nec pagina paginae, nec uersus uersui respondet. itaque magnam utriusque nostrum causa sustineo molestiam: uereorque, ne, quod aliena culpa contractum est, nimis ego id grauius luam. tota enim typographiae ratio, ut officinae præfectus

festus a  
ne fundi  
lia recup  
in quam  
sum, tue  
nas cras  
Vale.

E

SE D  
gamus in p  
que tutu  
li folia, de  
tractat  
an, ut, ex  
uente non  
ueta tabella  
dendo des  
mala; que  
monum, ne  
ne si liceat  
nim a priu  
currunt im  
na domina  
admodum  
tis nostri  
quidem or  
me ipso;



fectus affirmat, mutetur necesse est, nisi hæc, quæ  
ne funditus interierint, magnopere timeo, hodie fo-  
lia recuperantur. quod utinam ex hac difficultate,  
in quam aliena uel socordia, uel perfidia coniectus  
sum, tuæ me litteræ eripiant: quas ad meas hester-  
nas cras exspecto, & ad has omnino perendie.  
Vale. Venetijs.

## E I D E M, Patauium.

SEDATA iam tempestas omnis est, & nauis  
gamus in portu. reddita mihi sunt hac ipsa hora,  
quæ tu tribus ante diebus miseras, quinque Catul-  
li folia, delata prius ad eum, qui libros in Asulana  
tractat officina; hodie tantum, ut ipse assenerat,  
an, ut, ex litteris tuis oportuit, nudius tertius, di-  
uinare non possum. hoc certe uideo, per commu-  
nes tabellarios non esse missa: quorum fides in red-  
dendo desiderari non solet. sed profecto fortuita  
multa; quibus perturbari, & fluctuare uitam ho-  
minum, necesse est: quæ cauere consilio, aut ratio-  
ne si liceat; bene cum multis ageretur. penderet e-  
nim a prudentia felicitas. nunc æque omnibus oc-  
currunt incommoda: usquequaque casus, & fortu-  
na dominatur. De filiolo meo, amabo te, quem-  
admodum animo, sic lingua faueas, primum amo-  
ris nostri, deinde ominis etiam causâ. auferet ille  
quidem omnem iucunditatem; & plane diuellar a  
me ipso; sed hoc tamen antepono, nisi fallor, salu-

L 3 tare



PAULI MANVTII

tare consilium; & ut ei consulatur, animum uinco. Quòd iterum iam ad me Molini manu, gratulor, pæne etiam subinideo. meus enim a me, nec, ut puto, rediturus, Tiro discessit: quo consilio, de ipso cognosces. cum ad me retulisset; neque suasi, neque dissuasi; ne dissentirem in hoc ab ipsius patruo, in illo autem a me ipso. suasi etiam potius. contra uoluntatem, inquires, & iudicium? sic sum. auertere a me uolui, quæ poterat exoriri, suspicionem utilitatis, & commodi mei: quam ego unam spectare non soleo. Clausula sit, quod initium epistolæ fuit. Restitutus mihi uideor, inuentis Catulli folijs. tu quoque redi ad tuam tranquillitatem, nec institutum omitte. Vale.

E I D E M, Patauium.

QV ID? tu me putas hoc in genere acutissimum? fuit, cum ipse quoque mihi plane ita persuaderem: nunc nihil minus. nã hoc toto biennio prorsus nihil uidi: & ut omittam cetera, meum illud tantarum uigiliarum munus, non tibi uenit in mentem, quàm misere perierit? itaque, qui mihi ipse tam male consuluerim, mehercule inuitus adducor ut alteri consilium dem. uides iacere bonas artes; illa sordere, quæ præclara ducebantur. cuius maxime uitij culpam sustinet eorum inscitia, qui putant scilicet in opibus esse omnia, & fortunæ pedisequæ esse uirtutem: stulte: nam illi & uiuentes audiunt pessimi-



pessime, uerissimisq. maledictis proscinduntur; et,  
 ubi e uita discesserint, aeterno silentio damnati, a-  
 pud omnem posteritatem ignorabuntur. nos autem  
 nunc quidem fruimur suauissima omnium, & iu-  
 cundissima uoluptate, quæ manat ex honestis cogi-  
 tationibus, ac studijs: nec erit, opinor, ulla, quæ  
 nostræ uitæ cursum definiat, dies. non in omni æta-  
 te decus, ac dignitatem pariet ea, quæ nunc, auri,  
 argentiq. uis. suus cuique aliquando, pro animi  
 ingenijq. præstantia, persoluetur honos. interim  
 uiuamus nobis, ac litteris, seiuncti ab ijs, quos nu-  
 tu appello, id est ab ipsa plane barbarie; ne quam  
 ex eorum conuietu labem contrahamus. Munus-  
 culum tuum non uideo cui deferas. inania tibi no-  
 stra, mihi nec peregrina solida uidentur: siquidem  
 ipse, quod iam significauit, diu peregrinatus, oleum,  
 & operam. Nobilitatem, & uirtutem si quaris,  
 est Bononiæ Camillus Palæottus, Mediolani Bar-  
 tholomæus Capra, duo quauis laude, ut ego sen-  
 tio, excellentes uiri. Capram nunquam uidi, sed,  
 hominum sermone, tanti facio, quanti si ille sciat,  
 studio me, non dubito, quin mediocri cōplectatur,  
 & in amicitiam plane intimam recipiat. Palæot-  
 to, quæ est hominis humanitas, usus sum, quàm  
 diu Bononiæ fui, familiarissime. omnes in eo disci-  
 plinæ sunt nobili uiro dignæ: morum autem elegan-  
 tia, comitate, officio summus est. hi sunt nobis or-  
 nandi, & diligendi: Crassos quosdam, ac Midas  
 nunquam omnino nostra meliores laudatione facie-



mus. quin ita desipiunt, ita ipsi se ignorant, & ignorari ab omnibus putant, ut in sinu sibi gratulentur; quasi sint, quos esse fingimus; cum nos ea ipsa, quæ desideramus in illis, ad cohortandum, non ad laudandum, colligamus. Habes meam sententiam, quos uites, quos deligas. nominare præterea multos possem: sed incerta ratio est: & illi duo excellent. Occurrit illud. ad ignotos, non facillima ὑπόθεσις. alijs, fateor: te quidem ab hac difficultate uindicat ubertas ingenij tui. Alterum est: ambitionis, aut etiam leuitatis cauenda suspicio. Locus omnino aliquis calumniæ dabitur: sed omnia ne curanda? nimis misera condicio. ualeant iniqui: recte sentientes probabunt: nec nos ij sumus, qui a multitudinis deprauato iudicio pendere debeamus. Vale.

## E I D E M, Patauium.

M I H I uero, ita uiuam, etiam atque etiam probatur. et cum in quouis genere magnus omnino sis, in hoc maxime uideris excellere. plane (ut omittam reliqua) ingenij tui quasi quandam δεξιότητα sum admiratus. ita concinne, ita apte, facili quodam sententiarum nexu, rem ducis, donec ad ipsum peruenias: in quo te, ubi scis habere multos, citra omnem adulandi suspensionem, summa explicas cum dignitate. Gratulor tibi de ista facultate, & eo magis, quod, si locis impertitur gloria, non  
uum



uum decus accedet ad Italiam nostram: in qua sedem, auctore, atque auspice me uno, ita locasti, ut cogitare nihil prorsus de migratione uidearis. nec uero secus debes. ualde enim ad litterarum elegantiam, planeq. ad omnem humanitatem tibi profuit hoc cælum, in quo iam per quadriennium spiritum hauris. itaque noster eris perpetuo, mi Murete, si gratus esse uis: quod profecto uis: soles enim hanc uirtutem præter ceteros efferre. Tibulli principium mitte: ut cum epistola coniungatur. Scholia, non dubito te operam daturum, ut tua uideantur, id est lita luminibus ingenij, & quantum res patitur, erudita. Vale. Venetijs.

## E I D E M, Patauium.

GRAECOS typos, meumq. de Syriano edendo consilium probari tibi non mediocriter, significas. sic putaram: & in utroque nunc mea tum opinio, tum uoluntas, te approbante, qui mihi multorum instar es, magis, magisque confirmatur. De Catulli clausula, parum commode: sed nihil, Mureto petente, recusandum. Video te Propertium negligere: cum ego me illis uerbis, quæ sunt in prima Catulli pagina, quasi prædibus obstrinxerim, AB EODEM CORRECTI, SCHOLIISQUE ILIUSRATI. itaque nec integrum iam est: & si sit, cur poetam elegantem, maximeq. omnium latinorum fabellarum uarietate, hoc est uere poetica

cri-



PAULI MANVTII

eruditione florentem, abijcias? Etiam illud: oblitus ne es, ei te commentarium publice esse pollicitum? scholia saltem, si commentario non uacas: et utrumque Torquato: aut, si uni utrumque non uis, Propertium cui uidebitur: inops enim ab amicis non es: sed malim utrumque Bembo, qui nobilitatem a patre, uirtutem habet a se ipso. Dices, tibi otium deesse. si hoc impedit; faciam, ut abundes. inibo enim rationem eiusmodi, ut operæ meæ, quarum tibi molesta nunc celeritas est, gradu testudineo pergere uideantur. Germano tuo cupio mehercule satisfacere: sed aduersantur multa, maxime peregrinitas, non satis apta nostris moribus, & ignoratio linguæ Italicæ. meum tamen illi studium nullo loco deerit, si monuerit: sin ipse aliquid uidero, in quo liceat eius rationibus consulere, aggrediar, & quantum in me erit, perficiam. Vale. Venetijs.

E I D E M, Patauium.

Q V O D heri sum oblitus, quia scripsi raptim, Podocatharo meo dices, et eius me litteras accepisse, et misisse Romam per publicos tabellarios, quas in eodem fasciculo ad me dedit. Velim ad me quāprimum, quæ in Catullum errata notasti; ut una, aut altera pagina, quæ uacat, impleatur. Aliena manu, & breuissime; quia ualebam paullo deterius, quàm soleo, fractus, planeq. debilitatus negotijs, & curis. cura te diligenter, & Molino nostro salutem. Vale. Venetijs.

Eidem,



## E I D E M, Patauium.

**V** I H E M E N T E R mihi arrisere tua scho-  
lia, sic inquam, ut fere se commentario equare ui-  
deantur. perges igitur, dijs bene iuuantibus. Cu-  
pio tuum Plinium: quem dare poteris amanuen-  
si meo: cui reditum patruus, nuper e Cypro ad-  
uectus, multis a me uerbis impetrauit. redibit,  
opinor, ad nos intra quatrimum. Exspecto reli-  
qua; quod tuo tamen commodi fieri possit. nam,  
ut tuis consuleretur studijs, & commodis; cessare  
de duobus praelis unum maluimus, quam te nimis  
urgeri. attamen rogo, des operam, ne longius du-  
catur. Vale.

## E I D E M, Patauium.

**O** M I Murete, quot me premunt onera, qui-  
bus angor curis. accedit imbecillitas ualetudinis:  
quam, do equidem operam, ut omnino tuear, ac  
sustentem: sed uacillare interdum necesse est: ita  
multa incurrunt in nos; quæ nec uitare licet, nec su-  
mus ad sustinendum pares. tu me, tuus amor, tua  
uirtus multum leuat. si duo praterea; mecum op-  
time ageretur. sed ubi sunt? ἀτὰρ σύ μοι ἐσὶ πατήρ,  
καὶ πότεν ἄ μήτηρ, ἡ δὲ κασίγνητος. quod spero per-  
petuum, nec ut ait noster, constantia causa, si d no-  
luntatis, ac iudicij. In erratis cur numeras inæror,

&amp;



PAVLI MANVTII

& flamma? quorum alterum uetustas uniuersa, alterum consuetudo probat. etiam, secula, tum scribebant. nam Varro in etymologijs Varro non uidetur: itaque & a Quintiliano merito ridetur. Exspecto Tibulli folia, quæ supersunt, & scholia. Vale.

E I D E M, Patauium.

MOLINO dixeram, quæ tibi si narrauit, iteranda non sunt; sin omisit, committenda litteris non uidentur. nec tamen te diutius calabo: interim hoc unum; quo fortasse contentus eris: ad alios potius, quàm ad te, pertinere, nec ullam omnino tuæ dignitatis, et existimationis partem attingere. Hic sermo increbuit, ex quadam tua, ut audio, ad Lambinum epistola, captum tibi iam esse de Ferrariensi condicione consilium. quod si ita est; magnopere gaudeo, ac tibi Deum ea, quæ cogitas, uehementer cupio fortunare. sin autem hæc inania sunt, ac temere iactata: æque lætor; teq. hortor pro mea in te beneuolentia singulari, ut habeas rationē in primis non modo tranquillitatis, uerum etiam constantiæ tuæ, uelisq. Patauinam commorationem esse quamlongissimam. ego tamen, quidquid egeris, meam non modo uoluntatem, uerum etiam sententiam cum tua coniungam: sed uereor, quòd minime uelim, ne quis, in te non recte animatus, sermo nis materiam nactus, leuitatem obijciat. iam enim quiddam



quiddam inaudiui. In Tibulli quartum, aueo scire, cur nihil uolueris. nam, posse te, certum est. nos opus intermisimus, donec a te plurima colligantur. scis consuetudinem praeli. urgebit te quo tempore minus expectabis, & opprimet nec opinantem. quare cum otio nostro tuum negotium metiri non debes, sed, cum iacere nos uidemur, ipse nihilo minus ad industriam excitari. Amicus ille tuus, cuius ingenium, ut in adolescente, laudabamus, detulit quædam ad Othomanum, quæ, si ille uera putasset, incenderetur aduersus me, et institutam amicitiam, quam spero fore diuturnam, abrumperet. te unum testor, quid ego de illius doctrina, atque ingenio & sentiam, & sæpe prædicarim. ille tamen simiolus longe aliter; uel quod est, ut multi, infensus Italico nomini; uel quod natura improbus, qui fingat ea de me, quæ repugnant penitus iudicio meo, atque etiam naturæ; cumq. ornatus a me sit, detrahere tamē de mea laude conetur. nec tamen est nihil, quod ad te ipsum perineat. quæ, quia sunt iniusta, contemnes, ut ego, quæ sunt falsa. Vale. Venetys.

## E I D E M, Patauium.

CUM antea, multis mihi declaratam argumentis, tuam prudentiam ualde probaui: tum uero, lectis tuis litteris, laudaui te, ut hominem consilio præditum excellenti, atque etiam, ut uirum bonum, qui nihil antefert honesto, suaq. maxime fidei,



PAULI MANVTII

dei, uel cum rei familiaris ingenti iactura, sibi esse habendam rationem existimat. Opima tibi deferabatur, admodumq. honorifica condicio, auide a multis, & ambitiose petita. nihil occurebat contra, quin accipienda uideretur. tu tamen reijcis: & facis, meo iudicio, sapienter: primum, quia tueris officium, qui Cardinali Estensi iam promiseris: deinde, quia ne sic quidem tuam utilitatem deferis. quis enim illo ad liberalitatē propensior? quis paratior a fortunæ bonis? habes igitur in eodem cum uoluntate rem. nec tu is es, in quem aliquid indigne conferatur. atque etiam, quo maior, ac præstantior adesse, ac se tibi offerre uidetur occasio, cum summo Principi, singulari uiro, tuam operam dices; eo tuam acues, atque excitabis industriam diligentius; ut ipse te uincas, & beneuolentiam Cardinalis eximij omni tibi ratione concilies. in qua una si tuæ uitæ quasi tabernaculum constitues, & ita perpetuo senties; o te felicem Murete, nec iam amplius a fortuna pendentem, quæ tui similes sæpe iactat arbitrio suo. Nunc ego quidem a te fructus tuorum studiorum uberrimos, de quibus me sæpe prædicantē audiere multi, non solum expectabo, uerum etiam exigam. quanquam tu mea certe monita non expectabis. noui enim tuos sensus hac in re cum meis optime congruentes, ut eam denique esse uitam ducas, quæ uiuitur in studijs, cetera inania, speciosa multa, plerunque tamen falsa. Interim frui te cum ipse, & quod aiunt, in sinu gaude tantæ felicitatis

citatis  
te tuæ  
bes, ue  
& unum  
ornandi  
Vale.

L A B  
stro: num  
dum, ut a  
tua. atqu  
virtuti ne  
inconfesta  
bonorum  
que mecum  
quod signi  
nam igitur  
su, tua fr  
expectabo  
ra. nec tu  
illa ad ille  
sis audiri  
equidem  
dicerem  
tōv ipse  
sed atas  
tie. ita



*citatis expectatione: quam æqualem uideo fore uitæ tuæ, ipso uiuente, qui te expectat: quem debes, uel si tibi Cræsi opes ostendantur, unum sequi, & unum ornare tuis studijs, uel potius ex ipso tui ornandi, atque illustrandi capere argumentum. Vale. Venetijs.*

## E I D E M, Patauium.

*LABORABAM uehementer de amico nostro: nunc animum meum constituit, aliquo interdum, ut uere dicam, metu fluctuantem, epistola tua. atque ad metum accedebat indignatio. quid? uirtuti ne deerit ornamentum? aut etiam locus, ubi consistat? tanta ne est temporum iniquitas, et hominum in suis bonis ignoratio? hac ego quandoque mecum: nunc uacuis cura iam sum, & ex eo, quod significas, ut in exoptata fortuna triumpho. uelim igitur ei meo nomine gratuleris. Tuos uersus, tua fretus humanitate, iam promiseram. eos expectabo, minima, si fieri potest, interposita mora. nec tu uelim me diuturna expectatione ducas. Illa ad illos, qui te nunquam amarunt, quos male scis audire suo merito, cur non transferas ad alios? equidem suadeo. quod si tenerem ὑπόδειξιν; facile dicerem, ad quem. me a lusibus, καὶ ἀπὸ πάντων τῶν ἐρωτικῶν plane reuocat non solum natura mea, sed ætas etiam, senectuti propior, quàm adolescentiæ. itaque, si quid ad me scribes, remoue, amabo te,*



PAULI MANVTII

te, omnia, quæ tamen dilexisse Plato uidetur, appo-  
 sita. Intelligis, opinor, quid significem: & quod  
 significo, petere me, uel cupere etiam, si me putas  
 ingenium tuum nosse, existimabis. De beneuolen-  
 tia tua, etsi nunquam dubitavi, ex te tamen ipso ea,  
 quæ opto, libentissime audio. quanquam ad studiū  
 in te meum nihil studij tui addit commemoratio.  
 non enim te amare cœpi, ut ipse me amares, sed  
 quod amabilem ipsum esse duxi multis nominibus;  
 quæ tibi ipsi ne exponam, non modo meus, uerum  
 etiam tuus pudor impedit. Iactura te mouet rei fa-  
 miliaris in discessu repentino. noli laborare: lucrum  
 erit in damno; si spectas eum, qui te excipiet, præ-  
 stantem uirum, erga tui similes optime animatum,  
 cuius egregiam uoluntatem non dissimilis fortuna  
 comitatur. sarciet igitur ille, si quid ob subitam mi-  
 grationem damni facies: & ut spero, tuum te con-  
 silium quotidie magis oblectabit. Polam uideo te  
 abiecisse, & lator mehercule tua causa. uerunta-  
 men, si quando opus erit, secessum illum non con-  
 temnes: ut habeas tu quoque, exemplo Africani,  
 & Lælij, tuum Lucrinum, cuius in litore, negle-  
 ctis Regum thesauris, omni prorsus ambitione so-  
 lutus, aut conchas legere, aut fluctus numerare pos-  
 sis; eoq. latius, si me tibi tantæ comitem uolupta-  
 tis Deus obtulerit. Verum hæc, ut quidem nostræ  
 nunc utriusque res habent, inania: quæ tamē, si per-  
 fecte saperemus, omnium fortasse prima. Sed ui-  
 des me tecum garrire? captum uoluptate sermonis,  
 dum



dum te quasi praesentem alloquor, & utor manu eius adolescentis, quem iure Latij donatum, Cre- tensibus ademptum, affirmo tibi dignum aliquan- do fore nostro contubernio. quod quidem studiose agit, tuo maxime exemplo incitatus. etsi non te no- stra domus, sed tua te industria, tuum nobilitavit ingenium. Libri aliquando exierunt, quos ad te mitto, iuuenis optimi, & insigniter eruditi, Onu- phrij Panuinij. non dubito, cum legeris, quin meum de illius praestanti uirtute testimonium con- firmes. habet alia in manibus, unde fructum stu- diosi capere uel maximum possint. quae ut edat ma- turius, otium illi exoptare, qui rerum nobilium sciē- tiam appetunt, omnes debent. Vale. Venetijs.

## E I D E M, Ferrariam.

Vix credas, quā im non facile mea manu lit- teras conficiam, & quā facile, cum utor amanu- ensi, fluat oratio. itaque scripsi ad Seuerum labo- riosae, quod inambulans, ut antea solebam, minimo negotio dictassem. discessus ille meus, magnorum index malorum, ut ab amicis tunc, falsa coniectu- ra ductis, putabatur, familiares meos, quorum uti opera consueueram, Podocatharum, Fasnardum, postremo etiam Nicolaum Crentensem mihi ade- mit. filium habeo, sed puerum adhuc, & imbecil- lo corpore, & occupatum satis domestica cura. ita- que posthac, nisi quid occurrat grauius, perquam  
M raro,



raro, & quam breuissime scribam. uenio ad litteras tuas. Reuersus e Foro Iulij, quò exieram non tam negotij, quàm ualetudinis causa, reperi librũ tuum uariarum lectionum, quem apud Sixtum Medicem, communem amicum, excellentem uirum, reliqueras. noli expectare iudicium meum. malo enim te ab alijs, quid de tuis studijs, quid de ingenio existimem, quàm a me ipso, cognoscere. unum tamen illud non minus uere, quàm libenter dicam, nihil me adhuc in hoc genere legisse ornatius, nihil eruditius. Quòd autem quibusdam in locis & a me dissentis, & egregijs idem laudibus me ad cælum tollis: non magis amorem in me tuum, quàm doctrinam, amo: ago etiam gratias, quòd publicam utilitatem rebus omnibus anteponas. quam ego antea consuetudinem, acceptam a patre, seruauim mea sponte, & seruabo posthac, tuo inuitatus exemplo, diligentius. De nummis, cum lubebit, atque adeo ut lubebit. urgeri enim eum, qui cum tibi usus intercedat, ne si quidem ipse uelis, facile permetterem. Dionysius paullo serius, quàm putaueram, absoluetur. moram iniecit commissã inter operas rixa, absente me. neque tamen hac satis leui, sed alijs adductus causis, quæ ponderis longe plus habebant, pene totum consilium abieceram. nunc, te hortante, ac monente etiam ut celeriter, quid agam? quid autem, nisi quod ipse cupis? quod certe mea causa cupis. urgebo igitur pro uirili, nec impense parcetur, aut labori. De Gallorum



rum Rege, dolui sane grauius dolorem uestrum:  
sed, humana quæ sunt, humaniter ferenda. nec uo-  
bis doctrinæ remedia, nec ea, quæ sumuntur a re-  
rum usu, deesse possunt: & tu mihi miranda narra-  
sti de Cardinalis pietate in Deum: quo ille se uosq.  
omnes præsidio aduersus iniquitatem fortunæ præ-  
clare tuebitur. Vale. Venetijs.

## IOANNI BAPTISTAE

RHAMNVSIO, XVIRVM

CONSILII A SECRETIS,

Venetias.

CUM a nobilibus uiris, in hac loca uel animi,  
uel negotij causa confluentibus, dignitatem illam,  
quæ maxima est in nostra ciuitate, ut arcanis præ-  
esses præstantissimi X uirum Consilij, summo om-  
nium consensu tibi esse delatâ accepissem; magno-  
pere sum lætatus, tum pro ea, quæ olim inter te, ac  
parentem meum mutua semper fuit beneuolentia,  
tum pro mea in te uetere obseruantia, orta primâ  
a meo de tuis uirtutibus iudicio, deinde a te multis,  
ac uarijs, ut tempora tulerunt, erga me, meosque  
officijs uehementer aucta. atque ego meam tibi pæ-  
ne incredibilem lætitiâ, ex honore tuo susceptâ,  
statim litteris declarassem, nisi, autumnus iam ex-  
eunte, breui futurum sperassem, ut, in urbem re-  
uersus, præsens præsentî gratularer, neque solum  
ex oratione, sed ex uultu, & oculis, qui sunt indi-

M 2 ces



PAULI MANVTII

ces animi paullo certiores, de meo in te studio, intimoq. sensu iudicares. hac ego me non multorum dierum expectatione cum suslinerem, ecce tibi amicorum litteræ, ecce nuntij, proximis comitijs tulisse te fructum antea ætæ uitæ omnis, tot peregrinationum, quas in Galliam, ad Heluctios, Romam, etiam ad hostes armis infestos reip. causâ suscepisti, tot consiliorum, quæ a te fluxerunt ad augendam, quantum in te fuit, patriæ dignitatem. cum enim longo post intervallo in eum locum redijsses, unde magistratum designatorum nomina recitantur; consurrexit senatus uniuersus, ex tuo conspectu mirifica uoluptate perfusus. quæ tum animorum omnium perspicua significatio ita te commouit, ut ilico magna uis lacrymarum exciderit, intuiti beneuolentia tuorum ciuium, quos in omni ætate dilexeras, quibus iam inde a prima adolescentia, parentis tui, summi uiri, exemplo omnibus officijs inseruieras, nulla tibi, præterquam amoris, præmiorum spe proposita. Fuit igitur eo die mutuum, & æquale gaudium, senatus primum, ubi tuam sibi uocem, claram pariter, & suauem, in pronuntiandis magistratibus uidit esse restitutam, quam post obitum magni Cancellarij Francisci nimium sæpe desiderauerat; deinde tuum, cum illa tibi cum incredibili gaudio, ac pæne cum clamoribus uniuersa consurrectio, quid de te tui ciues existimarent, quo te studio, qua caritate complecterentur, ostendit. enim uero letari te puto, quod quidem



dem iure facis, & nos te imitatur, summo dignita-  
tis gradu, quò te tua uirtus extulit, ut arcana illa  
tractares, quæ ad reip. salutem, & huius magnitu-  
dinem imperij pertinent. uerum hoc sæpe uidimus  
alijs quoque contingere, optime scilicet de patria  
meritis: nec enim honor ille in quenquam, qui sese  
magnis in rebus non sæpe probauerit, confertur:  
studia uero tanta, testimonium tam illustre, consen-  
sum eiusmodi quando ulla omnino in re, uel in quæ-  
quam omnino hominem uidimus, aut audiimus?  
itaque cum ad meam priorem latitiam nihil addi  
posse existimassem, nunc tamen accessionem haud  
mediocrem noui gaudij factam esse confiteor: ut eâ  
testari litteris, ac tibi, quoquo modo licet, indicare  
sim coactus. uideo enim te uno die, atque una pla-  
ne hora mercedem cepisse non modo meritorum tuo-  
rum, quorum habes testem uniuersam pæne ciuita-  
tem, uerum etiam perpetuæ tuæ modestiæ, cum,  
amore, ac iudicio patriæ contentus, nulla unquam  
commoda, nullum honorem tibi esse petendum sta-  
tueris; ut admiratio simul & dolor propinquos, ac  
familiares tuos sere omnes afficeret, quòd ista di-  
gnitate, quæ tibi nunc incredibili omnium studio de-  
lata est, ornari antea noluiesses. quorum te deni-  
que, ac simul omnium ciuium uoluntas, atque co-  
hortatio uicit, et ad honorem exoptatus, atque ac-  
cersitus accessisti, nulla usus prensatione, nullis pre-  
cibus, tua uirtute commendatus, quæ tibi omnia o-  
mnium suffragia facile impetrauit. quando igitur,

M 3

honore



honore accipiendo, patriæ satisfecisti; dabis eidem optanti, atque petenti, ut ad tuendam ac sustentandam senectutem tuam quidquid curæ, quidquid potes industriæ conferas: ut & tu mirifico illius in te studio, & illa tuo excellenti consilio, tua rerum omnium publicarum scientia frui quamdiutissime possit. idem te priuatim rogant necessarii tui, proprie uero filius adolescens, in quo uidetur tua uirtus efflorescere tuaq. iam probitas, tuæ ad optimas res propensio uoluntatis agnoscitur. ego autem, cum nemini in te amando, colendoq. concedam, iisdem utor precibus, ne tuam aetatem, confectam iam annis, & laboribus pro rep. susceptis, rebus agendis nimium uexes. uereor enim, (ut omittam publici muneris curam) ne plus officij amicorum causa, quàm sustinere fortasse possis, tua tibi imponat humanitas. quòd si desidiam odisti; &, quæ alijs quies uidetur, laborumque ac molestiarum quasi portus expetitur, eam tu ignauiam appellas: nec homini quidquam uitandum magis existimas: habes in quo te exerceas: duo te manent, aliquot iam annis instituta, de itinerum & nauigationum diuturno ac perdifficili cursu præclara uolumina: quæ si ad primum, quod omnes accurate, nec sine tua summa laude, legunt, aliquando adiunxeris; egregiam, & maioribus nosiris, multisq. ante sæculis reconditam doctrinam, præclaris imaginibus expressam, orbi terrarum patefacies, tuoq. nomini gloriam paries haud paullo maiorem, quàm quæ tibi



tibi a cunctis honoribus & magistratibus, uel magnificentissime gestis, manare unquam possit. eoq. magis in hoc studium debes incumbere, quod omnem amœnitatem, quæ solet ad scribendum inuitare, tua tibi Rhamnusia uilla abunde suppeditat. itaque frueris eodem tempore Marsangi Musis, deliciis, ac amoribus tuis: & nobis, posterisque, maxime uero Paulo consules filio tuo; cuius omnes egregiam indolem amamus, & exorientem uirtutem admiramur: quem a te, nisi graue sit, etiam atque etiam meo nomine cupio salutari. Vale.  
Ex Plebe Sacci, pridie idus Oct.

M. ANTONIO NATTAÆ,  
Mantuam.

GRAVI, ac diuturna oculorum uoletudine impeditus, feci tamen, ut litteris tuis, humanissime atque elegantissime scriptis, quamprimum responderem. Ego te, Natta, ex illo tuo præclaro libro, quem de Pulchro inscripsisti, iam pridem cœpi colere. mea tibi uoluntas non patuit: ceteris, quid de te sentirem, sæpe in sermonibus declarauim. Nec uero mirari satis possum, qui potueris tantos processus in philosophia facere, homo uersatus, assidueq. occupatus in tractando iure civili: in quo ipso te excellere, & audio de multis, & res indicat: quandoquidem certatim uiri Principes te accersunt, summisq. muneribus præficiunt. Equidem

M 4 at



ut beneuolentiam tibi meam præsens præsentī patefaciam, cupio Mantuam excurrere: sed me deterret uoletudinis infirmitas. tametsi affirmabat is, qui mihi tuam epistolam reddidit, posse me a meis laribus Mantuam usque non incommode nauigare. itaque audebo fortasse. igniculum enim desiderij uix iam fero: & si quid est in itinere difficultatis, homini præsertim imbecillo, uincet amor in te meus. De tuo libro, quid iam exspectas ut rescribam? uides ne me in are tuo totum esse? impera mihi quod uis, & utere me quantum uis: subibo omnia, & perferam tua causâ. Meum librū de legibus ad te mitto. iisdem typis, si tibi placuerit, utemur in tuo libro. sumptus omnino maior erit, quàm si littera minor esset: uerum hoc tui consilij, ac uoluntatis est. statue arbitrato tuo: perpende magnitudinem libri: deinde significa, quid uelis. mitto etiam aliud characteris genus, ut alterutrum deligas. utrumque enim in folij, quod adiunt, formam apte conuenit. tametsi dignitas maior est in maiore. De ratione sumptus, si numerum paginarum tui libri significaueris, et simul uersuum in unaquaque pagina, & litterarum in quolibet uersu; facile summa fiet, & ad te scribetur. Num quid præterea? hoc. de meo libro quid sentias, cupio significes. uix enim credas, quàm a iudicio tuo pendeam. Vale.

Eidem,



## E I D E M, Mantuam.

PRAECLARE Hector ille apud Næuium:  
 Laudari abs te pater cupio, laudato uiro. possum  
 ego nunc idem usurpare. Video me laudari, a quo  
 uiro? a M. Antonio Natta, in quo sunt ingenij,  
 sunt animi, ac uirtutis ornamenta plurima. ego  
 porro aliquid fortasse, si cum alijs conferar, uideri  
 possim: cum uero ad te unum cogitationem conuer  
 to, uix credas quàm mihi ipse displiceam. Quare  
 permitte mihi, ut eas laudes, quas in me contulisti,  
 reijciam; aut ipse maiores in te transferam. nam  
 mihi, utrunque nostrum æqua lance pendere, ma  
 gni negotij non est. ut ut est, amo uoluntatem tuam.  
 ea mihi est, eritq. semper, ut debet, antiquissima.  
 De aduentu meo, muto consilium in horas singulas.  
 tu me allicis, uel attrahis potius: reuocat, & reti  
 net ualetudo. cum ad te spectro; nauim conscendo,  
 uehor, appello Mantuam, tecum sum. sic est amor,  
 & illæ, quæ fluunt ex amore, uoluntates. rursus,  
 cum ad me conuertor, et meam imbecillitatem in  
 tueor; quam acie sim, quàm tenui cute, quàm na  
 tura mollis, & procliuis ad morbos: relanguesco  
 paullulum, & quasi nauim incitatam leuiter inhi  
 beo. nec tamen per anni tempus hæcenus quidem  
 licuit. uides adhuc, & sentis fortasse, tentari cor  
 pora frigore, leui quidem, sed tentari tamen: uides  
 perflari cælum uentis; rationem esse temporis pror  
 sus

Eidem,



PAULI MANVTII.

*sus incertam, & inconstantem. quæ firmiores non  
timent; ego uoletudinarius nisi timeam, parum ui  
dear me nosse, parum uitæ consulere. quod nec hu  
manitatis est, nec satis pium: cum nos iusserit ille  
sūmus imperator quasi suos milites in hac statione,  
donec ipse renocauerit, permanere. Calores, ut spe  
ro, quæ mea solet esse anniuersaria medicina, me  
mibi restituent. itaque Iunio ineunte, aut eo certe  
mense te, ut spero, complectar. sin uidebo sine meo  
periculo fieri non posse ut in uiam me dem: docebo  
te litteris, quid consilij ceperim. Tuum librum tra  
ctabo qua licebit diligentia, animo certe erga te sin  
gulari. Vale. Venetijs.*

E I D E M, Mantuam.

*A D E O ne erraui, & lapsus sum in subducen  
da ratione, ut de folijs quinquaginta coniecero,  
quæ nunc octuaginta fore uideo? pudet indiligentiæ  
meæ. uerum, ut ut est, commodo meo rem suscipe  
re non possum: nec audeo recusare; ne mea fides in  
dubium apud te ueniat. itaque peto a te, ut cum  
tua ratione meam quoque ducas, nec exigas a me  
plus, quàm res & fortunæ meæ patiantur. Nam,  
quod ais, redituram ad me pecuniam cum fenore,  
libro uendito: uidelicet communi quadam, non pro  
pria me regula metiris. non enim ego, ut alij, qui  
libros imprimunt, habeo statim certos homines,  
qui eos diuendant, & longinquas in urbes, regio  
nesq.*



nesq. disseminent. uenduntur hic statim a meis omnes ita paruo pretio, ut lucri quidem minimum, sed minimo simul labore, minima molestia fiat.

Mecum ergo librum itidem, inquis, uendes. De doctrina libri tui, de elegantia possum ego facile iudicare: de uenditione quis praestat? an nescis, libros latinos, optimos ueteres, ita nunc iacere, ut pene sordium in genere putentur; uix iam Ciceronem ipsum, Caesarem, Sallustium legi, a multis etiam ne legi quidem, planeq. contemni? quare noli mirari me tam esse diligentem in ijs rebus, quas me docuit usus pene quotidianus, & in quibus non licet esse sine aliqua mercede negligenti. De tempore, quod urges: facultatem imprimendi non concedunt, libro non inspecto. atque utinam, inspecto, concedant. quod si dixi eos me faciles habere: non significauit, posse me, libris non lectis, impetrare ius imprimendi, sed consequi, statim ut legantur: quod ita multis non contigit. saepe enim uidi, non nullorum scripta, apud eos, quorum potestatis hac tota ratio est, per multos menses custodita, neque legi, neque reddi. Mittas igitur librum oportet uniuersum. mecum autem amice ages, pro ea, quam tu doces quotidie praclaris exemplis, aequitate. ita, si erraui, non luam grauius, quam debeo: sin error a me non est, a te uero aucti libri magnitudo tota pendet; ius tuebere pro tuo instituto, & amico simul consules. Vale.

Eidem,



E I D E M, Mantuam.

V T concludam paucis ; quando nec mihi ad scribendum, nec tibi ad legendum otij satis est ; si librum miseris, imprimetur . nolo enim meam apud te fidem in dubium uocari : nihil est tanti . de tempore, incertum est . pendet, ut saepe iam scripsi, hæc tota res ab aliena uoluntate . crediderim tamen, intra mensem confici & expediri rem posse, tum studio nostro, tum intercedentibus amicis, nobilibus uiris, & gratia florentibus . libro non inspecto, facultas imprimendi nunquam dabitur . scio nullam in eo labem esse, quæ legentium animos possit inficere . noui tuos sensus, mores, probitatem . quæ ego pluris in te facio, quàm eam doctrinam, qua parem fortasse aliquem, superiorem certe habes neminem . uerum mos est gerendus consuetudini . communis hæc est, non tua præcipua condicio . Ad me autem quod attinet, uoluntati tuæ, in qua uim esse cupiditatis intelligo, nulla interiecta mora satisfiet .  
Vale . Venetijs .

E I D E M, Mantuam.

H O D I E, tribus medicis adhibitis, accurate disputatum est de meo exeundi consilio . rem probant, sed illud addunt, totam æstatem dandam esse otio, iucunditati, exercitationibus modicis ; nec redeundum



deundum in urbem ante mensem Octobrem. itaque uehementer animi pendeo: nec, quid consilij capiam, satis habeo exploratum. in hac dubitatione uenit in mentem de tuo libro: quem, si exeo, uideo fore, ut serius fortasse, quàm tua uoluntas ferret, imprimatur. quare monendum te litteris existimaui, ut aut statim eum mitteres, aut imprimeredi consilium differres. Ego hic uel tua unius caussa commorabor, dum liber absoluatur. quòd si statuis de subita impressione; qua uelis forma, quo character, quo numero, significa. Suaderem omnino, ut aliorum opera, me absente, uteris: sed timeo mendas, & sordes; quibus inquinari, & corrumpi tua scripta per operarum incuriam, nolim. quod tu iam sensisti in libro de Pulchro; qui tractari non potuit indecentius. His litteris cupio a te primo quoque tempore responderi: ut, quod ad me ipsum attinet, certi aliquid possim statuere. meam enim uoluntatem ad tuam accommodabo. Vale.

## E I D E M, Mantuam.

LITTERIS tuis perlectis, aggressus sum legere tuum libellum. legeram iam antea Ventijs, allatum ad me a Carreto tuo. mirifice semper placuit. genus enim scribendi non minus elegans, quàm eruditum, complexus es. Quod ad typos attinet, uideo paullulum detritos esse uetustate. itaque speciem illam, quam recentes habere solent, minam



nimiam præferunt. et compactum nimis atramentum uidetur: ex quo fit obscurum quiddam, quod legentium oculos offendat. Menda quædam deprehendi nimis fæda, nec eiusmodi, ut dissimulari possint. cuius incommodi causam puto te non latere. sæpe enim hic, dum imprimitur, uel emendationi nemo præest, uel præesse solet homo mercenarius, & parum litteris instructus, & is, cui pecunia, quàm fama, sit antiquior. nos tamen, & quia de existimatione laboramus, & quòd te nimium diligimus, Natta, ob tuam probitatem, nimiumq. colimus ob eruditionem, enitemur, & contendemus, quantum feret acies oculorum nostrorum, ut satis in hoc genere fiat tuæ uoluntati. ad quam tu me diligentiam tacite uocas in tuis litteris. laudas enim me, & Aldi filium agnoscere te dicis. quàm sunt hæc acuta, quàm me pungunt, atque excitant ad omnem laudem, non modo hanc propriam typographiæ, quæ iam in nostra familia inueterauit, et qua si debita, postulatur. Sed heus: adhuc ne tibi meus liber est in manibus? atqui abiectum iam a te, & latere in angulis, obduetum puluere, existimabam. nec tu is es, cui bonas horas male liceat perdere, homo assiduus curis, maximisq. negotijs distractus. itaque peto a te, hoc mihi des, ne tuum otium a summis rebus ad meas ineptias conferas. satis iam obseruantie in te meæ, satis humanitati tuæ dedisti. hoc si plus cupiam; non agam satis modeste; nec te nosse, nec me ipse uidear. Verbum optabam

in



in epistola tua de Carreti ualitudine, optimi uiri, ut uisus sum conijcere, tui certe studiosissimi. nam affectum pessime, ac pæne desperatum dixeras, cū essem Mantuæ. Mecum actum est in hac peregrinatione prorsus infelicitè. incidit in morbos tota pæne familia: sed uxor cum periculo uitæ integrum iam mensem miserrime iacuit: nec dum uideo quid sperem: cū iacetur acerbissima febre, nec habeat spatium ullum sese colligendi. ego, cum non optime ualuerim corpore, neque, nunc ualeam, quo fuerim animo, quo nunc sim, uel me tacente potes existimare. fortitudinem laudo: sed eam in me ipso requiro. uincor enim aduersus, nec possum plane, quod tu potes, a philosophia illa uera, quam Aristoteles ignorauit, præsidium petere. Sed longius progredior. tuas litteras exspecto. solatium fortasse ali quod in malis afferent. Vale. Asulæ.

## E I D E M, Mantuam.

MEVM in reditu consilium hoc fuit, ut Mantuæ conscenderem, idq. maxime tui salutandi causa; tum, ut, quod antea de tuo libro imprimendo inter nos conuenerat, id comprobaremus. id non licuit ob uiarum difficultatem, et frigora. scis enim, quàm tenui cute sim, quàm imbecillo corpore. Caneti igitur, & meo, & meorum consilio, tranquilla tempestate conscendi: Mantuamq. præteruictus, uiginti, opinor miliariorum interuallo, Clodiam



diam triduo incolumis appuli . hic me amici , et propinqui letitia incredibili exceperunt , qui de reditu meo , saeuiente iam hieme , p[er]ne desperassent . negotia nunc repetimus : quæ cum neque pauca sint , neque ponderis exigui ; nullum tamen habeo prius , nullum antiquius eo , quod ad te pertinet . uide igitur ipse , quid statuas . nam si perstas in sententia ; mittendus liber est , ante medium Ianuarium : quo spatium habeamus eos alloquendi , ac rogandi , quorum iniussu nemo imprimit impune . urget etiam Philippi Regis orator de libro edendo , quem ei misit , homo , ut aiunt , græce latineq[ue] . bene sciens , arcanorum ipsius Regis particeps , Gonzalus Perez : cui roganti per litteras ut omnino suus liber meis typis exeat impressus , & in eo sitam ac locatam suæ laudis aliquam partem existimanti , deesse non possum , pollicitusq[ue] . sum : et persoluam fidem . sed cupio tuum librum anteire , si tu uis : sin cōmodius uidetur , in aliud tempus differri ; quamprimum litteris significa . ego id unum specto , tibi ut satisfaciam . si consequor , in cælo sum . Vale .

E I D E M, Mantuam.

NON DVM reditus liber est : nec mea tamen in ea re diligentia defuit . deuorandum est hoc utrique nostrum , quidquid est molestiæ . nam me quoque mora longior incipit ita grauiter afficere , uix ut feram : fero tamen , quia Nattæ negotium est.



est. alioqui hastas mehercule, ut ille inquit, abijce rem. sed obduremus paucos præterea dies. si res ducetur, librum repetam, & cum pecunia tibi remittam. Ama me; & tibi persuade, te mihi esse in animo assiduum, in oculis, in ore. Vale.

## E I D E M, Mantuam.

NEQVE nihil respondebo, neque tamen id, quod tu exoptas uehementer, ego autem sic, ut tecum in cupiditate contendam. Librum habet in manibus homo eruditus egregie sacris litteris, et philosophiæ scientia excellens, Sixtus Medices: cuius omnia iudicio propter doctrinam, fidei uero ob integritatem recte committantur. is legit accurate: perscrutatur omnia: examinat, & pendit acerrime. nihil adhuc, ut sæpe iam mihi significauit, alienum a recta sententia deprehendit; tuamq. mire laudat perpetuam tam longo in opere eloquentiam, singulari doctrina coniunctam. is, quid tuo de libro sentiat, suo testimonio, ac iureiurando cum ostenderit, aggrediemur: quod abesse iam longe uix potest. Te interim rogo, optime Natta, ne quid alienæ culpæ in me transferas; nec me curare parum gnauius existimes ea, quæ ad te pertinent; quibus mehercule afficior in utranque partem, non equidem æque ac tu, sed, uno te excepto, grauius certe, quàm ceteri. Vale. Venetijs.

N Eidem,



E I D E M, Mantuam.

ALIQUANDO is, qui tuum librum accurate legit, absoluit epistolam eam, qua tuis litteris respondet. de re tu iudicabis: de homine, sic habeto, uirum esse bonum, præstanti humanitate, singulari doctrina, præconem uero laudum tuarum. quare est sane, cur ei gratias agas, quòd te ornet effèratq. laudibus: quod a me iam, qui te unice diligo, tuo nomine factum est. quamprimum autem cupio a te respòderi: ut, si quis remanet scrupulus, auferatur, & exeat tuus liber bono publico, tua non mediocri gloria: quod utrunque fore confido. Bonaminus neque dum uenit; nec, uenturus ne sit, aut quando sit, ex eius ad me scriptis proxime litteris licet conijcere. tu cognosces: eiq. ad me fasciculum epistolarum mearum: quas tamen, tu quoque, opinor, mecum sentis, comprimendas potius, quàm publicandas. sed efflagitantibus, præsertim amicis, negari iam diutius non possunt. Vale.

E I D E M, Mantuam.

PLVRIBVS tecum uerbis agere non licet: ita multis distrahor curis. unum hoc: is, qui tuum librum legit, idem tuis litteris, disertissime scriptis, respondebit. quod ut celerrime faciat, operam do, quantum in me est. tuam causam certe,



te, ut mihi uideatur, præclare tueris: & quantum tibi ex optima mente, tantum ex ingenio, & doctrina laudis accedit. Vale. Venetijs.

E I D E M, Mantuam.

PLACERE tibi argumentum de republica, & eius libri partem, epistolis meis insertam, abs te, tali uiro, tantopere laudari, uehementer gaudeo. tua uero cohortatio, ut absoluam institutum, animos illa quidem addit: sed, o mi Natta, si uideas quibus premimur & curis, & laboribus, fortasse, si modo uis me uiuere, aliter sentias. incitatur uoluntate, consilijs, & hortatibus amicorum, gloriæ quadam cupiditate: nec omnino diffidimus ingenio; uerum illa, qua tu excellis, quæ in tuis & dictis, & factis elucet, prudentia dissuadet. me natura pertenui finxit corpore: studiorum accessit non mediocris labor; ex quo imbecillitas, & morbi. quid res domestica? quæ, quo est angustior, eo tuenda diligentius est. quid typographia? quam ita mihi tractandam intelligo, non ut omnia ad utilitatem, sicut multi, sed pleraque ad meam existimationem referam, ac dignitatem. quo proposito, nihil est operæ, nihil studij recusandum: ac sæpe, ut ait poeta ille tuus, sudamus, & algemus. Amicis etiam uel salutantibus horæ dandæ sunt, uel aliquid petentibus officia tribuenda. qui si excludantur, aut reijciantur; sane con-

N 2      suletur



*ſoletur otio meo, rebus meis, ualeitudini meæ; ſed  
 ubi humanitas? quæ quàm ſit hominis propria,  
 nomen ipſum indicat. Iacent igitur inchoata, pla-  
 ne rudia, temere uel diſſipata, uel confuſa, mea  
 ſcripta; quæ non nunquam, ſicuti mater languen-  
 tem filium, cum dolore tacitus adſpicio; opem fer-  
 re, quam uidentur poſtulare, non queo. Qua-  
 re, ſi quid apud te hominis tui amantiſſimi ſalus  
 eſt, non debes me ad ſcriptionem uocare, tot aſſi-  
 due, tam uarijs, tanti momenti occupationibus  
 diſtentum. adiua me potius conſilio, ſi potes:  
 aut minue moleſtiam conſolando: opta ſaltem,  
 (& hoc ipſum ſignifica) ut hæc, quæ nunc ſuſti-  
 neo, perferam, & is, quem uolumus, principijs  
 exitus reſpondeat. id quod, niſi fauente, qui ſons  
 eſt omnium bonorum, Deo, ſperare non licet.  
 Conſultationes tuas, ſi quæ non dum editæ ſunt,  
 mire aueo legere. nam, cum in ijs, quæ iam ſunt  
 editæ, præſtare te omnibus, qui memoria noſtra  
 ius ciuile litteris mandarunt, cum ſcientia rei,  
 tum ſermonis elegantia, mihi perſuadeam: intel-  
 ligo poſthac tua ſcripta longe fore meliora. non  
 ago tecum blande: metior ueritatem ipſa re, &  
 ut ſentio, plane loquor. ualde, mi Natta, hoc  
 biennio in latina lingua profeciſti: quotidieque, ut  
 ex epistoſis tuis facile conijcio, ad ueterem illam  
 eloquentiam propius accedis. itaque uidere mihi  
 uideor, ac prorsus uideo, quantus in iure ciuili ex-  
 plicando, ſi ſtudium adhibueris, eſſe poſſis. quod  
 ut*

ut facias  
 in tua lan-  
 rem, hori-

E

LIT

larius attul-  
 ſagitari iam  
 ditatē declar-  
 re uelim exa-  
 commouit in-  
 ipſa, de qua  
 lobet a ſe ip-  
 omniſſimo apud  
 ſiderat. Vnde  
 tu? Equidem  
 ſerui nobis in  
 tate pendente  
 uenit. Sexti  
 quæſcere teſti-  
 ni optime de-  
 curumq. litt-  
 bus extuliſſet  
 cedendum, a  
 quàm ipſius  
 ut librum le-  
 rum dierum  
 ſuit. egimus



ut facias, auctor tibi magnopere sum; si modo tu in tua laude quenquam, præter te ipsum, auctorem, hortatorem ue expectas. Vale.

## E I D E M, Mantuam.

LITTERAE tuæ, quas idem binas tabellarius attulit, facile tuam edendi libri, quem efflagitari iam a multis audio, non mediocre cupiditatē declarant. nec me tamen studio tibi concedere uelim existimes. nam & συμπαθείαν quandam commouit iam in sensibus meis uirtus tua: & res ipsa, de qua tantopere laboras, commendationem habet a se ipsa, nec tuum officium apud me, aut omnino apud quenquam bona mente præditum, desiderat. Vnde igitur, inquires, tot dierum prolatio? Equidem culpa uaco: nec in officio præstando Sixti nobis humanitas defuit: sed ab eius uoluntate pendemus, cui tota demandata facultas est. is cum Sixti primum, deinde etiam nostro se acquiescere testimonio confirmasset; Sixtum etiam, ut optime de Christiana doctrina sentientem, sacrarumq. litterarum disciplina perfectum, laudibus extulisset; illud adiunxit; sibi tamen esse concedendum, cui ratio temporum paullo seueriorem, quàm ipsius uoluntas ferret, personam imponeret, ut librum leuiter attingeret: quod esse perpauorum dierum negotium pollicebatur. negandum non fuit. egimus etiam gratias, quòd ita blande pe-

N 3      teret,



teret, ut suam obliuisci potestatem, humanitatis causa, uideretur. Nunc tibi, mi Natta, deuoranda est haec non multorum, ut spero, dierum mora. uides, hominum recentiorum libri, quicunque de sacris rebus loquantur, quam diligenti hodie trutina perpendantur: uides, quam multi, nullo personarum discrimine, in iudicium uocentur, quam pauci mox elabantur. tolle, obsecro te, festinationem in re tanta: & habere rationem temporis: & utriusque nostrum otio, (nam mea quoque res agitur) breui interposita mora, consule. Nam, quod iniecasti de tua laude, opinor ut quasi dormientem excitares; id mihi nouam diligentiam non attulit, potius admirationem quandam, cur ea, quae ad tuum decus pertinent, curari a me frigide suspiceris. Etiam appellas me ob testimonia epistolarum mearum. quasi uero ego te diligam constantiae causa, non iudicij. quod si te non esse dissimilem tui putaueris; cuius etiam probitatem, doctrinam, eloquentiam assidua studia uehementer augent: me quoque, qui aliquando in te fui, eundem fore, hoc est, amore incensum, tuaque cupidissimum gloriae, debes existimare. Commentarios meos quod euoluis libenter; amice facis. si uero etiam, ut scribis, aliquid ad tuam utilitatem excerpis; magni facio industriam meam: quam tu, uir ingenio, & eruditione summus, modo non improbares, satis habebam: fructum ut ex ea caperes, uix unquam speravi. itaque scribam posthac paullo

paullo fr  
horitate  
centis rat  
tes, non  
obstitit oc  
pit a mane  
rem, tam  
nitatis esse

E

Ad o  
na consueta  
molesta feb  
dum affe  
terestas, el  
Liber Ration  
dissimile, co  
et occupatio  
tua causa pa  
genter, ut e  
ac mutasti,  
m; rursus  
dum libri da  
die sit libror  
ubi quid scri  
nino secus  
rem partem  
git, mea q



paullo fidentius, iudicio tuo confirmatus; & auctoritatem tuam, si quis contra senserit, pro sexcentis rationibus opponam. Litteris tuis, caue putes, non esse a me responsum, quia neglexerim. obstitit occupatio: quæ diem quandoque totum eripit a mane ad uesperam. quod etiam si non scriberem, tamen opinari, tuæ prudentiæ, & humanitatis esset. Vale.

## E I D E M, Mantuam.

AD OCULORVM dolores, quos diuturna consuetudine satis iam modice fero, accessit molestæ febricula, periculi tamen expers, ut medicus affirmat. itaque cogor breui respondere litteris tuis, elegantissime, & humanissime scriptis. Liber statim traditus est uiro optimo, atque eruditissimo, communi amico, Sixto Medici. is, licet occupationibus districtus, tamen & mea, & tua causa pollicitus est, operam se daturum diligenter, ut eam libri partem, quam tu addidisti, ac mutasti, quamcitissime legat. quod cum fecerit; rursus ex eius testimonio ius erit impetrandum libri diuulgandi. scis enim, quàm seuera hodie sit librorum omnium examinatio, quàm sint, ubi quid scribimus, ambigua cauenda: ne qua omnino secus interpretandi, trahendique in deteriorem partem, occasio prabeatur. Sixtus me diligit, mea quæ causa ualde cupit, de te autem hono-



rifice & sentit, & loquitur. itaque, quod ad ipsum attinet, nauigamus in portu. Academia tuum officium amplectitur, ac laudat; sua uero a te, singulari uiro, probari & magnifici instituta, mirabiliter gaudet. Plura uolebam, ductus suauitate sermonis, cuius imaginem habet epistola: sed interdictum est, non modo nequid scribam mea manu, uerum etiam ne multa, nisi necessario, dictem. Vale.

E I D E M, Mantuam.

HABEO, quod petieram. sedasti animum meum consolatione, consilio inuisti. nihil sapientius, nihil humanius epistola tua. et cum multa sunt a te grauissime, atque ingeniosissime commemorata: tum uero mirifice sum exemplo tuo commotus, quem statuo imitari, quantum in me est, licet mea probe quidem conscius infirmitatis: cui si Deus aderit, quod equidem spero; uincemus humana omnia, & triumphabimus in aduersis. Afferet ad te tabellarius cum his litteris indicem, quem petis, missum ab Academia, tui studiosissima. tradidi enim legendam epistolam tuam: nec improbanit quisquam. quid? nemo non extulit amplissimis laudibus. ego autem & qua sim ex eorum iudicio affectus latitia, et quid ipse de tuis exillimem scriptis; quia te puto illud, uel me tacente, pro amore nostro suspicari, hoc autem ex meis superioribus



perioribus litteris cognouisse; non exponam hic pluribus uerbis. tantum agam gratias de ista tam in me propensa uoluntate, excellentiq. industria: quarum alteram longitudo litterarum tuarum, alteram elegantia declarat. Vale.

## E I D E M, Mantuam.

B I D V V M hic futurus sum: nec enim diutius licet per ualeitudinem: nec uenissim leuibus de causis. Libertus propediem praelo committetur, & diligenter emendabitur. angor equidem, quod abesse cogar: quod accidit profecto non minus contra uoluntatem, quam præter opinionem: sed hæc in manu nostra non sunt. ducimur enim, uel trahimur potius factorum ui. itaque humana omnia ferenda. quanquam non hæc tibi, quem religio probum, doctrina prudentem facit, sed mihi ipsi, ab ijs præsidijs, quæ te muniunt, parum instructo, tanquam intus cano. De rebus meis, de ualeitudine, de studijs, exigit omnino amicitia nostra, ut aliquid significem: sed neque nunc satis otij suppetit: neque, ut uere dicam, libenter scribo, quæ tu non libenter legas. meliora tamen omnia paucis diebus fore uidebantur: itaque uberiores a me litteras expectato. Hæc dictavi propere, multis districtus negotijs, animo curis impedito. Vale.

Eidem,



E I D E M, Mantuam.

LEGI, quas remisisti, epistolae meas, & correxi leuiter, ut homini licet occupato. de editione, quod hortaris, ut omnes potius, quam, ut ego statueram, unam, aut alteram: ita faciam, non spe laudis, (scriptae sunt enim, quod res ipsa indicat, indiligenter, ac raptim) sed quia notam esse & quis & iniquis nostram amicitiam uolo: quae me ornat iudicij tui testimonio: cum tamen ad iudicium singularis accedat humanitas. Vale. Venetijs.

E P I

P A

I L L

M I C

C

A

obtigerant:  
 loli iustitiam  
 do mea, rei  
 nullo pane  
 bis est. de f  
 quod, ut so  
 na lege De  
 iniustitiae,  
 uxor conu  
 damna, q  
 facile con  
 datio mole  
 ad omnes  
 dium in t  
 que leua



94  
EPISTOLARVM

PAULI MANVTII

LIBER QVARTVS.

ILLVSTRI COMITI,

MICHAELI TVRRIANO,

CENETENSI EPISCOPO,

Cenetam.

**A**NGEBAR animi, nec fieri quid-  
quam posse me uno miseriùs opinabar:  
ita multa hoc anno præter expectatio-  
nem, prorsus aduersa meis rationibus,  
obtigerant: fratris primum amantissimi, deinde fi-  
lioli suauissimi interitus, uxoris morbus, inualetu-  
do mea, rei familiaris incommoda. quàm facile,  
nullo pæne strepitu, rerum mearum conuersus or-  
bis est. de fratre, & filio iam fero moderatius; uel  
quòd, ut solet, medetur dies; uel quia, quod æter-  
na lege Deus constituit, id abrogare uelle non solum  
iniustitiæ, uerum etiam imprudentiæ uidetur esse.  
uxor conualuit: ego satis firmus. domestica uero  
damna, quæ sarciri uix unquam arbitrabar posse,  
facile compensat amor in me tuus; cuius mihi recor-  
datio molestias omnes diluit; quandoquidem uis me  
ad omnes casus (recordor enim tua uerba) subsi-  
dium in tua benignitate maximum constituere. ita-  
que leuatus a te grauissimis curis, premi iam onere  
officij



PAULI MANVTII

officij me sentio : in quo sustinendo uiribus enitar  
cunctis & animi, & ingenij : tantum ne ? immo e-  
tiam ijs, quas beneuolentia erga te nostra, & sin-  
gularis addet obseruantia. quid porro tam difficile,  
aut tam amplum est, quod incitata studio uoluntas  
non assequatur ? ueruntamen in hac re sentio esse  
haud paullo difficilius mihi satisfacere, quàm tibi.  
te enim nihil in conferendo beneficio spectare præ-  
ter ipsam uirtutem, quæ suis gaudet ac fruitur bo-  
nis, nihil extrinsecus assumit, satis mihi multo an-  
tea persuasum est ; præterea nulla re indigere, non  
gloria, qua iam pridem abundas, non diuitijs, quas  
& possides iam, & contemnis. ego uero, qui et an-  
te annos sex, quo te primum die sum allocutus, eo  
ipso die benignitatis tuæ præstantiam non uulgari  
munere sum expertus ; & nunc ab eadem benigni-  
tate multo etiam maiora, te iubente, cogor exspe-  
ctare : prorsus ancipiti cura distrahor, qui neque gra-  
tiam tibi unquam referre, neque nuda uoluntate  
contentus esse possim. Succurrunt enim multa, quæ  
libenter cogitem : primum, humanitas tua, qua me  
semper complexus es ; deinde liberalitas, qua sub-  
leuasti ; postremo consolatio illa Christianæ pieta-  
tis, & sapientiæ plenissima, qua me quidem proxi-  
mo Quinctili mense, cum ad te honoris causa Cene-  
tam accessissem, afflictum crexisti. atque hæc qui-  
bus meis erga te officijs ? nullis omnino, salutatione  
excepta, quæ ipsa mihi tum utilis ex prudentia, at-  
que eruditione tua, tum etiam ex dignitate perho-  
norifica



norifica fuit. Quæ cum omnia colligo; eximiam istam, planeq. diuinam beneficentiam, insitam tibi, uel potius ingeneratam a natura, auctam doctrina, usu confirmatam, atque perfectam, satis admirari non possum. Et simul ad quosdam, opibus affluentes, multis imperantes nationibus, cogitationem conuertens, doleo uicem bonarum artium, quæ deserantur ab ijs, quorum patrocínio si uterentur, fructum retribuerent cum, qui est omnibus imperijs antepositus. quid enim est immortalitate præstantius? quis autem eam, nisi beneficio litterarum, consequitur? laterent in tenebris, obruti uetustate, Cæsares, Alexandri, plane omnis antiquitas, nisi rerum præclarissime gestarum, quas cum audimus, imitandi cupiditate accendimur, testem haberemus historiam. Quo magis tibi gratulor, Antistes, et idem Princeps egregie, qui hanc ueræ laudis pæne uacuam hodie possessionem tam libenter occupas, ueteremq. maiorum tuorum de omnibus bene merendi consuetudinē, nulla prorsus tuarum fortunarum ratione habita, constantissime retineas. Quod uero istam uirtutem multis præterea uirtutibus, usu rerum maximarum, prudentia, doctrina, eloquētia, maxime uero humanitate cumulas atque exornas: iccirco & antea Romæ, atque in tuis legationibus, Ecclesiæ causâ susceptis, magnificentissime gestis, & nunc in urbe tua, quam diuino simul & humano iure temperas, concursus ad te quotidie sunt optimorum uirorum, et eorum

ma-



PAULI MANVTII

maxime, qui aut ipsi ingenio, litterisq. præstant, aut saltem de ingeniorum litterarumq. præstantia iudicare possunt. in quo sæpe fortunam accuso, quæ mihi facultatem ueniendi ad te, quod eram hac æstate pollicitus, & cupio uehementer, adhuc quidem eripiat. quod cum licebit, accurram. quid enim ista amœnitate iucundius, isto cælo salubrius? quid porro ad beate uiuendum deesse potest ei, qui tecum uiuat? cuius in ædibus primum oritur ex tua disciplina uirtus, deinde excipit uirtutem liberalitas. Hoc igitur, cum per negotia licebit: & utinam mature liceat. interim memoria tui fruar; teq., licet hoc terrarum spatium disiunctum, colam ut præsentem, nec ullum erga te, quod ab homine tui studiosissimo possit expectari, aut officij genus, aut studiij prætermittam. Salutamus te, quàm studiose, quamq. ex animo licet, ego, uxor, & liberi, præsertim is, quem audio nunc in cunis uagientem, susceptus a te cum salutare aquam in baptismo recipere: cui te pro eo nomine, quod inter nos commune cœpit esse, parentis officia benigne, & pie præstaturum confidimus. Vale. Venetijs.

ANTONIO VERANTIO,  
EPISCOPO AGRIENSI.

CUM Andreas Duditijs, tui studiosissimus, præclaræ non solum indolis, sed iam etiam uirtutis adolescens, proxime reuersus e Pannonia, tuo me  
no-

nomine  
qua facile  
secutus es  
nec medio  
soleo, si qu  
& a quo, si  
tua mihi qu  
illius, n  
cuius audio  
tollit, ut nem  
teponat. atq  
motus fama  
cepsem; an  
bementer ne  
se improband  
quæ reprehe  
nisa. quid? t  
ram omnia su  
matum artu  
renocabat ra  
tue, tum m  
Sed profecto  
officio incens  
qualem enim  
essem, ea mi  
cui de mitter  
& in quo sa  
conscripto,  
affectus off



nomine salutasset; atque hoc officium ijs uerbis,  
quæ facile tuum de me iudicium declarabant, sub-  
secutus esset: cepi sane uoluptatem incredibilem,  
nec mediocres habui gratias Deo optimo Max. cui  
soleo, si quid optabile contigit, acceptum referre,  
& a quo, si quid contra, sperare meliora. nec uero  
tua mihi quidquam amicitia uel ad meam laudem  
illustrius, uel omnino amplius possum existimare;  
cuius audio fortunam a multis ita laudari, atque ex  
tollī, ut nemo tamen sit, quin fortunæ uirtutem an-  
teponat. atque ego te cum ante aliquot annos, com-  
motus fama laudum tuarum diligere, & obseruare  
cœpissē; animumq. meum probare tibi litteris ue-  
hementer uellem: pudor uetuit, non omnino fortas-  
se improbandus; meq. ab hoc deterrere consilio, et  
quasi reprehendere natura mea maxime semper est  
uisa. quid? tu ne talem uirum, grauissimarum re-  
rum onera sustententem, deditum studijs præstantis-  
simarum artium, inani scriptorum genere appelles?  
reuocabat ratio, & habendam mihi tum dignitatis  
tuæ, tum modestiæ meæ rationem intelligebam.  
Sed profecto a rectis mentibus, non ambitione, sed  
officio incensis, diuina nunquam benignitas abest.  
qualem enim ego certe uix unquam sperare ausus  
essem, ea mihi nunc a te ipso oblata facultas est:  
cui de mittendo ad me emblemate, elegantissime,  
& in quo summam laudem statuo, admodum pie  
conscripto, uenerit in mentem. quo sum dupliciter  
affectus officio, lætitia primum ex ipsa re: debet  
enim



enim iucunda uehementer esse amoris, ac iudicij, a tali præsertim uiro profecta, significatio: deinde molestia quadam, quòd, qui humanitate uinci non facile patiar, nunc quidem a te captus, atque oppressus, tantum in hac uirtute, qua nulla magis hominem decet, tibi concedam necesse est, quantum in alijs, quibus te Deus ornauit, & industria tua, minime paucis: quarum fama non Germaniæ, aut Pannoniæ, continentium regionum, ambitu terminatur, sed Europam, quanta quanta est, ac pæne terrarum orbem iam peruolat uniuersum. uerum tamen, si tibi, magnis locorum spatijs disiuncto, singularem animi mei ad te amandum, colendumq. propensionem ostendere minus possum; apud eos saltem, qui meam uocem audiunt, meisq. sæpe sermonibus intersunt, tuam doctrinam, eloquentiam. in primis uero puram ab omni labe religionem assidue prædicando, profecto ipse mihi aliqua ex parte satisfaciam. nec tamen ita sterilem cognouimus industriam nostram, licet mihi laudem ingenij nullam adscisco, quin ea fructum aliquem, qui ad tuum decus pertineat, nec sine tua gloria peruulgetur, aliquando ferre possit. quod aggrediar ita libenter, & ita studiose curabo, ut euentus futuri lætitiæ auide præripiam, deq. eo, quod non dum præstiti, iam nunc, perinde ac si præstiterim, ipse mihi gratuler. & huius quidem ueluti prædem promissi, meæ testem uoluntatis, hanc ad te mittendam epistolam putauit. Vale. Venetijs.

Andrææ

AN

VII

tosq. ho  
hinc ann  
solum, u  
dine opti  
cantes an  
nec me an  
imminuit  
xit. atque  
spectam  
hac ad te  
sio aliquo  
expectati  
satis opor  
igitur, que  
ipso impet  
gnum uide  
gnum tua  
licet, dema  
certe studi  
non expre  
tam, osten  
culptum  
Effigiem  
cum exce



ANDREAE ZEBRIDOVIO,  
EPISCOPO CRACOVIENSI.

VIDE, quæ sit uis etiam apud alienos igno-  
tosq. homines ueræ solidæq. uirtutis. Aliquot ab-  
hinc annis, cum egregios uiros, qui te non de facie  
solum, uerum etiam e sermone assiduaq. consuetu-  
dine optime nouerant, omnia de te summa prædi-  
cantes audirem, studio tui sum incensus incredibili.  
nec meam deinde obseruantiam dies extinxit, aut  
imminuit, sed auxit potius, ad summumq. perdu-  
xit. atque equidem nihil habui antiquius, nihil ex-  
spectari magis, aut obseruari diligentius, quam ut  
hæc ad te amandum, colendumq. animi mei propen-  
sio aliquo tibi non uulgari pateret officio: sed meâ  
expectationem fefellit euentus, nec ulla unquam  
satis oportuna uoluntati respondit occasio. nunc  
igitur, quod mihi a fortuna denegatur, statui a me  
ipso impetrare. Præclarum aliquid præstare, di-  
gnum uidelicet ea, quam tu sustines, persona, di-  
gnum tua uirtute, cupiebam: non licuit: at, quod  
licet, demus operam ut id consequamur. licet enim  
certe studij erga te mei significationem quandam,  
non expressam omnino, sed quasi leuiter adumbra-  
tam, ostendere. & e quercu etiam quandoque ex-  
culptum placet, non modo ex ebore, simulacrum.  
Effigiem domi habeo parentis mei; quem tibi unum  
cum excellenti uiro, Erasmo Rotherodamo, familia

O ri



PAULI MANVTII

ri olim tuo, et in ore, et in amore esse, homo insigni eruditione, moribusq. sanctissimis, Andreas Patricius non semel affirmavit. eius exemplar, accurate exceptum, nostra etiam adiuncta imagine, ut haberes cum parente filium, uenienti ad te Patricio dedi. Putabis igitur, cum utrunque praesentem adspicies, agere utrunque tecum, maximeq. pro filio patrem intercedere, ut aditus mihi, & quasi fores aperiantur ad amicitiam tuam. quod si assequor; additum ad fortunas meas ornamentum, commodiq. plurimum existimabo. quid enim speciosius, quid ad laudem praestantius, omnino ue utilius, quam Principum, hoc est, tui similium uiro- rum, frui beneuolentia? atque hoc uideo totum esse positum in humanitate tua, quam Patricius ferebat in caelum. nam ego quidem nullis plane meritis, animo tamen adhuc te colui. sed, ut spero, merita quoque accedent. conferam enim ingenium ad tuam laudem: & apparebit in tuo nomine, approbante Deo, quo nihil abnuente perficitur; opus aliquod industriae nostrae, eiusmodi fortasse, (certe hoc enitemur) quod posteritas haud omnino contemnat. Vale. Venetijs.

PETRO MISCOVIO,  
SARMATARVM REGI  
CONSILIARIO.

AMO ualde probitatem, & secundum eam,  
eloquentiam, non quae uerba tantum colligit, &  
inani



inani uocum sonitu auribus obstrepat, sed quæ maxime rem continet, seq. ipsa non minus grauitate sententiarum, quàm elegantiâ uerborum & splendore commendat. hæc te audio simul expetere, Petre Misconi. expetere autem? immo iam esse consecutum. quibus ornamentis magnum te esse, atque illustrem apud homines uere sapientes existima, sic inquam, ut illa, quæ plerique, quasi sola bona, specie decepti admirantur, quæ ipsa quoque in te non mediocria sunt, opes, auctoritas, amicitia clarorum uirorum, addo etiam gratiam apud Regem omnium potentissimum, nullo pacto conferenda uideantur. nam hæc licet aliquando uirtutem consequantur, ut in te ipso contigit, minime tamen ipsa uirtutem indicant, neque semper ad laudabilia studia, tanquam ad causas euenta, referuntur. qui uero pietatem, qui iustitiam colit, qui & ingenio ualeat, & quâ ualeat, ad res egregias, maximeq. ad instructam præclaris doctrinis eloquentiâ totus incumbit: hunc uere se ipsum, quod esse difficillimum constat, ac sua bona nosse, hunc optime exercere instrumenta illa, quibus homines brutis animantibus præstant, mentem, atque rationem, hunc denique gloria dignum immortalis, dignum qui feratur in oculis, ornetur laudibus, nemo omnium hominum, nisi qui hominis nomine indignus haberi uelit, unquam negabit. quod ego cum a prima pueritia, domestico patris instituto, natura etiam quasi suadente, sensissem; confirmatus po-

O 2 stea



PAULI MANVTII

stea magnopere sum clarorum uirorum exemplo:  
nec uenit unquam in mentem, quòd ita senserim,  
panitere: letatus etiam ualde sum, ac lator equi-  
dem nunc eo magis, quòd accedit ad meam senten-  
tiam iudicium tuum. in ijsdem enim studijs elabo-  
ras: eadem tibi artes curæ sunt: quæq. hinc ema-  
nant laudes, eas esse ueras laudes, & earum ita  
semper florere gloriam existimas, ut nunquam ex-  
arescat. idem putamus, & idem uterque sequi-  
mur, optime Misconi: sed tua clarior industria, ho-  
minis in excelsa dignitatis gradu constituti; for-  
tasse etiam felicior; quia secunda ingenium fortu-  
na excitat, aduersa debilitat. quàm multa enim  
nobis obstant: quàm sæpe recta mens, optimorum  
consiliorum in cursu impedita, cogitur consistere.  
tibi uero, qui propensam uehementer ad laudabi-  
lia quæque uoluntatem in te laudant, ijsdem fluere  
ex uoluntate omnia confirmant, nullam aduersari,  
nullam pugnare tecum ex ijs rebus, quæ sunt inimi-  
cæ uirtuti: uersari te assiduum in aula Regis, ipsi  
Regi carum, summis & infimis iucundum, apud  
exteras etiam gentes illustrem, ac perhonoratum.  
quæ tibi esse perpetua, maximeq. propria, non so-  
lum cupio, communi studiorum causa, quorum de-  
cus tua dignitas auget; sed facile etiam adducor, ut  
sperem, quidquid enim es, a te ipso es, & ideo tan-  
tus, quia talis: nec tu desines unquam esse, qui fui-  
sti: nec ea, quæ uirtus constituit, casus euertet. tan-  
tum igitur, quod & facis, & facere minimo nego-  
tio

tio pot  
ipsum:  
tidie tu  
mia tuo  
uirtutis  
iam sens  
tem util  
post tot  
quitur, a  
uirtutem  
que doct  
philosoph  
spectant,  
tur: non a  
habes tam  
ni tua uirt  
non ad res  
nigritatis  
ad alienas  
lium etiam  
que explic  
cesse est, n  
tibus, par  
ma conseq  
tuis opibus  
ra ductus  
gratiam b  
pere: sed  
dentissim



tio potes, retine consuetudinem tuam: intueri te ipsum: uitam ante aetam imitare. sic augebis quotidie tua merita; & idem quotidie meritorum praemia tuorum sumes a te ipso; eritque uirtuti merces uirtutis usus; quo nihil esse iucundius, profecto iam sensisti; nihil autem ad memoriae perpetuitatem utilius, docemur exemplis eorum, de quibus post tot saecula litterae loquuntur. Et quoniam sequitur, atque comitatur, ut umbra corpus, gloria uirtutem; nec te latet, praecipis imbutum antiquae doctrinae, improbari eos ab excellentibus in philosophia uiris, qui, praeter sua commoda, nihil spectent, seque sibi tantum ipsis esse natos arbitrentur: non dubito, quin statuas, quantumcunque uel habes iam facultatis ad bene merendum, uel in omni tua uita praecleara tibi animi tui bona pepererint, non ad rei domesticae fructum, aut ad angustae benignitatis usum illud esse reuocandum, sed esse totum ad alienas utilitates, maximeque ad artium liberalium ornamenta quamlatissime porrigendum, atque explicandum. quod si fiat, simul illud fieri necesse est, ut, quamplurimis in tua laude consentientibus, par beneficentiae celebritas nominis, & fama consequatur. Atque ego te ita sentire, proque tuis opibus iam praestare, non inani aliqua coniectura ductus existimo, aut ideo ad te scribo, ut in tuam gratiam blandae orationis artificio mihi liceat irrepere: sed credidi hominum honestissimorum ac prudentissimorum, istinc ad nos uel studiorum causa,

O 3 uel



uel cognoscendæ Italiæ studio commeantium, testimonijs, maxime uero familiari meo, nihil temere affirmanti, Andreæ Patricio: cuius eo pluris iudicium facio, quod egregiam eius doctrinam, id quod perquam raro contigit, adæquat integritas. addebat etiam, quo sum unice delectatus, quodq. mihi, ut uere dicam, huius epistolæ causam attulit, studiosum te esse scriptorum meorum, et mihi aliquid, atque adeo tantum tribuere in latina lingua, quantum optauì equidem semper, assecutum me esse nunquam duxi. nunc, si tu, ista uir auctoritate, isto pondere, ita de me sentis; in dubium pæne reuoco iudicium meum; nec me prorsus audeo contemnere, ne a te dissentiam; enitarq. multo etiam, quàm antea, diligentius, ut accedam proxime, si ulla ratione potero, quò tu me peruenisse iam existimas; ut aliquando ueritati iure des, quod fortasse nunc humanitati magna ex parte largiris. fateor enim, iudicij de me tui famam mihi esse periucundam: quid oneris tamen eadem imponat, quoq. redigar necessitatis, intelligo. latere nullo modo potest, quem clari uiri testimonium indicat: nec me iam ad uigilantiam, omnium scientiarum parentem, laudis cupiditas magis, quàm infamiæ metus impellit. quæ licet perdifficilis, admodumq. dura uideatur esse condicio: tamen, quia gratus, hoc est uir bonus esse uolo, amplector libenter officium tuum, ab excelso quodam animo, liberaliq. profectum: quod si compensare meis officijs non potero,

memo-

memoria  
quàm di  
tate, qua  
consueue  
existimes

10. V

MAG  
nes est de  
doctrinam  
abhorre  
dis, & pot  
nes esse nat  
entiam  
crimen, in  
ritas fluctu  
me Puelle  
rissime, ex  
ratione sup  
complexus  
exulta me  
ctus solet  
maxime p  
exemplor  
difficile:  
dubitatur



memoria tuebor, & prosequar etiam laudibus, quàm diu uita fruar: ut ex optima saltem uoluntate, quæ boni, & sapientes uiri metiri beneficia consueuerunt, aliquam tibi relatam esse gratiam existimes. Vale.

IO. VINCENTIO PINELLO,  
Patauium.

MAGNA fuit, atque etiam nunc inter homines est de genere uitæ controuersia: cum alios ita doctrinarum cognitio delectet, ut ab agendis rebus abhorreant; alij, non sibi tantum, uerum & amicis, & patriæ, planeq. omnibus hominibus homines esse natos, existiment: ex quo sequitur, ut scientiarum studijs usum rerum anteponant. hoc discrimen, in quo ualde pro sensu partium dubia ueritas fluctuat, tu quidem, quod ad te attinet, optime Pinelle, optimisq. & eruditis uiris merito carissime, egregia quadam, uulgo non satis cognita ratione sustulisti. simul enim utrunque studium complexus es, tum earum disciplinarum, quibus exculta mens uberrimos in omni fortuna ferre fructus solet, tum iuris civilis, quod alienos ad usus maxime porrigitur. ardua res, & operosa: quod exemplorum declarat inopia: sed ingenio tuo nihil difficile: & ut se præbent initia, futurum nemo dubitat, ut instituta perficias, consilijsq. tuis breui



respondeat euentus . in philosophia quidem proces-  
 sus tuos admiramur : qui tanti sunt , ut euolare po-  
 tius , quàm excurrere uidearis . quanquam cur mi-  
 remur ? ingenio si quis ualet , in studio fere languet .  
 qui utrunque coniunxit , optimam quandoque disci-  
 plinam , & rectam studiorum uiam ignorat . fac in  
 uno tamen hæc inesse omnia ; quid assequetur ad-  
 uersante fortuna , subsidijs destitutus ijs , quæ cum  
 adsunt , fertur animus proclini cursu ad egregias  
 res ; sin absint , hæret in salebra , nec facile progre-  
 ditur . Quæ igitur singula tanti sunt , quemuis ut  
 possint a sperata litterarum gloria penitus auerte-  
 re ; hæc tibi cum suppetant uniuersa , iure istam ,  
 quam alij uix tuentur , Spartam quotidie magis il-  
 lustras ; neque tam nobis hoc , æqualibus tuis quòd  
 sis uirtute maior , quàm illud , si te ipso minor esses ,  
 admirandum uideretur . In philosophia quidem cū  
 operam studiose des M. Antonio Genuæ , cui uete-  
 rum doctrinarum arcana patent , quo nemo peri-  
 tior Aristotelis interpretes , nemo uir melior usquam  
 uiuit ; nihil mediocre neque nos a te exspectamus ,  
 neque tu præstas . quo nomine tibi gratulor pluri-  
 mum , & eo magis , quòd illius uiri uoce publice cū  
 multis , consuetudine , ac sermonibus , quæ humani-  
 tas eius atque amor in te est , priuatim & proprie  
 frueris . hauries enim ex eodem fonte non ea solū ,  
 quæ uel olim in Lyceo , uel etiam in Academia di-  
 sputabantur , sed id , quod longe præstantius est , Chri-  
 stianam pietatem , a qua manat una , & in qua itē  
 una

una phi-  
 tus obla-  
 te uideo  
 mittas ,  
 ut reuoc-  
 dini uix  
 intelligan-  
 tu philosoph-  
 deris , qua  
 putas : in  
 quem ego  
 rem tuum  
 habitus in  
 minibus ,  
 excellant .  
 reconsulte  
 dem facile  
 scere , uel  
 confecta  
 studiorum  
 barbaris q-  
 cum mame-  
 ris & mo-  
 menti min-  
 cum latin-  
 ge : ut po-  
 siora etia  
 nō enim  
 ubique a



una philosophia perficitur. Habes igitur, diuinitus oblatam, uirtutis adipiscendæ facultatem: quam te uideo arcte esse complexum, nec uereor ut dimittas, qui te ita flagrare cupiditate cognouerim, ut renocandum potius a nimia contentione, ualeitudini uix ferenda, quàm acuendum, & incitandum, intelligam. Nam, quod ad ius civile pertinet, ubi tu philosophiam, id est totum, scientia comprehenderis, quid in parte cognoscenda superesse negotij putas? minimum, si sapientes uiros, & in ijs eum, quem ego omnibus iudicij laude antepono, doctorem tuum Genuam audies. quanquam sermo tuus, habitus interdum, præsentem me, cum eruditissimis hominibus, tractasse te iam satis diligenter ea, quæ excellunt in uniuerso iure civili, id est ueterum iurisconsultorum præcepta, declarabat: ut uel eadem facile possis, quandocunque libuerit, recognoscere, uel, si qua restant, quasi racemos aliquos confecta uindemia colligere. non enim te arbitror studiorum tuorum elegantiam ineptissimis, planeque barbaris quorundam scriptis inquinare uelle: quæ cum immensa sint, pleraque tamen inania, laboris & molestiæ plurimum, utilitatis, & oblectamenti minimum habent. Interim, ut facis, græca cum latinis, & eloquentiâ cum philosophia coniunge: ut politioris doctrinæ copijs instructus, remissiora etiam studia colentibus aliquando satisfacias. nō enim uiuimus omnes in Atticis gymnasijs: nec ubique de rerum causis quæstio est: & quibus contemplatio



PAULI MANVTII

templatio naturæ uehementer placet, ijsdem tamē animi caussa tanquam in hortos Musarum diuerrere non iniucundum est. qua de re quia non nunquā inter nos locuti sumus, & ut spero, breui colloquimur: nihil addam, te præsertim, quod facile intellexerim, meam sententiam comprobante. cuius consilij, non dubito, quin maiorem quotidie uoluptatem capias. Ego hic, genere uitæ molestissimo, quas Patauij utiliter satis, iucunde quidem certe in libris, & in tuis tuorumq. familiarium sermonibus traducebam, horas perdo. itaque, cum primū domesticas tricas, quibus teneor inuitus, expediero, aduolabo istuc, sitiens uestre consuetudinis; qua si frui perpetuo liceat, beatissime uiuerem. Interim amorem mihi tuum, cuius equidem memoria ualde recreor, cupio conserues, & si tua patitur humanitas, etiam rogo. Vale, & Petrum Nunium, familiarem tuum, cuius doctrinam, & ingenium in Lucretiana interpretatione mirum in modum probo, saluta meis uerbis. Venetijs.

VIDEO PANCIROLO,  
Patauium.

CVM alia me in ista urbe, quam tu præter ceteros tua uirtute nobilitas, & ornatissimorum iuuenum cœtu frequentas, oblectare uehementer soleant: tum nihil est, aut esse omnino potest, Andreæ Duditij quotidiana consuetudine, iucundius: non  
solum,

solum,  
tia, omni  
quia pan  
licet inge  
est, ut ex  
nem pra  
quentiam  
hac laude  
conferri  
antecellat  
hi adolese  
dus Polu  
commota  
se non an  
quia uere  
tantum ex  
do possit.  
que de gra  
dram. Sin  
luit; tunc  
tus est. q  
dit admir  
mone ad  
cet illust  
pertinet  
ualde am  
conditos  
tes apert  
in tuam



solum, quia probitate, modestia, morum elegantia, omnibus denique animi bonis excellit: sed etiā, quia paucorum annorum studio, præstantia uidelicet ingenij, quam ego semper amavi, consecutus est, ut exquisitam, ac uariam sermo illius eruditionem præseferat, scripta uero ad Ciceronianam eloquentiam sic accedant, ut cum ijs, qui suum nomen hac laude celebrarunt, qui pauci admodum sunt, conferri iure possit, æqualibus uero cunctis facile antecellat. Hunc ego tibi iuuenem, quem olim mihi adolescentulū uir omni laude summus, Reginaldus Polus Cardinalis, magnarum uirtutum indole commotus, accuratissime commendauit, etsi necesse non arbitror, commendo tamen eo studio, quod quia uerbis exprimere mihi non licet, tu quoque, tantum esse, uelim existimes, ut exprimi nullo modo possit. is cum antea philosophiam, præsertim quæ de græcis fontibus hauritur, & humanioris doctrinæ studia diligenter, eximiaq. cum laude coluit; tum hoc tempore in cognoscendo iure civili totus est. qua illum cupiditate quotidie magis incendit admiratio tuæ uirtutis, quam in omni fere sermone ad cælum fert, exterisq. etiam gentibus, licet illustrem satis, elegantissimis declarat epistolis. pertinet igitur ad humanitatem tuam, qui te tam ualde amet, tantiq. faciat, eum redamare, eiq. reconditos illos, omnium purissimos, tuæ scientiæ fontes aperire: pertinet etiam ad fidem, qui se totum in tuam disciplinam tradiderit, opibus eum imperti

re



PAVLI MANVTII

re ingenij tui, quas ille Regum opibus et sua sponte,  
& meo iudicio, cui tribuere aliquid uidetur, præ-  
stantiores existimat. Hac ad impetrandum magna  
sunt, præsertim apud optimum uirum, quam in  
tuis laudibus præcipuam agnoscimus. uerum acce-  
dit amor in te meus, qui fraternam necessitudinem  
æquat. is te rogat, is prensat, quàm studiose, quàm  
blande potest, pro Duditio meo: ut cum, quem ego  
merito eius in oculis fero, tu, quem amicitia nostræ  
denegare nihil decet, quando nec studio tuo quid-  
quam abnueret uoluntas mea, omni benignitate  
complectaris, planeq. in clientelam tuam, atque  
adeo in sinum æque ac filium meum, æque ac me ip-  
sum recipias. quod si feceris; obstringes tibi non  
uulgari beneficio iuuenem summo loco natum, di-  
gnum maioribus suis, qui Pannoniam, ut ego augu-  
ror, sua uirtute aliquando Italiam faciet; a me ue-  
ro gratiam inibis eam, quæ, si quid accedere ad  
meam in te beneuolentiam potest, quod equidem  
uix arbitror, id ipsum una possit adiungere.  
Vale. Venetijs.

ANDREAE DUDITIO

S BARDELLATO,

Patauium.

ODVLCEM reditum, o amandas litteras,  
quæ mihi id significant, quod, non modo spe, sed nec  
suspensione attigeram. sed quando te ipsum, mi Du-  
diti,



diti, uidere, quando licebit amplecti? oculos me-  
hercule tuos, dum hæc ad te scribo, intueor, indi-  
ces probi animi tui, indices humanitatis. hoc mihi  
spectrum fingit amor: (quid enim aliud?) & hæc  
me cogitatio iucunditate perfundit incredibili: quid  
putas, cum erimus una, dabiturque, ut ille inquit,  
Veras audire, ac reddere uoces? nemo unquam,  
perinde letatus est inuento thesauro, ut ego, te re-  
uerso. uideor enim amissum recuperasse: & plane  
amiseram. nam, etsi reliqueras hic memoriam tuæ  
suauitatis, tuique ingenij: tamē, quod attinet ad ad-  
spectum, ad consuetudinem, ac sermonem, quibus  
nobis, tui amantissimis, nihil potest esse optatius,  
totus abieras. ac uerebar, ne, uel precibus tuorum  
uictus, uel honorum cupiditate illectus, totum te  
dederes aulicis muneribus, multa nobis, fortasse  
etiam litteris, salute dicta. nunc te tuus bonus, tu-  
us, inquam mihi crede, bonus genius reduxit, si-  
cuti malus abduxerat. quid enim sumus, nisi adsit  
humanitas, & litteræ? quæ petuntur in otio, tran-  
quilla mente. otij autem ubi plus, quàm in isto se-  
cessu Patauino? nemo quenquam interpellat nolen-  
tem: inuitant ad uirtutem, si minus uoce, exem-  
plo certe quamplurimi: patet aditus ad doctores  
in omni liberalium disciplinarum genere præstan-  
tes: quid præterea? cæli mira clementia: rerum,  
quibus alimur, suauitas incredibilis, et copia. Hæc  
tibi, optime Duditi, iure prima sunt; iure tot mon-  
tes superasti, tot flumina trāsecisti, ut hæc dimissa  
Statim



PAULI MANVTII

statim repeteres . uiues tibi, solutus ab omni cura :  
 uiues Deo, contemptis diuitijs, abiecta illa gloria,  
 quam falsa prorsus, et inanis honorum species osten-  
 tat . quod nisi Deo uiueres, nec tibi certe posses ui-  
 uere . in illo enim uno uera, ac solida uirtus, hæc,  
 quam quærimus in libris, aut discimus ab homini-  
 bus, umbra est . quocirca hortor equidem te, ut li-  
 bros euoluas accurate, ut magistris assidue operam  
 des : sed minimum in utrisque pone, nisi tua studia  
 diuino cum amore coniungas . Atque hæc me scri-  
 bentem magnopere delectant ; tibi non puto fore le-  
 genti necessaria ; scribo tamen, & quia te mirifice  
 diligo, cupioq. esse, qualem pater filium ; & quia  
 commemoratione ipsa rei omnium optimæ, ac præ-  
 clarissimæ afficior sic, ut nullam ex ullo sermone,  
 aut ex ulla cogitatione maiorem hauriam uolupta-  
 tem . nec tu debes officium meum aspernari, aut in  
 deteriore partem trahere, si tibi, etiam rectissi-  
 me uiuenti, ( sic enim existimo, planeq. mihi per-  
 suasi ) constantiam laudo . fabrica est enim adole-  
 scientiæ uia : labuntur multi, cum aliquantum iam  
 processerint : cursum uero conficit is, qui nititur op-  
 timis cogitationibus, ducemq. sequitur eum, qui  
 nunquam errat, communem humani generis paren-  
 tem ; qui tibi omnia bona pollicetur, & dabit, quæ  
 nec ab Imperatore tuo sperare, nec ab ullo Rege li-  
 cet . De Episcopo Agriensi, agnosco tuam in me  
 beneuolentiam : cui de emblemate gratias agam .

Mariani Lezentij, iuuenis ornatissimi, & Andreæ  
 Patricij,

Patricij  
 amplecti  
 stemq. T  
 nobilitas  
 sim illu  
 tuo prima  
 re Italica  
 Romana

E  
 O P T  
 mentem  
 biculum  
 bi, mihi  
 ram tuam  
 tem intellig  
 & agitur,  
 absoluta,  
 artifex eod  
 cum uulm  
 multo mag  
 inques. la  
 refero tue  
 quod meri  
 His diebus  
 occupation  
 quam abd  
 ra non ext



Patricij, contubernalis tui, talem in me animum amplector: quos cupio a te meo nomine salutare, itemq. Polonos ceteros, familiares tuos, quorum nobilitas, & ut audio, uirtus Patauinum gymnasium illustrat. Vale; & quando nos adspectu tuo priuas, minue saltem litteris, non hac recentiore Italica, sed illa uetere, omnium elegantissima, Romana lingua scriptis, desiderium nostrum.

## E I D E M, Patauium.

OPTIME Duditi, quid tibi, obsecro, in mentem uenit? nostra ne imagine tuum putas cubiculum ornari posse? pudet me studij tui: & erubui, mihi crede, cum hanc partem legerem litterarum tuarum. nec tamen, quia tuam facile cupiditatem intelligo, deesse tibi possum: & coepta res est, & agitur, ut uideo, satis diligenter: quæ cum erit absoluta, mittetur ilico ad te. ac uellem, posset artifex eodem penicillo animum in te meum una cum uultu exprimere: non dubitarem, quin hanc tu multo magis imaginem diligeres. non necesse est, inquires. libenter credo: & quod ita sit, acceptum refero tuæ humanitati; quæ mihi a te impetrat id, quod meritis, aut officijs consequi non dum potui. His diebus facultatem ad te scribendi permolestæ occupationes eripuerunt. ignosce: & puta, nunquam abduci meam ab officio uoluntatem, licet opera non extet. Heri adiit ad me contubernalis tuus,

Sta-



PAULI MANVTII

*Stanislaus Fogeluetrius Craconiensis . probum adolescentem, præditumq̃. litteris, & tua plane consuetudine dignum e sermone iudicaui . amanter illum excepi, ut natura mea fert : iucunde non potui, quia ualetudo non concedit . cuius beneuolentiam si, te, ut arbitror, conciliante, sum adeptus : peto a te, mihi ut eam conserues . & omnino, quicumque a te diliguntur, eosdem mihi cupio mutua beneuolentia coniungi . Epiſtolam ad Episcopum Agriensem, quando interdiu otij nihil suppetit, dictaui ante lucem amanuensî meo. eam ad te mitto. Signum tuum, cum legeris, imprime . De gentilibus amici tui, negotium dedi, & curabitur diligenter . Vale.*

E I D E M, Patauium.

*V I D E O te in iungendis amicitijſ præclarum artificem esse : uerum caue, ne quid alterutra de parte promittas, quod præstari uix possit . aut, si promittes, ipse ne spondeas ; ne quando præter opinionem cogaris dependere. de me ipso loquor: quem tu si putas esse, qui non sum ; quod ad me attinet, facile patior: fruatur hoc amicitia nostra priuilegio, ut inter nos omnia liceant : sed uereor, ne tua apud alios prædicatio plus nobis imponat oneris, quàm sustinere possimus . Patricio tuo scripsi, multis districtus negotijs: et eram animo conturbatior, accepto nuntio de fratris mei summa corporis, aliqua etiam mentis inualetudine. Gentiles familiaris*  
tui



tui latent adhuc : eruentur aliquando , si qui sunt : curat enim homo tum mei cupidus , tum ad hoc diligentiae genus uehementer aptus . De libris , putabam e silentio meo te conijcere nihil esse : sed , quando appellas crebro , scies non dum neque ad Iuntas , neque ad alium quenquam peruenisse . tu uide , cui rem commiseris ; & urge litteris , ut sine mora mitantur . Imago coloratur , designatione iam perfecta . ueritatem , nisi fallor , egregie simulatam dices . Vale .

## E I D E M , Patauium .

A M O te , quod uerecunde petis : sed istam posthac uerecundiam abijce , obsecro , si quid aliquando mecum ages . nescis , apud me quo loco sis , aut quo ego apud te esse cupiam : quod si nescis , aut etiam , si dubitas ; iniuriam facis utrique nostrum . Scripsi ad Sophianum libenter equidem tua causa , sed inuitus ea gratia , quod laborantem , ut audio , graui morbo , uexari tuo studio nollem . Equidem discrucior , cum ita affectum audio probum iuuenem , mihi amicissimum , graecarum litterarum scientia sine dubio singularem . sed , quia te fero in oculis , idq. mehercule tuo merito , litteras ad eum conscripsi ; quas in hunc fasciculum coniectas cum legeris , si reddendas non putabis , conscindes . Ego nunc , si quid de me scire uis , iaceo , corpore satis afflictus ob capitis grauedinem , sed erectus animo propter

P

spem,



PAULI MANUTII

*spem, atque adeo expectationem uitæ latioris. iam enim didici contemnere, quæ amabam antea: quate quoque in sententia cupio esse. Saluta meo nomine contubernales, & amicos tuos. Vale.*

E I D E M, Patauium.

*RESPONDEO* *serius litteris tuis, impeditus febricula, robustioribus haud ualde metuenda; sed in hac nostra corporis imbecillitate etiam ea, quæ mediocria sunt, non mediocriter timenda. Locum uidebis in epistola ad Patricium, ubi ea, quæ mones, interposui: de quo quid sentias, aucto scire. Gratias tibi agerem de ista uoluntate: sed hoc plane respuit amicitia nostra; nec tuum erga me officium assequi unquam possit oratio mea. meriti enim loco semper apud me fuit bene merendi cupiditas, etiam si res, quod sæpe solet accidere, nulla consequatur. Vale.*

E I D E M, Patauium.

*QV I D* *tibi ego præstare possum de ijs, qui fortasse nulli sunt? quæsitum est perdiligenter: nec tamen ullum omnino diligentia fructum tulit. fingere tibi eos ex argilla possumus, animare non possumus. quod si liceret, fieret, atque adeo factum iam esset. nec enim mediocre tuum esse studium intelligo: & ego, ut fatear quod res est, diligo istam*  
in



in te bonitatem, qui de gentilibus amici tui, nulla tuorum commodorum spe proposita, humanitatem modo quandam secutus, tantopere labores. certe qui honoribus, aut diuitijs, aut opinione uirtutis emineant, nulli reperiuntur. quòd si quos obscura condicio, aut fortuna tegit humilitas: de ijs quærendum ne sit, uiderit amicus tuus: me si consulit, omittet. De pictura, lentum negotium: sed illud te non præterit, Pictoribus, atque poetis Quidlibet audendi semper fuit æqua potestas. ita facile mentiuntur uerbis, ut coloribus fallere consueuerunt. hic, qui rem suscepit, diu me promissis duxit, uarias neſtendo cauſas, ut ei culpam largirer ignauia. nunc imbres accusat, quòd recentes colores minime patiantur exſiccari. hoc puto uerum, illa non puto, concedo tamen, ut eo utar facili, & impetrem, quæ duo simul a nobis exoptantur, feſtinationem cum diligentia. Vale. Venetijs.

## E I D E M, Patauium.

ITA mihi optata contingant, ut commentariolo tuo nihil unquam legi eruditius, nihil ſanctius, aut ad retinendum Catholicae religionis cultum accommodatius. itaque, cum in ortu Solis legere cœpiſſem, abſolui facile ante horam prandiij, opera nunquam intermiſſa. ualde enim delectabar ordine, ualde etiam genere orationis tuæ. res uero ipſa ita me affecit, ut quaſi ſemina quædam ueræ pietatis,

P 2 tis,



PAULI MANVTII

*tis, quæ fructum profecto non mediocrem aliquan-  
do ferent, in animo meo reliquisse uideatur. quod  
quanti esse apud me putas? quanti mehercule im-  
mensam auri uim non æstimo. quid enim cum eter-  
na salute conferatur? quòd si meis apud te precibus  
locum aliquem relinquit humanitas tua: rogo te e-  
tiam atque etiam, ut hoc genere scriptorum, quo  
quidem ad studium summi boni, perpetuæq. felici-  
tatis mirifice excitor, impertiri me quam sapissime  
uelis. quod si feceris; additum me tibi multis no-  
minibus obstringes eo beneficio, cuius delere memo-  
riam obliuio nulla possit. Quod me reuocas ad con-  
suetudinem tuam: stimulum scilicet currenti. sed,  
mihi crede, non plane totus abs te discessi; neque te  
mihi prorsus eripiunt, aut eripient unquam loco-  
rum interualla. absens tecum sum, tacitus loquor,  
& loquentem audio. sic lenitur imagine periucun-  
da desiderium nostrum. quod cum ita sit; opera ta-  
men studiose dabitur, mature ut excurram quò ire  
necesse est, si meam fidem tueri uolo, & quò ta-  
men, quia disiungor a te, minime libenter eo.  
Vale. Venetijs.*

E I D E M, Patauium.

*CUM de tua ualetudine sollicitus essem, cu-  
ram auxit filioli morbus, quo etiam nunc laborat,  
nec satis explorata salute. me quoque leuiter feбри-  
cula tentauit, qua triduo sum, sine medicorum in-  
teruentu,*



teruentu, temperata duntaxat uictus ratione, liberatus. Nunc expediendis negotijs operam do; ut, si amicus noster, bonarum artium patronus, summum illum dignitatis apicem attigerit, quamprimum possimus accurrere. saepe enim & litteris, & praesenti sermone, cupere se consultum rationibus meis, amantissime declarauit. mihi autem omnia sunt in eo, ut otio litterato frui liceat, nulla rerum domesticarum cura interpellante. quod si assequimur; ualeat ambitio; uiuemus nobis, & Musis, & eo quidem animo, ut omnia referamus ad Deum, a quo uno felicitas uera pendet: quod idem tibi uideri, ex tuis litteris facile coniicio. Miro teneor desiderio ueniendi ad te: sed hanc facultatem multa eripiunt, praesertim ager filius, quem tibi, & pro nostra amicitia, & pro noua coniunctione esse carissimum, plane mihi persuadeo. te quidem a morbo confirmatum si audiero, a quietiore animo domestica patiar incommoda. itaque dabis hoc amanti nostro, quem tua uirtus peperit, alit humanitas, atque auget, ut nostra etiam causa tuam ualitudinem studiosissime cures. Vale. Venetijs.

## E I D E M, Patauium.

SILENTII mei causam ex ijs litteris, quas heri ad te scripsi, quas hodie mane puto tibi esse redditas, iam cognouisti. quod nisi ita declarassem; tamen mihi dubium non est, quin tu pro sin-

P 3 gulari



gulari tua sapientia, & humanitate de mea meo-  
 rumq. ualitudine conijceres. quid enim aliud me  
 ascribendo abduceret? quo equidem nihil facio li-  
 bentius: idq. tibi, si præsenti fortasse non potui, ab-  
 senti certe probabo. Tuum aduentum auide exspe-  
 cto: cuius mihi significatio tum eo nomine gratissi-  
 ma, quia te uidebo, tum eo gratior fuit, quod opti-  
 me te ualere, etsi tu de eo nihil significes, facile ta-  
 men possum intelligere. quod si ita est, opto perpe-  
 tuum esse: &, quod opto, id etiam ut sperem, fa-  
 cit continentia tua; quam ego in uictu (plane lo-  
 quor, ut sentio) ualde sum admiratus, & conor e-  
 tiam imitari. Rerum Romanarum, Pontifice mor-  
 tuo, conuersus orbis est. itaque, qui decesserant,  
 omnes ad urbem redeunt. pecuniæ pro Mecænate  
 illo, ut affertur ad nos, libentius quàm pro ceteris,  
 deponuntur: & ad eum denique, fore suspicor, ut  
 omnium Cardinalium uoluntates inclinent. uir op-  
 timus est, egregie litteris excultus, ingenio miti,  
 &, quod caput est, cum factiones duæ dicantur es-  
 se, æquus in utranque. primum contendetur aceri-  
 me. quid mirum? Neque enim, ut ait poeta ille  
 summus inter nostros, leuia, aut ludrica petuntur  
 Præmia. et scis, omnes homines, quod maxime cu-  
 piunt, itidem facile adduci ut maxime sperent. er-  
 go multis quasi aleam iacere, & fortunam place-  
 bit experiri. quid euenturum sit, & quid magis  
 expediat, uni Deo patet. certe, nisi firmioribus,  
 quàm antea, præsijs muniatur; prauarum opi-  
 nionum



nionum incurſu uinea Domini diſſipabitur . quod te quoque et ſuſpicari, quia prudentia excellis, et metuere uehementer, quia pietatem diligis, aliquando in noſtris ſermonibus cognoui . Vale . Venetijs .

E I D E M, Patauium .

C V M de tuo reditu ex tuis, amicorumq. litteris cognouiſſem ; perſuſus uoluptate ſum prorſus in credibili . ſubueerebar enim, ne te patria tua, experta iam in magnis rebus & animi, et ingenij tui præſtantiam, abeſſe diutius minime pateretur . etiam illud occurrebat, ne te iam ſatietas Italia cepiſſet . multa cogitabam, ut amor eſt, quæ cupiebam eſſe falſa, & fuiſſe ualde nunc lator . capio tamen hanc in iocunditate moleſtiam, quòd ad te quamprimum accurrere non licet . nam, ut omittam de uxore, cui deeſſe non poſſum ægrotanti; confirmare ſtudeo res domeſticas, quæ uacillant ſatis abſente me . cum enim, referre me totum ad litteras, quarum eſt mihi conſuetudo iocundiſſima, plane deliberatum ſit : prius hæc, quæ ad alendam familiam pertinent, ita conſtituam neceſſe eſt, ne quando me, quod antea ſæpe contigit, de medio ſtudiorum curſu reuocare poſſint . iam ego in meis conſilijs, optime Duditi, ambitionem cæpi excludere . uideo res humanas ſurſum deorſum ferri, nunquam conſiſtere: celeriter omnia fluere, & extingui, præter bonam famam, ad quam omnes peruenire cupiunt, ſed igno

P 4 ratione



ratione uiarum plerique aberrant . non enim in o-  
pibus, aut in magistratibus, Regum ue aulis uerū  
decus habitat . petendum aliunde est, a rectis cogi-  
tationibus, honestis laboribus, studio, & exercita-  
tione uirtutis . hæc mihi in animo sunt : quæ si co-  
lam arbitrato meo, multa consequar . primum, ab  
ijs negotijs, quæ mihi negotium faceffunt, uacabo  
prorsus : deinde, ( ne me putes desidia causa oti-  
um cogitare ) scribam aliquid quotidie ; quo nihil  
soleo, ubi curarum expers animus est, facere liben-  
tius : denique, etiam posteris fructum fortasse ali-  
quem pariet industria nostra . Quid relinques, di-  
cet aliquis, liberis tuis ? Non exiguum patrimo-  
nium, imitationem mei, & aliquam, ut spero, uir-  
tutis hereditatem, eadem scilicet, quæ reliquit mi-  
hi pater meus . Non abundabunt . Nec id postulo,  
nec illi, si sapient, postulabunt . modica poscit, ut  
honeste, id est feliciter uiuatur, hominis natura : re-  
liqua sunt instrumenta nequitie . Cupio tibi, mi Du-  
diti, qui etatē tuam prudentia anteis, probari me-  
um sensum : cupio meum iudicium tua sententia  
confirmari . quanquam quid exspecto ? index animi  
sermo est . porro in sermonibus quotidianis quid tu  
habes in ore, quid extollis, præter studia doctrinæ ?  
quæ te uideo, cum tecum loquor, uel cum tua scri-  
pta lego, tractasse diligenter . ueruntamen hoc ip-  
sum, quod habeo satis exploratum, mecum te sen-  
tire, si significabis, pergratum erit . Ego, nisi occu-  
pationibus premerer assiduus, quas animo potius,  
quàm

quàm  
tate lin  
me offi  
ni stud

Vo  
tany co  
calorib  
memm  
luit: m  
tibus a  
quod q  
multum  
neque te  
commo  
do: ac,  
uerum h  
murem  
neuolet  
quid sen  
cum Cic  
tos ab a  
quentia  
amas: m  
ait poe  
eadem c  
tem, re



quàm corporis uiribus sustineo, explerem te crebri-  
tate litterarum. uerum ne sic quidem, pro tuis in  
me officijs, patiar in hoc genere prorsus ab te requi-  
ri studium meum. Vale. Venetijs.

## E I D E M, Patauium.

V O B I S C U M ut agatur, scire cupio, Pa-  
tauij commorantibus. nos hic languemus, afflictì  
caloribus perpetuis, quibus equidem grauiore non  
memini. uxor mea non dum ex puerperio conua-  
luit: infans bellissime habet, et incipit iam blandien-  
tibus arridere. quid quæris? admodum scitus est:  
quodq. amare solemus in pueris, hilaritatis habet  
multum. De tuo aduentu, suadeo consilium mutes,  
neque te istinc, furente Canicula, aestu non ferendo  
commoueas. faceres enim ualetudinis incommo-  
do: ac, si ualetudo, studia tamen tua non ferrent.  
uerum hoc prudentiæ tuæ totum sit, in qua tibi ne-  
minem antepono. ego, pro mea in te singulari be-  
neuolentia, non modo quid uellem, uerum etiam  
quid sentirem, testatum esse uolui. Aristotelem  
cum Cicerone mitto, utrumque satis apte compa-  
ctos ab artifice perito. uideo, quid agas. inanem elo-  
quentiã contemnis; et indifertam philosophiam nō  
amas: utranque uis coniungere, ut misceas, quod  
ait poeta *Venusinus*, utile dulci. quo minus me,  
eadem cogitantem, et recessum otij causa quaren-  
tem, reprehendere debebis. Vale. Venetijs.

Eidem,



E I D E M, Patauium.

V A L D E probo industriam tuam, quam ad ornandum commentario aureolum Demetrii libellum περὶ τῆς ἐρμηνείας contulisti: sed ante quam institutum absolvas, fore arbitror ut exeat is, quem Petrus Bargæus, qui Pisanum gymnasium politioris doctrinæ professione illustrat, ante aliquot menses, ut audio, confecit. itaque malim ad Diodorum latinitate donandum operam, Studiumq. tuum conuertas: ne, quod aiunt, ætæ agas. nam Bargæo, quem tu fortasse non nosti, nec ingenio, nec doctrina, nec eloquentia quisquā præstat: quodq. paucis admodum contigit, tum oratoria, tum poetica laude pariter excellit. absit igitur omnis æmulatio ab ijs, quos ego unice diligo, & a quibus item diligere sentio. Calores hic nihil remittunt: feruent omnia. quòd nisi terræ, iam perustæ, uberrimis imbribus cito madefiant; caritas multarum rerum, & morborum vis ineunte autumno uidetur impendere. Ego, ut anni tempus est, non incommode ualeo: negotia curo: otium, & studia cogito. Kalendarium Romanū uetus, cum opinione mea de ratione ueterum dierum, & necessaria litterarum interpretatione, sæpe iam a te rogatum, quia nec ipse habebam, nec reperire facillimum fuit, mitto serius, acceptum a familiari meo, uiro probo, et erudito, Raphaele Cyllenio. describes, & remittes:

quo-



quoniam, quæ sunt olim impressa cum Sigonij fa-  
stis, nullum ex ijs iam pridem uenale superest.  
in hoc autem, ut aliquid a me præcipuum habe-  
res, itidem ut ego te præcipue diligo, quædam ui-  
debis immutata, nec, opinor, improbabis.

Vale. Venetijs.



KALENDARIVM VETVS  
ROMANVM, E MARMORE  
DESCRIPTVM.

A. K. IAN. F	H. K. FEB. N
B F	A N
CC	B N
DC	C N
E NON. F	D NON
F F	E N
GC	F N
HC	G N
A AGON	H N
B EN	A N
C CAR. NP	B N
DC	C N
E EID. NP	D EID. NP
F EN	E N
G CAR	F LVPER. NP
HC	G EN
AC	H QVIR. NP
BC	AC
CC	BC
DC	CC
EC	D FERAL. F
FC	EC
GC	F TER. NP
HC	G REGI F. N
AC	HC
BC	A EN
CC	B EQ. NP
DC	CC
EF	XXIIX
FN	
GC	
XXXI	

D. K.  
EF  
FC  
GC  
HC  
AN  
PC  
BNC  
CF  
DC  
EC  
FC  
GC  
HEN  
AEQ  
BEID  
CF  
DLI  
EC  
FQV  
GC  
HC  
AN  
BTVB  
CQ  
DC  
EC  
FNP  
ALE  
GC  
HC  
AC  
BC  
XXX



D. K. MAR. N  
 E F  
 F C  
 G C  
 H C  
 A N<sup>o</sup> HOC DIE CAESAR  
 PONT. MAX. FACTVS  
 B NON. F  
 C F  
 D C  
 E C  
 F C  
 G C  
 H E N  
 A E Q. N<sup>o</sup>  
 B E I D. N<sup>o</sup>  
 C F  
 D L I B. N<sup>o</sup>  
 E C  
 F Q V I N. N  
 G C  
 H C  
 A N  
 B T V B I L. N<sup>o</sup>  
 C Q. R E X. C. F  
 D C  
 E C  
 F N<sup>o</sup> HOC DIE CAESAR  
 ALEXAND. RECEPIT  
 G C  
 H C  
 A C  
 B C  
 XXXI

C. K. APR. N  
 D C  
 E C  
 F C  
 G NON. LV DI  
 H N<sup>o</sup> LV DI  
 A N LV DI  
 B N LV DI  
 C N LV DI  
 D N LV DI  
 E N C I R C.  
 F N LV DI C E R E R I  
 G E I D. N<sup>o</sup> LV DI  
 H N  
 A F O R D. N<sup>o</sup> LV DI  
 B N LV DI  
 C N LV DI  
 D N LV DI  
 E C E R. N LV DI  
 I N C I R C O  
 F N  
 G P A R. N<sup>o</sup>  
 H N  
 A V I N. N<sup>o</sup> V I N A -  
 L I A  
 B C  
 C R O B. N<sup>o</sup> R O B I -  
 G A L I A  
 D F  
 E C  
 F N<sup>o</sup> L V D. F L O R.  
 G C L V D I  
 H C L V D I  
 XXX



A. K. MAI. N  
 B F COMP.  
 CC  
 DC  
 EC  
 FC  
 G NON N  
 HF  
 A LEM. N  
 BC  
 C LEM. N  
 D N LVD. MART.  
 IN CIRC.  
 E LEM. N  
 FC  
 GEID. N  
 HF  
 AC  
 BC  
 CC  
 DC  
 E AGON. N  
 FN  
 G TVB. N  
 H Q. REX. C. F  
 AC  
 BC  
 CC  
 DC  
 EC  
 FC  
 GC  
 XXXI

H. K. LVN. N  
 A F MART. CAR.  
 MONET.  
 BC  
 CC  
 D NON  
 EN  
 FN  
 G N MENTI IN  
 CAPIT.  
 H VEST. NF. PR.  
 VESTAE.  
 AN  
 B MAT. N  
 CN  
 DEID. N  
 EN  
 F QST. D. F  
 GC  
 HC  
 AC  
 BC  
 CC  
 DC  
 EC  
 FC  
 GC  
 HC  
 AC  
 BC  
 CC  
 DF  
 EC  
 XXX

F. K.  
 GN  
 HN  
 AN  
 B PO  
 CN LV  
 DNO  
 EN L  
 FN L  
 GC L  
 HC L  
 AN LV  
 B CLV  
 CC M  
 DEID.  
 EF M  
 FC M  
 GC M  
 H LVCA  
 AC LV  
 B LVCA  
 CC  
 D NEPT  
 EN LV  
 FFVR.  
 GC LV  
 HC IN  
 AC IN  
 BC IN  
 CC IN  
 DC  
 XXXI



F. K. IVL. N

G N

H N

A N

B POPLIF. N

CN LVDIAPOLLIN

D NON. N LVDI

E N LVDI

F N LVDI

G C LVDI

H C LVDI

A N LVDI

B C LVDI IN CIRC.

C C MERK.

D EID. N. MERK.

E F MERK.

F C MERK.

G C MERK.

H LV CAR. N. MERK.

A C LVD. VICT.

CAESAR.

B LV CAR. LV DI

C C

D NEPT. LV DI

E N LV DI

F FVR. N LV DI

G C LV DI

H C IN CIRC.

A C IN CIRC.

B C IN CIRC.

C C IN CIRC.

D C

XXXI

E K. AVG. N

F C FER. HOC DIE

C. CAESAR HISP.

VICIT

G C

H C

A NON. F

B F

C C

D C

E N HOC DIE CAESAR

HISPALIM VIC.

F C

G C

H C

A EID. N

B F

C C

D C

E PORT. N

F C

G VIN. F. P.

H C

A CONS. N

B EN

C VOLC. N

D C

E OPIC. N

F C

G VOLT. N

H N H D. ARA VICTO

RIAE IN CVRIA

DEDIC. EST

A F

B F

C C

XXXI



D. K. SEPT. N  
HOC DIE FER. NEP.

E N  
F N  
G C LVDI ROMANI  
H NON. F LVDI  
A F LVDI  
B C LVDI  
C C LVDI  
D C LVDI  
E C LVDI  
F C LVDI  
G N LVDI  
H EID. N

A F. F. EQVOR. PROB.  
B N LVD. ROMAN.  
IN CIRC.

C C IN CIRC.  
D C IN CIRC.  
E C IN CIRC.  
F C IN CIRC.  
G C MERK.  
H C MERK.  
A C MERK.  
B N MERK. D.

C C AVGVSTI NATALIS  
LVD. CIR.

D C  
E C  
F C  
G C  
H F  
A C  
XXX

B. K. OCT. N

C F  
D C  
E C  
F C  
G C  
H NON. F  
A F  
B C  
C C  
D MEDI R.  
E AVGVST. N  
F FONT. N  
G N

H EID. N

A F  
B C  
C C  
D ARM. N

E C  
F C  
G C  
H C  
A C  
B C

C C  
D C LVDI VICT.  
E C LVDI  
F C LVDI  
G C LVDI  
H C LVDI  
XXXI

A. K.

B  
C  
D  
E N  
F F  
G C  
H C  
A C  
B C  
C C  
D C  
E EID.

FF  
G C

H C  
A C  
B C  
C C  
D C

E C  
F C  
G C  
H C  
A C  
B C  
C C  
D C  
E F  
F C  
XXX



A. K. NOVEM. N

B

C

D

E NON. P

F F LVDI

G C LVDI

H C LVDI

A C LVDI

B C LVDI

C C LVDI

D C LVDI

E EID. N<sup>o</sup> EPVL.  
INDICT.

F F

G C LVD. PLEB.  
IN CIRC.

H C IN CIRC.

A C IN CIRC.

B C MERK.

C C MERK.

D C MERK.

E C

F C

G C

H C

A C

B C

C C

D C

E F

F C

XXX

G. K. DIC. N

H

A

B

C NON. P

D

E C

F C

G C

H C

A AGON. N<sup>o</sup>

B EN

C EID. N<sup>o</sup>

D F

E CONS. N<sup>o</sup>

F C

G SAT. N<sup>o</sup> FERIAN  
SATVRN.

H C

A OPALI. N<sup>o</sup>

B C

C DIV. N<sup>o</sup>

D C

E LAR. N<sup>o</sup>

F C

G C

H C

A C

B C

C F

D F

E C

XXXI



PAULI MANVTII  
DE VETERVM DIERVM  
RATIONE.

SI DVO dierum in genera distribui annum oporteat, multifariam recte diuidetur, ut sic; annus constat ex diebus uel fastis, uel nefastis: aut sic; ex diebus uel fastis, uel profestis: aut sic; ex diebus uel senatorijs, uel non senatorijs: aut sic; ex diebus uel comitialibus, uel non comitialibus. harum enim quattuor diuisionum, si separatim singulae considerentur, totum annum qualibet complectitur. nos autem, cum de diebus ea, quæ scitu digna censuimus, quæq. ad Romanæ historiæ notitiam ualde pertinent, breuiter ostendere instituerimus; ex his diuisionibus utemur ea, in qua quæ maior pars est, (duas enim partes habent singulae) ea cum ea parte, quæ in alijs diuisionibus item maior est, comparata, uberius aliquanto esse cognoscitur. incipimus igitur a nominatis in prima diuisione, fastis, et nefastis: quandoquidem fasti, quæ duarum primæ diuisionis partiū plenior est, plures in anno sunt, quā quæcunque pars in tribus reliquis diuisionibus, latius patet, hoc est, quā uel profesti, uel non senatorij, uel nō comitiales. quod si quis opponat, in kalendario plures notatos esse dies littera C, quā littera F, unde plures significatur dies comitiales, quā fasti: itaque non recte me a fastis, ut a pleniorē parte, exordiri: sciat non a me fastos modo uocari, quos no-

notatos  
fari tria  
rum e n  
lendario  
REX. C  
riliceret  
sa notati  
cetur, pr  
absurde  
tator, qu  
lind e ar  
im e are  
ri, j m p  
fieri, imp  
quæ de  
quibus far  
tan ar list  
propre et  
nisi cum al  
numquam p  
boris omni  
qui et ipsi p  
quidem om  
ceret. eran  
C. Q. S T  
que hi eran  
les fuere, e  
non haberi  
modo toti



notatos littera F uidemus, sed omnes plane, quibus  
fari tria uerba, do dico, addico, prætore licebat: quo-  
rum e numero comitiales erant, & ij, quos in ka-  
lendario, hæ litteræ demonstrant, EN. NP. Q.  
REX. C. Q. S T. D. F. P. quibus omnibus cum fa-  
ri liceret; etiam si non id semper fieret; qua de caus-  
sa notati sunt alijs litteris potius, quàm F; ut indi-  
cetur, præter fari, aliquid etiam fieri licuisse: non  
absurde mihi facere uideor, si ad fastos littera F no-  
tatos, qui quidem uere fasti dici possunt, quòd ijs a-  
liud prorsus nihil fiebat, quo prætor a iure dicendo  
impediretur, eos quoque dies aggrego, quibus, fa-  
ri, semper quidem licebat, non tamen, quod liceret,  
fieri semper solebat. ut omnino tria essent genera,  
quibus de singulis agatur suo loco; primum fasti ij,  
quibus fari semper & liceret, & soleret; qui no-  
tantur littera F, suntq. omnes XXXVIII. hi &  
proprie erant fasti, & toti: proprie, quòd per eos,  
nisi cum aliquis casus extra ordinem interueniret,  
nunquam prætor ius non dicebat; toti, quòd, fari,  
horis omnibus liceret. Alterum genus fuit, fasti ij,  
qui et ipsi proprie fasti erant, sed non toti; quòd ijs  
quidem omnibus fari, non tamen horis omnibus li-  
ceret. erant autè hi, EN. NP. F. P. EN. Q. REX.  
C. Q. S T. D. quas litteras infra exponemus. at-  
que hi erant omnes LXV. Tertium genus comitia-  
les fuere, casu fasti, non proprie: quia, cum comitia  
non haberentur, tunc fari solum prætor solebat. hi  
modo toti erant fasti, cum nulla scilicet comitia ha-

Q 2 beren-



berentur; modo ex parte, cum haberentur illa quidem, sed minime per totum diem. hi CLXXXIV erant. nos fastos omnes uocamus, quibuscunque fari liceret, siue fasti proprie, siue non proprie essent: itaque ab his profecti, paullatim progrediemur diuidendo, ut, qui nobis propositus est huius narrationis finis, eò perueniamus. Omnes igitur dies aut fasti sunt, aut nefasti: et fasti, partim festi, partim profecti. Festos plerosque partim fastos, partim nefastos fuisse, ut Quirinalia, Lupercalia, Terminalia, ex kalendario cognoscitur. quibus enim festis diebus, adscriptum est NP, ij sunt nefasti simul et fasti, nefasti priore parte, fasti posteriore. dies Ferialia adscriptam habet F. qui festus proprie non fuit. sed gestandæ ad mortuos cenæ dicatus dies. quod quia non hora stata fiebat, sed ut cuique commodum erat; ideo totus dies potuit esse fastus. propterea, ut opinor, littera F notabatur. Festis porro diebus non dubito quin omnibus haberi senatum licuerit. cuius rei exempla sunt in antiquorum libris admodum multa. quanquam sollemne hoc non erat, ut semper diebus festis senatus haberetur; sed legitimum, ut haberi posset. sollemne autem illud, ac statum ex more maiorum, ut Kalendis, nonis, idibus haberetur. itaque in Kalendario neque Kalendis, neque nonis, neque idibus littera C, quæ comitiales dies significabat, per quos haberi senatus non poterat, neque diebus omnino ullis festis adheret. Profecti dies aut fasti erant, aut nefasti. & omni-

bi s

bus pro  
festis ad  
qui com  
haberi  
non pot  
tum non  
bat, nec  
rum uol  
di potest  
cesse est.  
natum ne  
Ciceroni  
enti sunt  
non pote  
nem m  
saper die  
facerent.  
natum eo S.  
non esse, d  
dam habe  
dem comit  
autem hab  
ne, qui me  
difficilis, in  
dixisset i  
S. C. ferent  
tus vocat  
uidebat  
se comitia



bus profestis nefastis haberi senatum licebat ; profestis autem fastis non plane omnibus, sed ijs tantū, qui comitiales non essent. quibus autem profestis haberi senatus poterat, ijs omnino agi cum populo non poterat. contra, quibus profestis haberi senatum non licebat, ijs agi quidem cum populo licebat, nec tamen semper agebatur: cum ea res ex eorum uoluntate penderet, penes quos populi cogendi potestas esset. non enim, quod licet, id etiam necesse est. Quod autem dixi, comitialibus haberi senatum non licuisse; declarant illa uerba in epistola Ciceronis ad fratrem, quæ tertia est lib. II. Consecuti sunt dies comitiales, per quos senatus haberi non poterat. Et illa in S. C. quod Cælius ad Ciceronem misit, ep. fam. lib. VII. Vtiq. eius rei causa per dies comitiales senatum haberent, S. Q. C. facerent. Quibus uerbis, quod extra ordinem a senatu eo S. C. decretum est, id omnino fieri solitum non esse, dilucide constat. ita senatus fastis quibusdam haberi poterat, quibusdam non poterat: siquidem comitiales inter fastos iam retulimus. nefastis autem haberi omnibus potuisse, iam diximus. Sane, qui me torqueat, nodus est, mihi quidem perdifficilis, in epistola ad Atticum lib. I. in qua, cum dixisset iam, Nam cum dies uenisset rogationi ex S. C. ferendæ; paucis post uersibus subiunxit, Senatus uocatur. quod certe mos maiorum minus ferre uidebatur. nam si rogationi ferendæ dies est, certe comitalis est: quod si comitalis; haberi senatum



tum prorsus non licet : cuius rei testimonio sunt ea, quæ paullo ante recitauimus & ex epistola ad fratrem uerba Ciceronis, et e S. C. nisi si factum id extra ordinem dicamus ; ut Pisonis consulis iniquissimis conatibus obuiam iretur : qui cum esset lator rogationis, & eius rogationis, quare ex S. C. et de religione ferebat ; idem tamen erat dissuasor. Comitiorum magnus erat numerus : eosq. fuisse dies fastos, quod supra dixi, ita existimo, ut mihi uidear affirmare posse. non enim inani quadam cōiectura, sed certa in primis, ut puto, ratione commoueor. uideo enim in orationibus Ciceronis, in Pisonem, de prouincijs consularibus, pro Sextio, mentionem fieri ea de lege, qua P. Clodius tribunus pl. sanxit, ut omnibus diebus fastis agi cum populo liceret. quo fit apertum, fastis quibusdam non id licuisse, quod, ut omnibus liceret, lege Clodia sancitum est. quam tamen legem non fuisse obseruatam, demonstratum est a nobis in libro de legibus Romanis. Nec uero mirari satis possum ; cum, fastos aliquot fuisse comitiales, pateat ; qui uenerit in mentem Macrobio, fastis, dicere, lege agi licuisse, cum populo non licuisse ; comitialibus autem utrunque licuisse. quorum alterum uere dictum constat, comitialibus, inquam, et lege agi, & cum populo licuisse : quia scilicet comitiales erant de numero fastorum : itaque & illud, omnium fastorum commune, habebant, ut lege agi posset ; & hoc præterea proprium, ut etiam cum populo posset : alterum autē,

de

de fast  
pulo no  
insecun  
perio. q  
comitia  
cuisse co  
do : Fa  
omnibus  
quidem,  
populo p  
terat, eo  
ret, non  
lis, quin  
quam fa  
singula  
si comita  
quia libe  
leo tueri ;  
gratie res  
fastos non  
fi, uulgo  
ipsi quoq  
spectant  
quibus pr  
essent, sen  
loquendi  
tum lege  
posset, con  
lare. Qu



de fastis diebus, quibus ait lege agi licuisse, cum populo non licuisse, in prima parte uerum esse uideo; in secunda qui possit non esse falsum, haud facile reperio. qui enim fastis agi cum populo non licet, cum comitiales omnes fasti sint, & comitialibus agi licuisse cum populo, iam ostenderim? dixisset hoc modo: Fastis omnibus lege agi licet, cum populo non omnibus licet: nihil erat, quod reprehenderes: siquidem, quod docuimus, quibusdam fastis agi cum populo poterat, quibusdam non poterat: quibus poterat, eos si quis fastos, aut fastos comitiales diceret, non erraret; cum dies fuerit nullus comitialis, quin idem & fastus: sed comitiales potius, quam fasti, ut a reliquis fastis proprio nomine distinguerentur; & comitiales item potius, quam fasti comitiales, breuitatis causa uocabantur. Verum quia libenter, quantum in me est, antiquitatem soleo tueri; Macrobius, a quo multa didici, quasi gratiae referendae loco ita conor excusare: ut, cum fastos nominauit, de ijs tantum intellexerit, qui fasti, uulgo dicebantur, non etiam de ijs, qui etsi fasti ipsi quoque erant, comitiales tamen appellabatur. spectauit igitur non uerbi uim, quae dies omnes, quibus praetor tria uerba fari posset, siue comitiales essent, siue non, complectitur; sed consuetudinem loquendi; quod fastos nominabant eos, quibus tantum lege agi posset; cum eos, quibus cum populo posset, comitiales praecipuo uocabulo mallent appellare. Queritur hic fortasse: cum comitiales omnes

Q 4 essent



essent fasti ; ijsq̃. & cum populo , & lege agi posset ; cum populo , quia comitiales ; lege , quia fasti ; fieret ne simul utrumque . Negatur . nam etsi licebat utrumque eodem die , non tamen utrumque poterat eodem tempore . cum enim populis in forum conuenisset ; quid iudicibus , aut litigantibus loci relinqueretur ? porro , si uacaret locus , qui tamen posset prætor , aut iudices in tanto strepitu , quantus coactæ in unum locum multitudinis solet esse , eorum , qui causas agerent , orationes attentis auribus , animisque , ut par est , excipere ? sedata mente diligenter aliquid considerantibus opus est . itaque absurdum est credere , potuisse eodem tempore & cum populo agi , & iudicijs operam dari : sicuti fastis ijs , qui comitiales non erant , eodem quidem die , non tamen eodem tempore , & lege actû , & senatum esse habitum inuenio , sic , ut lege ageretur primum , deinde senatus haberetur . quod cum ex alijs locis , tum ex III. & XII. epistola libri II. ad Quintum fratrem intelligitur . Ergo , cum omnes comitiales essent fasti , non quia semper lege ageretur , sed quia semperliceret , si modo cum populo non ageretur ; ( nec enim utrumque simul fieri , iam diximus ) ita concludemus : fastos , littera K in kalendario notatos , iurisdictionem omnes habuisse ; fastis , littera C notatis , & ius dici , & agi cum populo eodem die , non eodem tamen tempore , potuisse : ideoq̃. fastos eos quoque fuisse dico , non ex eo , quod fieret , sed ex eo , quodliceret . Hæc de fastis



fis. Supersunt nefasti. His omnino neque lege agi,  
 neque cum populo licebat. cum enim opponantur  
 fastis, quorum e numero sunt comitiales; eo iure,  
 quod omnes fasti, siue comitiales, siue non comitia-  
 les, habent, prorsus careant necesse est. Festus eti-  
 am sic: Die nefasto apud prætorem lege agere, reli-  
 giosum erat. Caussas tamen agi, & concionem ha-  
 beri, & legem promulgari licebat. nam neque caus-  
 sas agi, est lege agi: neque, concionem haberi,  
 aut, legem promulgari, est cum populo agi. quæ  
 probare singula, magni negotij non est. Agitur le-  
 ge, cum prætor tria uerba fatur, Do, dico, addico:  
 qui est ultimus iudicij dies: cum uero caussis au-  
 diendis prætor operam dat, lege tunc non agitur.  
 quare fastos esse necesse non est omnes dies, quibus  
 aut pro reo, aut contra reum dicitur: sed, fastum  
 eum esse unum, satis est, quo prætor, aut qui iudi-  
 cio præest, cum consilio iudicum sententiam ferre  
 debet. itaque in epistola IIII. libri II. ad Quin-  
 ctum fratrem, Ad IIII. idus, inquit, dixi pro Be-  
 stia de ambitu, apud prætorem Cn. Domitium.  
 quem tamen diem (est autem IIII. idus Febra-  
 rij) fastum non fuisse, Kalendarium indicat: no-  
 tatur enim, ut nefastus, littera N. nec omnino  
 de octo diebus, qui ab idibus appellantur, men-  
 se Februario fastus ullus fuit. quod ideo placuit ad-  
 moneri, ne quis argueret, uerba ueterum a me,  
 quorundam exemplo, falsa recitari: quoniam qui-  
 dem in ea, quam nominaui, ad fratrem epistola,

NON,



non, Ad III. idus, sed, Ad IIII. in omni-  
 bus legitur & impressis, & scriptis libris. nam,  
 siue IIII. siue III. legas; utrumque dicm, &  
 plane, ut dixi, omnes idus Februarij inter nefastos  
 fuisse, apposita littera N significat, ultimo tamen  
 die, hoc est idibus ipsis, excepto: qui nefastus prio-  
 re, fastus posteriore parte fuit: notatur enim sic,  
 NP. Conciones ad populum illæ quidem, nec tamen  
 comitali tantum die, sed & fasto, qui comitalis  
 non esset, & nefasto pariter habebantur. nolo e-  
 nim quenquam in eo falli, quia fortasse, agi ad po-  
 pulum, & agi cum populo, idem esse uideatur:  
 quæ diuersa sunt. nam agebatur ad populum,  
 cum ad populum concionem aliquis habebat: ut  
 Gellius docet lib. XIII. cap. v. agebatur autem  
 cum populo; ut ait Festus, cum magistratus ad  
 consilium, aut comitia uocabat. quod fieri comi-  
 tiali duntaxat die licebat. concionari autem omni-  
 bus æque diebus licuisse, exempla demonstrant.  
 itaque, quoties aliquod s. c. erat factum, dimis-  
 so senatu, & s. c. ad populum recitato, magi-  
 stratus aliquis, aut etiam priuatus senator, con-  
 cione ei a magistratu data, ad populum uerba fa-  
 ciebat. nec tamen is erat dies comitalis. nam co-  
 mitialibus fieri s. c. aut omnino senatum habe-  
 ri non potuisse, demonstratum est. et Festus hæc  
 aperte distinguit, cum ait: Forum est, in quo iudi-  
 cia fieri, cum populo agi, conciones haberi soleat.  
 Quo die igitur agi cum populo, eodem agi apud po-  
 pulum



pulum licebat: quo autem agi apud populum, eodem agi cum populo, non semper licebat. exempla sibi quisque notet in legendo: quod facillimum est: sunt enim infinita: itaque puto me facere non inepte, quod ijs recitandis, quæ passim extant, conterendum mihi esse tempus non existimem. Illud addendum uidetur; cum aduocabatur concio, ut populus aliquid suffragijs, rogante magistratu, scisceret; tunc actum esse cum populo, non ad populum: cum uero magistratus, aut etiam priuatus aliquis, magistratu ei concionem dante, ad populū uerba faciebat, non ut suffragia deinde ferrentur, sed ut aliquid exponeretur, quod suffragij lationem non exigeret; tunc non cum populo, sed ad populum actum esse. Aliud est igitur habere concionē: aliud, aduocare concionem. ipsum, habere concionem, est, agere ad populum: aduocare concionem, si aduocatur ut suffragia ferantur, est, agere cū populo. ideo scripta sunt hæc apud Macrobiū lib. i. Sat. Iulius Cæsar auspiciū lib. xvi. negat nundinis concionem aduocari posse, id est, cum populo agi, ideoq. nundinis Romanorum haberi comitia non posse. Addita enim sunt illa uerba, Id est cum populo agi, quia non semper concione aduocata, cum populo agebatur, sed interdum ad populum duntaxat. nundinis autem, cum populo quidem agere, non licuit; ex quo sequebatur, ut comitia haberi non possent: ad populum autem agere, hoc est concionem habere, certe licuit. non enim aduersatur illud



lud, quod a Cicerone scriptum est lib. IIII. ad Atticum. Ante diem x. kal. nundina: concio bi-  
duo nulla. Quibus uerbis id, quod factum non est,  
non id, quod non licuit, ostenditur. nam cum habe-  
ri nundinis comitia non possent, quod non ex Ma-  
crobio tantum, uerum etiam ex Plinio lib. xviii.  
cap. III. cognoscitur: propterea ne concionandum  
quidē P. Clodius, Appius, Metellus, eius fratres,  
putauerunt; qui proximis diebus, comitorum caus-  
sa, conciones habuerant. Superest de lege promul-  
ganda. id enim de tribus, quæ proposuimus, erat  
tertium. Ferenda legis, & promulganda non ea-  
dem ratio fuit. ferebatur die tantum comitali, pro-  
mulgabatur etiam non comitali, siue fastus, siue  
nefastus, esset. itaque C. Cato tribunus pl. rationē  
de abrogando Lentulo imperio, die non comitali  
promulgauit. cum enim & post IIII. nonas Fe-  
bruarij, & ante VIII. idus eiusdem mensis pro-  
mulgauerit: quod ex epistola III. libri II. ad fra-  
trem colligitur: comitali die promulgare non po-  
tuit, ac nefasto quidem. primi enim duodecim Fe-  
bruarij dies nefasti omnes fuerunt. Haberi autem  
senatum per nefastos omnes licebat: nec per omnes  
tamen, sed tantum, cum res postularet, habeba-  
tur, eorum magistratum, quibus id iuris erat, ar-  
bitratu. ita senatus in hoc præstare populo uideba-  
tur: quod agi cum populo per unum modo dierum  
genus, hoc est per comitiales, quæ fastorum pars e-  
rat, haberi autem senatum per duo genera, hoc est

& per  
nefasto  
quot pr  
rant ap  
natio  
um fast  
genera.  
si, med  
lendaro  
est, End  
pro in u  
legibus:  
Festus m  
tem lib.  
prior p  
ipsi quoq  
modo N:  
fasse dies  
cognoscita  
nore nef  
primo, s  
lendaro  
te aut fast  
meminer  
diei parte  
de lingua  
ne & uel  
siam ca  
sas tum



& per fastos eos, qui comitiales non essent, & per  
 nefastos omnes licebat. Erant præterea dies ali-  
 quot promiscui, qui neque fasti, neque nefasti pote-  
 rant appellari, cum lege agi per eos totos neque o-  
 mnino liceret, neque omnino non liceret; sed par-  
 tim fasti essent, partim nefasti. horum tria erant  
 genera. alij, prima & postrema diei parte, nefa-  
 sti, media fasti: qui dicebantur intercisi, & in Ka-  
 lendario his duabus litteris notantur, EN: quod  
 est, Endotercisi, pro intercisi. ueteres enim endo  
 pro in usurpabant. itaque dixit Cicero lib. II. de  
 legibus: Quos endo calum merita uocauerint. Et  
 Festus notat, Endoitium, pro initium. Varro au-  
 tem lib. III. de re rust. Endo suam domum. Alij  
 priore parte nefasti, posteriore fasti: qui notantur  
 ipsi quoque duabus litteris, NP, sed coniunctis, hoc  
 modo NP: quod ualeat, Nefastus primo. cuiusmodi  
 fuisse dies fere omnes festos, inspecto kalendario,  
 cognoscitur. Non nulli, priori parte fasti, poste-  
 riore nefasti: qui notantur sic, F. P. quod, Fastus  
 primo, significat. quo ex genere uidemus in Ka-  
 lendario Vinalia fuisse. Dies eos, qui priore par-  
 te aut fasti erant, aut nefasti, de ueteribus, quod  
 meminerim, nemo nominat. de fastis autem media  
 diei parte, hoc est de intercisis, Varro sic lib. V.  
 de lingua latina: Intercisi dies sunt, per quos ma-  
 ne & uespere est nefas, medio tempore, inter ho-  
 stiam caesam, & exta porrecta, fas: a quo, quod  
 fas tum intercedit, intercisi dies; aut, quod inter-  
 cisum



cisum nefas. Patet iam, his litteris, quæ sunt in Kalendario, F. N. C. FP. NP, EN, sex dierum genera significari, fastos, nefastos, comitiales, fastos primo, nefastos primo, intercisos. Quod si cui ueniat in mentem, hac duarum litterarum connexionem, NP, non significari, quod nos diximus, nefastus primo, sed potius, nefas prætori: huius opinionem argumentum primo, e coniectura, uel ex ipsa potius, ut ego sentio, ratione ductum, deinde etiam historiæ ueteris infirmat auctoritas. argumentum est hoc. Nemo, cui pauciora sufficiunt, pluribus utitur. quid opus erat, ut ij dies, quibus adscripti uidemus NP, nefasti esse indicarentur, duas potius litteras, quàm unam, apponere? cur NP, inquam, non N? præsertim cum nefasti dies omnes ita notentur, N: sicuti & fasti, eorum quasi aduersarij, una littera, F, demonstrantur. Age dicat aliquis, leue hoc esse, planeq. nugatorium argumentum. quod sane mihi uidetur contra. quid Ciceroni respō debetur? mendacij ne, & falsitatis, quasi testem corruptum, aut inscientem, arguamus? non ita, ut opinor, quisquam desipiet. Sunt igitur hæc in epistola, Risi, Ciceronis uerba, libro II. ad fratrem. Cognosce nunc idus. Decimus erat Cælio dies. Domitius ad numerū iudices non habuit. Quibus uerbis cum, idus Februarij, de quibus Cicero loquitur, fastum ex parte diem fuisse, satis constet: quandoquidem eo die prætor Domitius, ut de reo cognosceret, sententiamq. ferret, in forum descendit: sequitur.



tur, ut NP, quod idibus omnium mensium, exceptis Iunijs, in Kalendario adscriptum uidemus, nefastus dies omnino significari non possit. Eodem in libro altera est epistola, quæ sic incipit: Sextius noster absolutus est ad 11. idus Mart. qui dies, si eo die Sextius absolutus est, certe nefastus plane non fuit. fuit autem, cum ei sit adiunctum NP, priore quidem parte nefastus, posteriore autem fastus: sicuti & idus Februarij, de quibus proxime diximus, & omnes dies, quibus in Kalendario NP appositum animaduertimus. Aggrediamur nunc, quando dierum rationem, quæq. eos litteræ significant, satis multis uerbis, atque etiam, ut arbitramur, satis uere exposuimus, alias, quæ in Kalendario sunt, litteras, aut concisas, eoq. obscuriores, dictiones interpretari: ut, quos antiquitas capit, eorum commodo pro nostra uirili parte consulamus.

## KALENDARII ROMANI

### EXPLANATIO.

NON. nonæ. AGON. Agonalia. Ouidius.  
 EN. endotercisus, pro intercisus. CAR. Carmentalia: quod sacram, & feriæ Carmentis. Varro.  
 EID. idus. LUPER. Lupercalia: quod in Lupercali Luperci sacra faciunt. Varro. QVIR. Quirinalia: a Quirino; quod huic deo feriæ. FER. Feralia: ab inferis, & ferendo, quod feruntur.



tum epulas ad sepulcrum, quibus ius ibi parentare. TER. Terminalia: quod is dies anni extremus constitutus. duodecimus enim mensis fuit Februarius. REGIF. Regifugium. Ouidius. quam est inter Ouidium & Kalendarium de die Regifugij cōtrouersia. ille enim assignat ei Februarij diem XXIII. in Kalendario autem uideo ad XXIV. esse appositum. nec sane, si modo Regifugij dies N fuit, uidetur esse potuisse die XXIII, hoc est Terminalibus; qui N dies fuit. alioqui dies idem & N & N fuisset. EQ. Equiria. Varro, Festus, Ouidius. LIB. Liberalia. Varro. Q VIN. Quinquatrus. Varro. TVBIL. Tubilustrum: quod eo die in atrio sutorio sacrorum tubæ lustrantur. Varro, Ouidius, Festus. Q. REX. C. F. quando rex comitiauit, fas. Varro, Festus. CIRC. Circenses. FORD. Fordicidia: a fordis bubus. bos forda, quæ fert in uentre, quod ea die publice immolantur boues pręgnantes in curijs. complures a fordis cędendis fordicidia dicta. Varro. CER. Cerealia. Varro. PAR. Parilia: a pariendo, ut ait Victorinus Afer. Alij, Palilia, a Pale; quod eo die feriæ ei deæ fiunt. Varro, Ouidius lib. v. Fast. Festus in uerbo, Pales, & Parilibus. VIN. Vinalia: a uino. Varro. ROB. Robigalia: dicta ab Robigo, secundum segetes. Varro. FLOR. Floralia. Ouidius, Plinius. COMP. Compitalia. LEM. Lemuria. Varro, Ouidius. LVD. MART. IN CIRC. Ludi Marti in Circo. Ouidius,

Ouidius  
na Dea  
CAPI  
sta, ne  
dus. C  
ro, Fest  
populif  
Merkat  
ris. NE  
FER. F  
Portuna  
Varro, T  
VOLC.  
na. Varr  
ARA. VI  
EST. ho  
NEP. Fer  
Feria equ  
II. LVD  
nati. Suet  
a Meditru  
FONT. F  
rum. V ar  
Gnm. LV  
in Circo. S  
Saturnalia  
ro, Macro  
festus. L  
Plutarchu



Ovidius. MART. CAR. MONET. *Marti, Car-  
nae Deae, Monetæ Iunoni. Macrobius, Ovidius. IN  
CAPIT. In Capitolio. VEST. NF. PR. Ve-  
stæ, nefas Prætori. MAT. Matri Matutæ. Ovi-  
dus. Q. S T. D. Quando Stercus defertur. Var-  
ro, Festus, Ovidius. POPLIF. Poplifugium, pro  
populifudium. APOLLIN. Apollinares. MERK.  
Merkatus. VICT. CAESAR. Victoriæ Casa-  
ris. NEPT. Neptunalia. FVR. Furinalia.  
FER. Feralia. HISP. Hispaniam uicit. PORT.  
Portunalia. VIN. FP. Vinalia. fas Prætori.  
Varro, Plinius. CONS. Consualia. Plutarchus.  
VOLC. Volcanalia. Varro. OPIC. Opiconsi-  
ua. Varro. VOLT. Volturnalia. Varro. H. D.  
ARA VICTORIAE IN CVRIA DEDIC.  
EST. hoc die ara Victoriæ dedicata est. FER.  
NEP. Feriæ Neptuno. F. EQVOR. PROB.  
Feriæ equorum probandorum. Valerius Max. lib.  
II. LVD. CIR. Ludi Circenses, in Augusti die  
natali. Suetonius, Dio. MEDI TR. Meditrinalia,  
a Meditrina dea. Varro. AVGVST. Augustalia.  
FONT. Fontanalia. Varro. ARM. Armilu-  
strum. Varro. EPVL. INDICT. Epulum indi-  
ctum. LVD. PLEB. IN CIRC. Ludi plebei  
in Circo. Suetonius. AGO. Agonalia. SAT.  
Saturnalia. Macrobius. OPALI. Opalia. Var-  
ro, Macrobius. DIV. Dinalia, Diui Iulij dies  
festus. LAR. Larentinalia. Varro, Ovidius,  
Plutarchus.*

R. Andreae



ANDREAE PATRICIO,  
Patauium.

*N*AE turationem tui indicandi percommodā  
 inijsi. ego enim, non cuiates homines sint, quibus  
 ne terris ac regionibus profecti, sed quibus mori-  
 bus, quo ingenio, qua doctrina præditi, soleo qua-  
 rere: & ut olim Hannibal, qui hostem feriret,  
 Carthaginensem sibi fore dicebat; sic ego totum  
 in una uirtute constituo. Epistola tua ita loquitur,  
 ut nullam in te patiatur aut humanitatis, aut do-  
 ctrinae partem desiderari. itaque ne te posthac Sar-  
 matam potius, quàm Romanum, dixeris. tametsi  
 Sarmatia iam ita feritatem, si qua olim fuit, &  
 quaecunque fuit, abiecit, ut ex transalpinis natio-  
 bus nulla neque ad litteras, neque ad benignitatem  
 mutuaq. officia dicatur esse propensior. Italia ue-  
 ro, in qua uigebant olim artes bonæ, in qua summis  
 ornata præmijs eloquentia primas aliquando par-  
 tes obtinuit, ita ueterem illam quasi formam uide-  
 tur amisisse, uix iam ut agnoscatur. simulacrum  
 duntaxat aliquod in libris relictum est; cuius ex-  
 cellentem pulchritudinem animo intuentes admira-  
 mur, et studemus imitari: præsentem effigiem ocu-  
 lis frustra quærimus. Tu autem, doctissime Patri-  
 ci, si qui nunc antiqua Italia digni reperiuntur, qui  
 quàm pauci sint, quaq. id accidat culpa, non dubi-  
 to quin intelligas, his te ut adiungeres, præstan-  
 tiumq.



tiumq. uirorum numerum augeres, plane mihi, cum tua scripta lego, et cum eos, qui tecum uiuunt, de te loquentes audio, uideris esse consecutus. quo nomine tibi gratulor plurimum, & patriæ tuæ, in quam referes gloriam, omnibus thesauris, omnibusq. omnium Regum triumphis præferendam.

Ego autem, cuius amicitiam in tuis litteris blanda quadam mearum laudum commemoratione uideris aucupari, cum tua merita, quæ ego sentio esse maxima, modeste nimis dissimulas, & extenuas, mea uero nimis liberaliter amplificas, atque extollis, nisi te tam nostri amantem redamem, nisi multis ornatum uirtutibus omni studio colam, quis me sit imhumanior? quis iudicij magis, aut etiam rationis expers? equidem, quid de te sentiam, quanti q. apud me sis, officijs conabor ostendere: sin, ut mea tenuitas est, hoc præstare non potero; tu tamen, ut spero, de mea uoluntate tibi persuadebis id, quod cupere uideris, te mihi esse, ac semper fore carissimum. in quo profecto, nisi ego meam in amicitijs diligentissime tuendis cōsuetudinem dediscam, tua te nunquam fallit opinio. Vale.

E I D E M, Patauium.

O PRAECLARAM ὑπόθεσιν, nec uero tuam humilem, aut obscuram orationem, sed erectam pijs affectibus, mirificeq. sententijs, ac uerbis illustratam. nunc demum te, Patrici, uere enī,

R 2 qui



PAULI MANVTII

qui diceris, agnosco, hoc est a plebe seiunctum, quæ libenter oculos ad terrena demittit, nihil altum, nihil homine dignum suspicit. nam certe reliqua studia nituntur opinione potius, quàm re, speciem quandam inanem, solidi nihil habent: hæc uero, quæ te uideo arcte esse complexum, nec, puto, unquam dimittes, æternam non modo famam, sed salutem quoque pariunt. Agnosco in tuis institutis præclaram consuetudinem, egregiaq. studia, nunquam satis laudati, Cracouiensis Episcopi, Andreae Zebridouij, cuius ex perpetuo multorum annorum conuietu, quotidianis sermonibus, consilijs, probitate, doctrina, quasi diuinis legibus, formasti, animum tuum, atque excitasti ad excellentem rerum æternarum cupiditatem; ut facile constet, cum tua te ad uerum decus natura duceret, doctissimi tamē ac sanctissimi uiri exemplo uehementer esse incitatum. Equidem, ut tibi uehementer gratulor, cuius omnis in amore Dei defixa cogitatio sit: ita, cum in eos intueor, qui, falsa rerum imagine decepti, toto pectore contendunt ad ea comparanda, quæ sæpe molesta possidentibus, interdum etiam perniciofa sunt; misereor, & ingemisco. quòd utinam industriam aliquando meam, & si quod in me est, ingenium simili in argumento liceat exercere. nam nunc quidem uoluntas, optima spectans, et in quam debet partem propensa, multis tamen impedita rebus languet. sed speremus. sic enim nihil difficile, si consenserit Deus; ut nihil facile, si abnuerit. is porro,

porro,  
nos in m  
inscienti  
in folio r  
sa, quos  
epistole  
mitto ora  
multis con  
tur; si qu  
sanitatem  
Dudatum  
& doctri  
saluere in

GIL

A m o  
tate ante o  
dem, quaten  
accipere deb  
ut ingenium o  
bonis uiris,  
quidem pla  
quæquam  
autem in tra  
do si agnosca  
ste parum a  
ut. Vtinam



porro, cum abesse putatur longius, & destituisse nos in medijs calamitatibus, tum adest proximus inscientibus, & ereptos ex miserrimo statu collocat in solio regum. Hæc ego sæpe mecum solatij causa, quo sæpe indigeo: & capio uoluptatem, quod epistolæ quasi allocutio tulit, ut eadem tecum. Remitto orationem. lege amicis tuis, & quàm potes multis communica; ut recte sentientes confirmentur; si qui autem ab optima causa desciverunt, ad sanitatem traducantur. Vale, & Andreæ Duditium, contubernalem tuum, cuius ingenium, & doctrinam quotidie pluris facio, meo nomine saluere inbeas.

GILBERTO COGNATO,  
Patauium.

Amo ueritatem, deinde me ipsum. illam spectare ante omnia soleo, mihi autem libenter quidem, quatenus tamen liceat, indulgere. itaque nec accipere debeo, quas in me laudes contulisti, nec, ut ingenue confitear, reijcere plane possum. nam bonis uiris, artiumq. liberalium scientia claris, e quidem placere uelim, cum eo tamen, ut nolim quenquam nimis esse in mea laude liberalem. tu autem in tuis litteris ea mihi tribuis, quæ non modo si agnoscam, sed propemodum si optem, modeste parum agere mihi uidear. At Muretus ita sentit. Vtinam quidem: sed officium potius, quàm sen-

R 3 tentiam,



tentiam, esse puto. quis enim me minus ignorat? qui, quàm diu Venetijs fuit, uel mecum habitauerit, uel mea consuetudine frequenter admodum sit usus. nec is est, quem iudicium fallat, praesertim in litteris, quas tractat assidue, nouit egregie: uerum ei facile persuadet humanitas, ut iudicium amicitiae largiatur. sed siue te Mureti oratio, tam honorificam de me opinionem ut susciperes, adduxit; siue mihi hoc abs te, ut tu scribis, mea studia, ut ego sentio, tua bonitas impetrat: persuade tibi, non exiguum me statuere ornamentum in amicitia tua: cum & ipse possideas illas uirtutes, quarum fama beneuolentiam conciliat, nomenq. nostrum, ab interitu uindicatum, cum aeternitate coniungit; & principum uirorum, doctrinaq. praestantium floreas amicitias; quodq. me non leuiter mouet, in Erasmi Rotherodami, eruditissimi hominis, ac de litteris optime meriti, contubernio per aliquot annos uixeris. ac uellem mihi parem uoluntati suppetere facultatem. fructum ferres haud mediocrem studij in me tui: obseruantiae uero in te meae, quam tua uirtus peperit, satis esset illustris, ac minime dubia significatio. quod ipsum tamen, ut ut est, fortasse consequar. nam & studio nitar: & ad perficendi spem plurimum quidem, uelle optima, solet afferre. Vale.

Dionysio



DIONYSIO LAMBINO,  
Patauium.

NEQVE negare audeo tibi, homini eruditissimo, cuius ego plurimi semper amicitiam feci; neque, si pollicear, præstare possim id, quod a me petis. premor enim domesticis oneribus, & typographiæ cura, sic mehercule, uix ut sustineam. uacuæ tantum ab opere mihi relinquuntur horæ uestpertina: sed eo tempore, tum defatigatus laboribus, ac fractus, quietem quæro necessariam; tum uero succedit oculorum dolor, isq. ita grauis, ut non modo legere, aut commentari, sed nec domesticos audire sine magna molestia possim. ita nobis traducitur dies, atque adeo noctis maior pæne pars. non enim prius hac leuamur capitis grauedine, quàm Sol, medio iam Antipodum orbe decurso, incipit ad nos recurrere: & in ortu suo demum ualetudinem mihi, alacritatemq. restituit. quòd si respirare aliquàdo licebit; aures tibi meæ patebunt, non in horas modo, sed integros etiam dies. quid enim mihi iucundius, quid etiam utilius, quàm tecum de litteris agere, tuaq. maxime tractare scripta; de quibus quid existimem, Muretus noster testis est. nam cum ad me, octauo, opinor, abhinc anno, in Iudecæ suburbano habitantem, ignotum antea de facie, uoluntario adductus officio adijsses; humanitatem simul & doctrinam tuam eadem hora perspexi. tunc ego

R 4 te



PAULI MANVTII

te cœpi & diligere, & prædicare: nec desinam utrunque facere, quàm diuturna mihi dabitur usura uitæ: quandoquidem nec tu defines esse tui similis, id est, cum optimus uir, officioq. excellens, tum uero tantus in uirtute, quantum cum egregia natura singularis industria potuit efficere. Interim peto a te, meis ut occupationibus ignoscas, & uoluntatem in te propensam, licet absit res, tamen ames. Vale.

PETRO \*  
Patauium.

NIHIL mihi pro mea in te beneuolentia, meoq. de te iudicio potuit accidere, quod minus uellem, aut quod minus opinarer, quàm id, quod proximis diebus audiui, cum diceret nescio quis, non te perinde, ut solebas, in optimarum artium cupiditate uersari, sed languere quotidie magis; adeoq. præclara illa principia, quæ, me quidem sæpe, & multum cohortante, ac monente, posueras, esse labefactata, nihil ut a te eximium, nihil, quod uulgare non sit, expectari posse uideatur. equidem neque plane credidi, quod a tua consuetudine tam ualde dissentiret: neque tamen plane non esse credendum id existimaui, quod ut accidere possit, cum in ætatem tuam intueor, uerisimile mihi fit. quòd si contra, quàm ego cupio, factum est, ut paullulum te a uirtute disunxeris, & in dubia, ac perdifficili inuen-



inuentutis uia quiddam offenderis; agnosce tuam culpam, & corrige, dum licet. non enim, quæ dies confirmavit, facile mutantur. Et habes, qui te suo excitet ad uirtutem exemplo, æqualem tuum, exquisiti adolescentem ingenij, Antonium Lauretanum, Abbatem designatum; quem debes, cum nobilitate pares, nec naturæ, fortunæq. bonis dissimiles admodum sitis, æquare etiam, aut imitari saltem in studijs artium optimarum. Sin autem est, ut uolumus; & ista, quæ de te rumor dissipauit, inania sunt: noli laborare, quid alij loquantur; cogita, quid ipse facias; et a te ipso pende. magna solet esse iucunditas, quæ manat ex optima conscientia. hac tu frui, & perge, ut cœpisti, in studijs liberalium disciplinarum: quarum est cum possessio uitæ æqualis, tum fructus eiusmodi, ut etiam ad posterum pertineat. Vale.

ROMULO CERVINO,  
Patauium.

ITAN' ego tibi ex animo effluxi, ut unam tribus mensibus epistolam ad me dederis? occupatus, inquis, sum. quo in genere? nempe in litteris. num igitur tibi a litteris animum uideris abducere, cū epistolam texit? mihi quidem nunquam minus. quin hoc ipsum, quod ego nunc in te desidero, si cōtemnis; id est si ita legis, ut nunquam scribere animum inducas: litteræ iacebunt. quod si me a principio



cipio rectissime monentem audire uoluisses; teq. si  
 non quotidie, saltem alternis diebus scriptioni de-  
 disses: Dij immortales, quos tu nunc fructus ede-  
 res, quàm præstantes, quàm uberes, quàm & te  
 ipso dignos, & fratre tuo, in omni genere laudis  
 excellentissimo? nunc quos progressus hac in re fe-  
 cisti, non ego quidem illos, quasi tardioris ingenij,  
 reprehendo, neque reprehendere quisquam potest:  
 sed tamen illud, quod ego a te olim exspectavi, ma-  
 ius aliquanto fuit, quàm hoc, quod tu nunc præstas.  
 Neque uero id, quò te iam pridem sumus hortati,  
 & quò breui esse peruenturum credidimus, eius-  
 modi est, ut facile quiuus posse consequi uideatur:  
 sed cogita præclarum fere nihil esse, quod idem dif-  
 ficile non sit: & tamen difficultates omnes ea, quæ  
 in præstantibus ingenijs facile existit, gloriæ cupi-  
 ditas uincit. cuius rei noli exempla petere ab anti-  
 quitate: adspice fratrem tuum; qui, ut Antimacho  
 poetæ Plato, sic tibi omnium instar esse potest. nū-  
 quid igitur illum existimas tantos labores aut susce-  
 pturum fuisse, aut, cum suscepisset, ferre potuisse,  
 nisi ueræ laudis eum spes aliqua identidem quasi al-  
 leuasset? quam quidem spem dum sequitur, uides  
 quò peruenerit. gradum tenet dignitatis, qui est a  
 summo proximus: & de summo quid homines au-  
 gurentur, intelligis. Perge, mi Romule, iisdem  
 itineribus ad decus. magna sunt bene agentibus  
 præmia constituta. quam tu facultatem quando ha-  
 bes maximam, noli contemnere; ne paullo post,  
 amissam,

amissam  
 bemus  
 ut auol  
 bentes  
 sunt, ita  
 per affi  
 mo esse,  
 de te con  
 bus aliq  
 si te ipse  
 seris, qu  
 ne dom  
 dubito,  
 hac po  
 missi,  
 culenter  
 nus, qua  
 cum olim  
 tus, quæ  
 penitus e  
 me iteren  
 mo, ut, q  
 tem, ut d  
 noli uere  
 tam. non  
 Cens er  
 pia possi  
 ne bono,



amissam, frustra queraris. hæc enim, quæ nunc habemus, quis scit, quàm diu simus habituri? uides, ut auolent horæ, quæq. nobis commoda præterlabentes auferant. Itaque oportunitates, dum adsunt, ita debemus, amplecti, quasi non eadem semper affuturæ sint. qua in sententia te quoque existimo esse, cupio quidem certe; ut cum expectationi de te concitata, tum fratris tui, summi uiri, laudibus aliquando respondeas. quod facile consequeris, si te ipse colliges, & quo consilio Patauium accesseris, quam urbem scis habitam semper esse doctrinæ domicilium, assidue cogitabis. et quanquam nō dubito, quin memoria bona sis: tamen, quoniam hæc posterior epistola tua, quam ad me xv. kal. misisti, cui ego xiv. respondi, non tam est luculenter scripta, quàm uellem, uel potius multo minus, quàm uellem; uereor, ne tibi illa, quæ ego tecum olim de latinæ linguæ obseruatione sum locutus, quæq. ipse mihi te esse facturum pollicitus es, penitus exciderint: quæ, si putas e re tua esse, ut a me iterentur; excurre ad nos, & hoc quidem animo, ut, quàm diu Venetijs futurus es, (cupio autem, ut diutissime uelis) apud me diuerseris. Ac noli uereri, ne ego te Patauium crudiolem remittam. non ita de nostris hospitibus male meremur. Cenæ erunt, quæ te lautitia delectare, non quæ copia possint offendere: quæ quidem in primis sermone bono, & perfamiliari condientur. quod tu quan  
ti



ti facias, ignoro : ego quidem huic incunditati nul-  
lam antepono. Vale.

VINCENTIO GILIANO,  
Venetias.

QVAM multa non modo contra uoluntatem,  
uerum etiam prater opinionem homini contingunt.  
nunquam putavi fore, ut humanitatem tuam requi-  
rerem. adeo mihi & multa, & perillustria studiij  
erga me tui dederas argumēta. nunc, alijs me quo-  
tidie salutantibus, aut certe consolatorias in meo ca-  
su, opemq. pollicentes litteras mittentibus, ipse ta-  
men neque scribis quidquam, neque mecum haben-  
di sermonis facultatem queris. quod uiris nobilif-  
simis concessi, tibi, pro multis ingenij tui suauitati-  
bus, proq. nostra non nuper instituta, sed iam inue-  
terata necessitudine nunquam denegassem. Opta-  
ui, inquires; sed optanti pudor obstitit. Agnosco  
modestiam tuam, nec mediocriter probo: uerunta-  
men decet aliqua ortam a uirtute amicitiam confi-  
dencia. Erant autem, cur me conuentum cupe-  
res, causse minime uulgares; primum Iasonis mei  
de Nores, uiri omnium, quos ego in uita nouerim,  
optimi, atque humanissimi, reditus in hanc urbem,  
deinde Danila nostri, quem ego quanti faciam, &  
tu, & omnes pene iam norunt, ægrotatio: quæ cū  
hesterno die cognouerim; cupio tamen certius abs  
te



te aliquid significari. uarie enim afficior, & amicissimi hominis aduentu; cuius in consuetudine plurimam mihi statuo iucunditatem; & eius uiri morbo, cui debere omnia uideor, quia, quod in ipso fuit, operam dedit, ut me sibi non exiguo propinquitatis uinculo in perpetuum obstringeret. neque enim, licet mutuam utriusque uoluntatem frustrata fortuna sit, iccirco tantum in me beneuolentiae significationem parui pendendam existimo. animus mihi pro re erit: meq. ille sui memorem beneficij (sic enim appellare debeo) aliquando sentiet. Hæc sunt, mi Vincenti, cur te uelim. accedit illud. Affines suos Cardinalis Carpensis, qui de studijs meis non pessime existimat, cupit elegatibus litteris expoliri. opima condicio, nec minus honorifica. itaque statim de te cogitari; quem excultum liberali doctrina, moribus emendatis, comem, & facilem in conuietu cognoui. nec tamen audeo sperare. urbis enim Venetæ tranquillitatem nimis amas, & otio libenter frueris erudito. sed si a te non impetro; odorare saltem, & indaga, si quem eo loco dignum alicunde licet eruere. inibit a Cardinali gratia non uulgaris: de quo tibi hoc affirmo, patronum esse bonarum artium his perditis temporibus prope singularem: qui si, ut augurantur plurimi, ad illa summa peruenerit; redibunt, mihi crede, aurea tempora, & debita litteris præmia persoluentur. Vale.

Francisco



FRANCISCO MORANDO,  
Veronam.

ITA ualeam, itaq. tecum uiuam, quod utrunque pariter exopto, ut cydonite tua nihil adhuc gustauis suauius, uersibus autem, quos una misisti, nihil unquam legi purius, nihil ornatius. quare gratiam habeo tibi quidem, ut debeo, maximam, aliquam tamen etiam imperito artificis superioris anni, cuius culpam, de qua tecum eram questus, lucro meo non mediocri tua compensauit humanitas. quod si artifex idem est, quemadmodum uerba tua significant: non ab eius ingenio, sed ab amore in me tuo nouum genus artificij, noua fluxit industria. itaque magnam ad officia erga me tua quotidie fieri accessionem intelligo. ex quo uoluptatem equidem capio tantam, quantam eius, qui doctrina, ingenio, omni denique laude libero homine digna excellat, perspecta beneuolentia afferre maximam potest: ueruntamen, quia me prorsus omnis in summa remunerandi uoluntate facultas deficit, angor non nunquam intimis sensibus, & iniucunde uiuo. sed neque futurum despero, ut, quo in te sum animo, re ipsa aliquando perspicias: et, si parum optatis meis, ut fere consuevit, fortuna responderit, memoria saltem, perpetuoque erga te studio, non officijs modo erga me tuis, sed uirtutibus etiam eximijs debito, cumulate mihi satisfaciam. De tua ualetudine, quæ



quæ mihi perinde ac mea curæ est, a patre tuo, prudenti viro, quæ cupiebam, fere cognoui: de studijs ex te ipso, id est ex litteris tuis, quarum elegantia mirifice delector, aliquid cupio scire. Orationem in funere habitam doctissimi, ac nobilissimi hominis, Ludouici Nogarolæ, cuius obitu non mediocriter dolui, audio laudari. sunt etiam, qui tuam existiment. quod libenter credo. sic enim faueo tuæ gloriæ, ut fratribus fortasse tuis, præterea quidem concedam nemini. Vale.

LAEVINO TORRENTIO,  
Leodium.

P V T O tibi molestum iam esse silentium meum: at mihi silentij causa longe molestior. nam toto fere biennio neque corpori ualetudo, nec animo quies contigit. ita, qui absentes amicos litteris saltem colere consueui, iocundissimam mihi consuetudinem intermittere, et in officij cursu languere sum coactus. quod si secus existimas; nec tibi mea fides facit affirmatio: testes habeo studij erga te mei non equidem ualde locupletes, sed eos tamen, quibus tu libenter credas, probos uiros, communes amicos: a quibus & quaesitum est aliquando, me mandante, de tuo statu; & cum id, quod auebam maxime, cognouissem, esse te in oculis Leodiensi Episcopo optimo, eidemq. Principi eximio, auctum esse commodis, ornatum dignitate; factum est, quod  
igno-



ignorare te arbitror, ut leuationem malorum meorum in tuis bonis non mediocrem inuenerim. Atque equidem reuocare me ad institutum meum, & aliquid ad te scribere cogitabam, cum tuæ me litteræ opprefferunt, quibus commendas mihi modestissimos, & summæ spei adolescentes, Ioannis Cauchi filios, doctissimi & ingeniosissimi hominis, ut equidem sentio, tuo primum testimonio, deinde scriptis illius; quæ qui legerit, nullius præterea testimonium requirat. quo libentius operam meam filiis eius & pollicitus sum, & detuli. qui cum ad me adeunt, te simul intueor, & impellor magis ad omnem humanitatem memoria tui: nec potest esse quidquam incundius, quàm ut eorum studiis, commodisq. seruiam: & si præstabo aliquid, ita lætabor, quasi beneficium acceperim in officio meo.

Erat in iisdem litteris tacita quædam admonitio promissorum meorum: quæ si non persoluo; mihi crede, tanti uiri uirtute, tanti Principis dignitate deterreor. nam, ut egregiū aliquid conemur, consequi tamen neque per ingenij nostri tenuitatem, neque per fortunam licet. hanc excusationem probari a te cupio, nec omnino despero: sin urgere pergis, auctore te aggrediar, utcunque cadat. potest enim fieri, ut, quemadmodum multa, contra quàm speramus, item hoc fortasse, contra quàm timeamus, eueniat. quòd si quid offenderimus; primū, illud fore non dubito, tua nos ut subleuet auctoritas; deinde, te ipso culpæ socio feram leuius. hæc  
mihi



*mibi cautio placet, utinam tibi; sed, si mibi in amore respondes, tibi quoque: de quo tuas litteras exspecto. Vale. Venetijs.*

LAVRENTIO GAMBARAE,  
Patauium.

BASILII Zanchi, poetæ summi, hominisq. non uulgariter eruditi, miserabilis, & indignissimus interitus hilaritatem mihi prorsus omnem eripuit. quem enim donare summis præmijs ob excellentem uirtutem, decorare honoribus ob singularem integritatem, atque innocentiam æquum fuit, eum tam ignominiose uexatum, tam acerbe, tam crudeliter extinctum, quis non ferat iniquissime? equidem, ut audiui, etiam dolore tuo maximopere dolui. nam & uixistis una semper coniunctissime, alter alteri egregie carus: & fuit uterque uestrum ad poeticam facultatem natura propensus, ac mire factus, ingenio uero ita pares, ut, cum nemo tam bonus poeta sit, quin uobis primas in componendis uersibus partes tribuat, quam confessionem etiam ab inuitis exprimit poematum comparatio, uter tamen utri præstet, non dum satis iudicare quisquam possit. magnam igitur, planeq. fraternam inter uos tum ingeniorum similitudo, tum studiorum communio beneuolentiam excitat: nec dubito, quin te, licet humanæ conditionis minime rudem, obitus eius ualde perturbarit,

S     ani-



PAULI MANVTII

animumq. tuum ita deiecerit, ut extolli fortasse ad æquitatem neque celeriter, neque facile possit. quo grauius morte illius afficior: & , ut omnia mente peruestigem, nullam tamen inire doloris alleuandi rationem queo. unica, opinor, illa consolatio superest, quam tibi quoque fore gratissimam scio, ut, si conuictu perpetuo priuamur, tamen inter nos ita crebro colloquamur, ut hanc mæroris acerbitem, qua pariter affligimur, quotidiana consuetudinis, mutuaq. beneuolentiæ suauitate leniamus. quod ut quammaturrime consequamur, tu pro tua, ego pro mea parte diligenter operam dabo. Vale. Venetijs.

NICOLAO NATHANAELO,  
Venetias.

PERCVLERAT me grauius acerbis ille nuntius de naui a piratis abducta, qua uehebatur in Cretam exquisita, multorumq. nummorum bibliotheca parentis tui: cum ex eo casu iacturæ plurimum tulisse res & fortunas uestras intelligerem. nunc me prorsus ab eo mærore, quem mihi uestra calamitas attulerat, ad lætitiā incredibilem reuocarunt litteræ tuæ. scribis enim, erudienti curam adolescentis nobilissimi, Aloysij Moecenici, tibi esse demandatam. in quo sane, pro ea qua te sum complexus beneuolentia, multis nominibus tibi gratulor: primum, quod eum, qui facile possit illu-



illustrare disciplinam tuam, excellentis ingenij adolescentem, mirifica, ut audio, uirtutis indole præditum, sapientio rem etiam, quàm ætas ferat, natus sis: deinde, quòd ab eius patre, Leonardo Mocenico, Equite clarissimo, quo nullum in hac urbe uel prudentiæ, uel liberalitatis, uel omnium denique uirtutum, quæ nobilem uirum deceant, exemplum habemus illustrius, fructum diligentiae tuæ minime uulgarem potes exspectare: postremo, quòd in ea domo uiues, in qua omnia, uetere maiorum norma, ad honestum, & ad dignitatem referuntur, quòd præstantes & usu magnarum rerum, & doctrina uiri quotidie confluunt, unde prudentiam, unde optime uiuendi rationem petes. Persequi omnia, quæ tibi diuina benignitas obtulit, difficile est: sed mihi crede, quæ tua causa uelle, tuisque fauere commodis non ignoras, nihil isto munere ne fingi quidem a te potuit aut fortunis tuis utilius, aut studijs accommodatius. itaque, si me audies, omnia, quæ frustra sæpe expetuntur, bona in una Leonardi Mocenici beneuolentia constitues: cuius tibi comparandæ caue tempus amittas: confer huc omnem industriam, ut eius filium, tuæ diligentiae commissum, in quo pater tali filio iure fixit omnes curas, ita instituas, atque excolas, ut eam laudem, ad quam natus præcipue uidetur, adiuuante illius ingenium studio tuo, breui consequatur. habet autem hoc uirtus, ut, a quibus illam accepimus, eos in omni uita diligere cogamur: & est optandum,

S 2 ut



ut ab ijs maxime diligamur, qui non opibus modo ualeant, sed ad benignitatem etiam natura propendeant. quæ si ulla in ciuitate, profecto in hac nostra, si in ulla familia, in ea potissimum, & in eo uiro, cui tuam in re præclara operam addixisti, summa esse cognosces. Vide igitur, quid susceperis, cuius familiæ gloriæ seruias, quid fides, quid existimatio tua, quid honor etiam meus quodam modo postulet: qui tibi sæpe, nec tamen gratiæ causa, sed adductus iudicio, testimonium impertini probitatis, & scientiæ non modo græcæ, uerum etiam latinæ linguæ: quarum alterā magistro patre tuo, Ioanne Nathanaelo, sacrarum litterarum peritia, uitæq. innocentia cum antiqua illa Græcia, quam nunquam fama deseret, conferendo, alteram non nihil fortasse e sermonibus nostris, uerum e studio tuo, tuisq. uigilijs maxime cognouisti. Hæc si tibi omnia, ut spero, ante oculos pones; uinces te ipsum in diligentia; operamq. dabis, ut in familia nobilissima, cuius patrocínio nullum certius ad eas temporum procellas, quæ humanæ uitæ impendent, perfugium reperies, egregium uirtutis et industriæ tuæ monumentum relinquas. Vale.

\*

FALSVS hic etiā de Rainutijs Farnesij Cardinalis obitu dissipatus rumor erat: quo sum grauissime commotus. nam in illo uiro, qui se iam inde



de a puero ad exemplum aui sui, Pauli III. Pontificis omnium sapientissimi, totum finxit, non ad-  
umbrata, ut in multis, sed expressa signa uirtutis  
elucet: & nunc, ut audio, suas omnes in Christia-  
næ pietatis cultu cogitationes, curasq. defixit. quo  
mihi erat, bonisq. omnibus acerbior illa fama, quæ,  
multorum sermone, de immaturo, & inopinato il-  
lius interitu percrebuerat. angebar etiam fratris  
eius, eximij uiri, Alexandri Cardinalis nomine:  
cui multis iam annis eam uiam ingresso, quæ ducit  
ad uerum decus, artiumq. optimarum studia suis  
opibus hac ætate præter ceteros fouenti, tantum e-  
ripi præsidium, tantum auferri domesticæ laudis,  
magnopere dolendum uidebatur. Gratulor igitur,  
illo incolumi, liberalibus disciplinis; gratulor om-  
nibus, qui uirtutem, & probitatem prima ducunt;  
præcipue uero tibi; quem & Alexandri Farnesii  
Cardinalis ualde studiosum, & erga tui similes, hoc  
est erga eos, quibus illa, unde manat honestum, so-  
la placent, præclare animatum cognoui. refrixit  
iam, uel plane extinctus euauit peruulgatus ille  
rumor; uiuit, & ualet, cui lacrymas tanquam mor-  
tuo dedimus; quem, si fieri posset, immortalem ef-  
se omnes cuperent. Te quoque bene firmum esse,  
et ex illo ualetudinis incommodo emeruisse, repres-  
so iam sanguine, qui tibi ex oculo dextro multus ef-  
fluxerat, mirabiliter gaudeo. de quo mihi cum nar-  
raret familiaris tuus, prima statim auditione sum  
percussus: postea, cum idem reliqua persequere-  
tur,



PAULI MANVTII

tur, animum recepi, & ab omni metu, curaq. respiravi. huius morbi causam non dubito quin medicis, quos habes istic scientia instructissimos, usu peritissimos, in studia conferant. quod si ita est; remoue, obsecro te, libros omnes ab oculis tuis. nam, donec eos uideris, certo scio, quod mihi saepe contingit ægrotanti, temperare tibi non poteris. Vale.

E I D E M, Patauium.

NARRO tibi; iam non amo uerecundiam. cum enim mihi potius nihil esset, quàm ut filium meum (libet enim de mare ominari) ad sacram baptismatis aquam susciperes: tamen, dum obsequor pudori meo, nec te, talem uirum, maximarum rerum occupatione distentum, appellare audeo, commisi imprudens, ut officij laudem præripes. in quo sane & peccasse me, & luere merito peccati pœnam confiteor. quid enim mihi nō permisit, quid iam elargita non est humanitas tua? quam a me alijs prædicatā ignorare ipse fortasse tibi sum uisus. ualde tamen recreor significatione amoris tui; & nostram amicitiam, quam studiorum similitudo peperit, hoc etiam affinitatis quasi uinculo adstringi, uehementer lator. nam & res ipsa eiusmodi est, ut beneuolentiam utrinque augeat: & mihi, ad hominum opiniones, accidere speciosius, aut honorificentius nihil potest. totus igitur in are tuo sum. ita de me meritus es, ita quotidie mereris. quod si tibi



tibi pateret animus meus : profecto non locari pessime tuam gratiam intelligeres : quam si non possumus remunerando, (nec enim aut fortuna tua patitur, aut uoluntas exspectat) prædicando saltem illustrabimus. mihi certe ipsa memoria, perpetuoq. erga te studio satisfaciam. De reditu meo uerbum scilicet exspectas : iam discedo. itaque per aliquot dies litteræ cessabunt. Amanuensum tuum amo plurimum. uideor enim mihi manum agnouisse optimi, atque honestissimi adolescentis, Francisci Secundi : cui de tua consuetudine etiam atque etiam gratulor. nam inuidiæ locum amor non relinquit. Vale. Venetijs.

FRANCISCO SEVERO,  
ARGENTENSI,  
Ferrariam.

ET ME laudas in epistola tua, nec mediocriter quidem : & meam amicitiam, quæ tua humanitas est, ualde uideris expetere. Ego autem, etsi me delectat, ut ait ille, laudari a laudato uiro, tamen ea, quæ mihi tribuis, cum esse uerissima cupiam, non agnosco. dilexi equidem adolescens ueterem eloquentiam : nec uoluntatem ætas, studium occupatio, sæpe etiam ualetudo minuit : sed, excellere in re omnium, ut ego sentio, præstantissima, cuius negotij sit, cuius ingenij, non modo experiens ipse intelligo, uerum etiam ex inani multorum in-



*dustria conijcio . non enim, qui seuerior in me ipso  
 sim, nec mihi amior, quàm ueritati, alijs blandi-  
 ri gratiæ caussa debeo . unum hoc in nobis fortasse  
 iure laudes : si modo laude dignum est : equidem ,  
 quasi aliquid sit, interdum mihi gratulor . quòd, et  
 quales olim fuerint ij, quos in oratione latina cupi-  
 mus imitari, quibus ingenijs, qua doctrina, qua e-  
 tiam exercitatione præditi, & quis ego sim, uel po-  
 tius, qui hodie simus omnes, facile possum existi-  
 mare . Quocirca, si uetera spectas, mutes licet  
 sententiam de me tuam . floruit antiquitas eloquen-  
 tiæ gloriâ : nos iacemus . sin hæc recentia tibi propo-  
 nis : non omnino me, quantum in hoc studio profe-  
 cerim, pænitebit : nec tamen tibi assentiar, ut me  
 omnibus latine scribendi facultate confitear ante-  
 cellere . possum aliquid, uel etiam multa in alijs de-  
 siderare, neminem in hoc genere laudis eximium  
 ducere : (est enim hæc fortasse non ingeniorum cul-  
 pa, sed temporum) non ideo tamen sequitur, ut in-  
 solenter arripiam, & induam ipse, quæ alijs tan-  
 quam spolia detraxerim . ut in musicis, artem ip-  
 sam exercere, non facillimum est : artificem autem  
 peritum ab inscio distinguere, tacito aurium sensu  
 plerique omnes solent . item ego, quam legendis  
 assidue, ac perattente hominum eloquentissimorum  
 libris conceptam in animo recte scribendi formam  
 intueor, eam exprimere, & assequi scribendo nunc  
 quidem nullo modo possum, ac uereor etiam, ut un-  
 quam possim . uerum enim uero, quod a sapientibus  
 uiris*

uiris pr  
 dustria  
 sine re  
 studia .  
 me, atq  
 laudas,  
 enim fa  
 et, quod  
 tia infir  
 nend:om  
 ita loqui  
 te esse p  
 uideatur  
 enim, ne  
 complex  
 ita tract  
 miratus,  
 nam, tan  
 consecuta  
 sus es, ne  
 sam uol  
 eloquent  
 das : eo  
 ad me  
 accedere  
 quam ad  
 eius : ita  
 gatur :  
 luntate



uiris proditum legimus, nunquam male ponitur industria præstantibus in rebus. laudatur enim uel sine re uoluntas. qua ego interdum spe incitor ad studia. et, si nihil aliud, tu me certe, Seuere optime, atque eruditissime, hoc ipso, quod tantopere laudas, ad laudem uehementer impelleres. magni enim facere uideris Romani sermonis elegantiam: et, quod tibi leue non est, eximiarum artium scientia instructissimo, id a me nequaquam esse contemnendum intelligo. Accedit illud, quod epistola tua ita loquitur ornate, ut a rhetore, non a medico, quæ te esse profiteris, & quem præstas egregie, scripta uideatur. quod indicat ingenij tui præstantiam. cū enim, ut audio, philosophiam sis uniuersam animo complexus; præcipue uero medicinam tractes, & ita tractes, ut cum paucissimis excellas: ualde sum miratus, unde istam latinæ orationis tam concinnam, tam uberem, tam illustrem facultatem sis consecutus. Quare, quo tu nomine subuereri uisus es, ne ego tuam ad me amandum ualde propensam uoluntatem parum libenter exciperem; cum eloquentiam tuam uerbis dissimules, re ipsa ostendas: eo ipso nomine sic incensus sum studio tui, ut ad meam instituendæ tecum amicitie cupiditatem accedere nihil possit. Quod autem negas esse quidquam ad amorem conciliandum amore ipso efficacius: ita tecum sentio, si uirtus cum amore coniungatur: sin eum, qui diligit, nihil, præter nudam uoluntatem, commendet, non probitas morum, non do-



PAULI MANVTII

*doctrina, non ars aliqua liberalior: ualde uidero. sed istuc quidem tua minime refert. quis enim te uel non amantem amare nolit, quem esse tam amabilem, litteris, humanitate, integritate, sentiat? sed uidelicet Socratice mecum agis: ironia te deletat: cum in eo ipso, quod tibi detrahis, tua te refellat oratio. Ego tuum erga me animum pari animo complector, & fouebo officijs, quantum in me erit: neque me patiar, cum reliqua apud te omnia superiora esse concedam, etiam humanitate uinci. Vale, & Ioanni Baptistæ Pignæ, homini in primis erudito, & ingenioso, cuius de imitatione poetica egregios libros auide exspecto, salutem meis uerbis. Venetijs.*

MARIO CORRADO,  
Brundisium.

*MULTIS iam mensibus nihil ad te litterarum dedi: nec mihi tamen uenit in mentem subueneri, ne quam tibi nostra indignam amicitia suspicionem silentij mei diuturnitas attulerit. mihi quidem nihil scito esse iucundius epistolis tuis: quas cum lego, delector mirifice amore in me tuo, delector etiam ingenio, et scribendi elegantia, in qua tibi (non loquor εἰρωνόμεινος) paucissimos comparo, antepono neminem. atque equidem, si per utriusque fortunam liceret, nihil malim, quam assidue tecum esse, totosq. dies in tuo sermone consumere. quod tamen*



men quin aliquando sit futurum, cum in tuas litteras intueor, imaginem animi tui non nullam ostendentes, prorsus non despero. Ego satis diu feriatis a studijs sum, inuitus, sed quis necessitati non pareat? nam quæ me causæ non modo libros, sed patriam quoque relinquere coegerint; aut habes fortasse iā cognitum, litteris edoctus familiarium tuorum, qui adire interdum ad me officij causa solent; aut, si ignoras, quid ego tibi exponam, cui si quid a me accadat iniucundum, dupliciter angar, incommodo meo, molestia tua? Nunc id commentor, ut certam aliquando rationem ineam otij constituendi, et uiuam humaniter: quod te quoque uideo cogitare, & si uolueris, assequere. Bouios fratres, tua prædicatione commotus, amo uehementer, et obseruo. qui si mihi, ut significas, aliquid tribuunt: est, quod gaudeam, placere me præstantibus uiris, quorum in iudicio, & beneuolentia ornamentum, & commodi mihi statuo plurimum. tu uelim, quod ad amorem, studiumq. attinet, de me illis omnia promittas: ego, quæ promiseris, præstabo. fructum etiam fortasse aliquem degustabunt studiorum nostrorum liceat modo esse otiosis; id quod agimus, & futurum speramus. Vale.

PETRO CELSO,  
Vicetiam.

VNA, eademq. manus uulnus, opemq. tulit.  
plane enim mihi uideor, quod de Achillis hasta in  
Telephi



PAULI MANVTII

*Telephi uulnere traditum est a poetis, idem ad tuas  
epistolas posse conuertere. affecerat me grauitè;  
nunc idem recreas, et abstergis omnem molestiam  
iucundissimis litteris, in quibus elucet humanitas  
tua, quam obscurauerat paullulum animi tui subi-  
ta commotio, indigna certe meis in te neque paucis,  
neque uulgaribus officijs, quorum testes apud me  
custodiuntur litteræ tuæ. itaque rediisse te ad eam  
comitatem, quæ cum tua natura, et cum ijs studijs,  
in quibus totos dies eximia cum laude uersaris, ma-  
gnopere congruit, ita lator, ut nihil unquam sense-  
rim hac uoluptate iucundius. quod si tibi meum in-  
genium aliquot mensium consuetudine satis explo-  
ratum non est; non dubito, quin absens intelligas,  
& eo cernas illustrius, quo longiora nos terrarum  
interualla disiungent. non enim in te fortunam di-  
ligo, quam soleo contemnere, sed quia fortunam  
tuam uirtute superas: contra quàm multi; quorum  
oculos auri, argentiq. splendor ita præstringit, ut  
pulchritudinem uirtutis intueri nullo pacto possint.  
quo equidem sensu, ac iudicio meo delector multo  
magis, quàm Ciceroniana illa eloquentia, quam tu  
mihi, ioco fortasse, obiecisti: cum tamen, tibi quo-  
que eam minime displicere, tuorum scriptorum ele-  
gantia significet. De discessu tuo, quanquam ad tuâ  
uoluntatem accommodare consilia mea minime li-  
ceat, cupio tamen mihi tempus definiri. Vale.*

Ioanni



IOANNI SAMBVCO,  
Patauium.

NON mediocre amoris argumentum, quòd de filiolo gratularis, & sperare te significas, ut patri etiam orationis latinæ facultate antecellat. quid? ergo ille tibi magnum uidebitur præstare, si opinione, & fama nos anteierit eloquentiæ? ego illi, qua primum hora editum in lucem uidi, bonam mentem precatus a Deo sum. hoc nobis debet esse antiquissimum; & hoc ei si contigerit, reliqua iure contemnet, aut, si uoluerit, facile consequetur. mea uero studia si imitabitur, quæ certe, quod fateri sine arrogantia possum, ad honestum referuntur: aditus ad laudem difficiles non habebit; quòd mihi studiose contendenti fortuna semper nescio quo meo fato uiam interclusit. ueruntamen, mi Sambuce, cum tua, tuiq. similium fruar beneuolentia, quid desiderem? quid potest esse amicitia iucundius? quid etiam fructuosius? cum et amant inter se boni uiri; et est inter eos quasi certamen amoris, & officij. equidem, de te quid sentiam, si ad te ipsum scribam, certo scio, qui tuus pudor est, legeres inuitus. testem tibi do iudicij mei grauem adolescentem, (& adde, si quid uis: nihil enim tribues immerenti) Andreâ Duditium: quem cognoui tuis laudibus, me narrante, etiam atque etiam lætari. quòd si tenerem artem eloquentiæ, sicuti tu in epistola tua, amore potius

Ioanni



PAULI MANVTII

tius in me , quàm iudicio , effusus , existimas : sane coloribus egregijs imaginem tuarum uirtutum exprimerem : uoluntatem uero illam , & præclaros conatus ad augendas fortunas nostras , de quibus postridie , quàm a uobis discessi , quiddam in sermone Duditijs significauit , mehercule sic ornarem , ut nihil esse posset illustrius . de quo quia tam amanter cogitasti , gratias agerem ; & , ut perpetuo cogitares , atque ageres , cohortarer ; si hoc humanitas tua , illud amicitia nostra pateretur . ut ut autem res ceciderit ; ( a te enim principia sunt ; exitum præstare non potes ) partes meæ non requirentur . prosequar enim uel beneficium laude , uel animum certe tuum memoria sempiterna . Vale . Venetijs .

E I D E M , Patauium .

E G O uero , accepto nuntio de obitu filioli mei , ita sum perturbatus , ut me tamen hominem esse meminerim , & illum in hanc uitam , tanquam in hospitium , ita esse ingressum , ut accitu summi Dei , æternum illud cæleste domicilium petiturus , aliquando discederet . quòd si me casus iste nec opinatus ita perculisset , ut omnino iacerem : excitarer tamen prudentia litterarum tuarum , in quibus de luctu minuendo disputas egregie , tuamq. declaras tum homine Christiano dignam bonitatem , tum erga me beneuolentiam singularem . uerum ego , optime Sambuce , multis iam infortunijs hoc sum asse-

cutus ,



cutus, ut fortunam ipsam didicerim contemnere :  
quæ mihi, ut eripiat reliqua, nunquam adimet ea,  
quæ nec ipsa dedit, nec dare cuiquam potest, re-  
ctam mentem, optima studia, pietatem in Deum.  
Præclare actum opinor cum filio meo. fruitur con-  
spectu, & consuetudine cælestium animorum: non  
angitur curis: non spe ducitur: nihil timet aduer-  
sum. at nos, qui dicimur uiuere, quibus hac falsæ  
lucis usura nihil est carius, quàm multa exercent?  
quid laboramus, quid cupimus, quod etiam si con-  
tingat, animus acquiescat? itaque uere sapientes  
homines, non ut diu, sed ut recte, & cum uirtute  
uiuerent, optare soliti sunt. quod equidem conor,  
& ut spero, consequar. nihil enim magis cogito,  
nihil specto, quàm ut seruiam studiis meis, & ita  
uiuam, ut uitæ rationem Deo simul & hominibus  
aliquando possim reddere. Quare cum me uocas ad  
scribendum, confirmantur consilia mea iudicio tuo.  
ac tu quidem in hoc officio cohortandi facis idem,  
quod multi: quibus facile possem satisfacere, si per  
domestica negotia liceret. sed, obsecro, nolite ex  
otio uestro meum spectare. uobis enim certa, &  
expedita sunt omnia: mihi unicum est uectigal in-  
dustria mea: qua liberos alere, tueri familiam co-  
gor. & si negligam, deseretur humanitas: sin,  
ut debeo, diligenter curem, iacere studia necesse est,  
quæ solutum curis omnibus animum postulant. At  
inquires: ipsa tibi studia fructum ferent. Cane alijs  
cantilenam istam, mores, ac tempora ignorantibus:



bus : mihi non persuadebis experto. uetus illa Principum uirorum benignitas exaruit. inania plerique sequuntur, nihil solidum amant, nihil magnificum, nihil illustre. Vides alios, quasi perdendis tantum frugibus nati sint, immanibus epularum sumptibus opes exhaurire : alios, quasi etiam homines ipsos, non modo fruges, perdere pulchrum sit, thesauros effundere, collectos acerbissime, in ea bella, quæ uastitatem agris, urbibus incendia, humano generi, aliena stultitia miserrimo, cladem, & exitium importent. Musæ interim ubique locorum algent, neglectæ ab ijs, qui fouere eas ut maxime poterant, ita maxime debebant. Etiam illud indignum, quod existunt, qui specie liberalitatis gloriolam aucupentur : & eam uirtutem, a qua longissime absunt, quam oderunt cane peius, & angue, quasi familiarem suam sic in ore habeant, ut amare uideantur. exemplum recens in manibus est, hominis, ut a multis accepi, nobilissimi : qui mihi & obsignata charta, quid ultro promiserit, & postea, cultus a me diligenter omni genere officij, qualem exitu se præbuerit, non ignoras. Hoc fere morbo laborant multi, eoq. grauius, quo minus eorum dignitas, & amplitudo fert. unum, aut alterum, sed unum in primis animo excellere, & personam Principis egregie sustinere audio, summi filium Imperatoris, ipsum orbis terræ imperio dignissimum, Maximilianum Regem : quem de ornandis liberalibus disciplinis cogitare, cum eas optime calleat,



leat, minime miror. itaque factum a me non insipienter puto, qui de mittendo ad eum libro nostro, te quidem approbante, nec mediocriter adhortante, consilium ceperim. quod ille si cognouerit; & si me apud eum testimonio tuarum litterarum in aliqua gratia posueris; magnopere letabor: idq. si a te impetro; & debere me tua causa plurimum arbitrabor; & ubi res exigat, studiosissime præstabo. Vale. Venetijs.

GASPARI CONTARENO,  
CARDINALI,  
Romam.

CUM neque haberem, quod tua magnopere interesset a me scribi; et te scirem summis occupationibus assidue esse districtum: tamen faciendum mihi putavi, ut aliquid omnino ad te litterarum darem. ad meum enim officium ualde pertinet, te, de nobis optime meritum, intelligere, et quo te studio colam, & qua tuorum in me meritorum memoriam religione conseruem. quod, ut spero, consequar litterarum bono. nam, ut remunerare unquam possim, sperare uix audeo: ita multa sunt, quæ ad me inuandum officia sunt a te profecta. ut enim omittam, quàm honorifice de parente meo et loqui, & sentire solitus sis, cum ita dicas, tibi nullius olim iucundio rem consuetudinem fuisse, nullius cariorum nunc esse memoriam: ut igitur hoc omit-

Tam,



tam, quod in summi beneficij loco soleo ponere: quanti illud apud me debet esse ponderis, quod olim me adolescentem uir clarissimus, nō tu quidem sopitum, sed tardiozem fortasse, quā oporteret, ad studium summæ laudis excitasti. cuius temporis recordatio mirifice me delectat. sic enim argumentor: te, cuius iudicium est acerrimum, nunquam me ad uirtutem fuisse cohortaturum, si te frustra id facere existimasses. tantum autem uirum, quantus ipse omnium consensu gentium & es, & habetis, de nobis non pessime sperare, mihi periucundum est cogitanti, apud alios, si qui audient, etiam honorificum. Quare nunc quidem id, quod mihi pro tua summa humanitate facillimum est, ago, ut, quem pro tot ac tantis officijs animum debeo, eum me præstare tibi persuadeam. quod si per eam uiam, qua ad præstantissimarum artium cognitionem iter est, tantum procedam, quantum profecto, nisi me aliqua res impedierit, procedam: nā illud etiam aliquando efficiam, ut, te le nobis esse bene meritum, magnopere lateris. Te interim si rogem, ut, quemadmodum instituisti, me diligas, faciam imprudenter. neque enim dubitandum est, quin tu uelis in eadem erga me uoluntate, cum humanitatis, tum constantiæ causa, permanere. magis illud mihi est elaborandum, ut omnes res, quæ ad te colendum pertinent, studiose faciam. quarum si ullam sciens prætermisero, nefarie me peccasse confitebor. Vale. Venetijs.

Benedicto



BENEDICTO ACCOLTO,  
CARDINALI,  
Ferrariam.

CUM primum Venetias reuerti, & si cram  
& fessus aliquantum de uia, & eo morbo, qui me  
Ferrariæ satis grauiter afflixit, non dum plane le-  
uatus: tamen magnitudo meæ in te obseruantia,  
tuæq. in me beneuolentiæ recordatio me adduxere,  
ut ad te scriberem. quo genere officij quàm mihi  
sæpe apud te sit utendum, intelligo. nam cum eo  
ipso die, quo mihi aditus ad amicitiam tuam pa-  
tuit, de meis commodis & ornamentis non cogita-  
re solum, sed agere etiam cæperis: omnino, si ue-  
lim, id, quod maxime uelle debeo, quibus me stu-  
dijs a pueritia dedidi, ijs haberi non indignus, dili-  
genter ineunda mihi ratio est, ut istam tuam ad me  
augendum tam propensam uoluntatem plurimi a-  
pud me & esse, & semper fore significem. id hoc  
tempore, nisi litteris mittendis, qua re alia conse-  
quar, non uideo. facultatem maiorem si unquam  
naetus ero, arctissime complectar, neque dimit-  
tam prius, quàm id tibi saltē aliqua ex parte per-  
soluam, quod interea a me deberi non solum non dis-  
simulo, sed etiam apud omnes libentissime prædico.  
Quid enim mihi esse potest, non dicam honestius,  
sed gloriosius, quàm te, uirum omni genere uirtu-  
tis excellentem, summa dignitate præditum, acer

T 2

rimi



rimi in cognoscendis hominibus iudicij, nullum officiij genus, aut studij, quod quidem ad meam siue utilitatem, siue laudem pertineat, prætermittere? mehercule nulla res fuit, quæ nos ad probitatis, & doctrinæ opinionem cōmendare magis posset. itaque, quod antea faciebam domestico tantum exemplo commotus, ut per eam uiam, quam mihi pater meus tritam reliquisset, expedito cursu ad summā laudem, gloriamq. contenderem; id multo acrius facio nunc, iudicio de me incitatus tuo. cui uereor equidem ut respondere possim: & est sane difficillimum: sed tamen, quoniam ita tempus omne meum traduco, ut, quantum ualetudinis ratio patitur, in litteris uerfer, et, quasi diuturnam sitim explere cupiens, iisdem e fontibus, unde illa fluxerunt, quæ sunt laudum tuarum maxima, diligenter hauriam: non despero fore, ut & homines officia tua bene posita existiment, & tu, qui tibi a me fructus debentur, eos non contemnendos aliquando percipias. cuius rei maturitas dum ueniat, est interea mei officij, tui memoriam summa cum beneuolentia sanctissime, ac religiosissime colere: tuæ uero humanitatis, eam uoluntatem, quam ad me iuuandum tuasponte contulisti, perpetuo retinere. quorum alterum ego quā potero diligentissime faciam: alterum tu ut facias, propter incredibilem naturæ tuæ benignitatem, ne admonendus quidem es. Vale. Venetijs.

Eidem,



## E I D E M, Ferrariam.

S V M M O studio maturabam Ciceronis editionem. omnino id erat caussæ, cur ego rarius, quàm debeat, ad te scriberem. sed mehercule nec res erat, de qua possem scribere. de publicis enim non licebat: de priuatis autem quid est, quod delere te possit? grauibus morbis, amona, et bello, uniuersa fere ciuitas affecta contabescit. in his malis pacem omnes, tanquam unicum remedium, expetebant: quæ si daretur, amissas vires recuperare difficile non erat. Arbitrabar, cum Ciceronis epistolas emissem, fore, ut Ferrariam possem excurrere. id ego, primum, honoris causa ut te uisitem, optabam; deinde, ut tuis doctissimis sermonibus fruerer, quantum per humanitatem tuam liceret, per quam certe licuisset plurimum. noui enim, quæ tua sit cum facilitas, tum in me beneuolentia. sed nostræ uoluntates, ut nauigandi cursus, quandoque commutentur, necesse est, nisi fortunarum nostrarum fieri naufragium uelimus. itaque, ut exirem, meas res cum uidi non ferre, mutauirationem; & quanquam eram occupatus, tamen feci, ut hanc epistolam mitterem, quæ te, meam uicem, quasi salutaret. ea ne hoc officium loco non præstaret, ad Octanium nostrum, ijs litteris, quas ad ipsum dedi, alligatam misi, qui tibi redderet, cum uacuus esses. quod ille, qui et commodissimus,

T 3

&amp;

Eidem,



Et prudentissimus est, non uereor quin effecerit.  
De meis rebus si quid audire uis: ut in aduersis,  
pessime non habent: haberent optime, si pietas es-  
set in ijs, in quibus maxima, si quid merita ualent,  
esse debebat. Vale. Venetijs.

E I D E M, Ferrariam.

SUMMA tua facit humanitas, ut, et si me ar-  
gumentum deficiat, litteras tamen ad te mittere ne  
dubitem. non enim uereor, eae ne tibi molestae sint.  
quin ita te interpretaturum confido, ut hoc meum  
studium existimes esse non obscurum signum pieta-  
tis in te meae. cui quidem pietati, quod uix fieri  
posse credebam, magna sane accessio facta est le-  
ctione tuarum litterarum. nam, cum antea pro  
tuis maximis et singularibus erga me studijs effecis-  
ses, ut plus, quam tibi, deberem nemini: nunc pro-  
pe modum es consecutus, ut ipsi tibi plus, quam de-  
beo, debere non possim. quanti enim illud, quo e-  
pistolam clausisti, apud me esse putas? te non du-  
bitare, quin ego, omnesque mei, quanti amorem in  
te meum, atque doctrinam facias, aliquando simus  
intellecturi. ego uero iam intelligo; neque quis-  
quam est meorum, qui aliter sentiat. sed de amore  
quod scribis, uere tu quidem facis. est enim is cer-  
te summa cum obseruantia singularis. de doctrina  
autem, neque prorsus assentior, ne me ipse, qua in  
re minime debeo, nimium uidear amare: neque ual-  
de



de repugno, ne, quod est in me honorificum, stulte  
 reijciam. ut ut tamen est; siue tu amoris, et huma-  
 nitatis abundantia, quod interdum adducor ut cre-  
 dam; siue iudicio, quod mihi persuaderi libenter pa-  
 tior; siue utraque re permotus, tantum mihi tri-  
 buisti, quantum ego postulare sine rubore non au-  
 sim: maximas tibi gratias habeam, necesse est;  
 quod ad eius ipsius, quam in me esse dicis, doctrinæ  
 studium, quod antea naturæ inclinatione propende-  
 bam, uehementer me impulisti. ita enim usu fere  
 uenire solet, ut, quæ laudes a tui similibus, id est  
 ab ijs, qui ipsi in laude uiuunt, proficiuntur, eæ  
 nos, uel si simus hebetiores, in primis acuant, &  
 quasi necessitatem quandam imponant, ut, quales  
 esse dicimur, tales aliquando studeamus esse. quod  
 ego, quantum possum, do operam ut consequar. a  
 quo studio cur me ulla res debeat abducere, non ui-  
 deo; cum tu, istis opibus, ista amplitudine uir, lit-  
 terato otio nihil anteponas. temporibus enim tur-  
 bulentissimis, dum plerique fere ambitionum flucti-  
 bus iactati, optare magis, quàm sperare, tràquilli-  
 tatem animi possunt; securus in portu te oblectas;  
 uiuisq. iucundissime in tuis perennibus optimarum  
 artium studijs: in quibus totos dies ita ponis, qua-  
 si tibi eæ res, quibus abundas, & quarum spe tu  
 alios excitare ad laudem potes, præmio sint futu-  
 ræ. Quod cum ita sit; & cum ego hoc animo sim,  
 ut antiquius tuo commodo nihil habeam: noli cre-  
 dere, me, cum ad te scribo, tuarum litterarum ex-



PAULI MANVTII

speculatione id facere: quæ etsi me incredibiliter delectant, texta uerbis elegantissimis, plenissimaq. amoris, & suauitatis: tamen ego te mea causa a grauissimis studijs ad nugas auocari nolo. satis me habere abs te putabo, si & meas tibi esse redditas, et tibi, ut cupimus, esse intellexero. utrumque Octavius noster, quod & tui studiosissimus est, & nostri amantissimus, cum libenter, tum diligenter efficiet. Vale. Venetijs.

IACOBO GRIFOLO,  
Romam.

QVOD tu, homo occupatus, prior ad me literas misisti; hoc sane es affecutus, ut officijs plus apud te residere confitear; illud assequi nequaquam potuisti, ut amoris plus, quam in me est, in te esse concedam. atque ego ne in officio quidem passus essem ut anteuerteres, nisi me scribere cupientem non occupatio mea, quæ tamen summa est, sed curatuorum mandatorum impedisset. Scis, ante quam discederes, qua de re sermonem inter nos habuimus; cum tu, ut eam susciperem, a me petens, ostendisti quantum & fidei, & diligentiae tribueres meæ. in quo ego, opinionem tuam ne fallerem, operam dabam. itaque, te profecto, cum intelligerem quantum damni fecissem, adempta mihi tuæ consuetudinis usura; cumq. id omnino litteris mittendis refarcire uellem; tamen diem e die expectans,  
ut



ut aliquid ad te de tuo negotio, cuiusmodi tu uelles,  
possem scribere, in maximo desiderio me sustine-  
bam. nunc, quoniam eius rei ne uestigium quidem  
apparet in epistola tua; siue quòd, a quo tempore  
discessisti, ut illud consilium abijceres, rationes tuæ  
tulerunt; siue quòd, eodem animo cum esses, com-  
mittere tamen litteris nihil uoluisti, quod elatum  
nocere tibi posset: puto me non incommode esse fa-  
cturum, si, quam tu rem in tuis litteris intactam  
omisisti, ego item in meis silentio pratermittam.  
Quòd scire uis, rerum mearum status hoc tempore  
qui sit: ne te multis morer, is est, quem reliquisti,  
paullo etiam melior, quàm reliquisti. nam & do-  
mestica quædam sanauimus: et eum, de cuius acer-  
bitate queri solebam, ita facilitate quadam nostra,  
atque obsequio mitigauimus, ut pæne dulcis esse ui-  
deatur. De Ciceronis editione, hoc de me spondeas,  
atque etiam in te recipias licet, ut diligentia confir-  
mes me non esse usurum multo minore, quàm qui  
in hoc genere laudantur. adhuc confido fore ut  
præstem, & præstabo certe, nihil ultra. mihi e-  
nim tantum non arrego, neque arrogare debeo, ut,  
quemadmodum scribis, eas sordes, quibus ueterum  
scripta sunt fœdata, putem omnes eluere me posse.  
magni id esset ingenij, magni iudicij: quibus ego re-  
bus, & indigeo, & si abundem, sine libris tamen  
antiquis nihil audeam. qui mihi sunt omnino mul-  
ti, sed neque quot uellem, neque cuiusmodi. conie-  
cturæ autem, intellexi, & didici, quàm sæpe sint  
falla-



fallaces. neque bonos libros ulla magis labes inquinavit. quibus nunc in ueterem splendorē, atque integritatem restituendis, plurimum mihi est negotij, & erit, ut puto, post me multis: ut inde laudis materies deesse nunquam possit. Te rogo, ut, antiquiorem librum sicubi istic esse rescueris, si prece ipse, aut pretio non potes, aliorum auferas gratia. Litteras autem, quā ualde me amas, tam saepe mittes. nam & otij puto te habere, quantum uelis; & argumentum Romae uiuenti deesse non potest. mihi utrunque minus est. magnis enim distriktus occupationibus, temporis ad scribendum non habeo satis: argumentum autem unde sumam, cum omnium, qui hic sumus, ea ratio sit, ut, rerum nouarum si quid alicunde ad nos affluxit, de eo nec scribere, nec loqui sine graui periculo possimus? Relinquitur, ut priuatis de rebus possim scribere. sed hoc quoque genus uereor ne me deficiat. raro enim solet accidere, quod scriptione dignum sit. Quapropter, quoties ita eueniet, ut a negotijs liceat discere; properabo statim ad epistolas. quod eo libentius faciam, si tu mihi sentētiam scribendi aliquam dabis: sin minus, inanes tamen potius, quā nullas, mittam. Vale. Venetijs.

HANNIBALI CRUCEIO,  
Mediolanum.

AMORIS in Octauianum Ferrarium mei  
causae sunt ueteres sane multae, & q. non leues, sed  
re



recens hæc est grauissima, quod eius opera uideo fatum esse, ut tu me amares. quod ego, non possum satis explicare, quanti faciam. certe optatius nihil, ac ne utilius quidem potuit accidere. nam me molestæ quædam cogitationes exercebant. eæ fecerant, ut subtristis essem. hoc malum Ferrarij litteræ sanarunt. eas enim legens, cum uenissem ad eum locum, ubi ille, quàm tu me diligas, quamque diligere a me cupias, diligenter & officiose narrat; sensi mihi quiddam instillari, quo plane sum exhilaratus. adeo tui similibus amicitijs augeri gratum est. in qua commoditate incommodum tamen illud inest, quod mihi ualde sentio esse laborandum, ut beneuolentia, & opinione de me tua non indignum me præstem. quod utinam possim efficere: conabor certe: ac ne despero quidem fore, ut efficiam: modo, quod tu iudicium de me habes, id eiusmodi ne sit, ut ego ei respondere nullo pacto possim. nam mihi interdum uenit in mentem uereri, ne tu me, Ferrarij prædicatione commotus, eum existimes esse, qui non sum. mendax, mi Crucei, amor est; nosque sæpissime ita solet afficere, ut in sermone, prout amicorum ere est, & affingere falsa, & detrabere uera, religio non sit. quare Ferrarium, cū de me loquitur, non est quod audias. amore uictus, cui repugnare iudicio non uult, ea dicit, quæ fortasse non sentit. At idem de tua uirtute multa in suis litteris. habes igitur, dices, ei fidem, cui haberi a me non uis? habeo, & quidem maximam. mit-

tit



tit enim ingenij tui monumenta, quæ mihi de tuis laudibus, ut ille scribit, ita esse probant. Memor igitur interea me uelim existimes humanitatis tuæ. gratum cognosces, cum facultas erit. ac uideo me tua causa non eas res præstare posse, quas uellem; sed quas possum, ita uolo, ut omnes, sine ulla exceptione, libenter ad te deferam. licet ijs arbitratu utaris, atque etiam abutaris tuo.  
Vale. Venetijs.

ANTONIO MERLO,  
Vicetiam.

EGO quoque quiddam inaudieram superioribus diebus, sed contempsi. nunc me mouet quod audies. Artibus effectum est nescio quorum, (de Petro nostro certe uix opinor: uix, autem? prorsus non opinor) ut hic rumor serpat longius. primum hæc uulgo iactata: ferebam: post etiam ad Cardinalis aures peruenerunt: quod mihi accidit molestissimum: nec dubito, quin is iam non idem sit. quod si ille eadem cum Episcopo, cuius ingenium præclare noui, communicauerit: actum est. Me quidem & illa angit cura, quod uereor ne fama diffluat, & Perusina condicio, satis opima, satis honorifica, fortasse in dubium uocetur. Cornelius rem curat diligenter, ut uideo, fide certe, & amore singulari. In hac sum sententia: si spes non dubia, ut urgeamus: sin, desistamus ab incepto: ne cupiditatem



*tem nostram sine fructu, forte etiam cum aliqua mercede, prodamus. Mitto ad te Gratij poema de uenatione, paullo durius, nec omnino cum Petri Bargæi carmine conferendum, qui hoc argumentum sex libris non minus eleganter, quàm copiose persecutus est. Vale. Venetijs.*

MICHAELI SOPHIANO,  
Patauium.

*SI nostræ necessitudinis initia repetas; nemo, opinor, istic est, qui mihi uetustate præstet. sin apud te uetustas pondus non habet; ipsam per se benivolentiam pendis: ne sic quidem iure mihi quenquam antepones. Ego te primum, cum abesses, memoria colui diligentissime, tuumq. nomen crebris usurpatum sermonibus ornavi laudibus, quantum in me fuit: deinde, cum de auunculo tuo, uiro optimo, tuique amantissimo, miserrimam in seruitutem a barbaris gentibus abrepto cognouissem, ingemui sæpe tua caussa, quem orbatum domestico præsidio, maximas in difficultates immerentem fortuna conijceret. postremo, cum Patauium te aliquando retulisses, ualetudine ita perdita, ut humana uix opere restitui posse uideretur; quàm id moleste, quàm acerbe tulerim, testes sunt communes amici, quibus & periculum tuum, & eodem tempore dolorem meum dolori fuisse certo scio. Veni Patauium aliquanto post: uidi te quem optabam potius quàm spera-*



*sperabam, habitu corporis non illo quidem optimo, eo tamen, qui uitæ spem minime dubiam afferret. deinde quotidie meliora, accedente ad remedia medicorum temperantia tua: quam ita laudant omnes, ut in studijs tamen paullulum eam desiderent. quo de genere præcipere quidquam difficile est, præsertim mihi; qui cum ab eadem culpa longe non absim, tum etiam, nisi priores tibi partes in prudentia concedam, ignorare scilicet uidear utrumque nostrum. ueruntamen, cum te penitus philosophiæ dedideris, ut eius præsidio fortunæ tela depelleres; debes eam sequi ducem in actionibus tuis. quod si feceris; extrema uitabis, & omnem in medio laudem constitues. At mediocritatem mens in suo munere non amat: progreditur enim meditando, & quo longius, eo iucundius. Vere: sed immoderatis rebus natura frangitur: & quanquam corpori mens dignitate præstat, utriusque tamen incolumitas ab utriusque pendet officio. ut herus imperat seruis, nec tamen eos negligit, sed consulit, quatenus liceat, commodis eorum: idq. facit etiam sua causa: tam diu enim herusest, quam diu habet quibus imperet. sic mens rationem corporis habeat aliquam, oportet. nam si negligat eam sedem, in qua summus opifex illam constituit; primum faciet iniuste; deinde, corporis compagine, qua ipsa includitur, breui dissoluta, usum tractandæ quærendæq. uirtutis amittet. quod cum accurate uitandum omnibus est, tum ijs maxime, quorum & infirma ualetudo*

ualetudo  
 ut medi  
 riam, cu  
 ignota e  
 quibus,  
 quod om  
 sita, per  
 que iure  
 consuetu  
 que in P  
 cellunt.  
 tua, si ual  
 parte sita  
 lue mult  
 beilla: &  
 ut diuissi  
 firam, di  
 bus ornata  
 si ualuerit

10.

ALF  
 rie sum:  
 fructus c  
 uirtutem  
 diligent  
 cipis mor



ualetudo quietem quærit, & ita uiget industria, ut mediocri etiam labore non mediocrem ipsis gloriam, ceteris utilitatem afferre possit. Cui porro ignota est uel ingenij tui, uel memoriæ præstantia? quibus, non modo ut emineres in græca lingua, id quod omnes fatentur, sed ut, quacunque re proposita, peritissime disputes, facile consecutus es. itaque iure expetitur a nobilissimis uiris amicitia, & consuetudo tua: iure te diligunt ac laudant quicumque in Patauino gymnasio doctrinis liberalibus excellunt. quorum tu uirtute frueris, & illi uicissim tua, si ualebis: & ut ualeas, in te ipso magna ex parte situm iudicamus. obsequere igitur in tua salute multorum studijs: parce ualetudini satis imbecillæ: & quod libenter facis, da operam simul ut diutissime facias. ita gloriam tuam, lætitiā nostram, dignitatem etiam litterarum augebis; quibus ornamenti plurimum e tuis aliquando scriptis, si ualueris, accedet. Vale. Venetijs.

IO. BAPTISTAE PIGNAE,  
Ferrariam.

ALFONSO Duce creato, gratulatus Ferrariæ sum: quæ tum ex noui Principis exima uirtute fructus capiet egregios; tum ipsa quoque ad omnē uirtutem, eius, a quo regitur, exemplum secuta, diligentius incumbet. mores enim ciuitatis ex Principis moribus effinguntur, et, ut ait Plato: QVAE  
apud



apud eos, qui dominantur, studia uigent, eadem reliqui ciues amplectuntur, & colunt. Ergo florere bunt in uestra ciuitate liberales disciplinae, ac debita iam pridem ingenuis artibus praemia persoluentur. quod equidem tua potissimum causa, doctissime Pigna, magnopere gaudeo. nec enim dubitat quisquam, aut dubitari omnino potest, quin, quantum ingenio, eruditione, iudicio, quantum etiam consilio uales, tantundem apud sapientissimum, optimumque Principem & auctoritate ualeas, & gratia. quod, si quam adhuc in cognoscenda, eandem posthac in ornanda uirtute industriam locabis: quis te uno felicius, quis omni laude praestantior? quod ut facias, ne monendus quidem es. nec enim te dissimilem esse tui uel natura tua, uel consuetudo, uel studia patiuntur. hoc igitur tecum agendum non est. illa me potius, ut uere dicam, & simul omnes, qui te diligunt, cura sollicitat, ne te nobis eripiant prorsus aulica negotia, sic, ut, iis disciplinis, quarum usus aeternum decus parit, salute dicta, iacere patiaris ea, quae multis ante mensibus instituta si quando perficies, maiorem in modum et posteris, & gloriae tuae seruias. quam multos enim egisse mecum diligenter existimas, ut hortarer te ad absoluendam poeticæ imitationis artem, aut, si absolutam habes, continuo diuulgandam? quibus ut aliquando satisfacias, etsi languere te in tua laude uix opinor, tamen peto abs te, quantum humanitas tua permittit. nec tamen, etiam si tua res non age-



ageretur, amicitiam nostram, quam ego sanctissi-  
me semper colui, nihil a te impetraturam confide-  
rem. equidem nihil ei denegarem: idq. te, quod ta-  
men secundis rebus, ac sine molestia tua fiat, cupio  
experiri. Ego me ad litteras, a quibus inuitus di-  
scesseram, reuocare cœpi, adeptus usum oculorum,  
quem antea desperabam, diuina primum ope; in  
qua statuerere omnia consueui, deinde Gabrielis Fa-  
loppij scientia singulari: cui uiro, quanti hanc lu-  
cis usuram, id est quanti uitam facio, quanti etiam  
præclara litterarum studia mihi sunt, quibus uix ip-  
sa uita pluris est, uni plane totum acceptum refero.  
siquidem eius doctrina, humanitas, exquisita cura  
pristinam mihi ualetudinem, omnino profligatam,  
ac perditam, conspectum liberorum meorum, ami-  
corum colloquia, librorum suauitatem restituit: ut,  
si quem optimis artibus industria nostra fructum fe-  
ret, ei gratiæ debeantur, cuius ope, ac studio fa-  
ctum est, ut intermissam diuturno, ac perdifficili  
morbo posteritatis adiuuandæ consuetudinem ali-  
quando repeterem. Tu mihi de tuo statu, maxi-  
meque de Alfonsi Ducis conatibus egregijs ad ho-  
nestandam uirtutem, de quibus fama iam per-  
crebuit, si quid significaueris; argumentum erit  
amoris in me tui, quo lætari uehementer soleo.  
Vale. Venetijs.

V

Sambuco



IOANNI SAMBVCO,  
Patauium.

QVOD fratrem tuum Georgium, florenti adhuc etate extinctum, immoderate luges; ignosco merori tuo, nec tamen laudem tribuo. dolere enim fratris interitu, & eius fratris, quo nemo amabilius, nemo fuerit uirtute præstantior, hominis est: modum autem dolori nullum constituere, nunquam lacrymis abstinere, nunquam ex animo mæstitiam pellere, Sambuci non est. Perijt frater: in re commoueris: ægre enim diuellimur a natura cōiuncti: quod ego quoque sum expertus. Perijt is, qui familiam uestram, qui patriam, qui prouinciã uniuersam ornare uehementer suis laudibus, & illustrare poterat. hoc quidem expectandum ab eius uirtute fuit: sed magnam habet Fortuna uim: ea sæpe, nobis ad eximiam laudem contendentibus, transuersa incurrit; sæpe nostra studia debilitat, sæpe moratur industriam. quo de genere quid ego te doceam, doctissimum uirum, cui prope infinitam exemplorum uim uel græca monumenta, uel etiam latina suppeditant? florem igitur uirtutis amemus: crepto ante maturitatem fructu, quando hoc singulare non est, sed commune cum multis, modice feramus. Quid, si ne dolendum quidem est? omitto enim historias: ad philosophiam te uoco. Quid igitur illa præcipit? si quid casus asserat, leniter accipiendum:

piem  
si qu  
enim  
ment  
struēt  
scere t  
aliqui  
dolend  
homine  
fratre  
optima  
lunt, ut  
ce dilex  
sequatur  
quus pro  
nuiis, &  
te decur  
inde ut  
titur, ad  
modi lit  
minimam  
uir exim  
Strigoni  
sua nat  
in oculis  
remedia  
usus ma  
prudem  
nem ar



piendum : nec enim , ut aliter accadat , in nobis est :  
 si quid culpa contractum , angustum esse : certe  
 enim , qui ad præclare agendum nati simus , ideoq.  
 mente , & ratione , præter ceteras animantes , in-  
 structi , tantis bonis abuti , & quasi a natura descen-  
 scere turpissimum est . An tu igitur , mori , quasi  
 aliquid turpe , reprehendes ? quod si non turpe , nec  
 dolendum , nisi si quis ita uixerit , ut nihil unquam  
 homine dignum præstiterit . quod abest longissime a  
 fratre tuo : qui probitate , ingenio , studiis artium  
 optimarum , prudentia etiam adolescens ita excel-  
 luit , ut eum Pannonia pæne cuncta uiuentem uni-  
 ce dilexerit , mortuum laudibus , & memoria pro-  
 sequatur . Quæ cum tibi ueniunt in mentem ; ini-  
 quus profecto nimis in te ipsum es , nisi luctum mi-  
 nuis , & ex animo dolorem penitus euellis . Quin  
 te decuit maxime , qui totos dies ponas in ijs libris ,  
 unde uitæ moderatio , unde animi tranquillitas pe-  
 titur , ad propinquos , ad amicos in Pannoniam eius  
 modi litteras mittere , in quibus illi sitam esse non  
 minimam sui doloris medicinam intelligerent . nam  
 uir eximius , Nicolaus Olahus , Archiepiscopus  
 Strigoniensis , qui Georgium Bona , & quia sorore  
 sua natus erat , & quod in eo summa uirtus enituit ,  
 in oculis gestabat , non dubito quin tanti uulneris  
 remedia sumat a se ipso : quem non modo ætas , &  
 usus maximarum rerum erudierit , uerum etiam  
 prudentia quædam naturalis , quæ plane uincit om-  
 nem artem , nunquam a constantia discedere patia-

V 2 tur.



PAULI MANVTII

tur. Nec tamen uereor, ut, qui mihi paucis ante mensibus in filioli mei obitu consolationem adhibueris, idem tibi in tuo casu mederi aliquando non facile possis. quod si facies; fructus apparebit studiorum tuorum; & Georgij fratrem agnoscemus; cuius ingenium, ac mirificam prudentiam oratio illa, luculenter in primis a te scripta, declarat. Vale. Venetijs.

ANDREAE DVDITIO,  
Patauium.

PERCVSSISTI me de Mariano Lezen-  
tio: quid ais? optimus adolescens, maiorum nobilitate, sua uirtute clarus, omnibus animi, corporis, fortune bonis ornatus, ereptus repente nobis est? o miseram humanæ uitæ condicionem. quid ames, cum omnia fluere, ac labi, nihil intra orbem Lunæ firmum esse, nihil idem a mane ad uesperam, quotidie cernas? quæ te arbitrabar antea cognouisse in sermonibus Reginaldi Poli Cardinalis, & Aloysii Prioli, quibus probiores, aut sapientiores uiros non modo nostra, sed nec superior ætas tulit: nunc, quando te biduum scribis lacrymando consumpsisse, profecto tibi exciderunt illa præclara de contemptu mortis, quibus in illo diuino contubernio, in illo plane caelestium animorum cætu aures tuæ sapissime personabant. Quod si, quid doleas, cogitabis, aut quid dolendo proficias: non dubito, quin istum



istum luctum abstergas, & Lezentio nostro etiam gratuleris, quod, inspecto Hierosolymæ summi Dei monumento, quò illum, dissuadentibus amicis, pietas, & religio duxerat, statim ad eiusdem Dei conspectum, præditus optima mente, purus ab omni labe, in cælum euolarit. quod qui optant, sapientes, qui adipiscuntur, felices iure ducuntur. Hæc tibi a me pauca pro nostranecessitudine consolationis loco dicta si attendes, uim habere maximam senties, & eam dolori tuo medicinam, quam dies aliquando afferet, ratione repræsentabis. quod cum omnes deceat, tum uero ab excultis doctrina uiris, quem te ad numerum aggregamus, præcipue postulatur. Vale. Venetijs.

LAURENTIO GAMBARAE,  
Ciliuerge.

CILIVERGE nunquam uideram, amabam tamen, amœnitate sua iucundissimum, domino honestissimum, Lanterio Appiano, præstanti uiro non humanitate minus, quàm eloquentia: nunc & elegantiam nullæ, ut in tabula pictam, in tuis uersibus uidi; & mehercule non mediocri eius uisendæ, atque etiam tecum fruendæ studio sum incensus. quod si quando contigerit, digito cælum attingam. quid enim isto otio beatius? quæ species urbis, quæ dignitas cum ista rusticatione, cum ista surgentium uirgultorum siluula conferri possit? equidem,



dem, cum te mihi ante oculos pono, modo inter angustis distincta semitis fruteta declivi colle spatiantem, modo arborum proceritatem, atque ordinem in uiridario mirantem, eadem p[er]ne uoluptate absens tecum fruor. coniungit enim animos nostros mutua beneuolentia; nec est aut tibi quidquam sine me, aut mihi sine te iucundum. gratulor tamen tibi potius, qu[am] mihi; & istos Ciliuergenses dies ita multorum annorum instar esse puto, si modo nec otiosus in otio, nec in solitudine solus es. id autem qua ratione consequi possis, opinor me tacente intelligis. Patanij dum eras, habebas in manibus egregium illud poema de nouis insulis a Columbo inuentis: cuius ego cum exordium, multis praesentibus, legissem, admiratus grauitatem, & elegantiam carminis, exclamaui, Cedite Romani. in quo, adhuc, qui a me dissentiret, inueni neminem. quo magis te hortor, quanquam, ut spero, currentem, ut appropere, habeasque rationem non expectationis modo nostrae, uerum etiam gloriae tuae, cuius habes a natura praecclarum seminarium, quod etiam studio excolis, ingenium tuum. Urge igitur, nec institutum dimitte: quodque adhuc humanissime fecisti, in eo perge, ut nostrum tui absentis desiderium litteris aliquando lenias. Vale. Patanij.

Lazaro



LAZARO BONAMICO,  
Patauium.

Ego uero & audiui de tuo casu, & tuam uicem mirifice, neque minus publicam dolui: ueritus enim sum, ne tecum simul litteræ concidissent. nunc, quando te iam ambulare scribis, ita tamen, ut Scipione utaris; gaudeo, eoque magis, quod in ista ætate morbi diuturnitatem pertimueram. sed quia non plane animum meum liberas a cura, cum pristinas uires nondum recuperaueris: rogo te, Bonamice, quanti optima studia facis, quæ tibi facienda sunt plurimi; quandoquidem ab ijs tuæ laudes emanarunt; tantam adhibe in te curando diligentiam. uides enim, neminem fere esse, qui, si quid tibi acciderit humanitus, rudem barbariem a latine linguæ finibus arcere possit. Plantum, quem a me petis, dabo operam ut cum his ad te litteris mit tam: sed, ut eum in multiplici meorum librorum congerie statim reperiam, sperare uix audeo. Ego, ut scis, hanc satis grauem prouinciam suscepi. tenui condicione, inquires. fateor, sed ne tua quidem, si tuarum uirtutum merita spectentur, satis opima. quid agas? his temporibus anguste uirtus habitat. bene tamen de suis ciuibus mereri, præclarum est. Vale. Venetijs.

V 4

Gulielmo

Lazaro



GVLIELMO PACCIO,  
Patauium.

SILENTII mei, quo tecum diu satis usus sum, non exponam hic tibi causam pluribus uerbis: ne, si id faciam, uidear & tibi ipsi, qui nihil adhuc ad me scripsisti, eandem quasi legem imponere. itaque hanc partem prætermittam; in qua si peccatum est, utriusque certe est. ego autem spero me posthac & beneuolentiam tibi meam, & diligentiam hoc genere officij probaturum: modo ne litteras elegantes, quales uidelicet Patauij, a summis ingenijs elaboratæ, tibi ostenduntur, a me expectes. ita scribam, non modo ut quod in mentem, sed plane quidquid in buccam uenerit, in epistolam conijciam. non enim is sum, qui unumquodque uerbum ad trutinam, ut dicitur, reuocare uel soleam, uel possim. aliorum ista superstitio sit, mea quidem non erit, præsertim in epistolis: quæ si, ut ait ille, nihil habent simile neque iudicio, neque concioni; quid refert, utrum dichoræo conclusus, an aliter. uerborum ambitus insistant? Splendidior, inquiunt, nec paullo aptior ad mouendum, si numerosius designat, oratio uidetur. Recte: nec ego secus existimo: uerum, quem tu tanti facis, eum ego magistrum sequor. quid igitur ille? EPISTOLAE NOSTRAE DEBENT INTERDUM ALVCINARI. nempe, quod ijs negligentia quædam, cum ad familiares



res scribitur, etiam ornamento sit. Ita igitur tecum  
agam, ut si essemus una: et, quemadmodum præ-  
sentes quacunque de re sermones familiariter ferere  
solemus; sic in scribendo, nulla certa proposita sen-  
tentia, libertatem illam, & quasi negligentiam imi-  
tabor. quod si reprehenderis, tacitum non feres. præ-  
stat enim male scribere, quam omnino, quod a te  
fieri uideo, nihil scribere: cum hoc uoluntatis fortas-  
se uitium sit, illud ingenij, quod ipsi nobis fingere  
non possumus. Vale. Venetijs, M. D. XXX+  
III, kal. Quint. qui mihi primus dies est an-  
ni XXI.

PAVLO MAGNVLO,  
Patauium.

CUM me uides præter institutum meum litte-  
ras ad te non tam sæpe, quam solebam, mittere;  
nimirum, etiam me tacente, quam sim occupatus,  
intelligis. Ternas te dedisse scribis. omnes accepi:  
nihil amabilius: his autem recentioribus etiam ni-  
hil elegantius. sic enim censeo, recte eum, & la-  
tine scribere, non qui pauca multis, sed qui mul-  
ta paucis. quo ego in genere aliquando posse cu-  
pio, tu, ut uideo, iam potes. tribus enim uersiculis  
quid non complecteris? tuam narras in scribendo  
diligentiam, meam obiurgas negligentiam: de meo-  
rum librorum instauratione te te me admones, de  
tuorum uenditione aperte. denique otiosi nihil est:  
sen-



sententiæ numero prope, quot uerba: ut mihi, quem admodum promiseras, argumentum satis superq. dederis. Sed meæ cessationis causam, ut dixi, conijcis ipse per te. libros autem meos, prope adest, cum editurus sim. de tuis egi diligenter, & ago. si queris, quid profecerim: nihil adhuc: sed spem non abieci. quanquam incredibile est, quàm difficile sit ab istis pecuniam exprimere. quem euentum res habitura sit, ignoro: a me nihil omittitur, quo minus & ex sententia conficiatur, & quamcitissime. Vale. Venetijs.

## E I D E M, Patauium.

PVTASTI fore, ut ego te abeuntem litteris prosequerer? non tu id quidem unquam. conuenerat enim, ut argumentum a te expectarem. argumentum igitur potest expectare meus in te amor? quo nihil uberius nec est, nec unquam fuit. itaque statim, ubi tu profectus es, cum me repentina quædam uoluntas excitasset, arripui calamum, neque sum ueritus, ut me scribentem sententia deficeret. hui, quàm multa iam nunc mihi ueniunt in mentem. sunt, quæ possim scribere, leuitates amatoriæ. quorum, inquis? mecum habebō: neque tibi, neque cuidam edam. uolo enim parcere amicitiae, qua mihi sunt coniuncti, qui tam suauiter, ut ipsi putant, uiuunt, ut ego sentio, delirant. sunt item *στρατηγικὰ* quædam, & militaria munera populo



pulo data, taurorum uenationes, saltatorum lusus, personatorum ineptiæ. quid quæris? sexcenta: quæ mihi et beneuolentia nostra suppeditat, & familiaritas permittit ut scribam. quia tamen leuiora sunt omitto, ne grauem philosophum offendam. Porro, de meis rebus quod expectes, nihil est. mutationem nullam fecerunt a discessu tuo. De te, quæ scire uelim, hæc sunt, quo modo te redeuntem amici illi tui, libri scilicet, acceperint, num eo ipso die ad eorum consuetudinem te dederis; an potius, dum hæc bacchationes deferuescant, in hortis cum Epicuro, quàm in gymnasio cum Aristotele, uelis uiuere. Et, cum hæc scripseris, adde uerbum, si me amas, de pugiunculo illo tuo: quo ego te impeditum, & alligatum ense cum uidi discedere, non tenui risum. ac uolui pungere te dicto; sed ueritus sum, ne tu rustice me gladio. Epistolam habes iocationis plenam: qua te esse delectatum cognouero, si miseris ipse plenior. Vale.

## E I D E M, Patauium.

NON facile dixerim, plus ne uoluptatis, an doloris ex epistola tua susceperim. est enim mihi gratissimum, cum & me a te amari, & te amore in te meo delectari perspicio. ex quo fit, ut litteras tuas, beneuolentiæ plenissimas, & officij, incundissime legam. Cum uero te uel angere uideo, uel aliquid triste cogitare; sic afficior, ut acerbissime uinam. sed  
utinam



utinam, quanti ego consilium tuum semper feci, tanti item ipse meum fecisses. profecto in has molestias, in quibus hodie uersaris, non incidisses. At, inquires, illa perpeti, malum erat. Malum, nisi, istos ferre, longe peius sit: quorum quidem iniurias tum ex eorum, qui istinc ueniunt, sermonibus, tum ex litteris tuis facile cognoui. Quæ quo magis intolerabilia sunt, eo clarius tuæ prudentiæ lumen ostendas oportet: neque committas, ut inuidorum, maleuolorumq. peruersitas plus apud te, quam existimationis tuæ ratio, ualuisse uideatur. Quanquam ego, cum hæc scribebam, satis intelligebam, quis ad quem: sed amorem meum, qui tibi præsentis perspectissimus fuisset, etiam apud absentem, quoquo modo licuit, testatum esse cupiebam. Atque hoc loco mihi ueniunt in mentem, quæ tibi proficiscenti futura prædixerim. quæ ego, non aliquam somniorum imaginem, aut alitis cantum secutus, augurabar: sed, quod istiusmodi hominum naturæ plus etiam, quam uellem, exploratæ mihi erant, iccirco, ne illa acciderent, quæ nunc euenisse audio, timebam. Sed uteris, ut spero, fortitudine animi tui: et, quæ iniqui ad ignominiam tuam comminiscuntur, ita feres, ut non solum in uetere optimorum studiorum cursu, fractus animo, ne consistas, sed uehementius etiam ueræ gloriæ cupiditate incitatus, propositum tibi decus assequare. Me in omni fortuna tui amantißimum, tuæq. laudis fautorem, atque



que adeo, quantum in me erit, amplificatorem habebis. Vale. Venetijs.

SEBASTIANO LEONI,  
CORDVBENSI,  
Romam.

ROMAE te nunc esse, in ea urbe, ubi multorum amorem, ac studium tua tibi iam antea uirtus peperit, tantum abest, ut doleam, ut etiam summe gratuler. nec enim dubito, quin sedem studijs tuis non modo commodam, uerum etiam honorificam, adnitentibus amicis tuis, facillime consequaris. Me quoque, ut ille inquit, mirum desiderium tenet urbis: uerum aduersantur multa: quæ si Deus aliquando sustulerit, accurram statim ad uos, ea spe, ut in uestra beneuolentia, in consuetudine, ac sermone conquiescam. Saluta interim amicos, Octauium nostrum, Sirletum, Gillium, Phaernum. nam Episcopum Allifanum abesse audio. Nicolaus Nathanaelus, egregie moratus adolescens, magnos in latinis litteris processus a discessu tuo fecit. is cum mihi per se carus est, tum eo magis, quod de te sæpe loquitur amantissime, tuamque erga se, patremque suum, insigni probitate, atque doctrina uirum, perpetuam benignitatem sic in ore habet, ut eius memoriam nunquam sinat intermitteri. Vale. Venetijs.



SILVESTRO ALDO-  
BRANDINO.

IN IIS litteris, quas ad Angulum nostrum  
 XVI. kal. Sext. dedisti, ualde mihi scripta urba-  
 ne uisa est illa pars, in qua nescio quid de me per io-  
 cum, sed cum quadam tamen amoris nota significa-  
 sti. gaudeo, me tibi usque eò esse familiarem, ut  
 etiam facetijs laceffas: quo in genere si perges, gra-  
 tiam referemus: ne tu homo ingeniosus nos tardio-  
 res impune commoueris. mihi cum amico tuo re-  
 cte conuenit. doctum hominem cognoui, bonum ui-  
 rum esse audio. hæc cum sunt in hominibus transal-  
 pinis, amorem conciliant: quanto magis in nostris?  
 At in litteris aliquando dissensimus. ego uero non  
 nihil etiam a parente meo: neque tamen parentis  
 manibus eam, quam debeo, pietatem minus præ-  
 sto. opinionum enim dissimilitudo tantum abest a  
 simultate, ut sapissime, non modo qui sententia dis-  
 crepant, in amore consentiant; sed etiam, qui si-  
 multatem exercent, iudicio congruant. Quare a-  
 moue istam ex animo tuo suspensionem, meq. cum  
 illo ita crede esse reconciliatum, ut posthac ab eo,  
 etiam si dissentendi causa sit, dissentire tamen no-  
 lim. Hic, ut in tantis caloribus, non iniucunde uiui-  
 mus: urbis mirifica elegantia: cæli summa salubri-  
 tas: si quando æstus maior est, quàm ut ferre possi-  
 mus; confugimus ad aquas: innixi utribus inflatis,  
 remoto,



remoto loco, nos inter nos ludibundi flumina perambulamus. quid queris? si te haberemus, ad summam uoluptatem nihil deerat. sed animus tamen meus, quem tu, credo, cautionibus quibusdam tibi addixisti, peruolat magna spatia terrarum, et, te insciente, saepe tecum est. itaque non ego prorsus te careo: nam, si minus sermone, adspectu certe tuo fruor, dum de te cogito. quod si aliquando contigerit, ut etiam sermone possim; nam ego collocutionum nostrarum fructum, interuallo temporis amissum, ita repetam, ut ne studiis quidem parcam tuis. in quibus audio te post nostrum discessum magna quaedam effecisse. Caput etiam illud litterarum tuarum Accoltus noster mihi ostendit: in quo ita scriptum est, paginas te circiter octingentas iam impleuisse commentationibus ijs, quas in Pandectarum libros texit. puto magni laboris esse, magnæq. difficultatis. sed, si considerabis, quæ tibi præmia proposita sint; uinces omnia. petis immortalitatem; quam multi sequuntur, tu iam pæne manibus apprehensam tenes. Vale.







153

EPISTOLARVM  
PAULI MANVTII  
LIBER QVINCTVS.

Scripsit hanc, liberalium disci-  
plinarum nomine,  
PIO IIII. PONTIFICE  
CREATO.

CVM tibi, Pontifex optime, ad istam  
dignitatem nuper diuinitus elato, qua  
sublimius aut praestantius inter homi-  
nes nihil est, mortales quamplurimi,  
alii absentes litteris & nuntijs, alij coram uultu et  
uerbis gratulentur: non dubitamus, quin nos quo-  
que, altrices tuas, in maximo gratulantium nume-  
ro ad tuos sanctissimos pedes officiose proiectas, ex-  
cipias, & eo benignius, quod alij, quia peruenisti  
ad eum finem, infra quem ceteri fines sunt, gratulan-  
tur; nos autem, quia scilicet, ut peruenire posses,  
ipsae perfecimus. Non est ad gloriam lata quedam  
& communis uia. per angusta fuit semita, pauco-  
rumq. notata uestigijs, qua ierunt & heroes illi ue-  
teres, in Christiana militia fortissimi uiri; & maxi-  
me, quidem omnium, patrum nostrorum memo-  
ria, Pius ille Pontifex, cuius tu nomen, in eadem  
sede merito collocatus, & eam nomine uirtutem re-  
fers. in istam olim semitam, ferentem ad aeternum

X de-



decus, nos te puerum adhuc, sed puerum præclara  
cupientem, manu prehensum duximus : ne ue quis  
te error auertere , ne qua morari posset offensio ,  
cupide procedenti quasi lumen prætulimus . confe-  
ctum iam iter est : ultra, quò progrediaris, non ha-  
bes . inter te, & opificem æternum , cuius ministræ  
nos sumus, nulla iam interiacent humana . quare,  
quoniã eò te perduximus, quò sine nobis perueni-  
re felicitatis non est; & quando de longa uia ita fes-  
sas esse intelligis, ut consistere uix possimus ; redde  
præmium bene merentibus ; & permitte nobis, ut  
in tua beneficentia nixæ conquiescamus . nam si ti-  
bi Deus Opt. Max. hoc elargitus est, ut in omni tua  
uita, præter rectum & honestum, nihil spectares :  
quis te laudabiliter antea cogitasse probauerit, nisi  
nunc, cum est ad uoluntatem adiuncta facultas, id  
ipsum , quod cogitasti, re perficias ? si te ambitio  
delectaret, proponeremus illa inania, quibus ij, qui  
ex hominum sermonibus pendent, excitari solent :  
fore , si nos iacentes erexeris , ut orbem terrarum  
tui nominis fama peruagetur : ut oratorum et poe-  
tarum de te prædicantium uocibus aures tuæ per-  
sonent : denique , ut imaginem tuarum uirtutum ,  
æternis excellentium uirorum scriptis expressam ,  
ipsa posteritas intuens, cupiat imitari . speciosa ista  
uidentur , & sunt omnino : sed a splendore tamen  
ueræ laudis absunt . nam recte facere, non ex ijs ,  
quæ consequuntur, sed ipsum per se sapientibus ui-  
ris amabile uidetur . qui cum innocenter sancte q.  
ui-



uiuunt; minime illi quidem de præmijs cogitant; ne probitas mercenaria uideatur; aut, si cogitant, non ad hæc humana, quæ sunt locorum & temporum angustis sane terminis circumscripta, oculos demittunt; sed ad illa diuina suspicientes, beatam immortalemq. uitam et expetunt unam, & unam expetendam esse persuasum habent. hoc tu semper institutum probasti: probauit Paulus ille III. omnium sæculorum memoria celebrandus: qui de humano genere uel hoc potissimum nomine optime meritus existimatur, quia in suo Põtificatu effecit, ut tu Pontifex esse posses: probarunt, hodieq. probant sodales olim aliquot tui: quorum alij, non, ut uulgo uocantur, mortui, sed, ut sapientes proprie loquuntur, mortali uita liberati, nunc incolæ cæli, Deoq. fruentes, non tam quia te Pontificem intuentur, gaudent, quàm quia facturum ea prospiciunt, quæ sunt optimo Pontifice dignissima: alij uero, non dum sane ab hac terrestri materia discreti, aut simplicem naturam affecuti, sed ita tamen in terris commorantes, ut bonitate simplices animos referant, non dubitamus, quin tibi nostram causam unanimes commendent; & eo studiosius, quòd, & ipsi alumni nostri cum sint, officio non solum laudabili, uerum etiam debito fungentur. satis iam exagitata, satis inopiam & solitudinem passa, ab omnibus fere Principibus neglecta, supplices ad te confugimus: quid petentes? honestum otium: a quo petentes? a Pio Pontifice. Pius ne

X 2 ille



ille noster, cuius animum ac mentem saluberrimis  
 præceptis ad omnem laudem conformauimus, at-  
 que effinximus; cui comites in omni ætate, atque in  
 omni fortuna non solum iucundæ, sed etiam perho-  
 norificæ fuimus; qui ut hoc tempore plus, quàm om-  
 nes homines, prodesse nobis unus possit, id ipsum a  
 nobis habet; is ne nos, aliquam tanti beneficij gra-  
 tiam reposcentes, ab sese reijciet? non hoc illius na-  
 tura, non doctrina, non consuetudo feret. Sint sane  
 mutabiles aliorum animi, neque satis in colenda uir-  
 tute sibi constent: sit enim sæpe, ut uoluntates si-  
 mul cum fortuna commutentur: in te, Pontifex  
 optime, non cadit huius inconstantia suspicio: tua  
 est bene agendi perpetuitas: nihil in uita tua ua-  
 rium, nihil flexibile, nihil mistum cognouimus:  
 semper idem tibi, semper directum quiddam pla-  
 cuit, & simplex. non te rerum humanarum ficta  
 & fucata forma, non illæ, quibus plerique fallun-  
 tur, insidiosæ uoluptatum illecebræ ceperunt. non  
 tu in tabula picta, mani colorum specie captus, ocu-  
 lis immobilibus hæsisti. non sericam uestem, non  
 argenteum uas, non aurata tecta paullo cupidius ad-  
 spexisti. denique; ne singula persequamur; cum  
 plerique hominum siue gratia, siue metu ab officio  
 deducantur: nunquam te uel ita gratia delinuit,  
 uel ita metus deterruit, ut pietatem religionemq.  
 desereres. quid mirum? uirtutum radices non ita  
 leuiter bonorum in animis inhaerent, ut eas euellere  
 aut comodi spes, aut periculi dubitatio possit. qua-  
 re



re tuæ consuetudinis et constantiæ memores non petimus a te, ut aliquid agas nostra causa, quod cum egeris, non consentire cum tuis superioribus factis uideatur: sed id petimus; quod a te non modo ipsa res, sed etiam consuetudo tua postulat; ut in uetere illo tuarum actionum laudabili cursu pergas. quod cum facies (facturum enim, quia te nouimus, non dubitamus) complecteris nos eodem studio, quo ipsa te aluimus; & in eum locum restitues, unde nos aduersaria nostra, inscitia simul et auaritia, comites perpetuæ, detruserunt. Vale.

CAMILLO PALAEOTTO,  
Bononiam.

EPISTOLA tua, suauiter, et amanter in primis, eademq. elegantissime conscripta, memoriam mihi nostræ consuetudinis, tuæq. uirtutis, et humanitatis, uehementer auxit. non enim dicam, renouauit: qui te mihi, et ea, quibus omnibus carus es, ex animo nunquam excidisse, uere possim affirmare. sic enim uelim existimes, nihil unquam, a quo primum dic mihi cognitus es, aut cogitasse me iucundius, aut curasse diligentius, quàm ut me tui cupidissimum, tuorumq. officiorum, si non referenda, quod opinor fieri uix posse, habenda tamen gratia memorem, atque gratum agnosceres. quod si sum affecutus, mirifice letor: sin minus, delector tamen studio meo, et ipsa etiam uolunta-

X 3 te



te mihi, utinam tibi quoque, satisfacio. Equidem, cum illa, quæ te uideo animaduertisse, ad Muretum scripsi, notum ei esse uolui iudicium de te meum: ipse uero ut ea aliquando legeres, uel ut omnino quisquam, fore non putauit. Postea, cum a non nullis, bonas uidelicet horas male collocatibus, describi epistolas meas audirem; ueritus, ne quando mendosius etiam impressæ, quàm a me scriptæ, uel negligentia culpa, uel fortasse etiam improbitatis, (late enim patet hoc uitium) ederentur; collegi quas potui; emisi, non quas probaui maxime, (nā huius generis infrequentia certe me ab omni prorsus edendi consilio reuocasset,) sed quas improbaui minime. ex eo numero fuit ea, quæ de te loquitur, uel potius balbutit epistola. nam ea, quæ tibi uel natura tribuit, uel adsciuit industria, nix aut mihi liceat, aut ijs etiam, qui plurimum eloquentia ualent, non modo litteris familiariter scriptis, sed nec elaborata oratione complecti. Quare non ego, mihi ut agas gratias, exspecto, quòd te tanquam pietor bonus illustrauerim; sed potius, quòd quasi decolorauerim, ut ignoscas, rogo. quod quidem, si te probe noui, impetrabo facile uel a sapiētia tua, uel ab humanitate: quarum altera facit, ut ab una totus uirtute pendeas, de sermonibus hominum non labores; altera, ut nihil unquam a te non modo amici, et familiares, sed nec alieni frustra petant. Amoris in me tui, licet minime necessaria, periucunda tamen commemoratio fuit. cui quidem amo-  
ri,



ri, uel si absint officia, deberem plurimum: quid putas, cum et accesserint iam merita non uulgaria, quæ nulla mihi ex animo dies euellet, et ea tamen alijs cumulare ita studeas, ut in beneficio dando beneficium uidearis accipere? Vel hoc ipsum, quod me tam crebro, tam diligenter, tam amanter Bononiam inuitas, quantam habet significationem beneuolentiæ tuæ? quæ si mihi omnia commoda, omniaq. ornamenta, nihil tamen afferet, mihi crede, se ipsa carius, nihil, quo gaudeam, ac triumphem magis. Ad te uero, quem uidere ita cupio, ut cupiditate etiam tua uehementius incendar, noli dubitare, quin aduolem, cum primum per anni tempus, et, ut spero, per ualetudinem licebit. nam frigore uires imminutas tepor uernus, et cæli purioris adspæctus restituit. Interim, si quid scire uis de rationibus meis, eo loco sunt, ut mihi, in summa animi æquitate, abesse potius multa, quàm deesse uideantur. Vigemus amicis: quo nihil optabilius, excepta sapientia, & ego existimo, & tu quoque, ut uideo, mecum sentis. Oculis, quibus ægre diu fuit, nunc quidem utor optime, uiribus autem corporis non pessime. reliqua in congressum nostrum reseruabo. Vale, et propinquo tuo Francisco Bononietto salutem a me plurimam. Venetijs.



PAVLI MANVTII  
OCTAVIANO FERRARIO,  
Mediolanum.

AMOR inter nos mutuus, mea<sup>q.</sup> de tua uirtute opinio facit, ut mihi nihil esse committendum putem, quod a tuis consilijs abhorreat. itaque, licet dolorem meum, ex interitu filij susceptum, ualde iam et ratio ipsa, et communis condicionis recodatio leuaret; uix tamen credas, quantum profecerint litteræ tuæ. An ego te non audiam, cum ad animi uocor æquitatem? te inquam, cuius mihi grata semper uoluntas, gravis auctoritas et fuit, et esse debet: quem dilexi unice a prima adolescentia, quem respondere in amore, ac studio facile perspexi. quòd utinam, quàm diu seiuncti fuimus, una uiuere licuisset: essem omnino tua consuetudine melior, & doctior: tu autem ex officijs meis fortasse aliquam, ex beneuolentia certe in te mea non dubito, quin maximam uoluptatem, lætitiãq. cepisses. quod quando non contigit; usus essem, pro mea quidem parte, litterarum bono; nisi me non tam occupatio mea, quàm tuæ ualeitudinis infirmitas, cui laborem imponi mea causa nolui, a scribendo retardasset. nunc, si est, ut optime ualeas; quod ut credam, adducor non solum crebritate, uerum etiam subtilitate, atque elegantia epistolarum tuarum; gaudeo: quodq. habes ex animi tui sententia, id ut perenne, propriumq. sit, uehementer cupio. litteris, ut amissi temporis usura sarciantur, colloque  
mur



mur interdum . nec deerit argumentum , si tibi placuerit idem , quod mihi , συμφιλολογεῖν de studiis nostris , quibus uberius nihil est . Atque equidem , ( ut a priuatis ad publica diuertam ) quando χαρκτηρ tuus eiusmodi est , ut ab recentiorum philosophorum inquinato sermone longissime distet , auctor tibi sum , ut in scribendo totus hæreas . nimium diu comprimis ea , quæ selecta habes , quæ scio , quæ sint præclara , in omni genere doctrinæ . ede , et auge utilitatem nostram cum gloria tua . nam hic liber , qui propediem exhibit , de disciplina encyclio , studia multorum accendet , quibus a te satisfieri æquum est . quam uero in eius libri editione diligentiam exigis , ea præstabitur , quatenus licebit . totum enim in uno me positum non esse , aut iam scis , aut mihi uelim credas affirmanti . Vale . Venetijs .

LAEVINO TORRENTIO,  
Leodium .

SANE permolestum mihi , pro mea summa erga te beneuolentia , contigit , quòd tuorum comitū , ut ais , importunitate factum sit , ut ueniendi ad nos susceptum antea consilium deposueris . nihil enim potest esse incundius , quàm tui suauitatem sermonis , tuamq̃ . mirificam tum humanitatem , tum etiam doctrinam ex interuallo regustare . sed huius incommodi molestiam fere absterisit omnem scripta peramanter , atque adeo pereleganter epistola tua ,  
quam



quam mihi heri reddidit familiaris meus, idemque  
tui studiosissimus, plane iuuenis eruditus, Andreas  
Siluius. Oda uero in Pium Pontificem, quam epi-  
stolæ adiunxeras, ita mihi placuit, nihil ut unquā  
legerim libentius, æque libenter pauca. omnino,  
mi Læuine, cum ad omnem excellentiam, tum ue-  
ro ad hoc scriptorum genus ingenio te natura finxit  
aptissimo. itaque nosce tua bona, poeticamq. facul-  
tatem, si tuæ gloriæ consultum uis, ne dimitte. Ca-  
risum quo die primum uidi, ut ederetur, optaui.  
idq. plane Cauchis adolescentibus, consilio tuo com-  
motis, & communium studiorum, & sane ipsorū  
etiam caussa gaudeo. aliquid enim ad eos ex pater-  
na laude redundabit, & aperietur fortasse aditus  
ad gratiam principis uiri, misso, ut mos est, libro  
cum eorum epistola. putabam fore, ut Romæ liber  
ederetur. si Venetijs malunt; nostra, quæcunque  
est, industria non deerit: qua condicione, & quo  
tempore, scripsi ad optimum uirum, Octauium  
Pantagathum. De Censorino, & Prudentio mox  
uidebimus. non enim tam facile, quod præstare nō  
possim, soleo promittere, quā, cum promisi, di-  
ligenter præstare. premor autem oneribus multis,  
quæ sustinere cogor in aliquot menses: abijcere si  
uelim, nec honor meus, nec res domestica patietur.  
Quod reliquum est, amorem in me tuum cupio con-  
serues: quod erit humanitatis. ego, quod erit officij,  
te colam diligentissime, deq. ingenio tuo, de doctri-  
na, de probitate quid sentiam, ut ipse aliquando in-  
telligas,



telligas, quod hic, mihi crede, iam intelligunt multi, operam dabo. Vale, & Cauchos fratres, moribus, ac litteris ornatos, meo nomine saluere plurimum iube. Venetijs.

## PETRO MISCOVIO.

QVOD a me postulari uidebatur, ut tibi, de studijs meis non pessime existimanti, (sic enim audiebam) per litteras gratias agerem; in eo dedi operam, ne desiderari posset officium meum, atque equidem restiti non nihil a principio cupiditati meae, ueritus, ne prudentis hominis non esset, ista dignitate, ista uirtute uirum, cui nullum a publico munere tempus uacet, appellare litteris: sed meam cunctationem uiri optimi, atque eruditissimi, Andreae Patricij, omnia de humanitate tua pollicentis, discussit oratio. Scripsi igitur ad te, non, ut tibi rescribendi onus imponerem, sed, ut, quoad possem, testificarer obseruantiam meam. quod si sum assecutus, et, si tu, quanti faciam iudicium de me tuum, intelligis: ita letor, quasi bona omnia contigerint, & cum hac mea uoluptate uix puto uoluptatem ullam posse conferri. Quod autem silentium etiam tuum excusas, & ea commemoras, quae te a scribendo antea retardarunt: hoc equidem a te nunquam exspectaui; a quo libenter legi meas litteras, de quo dubitare mihi non licuit, satis superque habui; sed quo exspectaui minus, eo scilicet magis agnosco,



gnosco, quæ constanti omnium sermone prædicatur, benignitatem tuam. Gratulor autem, ut debeo, uehementer, & te a febre conualuisse, qua laborantem in reditu suo Patricius offendit, & exitiali illa lue provinciam liberatam. Occupationes tuas puto, & audio grauissimas esse; sed leuiores sunt gloriæ fructu, quem tu quotidie percipis, tuis debitum uirtutibus, amplissimum. Porro, quàm sit homine dignum, de multis, ac, si fieri possit, de toto hominum genere bene mereri, quid ego te doceam, nihil, quod ad honestum pertineat ignorantem, quem ita semper ad decus natura impellit, ut omnia tamen consilia, omnes actiones ratio, & sapientia moderetur? Quare, istis curis, istis laboribus, quos esse tuæ laudis segetem, ac materiam uideo, ignosce, obsecro, Misconi humanissime, si te fero admodum cupio liberari. nam, quod ad studia litterarum attinet, id est, ad eum animi cultum, unde oritur artium ingenuarum præclara cognitio; primum, cum tu habeas iam, quæ petuntur a litteris, & cum eloquentia, doctrinâq. ex superiorum temporum uigilijs excellas; non intelligo ualde esse, cur labores: deinde, tanti ne putas librorum consuetudinem, aut ullum cum ulla doctrina commercium, quanti difficillimis temporibus, in summa bonorum, & sapientium ciuium inopia, requirenti consilium, operamq. tuam patriæ subuenire? quo in munere uersanti, non committam, ut longiore epistola molestus sim: & hæc ipsa, fortasse  
nimis



*nimis multa, amoris largieris in te meo: cui dum obsequor, teq. alloqui praesentem uideor, oblitus occupationis tuae, memor humanitatis, prouectus imprudenter sum. Vale. Venetijs.*

## ANDREAE PATRICIO.

*MI PATRICI, non te fugit, morosos esse, qui amant. quo me uitio laborare non inficior. adspectu, & consuetudine praesentium amicorum carere non possum. si absunt, igniculum desiderij ita non fero, ut litteras ab ijs exigam potius, quam exspectem. hinc illae interdum, uacuae prorsus iracundia, quae abest a natura mea, amoris plenissimae querelae. de quibus audisse te aliquid gaudeo; ut ego quoque in querela tua mutuam erga me beneuolentiam, qua nihil habeo carius, agnoscerem. quod equidem letari te quoque arbitror. quae enim humanitas tua est, certe totus abesse non uis: nec eiusmodi tuum in discessu consilium uidebatur: nec nos, qui te longinquum memoria colimus, diligimus, laudamus, digni uidemur, quibus nullam suauitatis, ingenijq. tui partem restituas. Officium autem in rescribendo meum, non committam, ut desideres; nec desiderari antea passus essem, si litteras tuas, a me uehementer expetitas, quas misisse te significas, accepiissem. Prouocassem etiam, mihi crede, pro meo in te singulari studio, si uacassem, et si uacare te ab ijs negotijs existimassem, quorum*  
onera



PAULI MANVTII

onera grauissima, uigilantibus, & magna præditis uirtute uiris, id est, tui simillimis, imponi æquum est. Quòd ais, omnia te conferre ad dignitatem meam; dupliciter gaudeo, & quòd me ames, (quam hoc antea perspexeram,) & quòd id ex officijs erga me tuis homines intelligant: idq. non mediocriter ad existimationem meam statuo pertinere. Misconij quidem in beneuolentia, cuius habeo testem, refertam humanitatis, elegantissimam epistolam, scito me omnia ponere: eamque ut uideor, summo hominis beneficio consecutus, ita triumpho, quasi nihil iam aduersi a uirtutis aduersaria fortuna possit euenire. tibi autem, qui mihi ad amicitiam tanti uiri aditum patefecisti, gratias tuo fortasse merito pares habere possum, & habeo sane quammaximas, referre certe nullo modo possum, ac ne agere quidem: quod tamen humanitas tua non ferret; & si ferret, quæ mihi unquam uerba, ab intimo licet artificio deprompta, satisfacerent. Vale. Venetijs.

STANISLAO FOGELVETRIO,  
Patauium.

ME quoque torquet expectatio Duditij litterarum; de quo mihi, me quidem inuito, tamen aduersa quædã amor fingit. nec enim adduci possum, ut oblitum nostri, aut parum in colendo officio diligentem existimem; qui & humanitate omnes uin-

cat



cat, & quaternas iam a me litteras acceperit. uti-  
nam ualeat, atque in illis negotiorum fluctibus uta-  
tur secundis uentis: reliqua feremus facile, eademq.  
absenti beneuolentia perpetuo præstabitur. Cum  
litteras Italicas meas ad te misi, nihil scripsi, ne ti-  
bi rescribendi, præsertim de re minima, onus impo-  
nerem. at tu, gratiarum actione non contentus, e-  
tiam me laudandum putasti, & ijs quidem uerbis,  
nihil ut esse possit illustrius. in quo probaui uehe-  
menter elegantiam ingenij tui: in iudicio, nisi me  
ipse diligam, fortasse aliquid desiderem. aliquid au-  
tem? plane hoc totum, mi Fogeluetri, humanitati  
tuæ tribuo: de qua tamen ipsa ualde te amo: ac ue-  
lim existimes, te mihi hæere in animo, tum tua sa-  
ne caussa, cui neminem probitate, ingenio, studio  
bonarum artium antepono, tum quòd in uno te non  
nullam Patricij, ac Duditij etiam imaginem uideor  
agnoscere. idq. tibi aliquando, Minerva, ut spero,  
non inuita, probabo. Vale. Venetijs.

## DIONYSIO LAMBINO.

NOLI existimare, mi Lambine, cum fructu  
consuetudinis tuæ caream, quidquam mihi tuis epi-  
stolis esse incundius. facit hoc sane qui mutuus in-  
ter nos amor est, ortus a meo de tuis uirtutibus iudi-  
cio, tua uero de meis ad eandem laudem conatibus  
opinionem fortasse non nulla: sed scriptorum etiam  
tuorum subtilitate, & elegantia mirifice delector.  
uel



uel hæc, quam accepi idibus Iunij, raptim a te, ut uideo, exarata epistola, quàm loquitur pure, quàm nullis illustrata pigmentis, nullo, ut tu scribis, fūco, tamen nitet. itaque nihil unquam legi libentius.

Quæsieram autem per litteras a sororis meæ filio, Iulio Catone, ecquid parturiret ingenium tuum, non tam, ut meæ, quæ summa est, quàm ut eorum, qui ad me adeunt quotidie, cupiditati satisfacerem. scito enim, admirabilem hic esse quandam de studijs tuis opinionem, cum e sermonibus meis, eximia sæpe tua cum laude habitis, tum uero ex illa præstanti industria, quam in conuertendis Aristotelis de morali philosophia libris ita collocasti, non modo ut eorum, de quibus diu bona hominum existimatio fuit, errata patefaceres, sed ut ipse maximam & iudicij, & mihi quidem ut uidetur, qui ea cum græcis diligentissime contuli, etiam eloquentiæ laudem ferres. quod a te institutum retineri, & eandem operam ad reliqua conferri, si quis est, qui ualde cupiat, ac te etiam tacita sæpe cogitatione hortetur, is ego sum. Publica, fateor, me mouet utilitas, cui te uideo græcæ, ac latinæ linguæ peritissimum, præterea instructum ijs artibus, a quibus perfectæ intelligendi, ac iudicandi ratio manat, unum in primis posse consulere: sed mehercule etiam gloriæ tuæ pro amicitia nostra uebementer faueo. uides enim profecto, (quid enim, quod ego uideam, te latet?) paucos omnino ex ijs, qui populari fama celebrantur, sine exceptione posse laudari, & hac  
tanta



*tanta quotidie exeuntium librorum copia impediri  
potius, quàm adiuuari studia nostra. quare suscipe  
onus pro tua parte. nervos nouimus industriæ tuæ:  
quos si contendere uolueris, nihil est, quod sustine-  
re, ac perferre non possis. Nam de Lucretio, sua-  
deo equidem, ut absoluas: poeta est egregius, uel  
Ciceronis nostri testimonio: & in eo maximam a  
multis, nec a me ipso minimam gratiam inibis: sed  
uoco te libentius ad illa præstantiora: nec tu meum  
consilium, atque etiam studium, si modo tibi, aut  
sapere aliquid, aut uelle tua causa uideor, debes in  
tua laude contemnere. Si nauigatis in Galliam,  
quod a te scriptum confirmant multi, opto uobis fa-  
cilem cursum, et secunda omnia: teq. rogo, nisi me  
ineptum esse censes, & nimis impudenter petere,  
ut Cardinali Turnonio, principi sapientissimo, opti-  
marum artium patrono, me in gratiam ponas;  
quem hic honoris gratia salutare, cum maxime  
uellem, per inualetudinem nunquam licuit. Sigo-  
nius, plane, ut ais, uir doctissimus, addas licet hu-  
manissimus, cui tu in transuerso litterarum tuarū  
uersiculo salutem adscripsisti, ualde gaudet, amari  
se, ac laudari a te, de quo ipse honorifice in primis  
loquitur, & sentit: is te resalutat amantissime,  
eunti q. in Galliam, incolumitatem, et reditum pre-  
catur. Vale. Venetijs.*

T

Iulio



IVLIO POGIANO,  
Romam.

QVAM libenter, & quàm sæpe de te cogitem, Pogiane doctissime, conscius ipse mihi sum: mea uero quæ sit, ac fuerit semper, ubi temporis ratio tulit, de tuis uirtutibus oratio, cum honestos, et graues uiros, ijs, quibus ipse excellis, doctrinis ex cultos, habeam testes, non conabor tibi litteris exponere. nec me tamen amoris erga te meo, quem fa teor impetrare a me posse omnia, tribuere quidquam in te laudando uelim existimes. tua me scripta, in quibus excellentem quandam eloquentiæ præstantiam elucere uidi, maxime uero præclara illa pro illustri Rhodiorum Equitum societate ad Pontificem habita oratio, quam efferre laudibus nunquam desino, in hanc sententiam facile perduxit. Accedit humanitas, probitas, opinio de me tua, nec ea significata obscure, sed æternis ingenij tui testata, atque expressa monumentis: ut, si nihil ipse, contra quàm adhuc laboraui, memoria dignum præstem, me tamen ex testimonio tuo posteritas ignorare non possit; sin aliquid a me sum, tibi tamen debeam plurimum, cuius ad eam, quæcunque de me est, existimationem accedat auctoritas. quòd si te antea, naturali quadam animi mei propensione, & communi erga omnes, qui optimis in artibus cum laude uersantur, officio, non medio-

criter



*criter diligebam: nunc, propria cum addantur in  
 me merita, nisi totus amore flagrem, ac studio tui,  
 nisi, quam excelsa in loco sitam uideo, illustrari e-  
 tiam magis omnium præconijs tuam laudem exo-  
 ptem; malam referre gratiam litteris ijs, quarum  
 consuetudine ad humanitatem excolimur, & om-  
 nino hominem ex homine uidear exsuere. quan-  
 quam, mi Pogiane, non ita mei dissimilis esse pos-  
 sum, ut agnoscam ea, quæ tu in illa omnium elegan-  
 tissima epistola, ad eximiam tum indolis, tum etiam  
 uirtutis adolescentem Octavianum Magium proxi-  
 me scripta, uerbis amplissimis in me contulisti. sci-  
 licet ego in eloquentia magnus, quis, & qua in ar-  
 te? illa quidem, ut res indicat, omnium difficillima,  
 ipse autem uix mediocri instructus ingenio, otio cer-  
 te, sine quo ne summis quidem ingenijs ualde profi-  
 citur, nunquam abundans, aduersa etiam per an-  
 nos multos modo uoletudine, modo fortuna uexa-  
 tus. sed abfuerit nihil eorum, quæ laudem in alie-  
 na lingua cupientibus requiruntur: me tamen uo-  
 bis, qui Romæ in ista luce, in summa omnium uir-  
 tutum ingeniorumq. præstantia uiuitis, qui pedem  
 quotidie ponitis in uestigia clarissimorum uirorum,  
 qui spiritum ducitis e Romano illo cælo, seminibus  
 eloquentiæ referto, anteponendum esse nunquam  
 duxi; fortasse, ut comparari aliquando possem, o-  
 peram dedi. sed hoc quidem non dum contigit, ac  
 uereor, ut contingat unquam. me enim in hoc stu-  
 dio, quo mirifice delectabar adolescens, rei fami-  
 liaris*



liaris occupatio non finit esse diligentem. ætas etiã  
nescio quo modo gloriæ cupiditatem, si qua fuit in  
nobis, uidetur extinguere: qua sublata, non mini-  
mum languescit industria. Contra uobis, ab omni  
cura expeditis, tibi præsertim, non ætate minus,  
quàm ingenio, florenti, quotidianum esse cum li-  
bris usum, & cum omni liberali doctrina, non igno-  
ro. Quanti uero illud est, quo quidem nos caremus,  
locorum admonitu excitari ad decus? quanti etiam  
illud, haurire aliquid posse omnibus horis ex mutuo  
sermone, præcipue uero ex perennibus illis, uberri-  
misq. optimarum scientiarum fontibus, Octauio  
Pantagatho, & Gulielmo Sirletto, familiarissimis  
tuis: a quibus, ut opinor, æque diligimur; sed æque  
tamen eorum doctrina frui per interualla locorum  
mihi non licet. itaque tot, ac tantis, quæ suppetunt  
uobis, destitutus adiumentis, tantum abest, ut glo-  
riose palmam certaminis audeam sperare, ut hastas  
etiam non inuitus abijciam, qui præsertim facile fu-  
turum intelligam, ut ad te, quem plane in oculis fe-  
ro, & a quo mutuat mihi tribui uoluntatem liben-  
ter credo, primæ partes in cognitione, & usu Ro-  
manæ linguæ omnium iudicio deferantur. Quare  
primum illud te rogo, ne mihi tua prædicatione,  
quæ tota, ut ego interpretor, ab amore profisciscitur,  
plus oneris imponas, quàm mea sustinere possit in-  
firmitas; existimesq. non minus me moleste ferre,  
si quando mihi falsa laus affingitur, quàm non nul-  
los, cum uera detrahatur: deinde, si ego abs te in  
mea



mea laude dissentio, ne propterea meum in tua iudicium improbes : quod, ne si quidem ipse prorsus a me dissentias, immutare, cum multis iam patefecerim, aut uelim, aut possim. Vale, & Sirletto nostro, ac Panthagato meo, uel potius utrique nostro, dic salutem meis uerbis plurimam. Venetijs.

HORATIO VRSINO,  
Romam.

UT uideo, Magius, amores utriusque nostrum, optimus adolescens, nec litteris tantum, sed humanitate etiam perpolitus, exquisitum ad conglutinandas amicitias tenet artificium. nam ille me, primum, iam antea commotum ea fama, quæ de tuis laudibus percrebuerat, suo testimonio uehementer in tui beneuolentiam impulit : deinde, ut integrum officij sui fructum ferret, te quoque de meo erga te studio litteris admonendum putauit. quod etsi præter opinionem meam potius, quam contra uoluntatem, factum esse confiteor : tamen eo mihi nomine abs te gratias agi, moleste ferrem, nisi epistola tua, distincta luminibus ingenij, index amoris in me tui, quo equidem antiquius habeo nihil, omnes animi mei partes ea uoluptate perfunderet, ut molestiae locus esse non possit. aderat, cum eam attulit Magius, legitque me concedente, semel & iterum Carolus Sigonius ; qui quantum iudicio, & eloquentia ualeat, neque tu, nec, ut opinor, iam ignorat



quisquam . is ornauit ingenium tuum diuinis laudibus, me prorsus assentiente : nam quid, Magio, dicam? qui te, qualem ipse antea in omni sermone prædicauerat, talem nobis uideri, mirabiliter ob eximiam in te beneuolentiam, fortasse etiam iudicij sui caussa, lætabatur . Nimirum habet hoc nobilitas, ut, quamcunque se in partem dederit, insigne quiddam præstet . sed, quo libentius de spatio curriculoq. maiorum plerique defleunt, eo præstantiorem apud omnes homines & gloriam, & gratiam, si qui cursum tenent, assequuntur . quod tibi gaudeo contigisse : qui cum multis tum naturæ, tum fortunæ donis abundares, natus in ciuitate, orbis terrarum olim domina, nunc religionis, pietatis, iustitiæ domicilio, ortus ex ea familia, cuius nomen præclaris partum & studijs, & factis, multis iam sæculis per omnes gentes fama disseminauit : tamen, quasi hæc ad te non pertineant, id agis, ut una te nobilitet uirtus, & quantum honestatis a maioribus tuis accepisti, tantum ipse posteris relinquas . quod etsi difficillimum est, præsertim his temporibus, cum aduersentur multa, & ut uides, ad inania quædam, neglecta solida gloria, mores incubuerint : tamen a te, freti prudentia, & ingenio tuo, freti etiam constantia, summa omnia exspectamus . Quæ porro laudabilior industria, quæ cura præstantior, quàm quæ in animi cultu consumitur? cum scilicet id quærimus, ne quando impendentem fortunæ uim, optimarum artium præsidio



sidio muniti, pertimescamus; ne iactemur huc, & illuc, uel cupiditate, uel metu; sed in tantis uitæ, quasi tempestatibus, tranquillissimo, ac iucundissimo litterarum portu perfruamur? quæ qui non uidet, nec de adipiscenda uirtute, quæ rationis absolutio est, assidue cogitat; næ ille eo ipso rationis munere, quo uno ceteris præstamus animantibus, indignus est. quod equidem semper sensi; licet, quod contendere, non peruenierim. te & sentire idem, & posse consequi quod uis, intelligo. quod si de præmijs cogitas; quæ proposita sint, uides, æternum decus, & bonorum amor: quem debes omnibus rebus antepondere: equidem in eo summam felicitatem ab adolescentia constitui. ex quo quanti faciam amicitiam tuam, quem nemini aut probitate, aut studio liberalium doctrinarum audio concedere, facile potes intelligere: idq. ut re ipsa aliquando experiaris, operam dabo. Vale, & Iulium Poggianum, familiarem tuum, præstantem omni laude uirum, ac Hieronymum Lippomanum, eximia spe summæ uirtutis adolescentem, salutes, rogo, meis uerbis diligenter. Venetijs.

OCTAVIANO FERRARIO,  
Mediolanum.

NOLI putare, me tantum amici tui προβλήμασι tribuisse, ut adhuc rem ducerem. nam, etsi de illius ingenio, doctrinaq. semper optime sensi,

Υ 4 idq.



idq. primum litterarum tuarum testimonio, post  
 etiam iudicio meo commotus: tamen de tuo libro  
 ita iudico, nihil fieri posse non modo eruditius, in  
 quo meam de studijs tuis opinionem æquauit indu-  
 stria tua, uerum etiam elegantius: quod ab excel-  
 lentibus in philosophia uiris, qualem te iam omnes  
 prædicant, hodie non admodum expectatur. Quid  
 igitur obstitit, cur nõ aggrederer? caussam si quæ-  
 ris; de qua te, si res pateretur, celatum uellem:  
 pituita, repente commota, satis per se molesta,  
 mox etiam, cum tussis accessisset periculosa, mo-  
 ram iniecit: biduum iacui, medico non admissio, ac-  
 curata uictus ratione contentus: in qua tu quan-  
 tum ponas, ignoro: ego utilissimam experior. nunc,  
 quæ supersunt morbi reliquæ, do operam, ut eas  
 depellam. quod eadem, ut spero, abstinentia conse-  
 quar. Filio iam, et domesticis omnibus recte est.  
 De gaudio Ciceronis ex Hirri repulsa, scripsisti di-  
 ligenter, & præclare: sed me oratio ipsa, ad lati-  
 ni sermonis consuetudinem reuocata, non libenter  
 a te dissentientem, in aliam tamen sententiam de-  
 ducebat. siquidem, interesse, coniungit potius,  
 quàm dirimit. itaque, quod nostra interest, idem  
 ad nos pertinere, licet dicere. et, si hoc; sequitur il-  
 lud, ut indignatio nõ distet ab inuidia; cum τὸ νεμε-  
 σῶν intersit τῇ φθονίᾳ. sed alucinor fortasse: et hæc  
 tibi omnino melius, qui soles interiora perscrutari.  
 Liber tuus, quæadmodum ex paginis, et diebus ra-  
 tionem duco, uideo fore, ut idibus Sext. aut plane  
 abso-

absolutum  
 uelim seg-  
 ri uelis.  
 nem, &  
 rem lo-  
 quod inte-  
 quàm ue-  
 dine, uix  
 men quid  
 quorem  
 de præsta-  
 to. V

E  
 E G  
 cas, ate  
 genio tu  
 tur, epist  
 te conten  
 se, quæ  
 minimum  
 gito ma  
 propinqu  
 pietas e  
 dabilia  
 um cred  
 lo modo  
 pis, quæ



absolutus ab operarijs nostris, aut inibi sit. itaque, uelim significes, quot ad te eius exempla, & cui dari uelis. chartam probabis: habet enim amplitudinem, & elegantiam: spero, item reliqua. mitterem Io. Antonio, bibliopolæ uestro; sed homo est, quod inter nos dictum sit, paullo ad rem attentior, quàm uellem. nisi remittat aliquid de sua consuetudine, uix puto inter nos posse conuenire. ueruntamen quid ad nos? utamur alio, qui se præbeat æquiores in transigendo, deinde bonum uirum in fide præstanda. quod totum prudentiæ tuæ committo. Vale. Venetijs.

## E I D E M, Mediolanum.

E G O uero nihil minus uolo, quàm, nisi uacuas, a te responderi. nam, etsi mirifice delector ingenio tuo, cuius imaginem in ijs, quæ a te scribuntur, epistolis magna sæpe cum animi mei iucunditate contemplor: tamen, ne me putes in ea hæresi esse, quæ ad se ipsam refert omnia, aliorum causa minimum laborat. cogito ualetudinem tuam: cogito maximarum doctrinarum studia: amicis, & propinquis horæ dandæ sunt: inuitat humanitas; pietas cogit: cur ego te ista uelim deferere tam laudabilia, tamq. necessaria, studium ut expleas meum crebritate litterarum, quod expleri tamen nullo modo potest? De libro, teneo iam quid uelis. typis, quos probas, et charta, qua uis, utemur. in-

tium



PAULI MANVTII

tium fieri ante quàm redierit is, qui totam officinæ curam sustinet, omnino uix potest. erat autem in Forum Iulij, sui negotij causa, profectus. eius porro diligentiam, tum in charta, tum in toto impressionis munere, utilem, et necessariam esse, sæpe sum expertus. quo æquius hoc, quidquid spatij interponitur, uterque nostrum ferre debet. atque etiam, ne quid cælem, paullo eram conturbatior, ægrotante filio, quem de tribus unum habeo reliquũ. O mi Ferrari, quantam tu debes Philosophiæ gratiam, quæ te a tot curis ad iucundissimum uitæ genus abduxit. quanquam fortasse hoc melius: et in agendo positam esse uirtutem, ne tui quidem Peripatetici negant. sed hæc omitto. In pecuniæ permutatione agnosco tuam in me beneuolentiam, pæne dixi liberalitatem. quòd si arca meæ consultum æque omnes uellent; quanto mecum ageretur commodius. nunc, mihi crede, secus est, nec me tamen reclamante. Vale. Cruccio, et Capræ salutem plurimam. Venetijs.

IO. ANTONIO TVRONEO,  
Vrbinum.

SI quisquam est, qui ex aduersa bonorum uiro-  
rum fortuna sollicitudinem capiat; eorumq. mede-  
ri studeat incommodis; eum ego me esse profiteor.  
sed, cum ad opem ferendam nihil mihi suppetere  
præter uoluntatem intelligo; sic afficior, ut me ipso  
mise-

miserius  
id in tuo  
meam co  
tuum ing  
nari. Qu  
cidisse op  
mum hab  
laritas e  
aut facin  
re lege, m  
po, descri  
liceat rep  
sit: hæc,  
tracto; u  
terq. fac  
atque et  
gratulor  
qua uide  
In loco a  
ea, que  
neque in  
qui long  
amo in a  
hac milu  
re. Ann  
liguntur  
terarum  
quàm d  
quàm cu



miserius esse nihil putem. quod si antea sensi, certe id in tuo potissimum casu mihi contigisse, nisi uel meam consuetudinem ignoras, uel ignorari a me tuum ingenium, tuam probitatem putas, debes opinari. Quanquam cum recordor, et eadem sæpe accidisse optimis uiris, et ubique uirtutem honestissimum habere domicilium; nec fieri nunquam; ut calamitas etiam gloriæ sit; nec ullum in te dedecus, aut facinus, turpe conferri; cum hoc æterna naturæ lege, unde humanæ leges, tanquam ex archetypo, describuntur, sancitum esse uideatur, ut uim uiliceat repellere, & sua cuique incolumitas prima sit: hæc, inquā, memoria, et cogitatione dum pertracto; id quod, quasi solatium quærens, sæpe libenterq. facio; lenitur aliquantum doloris acerbitas, atque etiam tibi, quantum licet, in medio dolore gratulor: cui nisi loci mutatio grauis est; cetera, quæ uideris amisisse, leuiter ferenda esse censeo. In loco autem quid te torqueat? species urbis? at ea, quæ ad oculos pertinent, nemo unquam sapiens neque in malis, neque in bonis esse duxit: et ego, qui longe a sapientia disto, hæc tamen prorsus non amo inania, solitudine fruor, quantum possum, in hac mihi uiuo, & Deo: quod unum est beate uiuere. Amicorum consuetudo? quid? absentes non diliguntur? non, si uolumus, & quoties uolumus litterarum sermone coniungimur? equidem, postea quàm discessisti, nescio quo modo crebrius etiam, quàm cum aderas, de te soleo cogitare: et mihi sci

to



to amicorum spectra, praesertim quos uirtus, & integritas commendat, esse iucundissima. sin utilitatem aliquam, tuis necessariam rationibus, cogitas: non dubito, quin istuc, quidquid iacturae factum est, breui maioribus etiam commodis resarciatur. Nec uero, si me audies, utilitatem ullam cum ea doctrina conferes, quam tu auges quotidie in isto otio, neminem curans, praeter te ipsum: quod hic certe non contigit. magnum est, studia posse colere quae uelis, et quantum uelis; tibi uni sementem iacere, tibi uni fructum colligere. at quem fructum? cui nec imber immoderatus, nec aestus, nec ulla calamitas noceat, nec suauitate detrahat, sed augeat, quae cetera omnia corrumpit, dies. Quod si tibi, multorum philosophorum exemplo, uitam in patria ducere, ob doctorum hominum infrequentiam, non perplacet: an dubitas, quin te ista cura nos amici tui, si quid noster in te amor, si quid pietas ualebit, aliquando liberemus? quod tamen eiusmodi est, ut non tam letandum uideatur, cum euenerit, quam non dolendum, si sero, uel si etiam nunquam eueniat. nos enim in delectu rerum saepe fallimur: errore mentis tanquam salutaria, quae noxia sunt, adsciscimus: unus euenta rerum prospicit, unus igitur nostra consilia gubernet, ac moderetur Deus. cui si te totum permiseris; si minimum in te ipso, in eo posueris omnia: mihi crede, ex istis molestiarum fluctibus emerges; nihilq. posthac aut mali metues, aut boni frustra cupies: multa etiam, quae non

non cupies  
ad te sua  
lignitia, q  
etiam conf  
qui publica  
admirabit;  
tantum tu  
eum inter  
tunas tuas,  
gitationis  
biq. uetere  
studij erga  
obstat, qu  
exsequi p  
totum in  
tate ualera  
noluntaria  
dum frequ  
ex eo am  
paulatim  
dicij de te  
dem, ut sp  
tiam uero  
tum, omni  
dolefcens  
tua scripta



non cupies, nullis accersita laboribus, aut studijs, ad te sua sponte confluent. Ego tibi opera, cura, diligentia, quæ nunquam in me desiderabis, fortasse etiam consilio prodesse aliquid possum: Rasarius, qui publicam personam gerit, etiam auctoritate adiuuabit; quem licet existimem, quantum ualet, tantum tua causa uelle; tamen, suadeo, litteris eum interdum appelles; rogesque, ut respiciat fortunas tuas, & aliquid eis, atque adeo multum cogitationis impertiat. Caluino, sanctissimo uiro, mihiq. uetere beneuolentia coniunctissimo, amoris, et studij erga te sum ipse optimus testis: sed ætas iam obstat, quo minus ea, quæ res postulat, obire, & exsequi possit omnia. itaque, nisi me fallit opinio, totum in Rasario est. nam ego, ut scis, uel infirmitate uoletudinis, uel diuturna iam consuetudine, et uoluntaria quadam desidia, loca publica non admodum frequento: quo familiaritates intermitteri, et ex eo amicitias, si quæ penitus uirtute nõ hærent, paulatim diffui necesse est. testimonium tamen iudicij de te mei nullo loco deerit. et de doctrina quidem, ut spero, fidem faciet oratio nostra: eloquentiam uero, in qua tibi quantum tribuam, cum alij, tum, omnium modestissimus, et ingeniosissimus adolescens, Franciscus Vianellus a me sæpe audiit, tua scripta facile probabunt. Vale. Venetijs.

Federico



FEDERICO GALLO.  
Vrbinum.

INTERVVM iam te purgas, quòd in discessu tuo, menses fere quattuor abfuturus, ad me non adieris, quem, ut opinor, tui cupidum ac peramantem cognoueras. ego autem, etiam si repentinam illam discedendi necessitatem litteris minus excusasses; tamen, uide, quàm faueam amicitiae nostræ, et quàm non stricto iure tecum agam; nunquam mihi persuaderi passus essem, hoc abs te salutationis officium uel nostri obliuione, uel contemptu, uel ulla omnino inhumanitate tua fuisse prætermisum. quare accipio excusationem tuam: speroque, te operam daturum, ne utaris ea posthac: idq. mihi scito fore iucundissimum. nam, cum semper dilexerim plurimum, a quo primum die mihi cognitus est, parentem tuum; cui te cupio, & spero simillimum fore in ijs artibus, quibus honestius, aut gloriosius esse nihil potest: tum uero studia tua, ingenium, quicquid lumen, et ornamentum ingenij sunt, mores ita me tibi adiunxerunt, ut omnibus te laudibus, libenter cumulem, nihil de te, quod indecorum, aut turpe uideatur; ne suspicari quidem uelim. Equidem mirifico tenebar desiderio tui, tum, ut mandata darem, de quibus ageres cum parente tuo; tum etiam, ut, quo tibi studiorum genere totam ætatem in patria traducendam statueres, a te ipso

ipso cogn  
rum rati  
tra sentiri  
quam, cu  
clara que  
quam ege  
rius amor  
minime op  
ris, si, quo  
quam tua  
ut aliquid  
tium, sine  
gnifices.  
ci relinq  
que adole  
quod sap  
cem bon  
bram esse  
qua capit  
nisi cum  
nere labi  
tur esse t  
nestratem  
ualent, q  
deesse no  
quum est  
qua tibi  
tue quan  
es intell



ipso cognoscerem: ut uel ex optima tuorum consilio  
rum ratione uoluptatem caperem; uel, si quid con-  
tra sentirem, indicarem sententiam meam. quan-  
quam, cum domi habeas, unde discas, et unde præ-  
clara quæque sumas; neque te meis, neque cuius-  
quam egere præceptis intelligo. ueruntamen ue-  
rus amor latere non potest, ostentat se, ubi etiam  
minime opus est. Ac tu quidem percommode fece-  
ris, si, quod coram non licuit, fortunæ potius culpa,  
quàm tua, id tibi agendum per litteras existimabis,  
ut aliquid de quotidiana tua tum lectione, tum e-  
tiam, sine qua lectio pæne inanis est, scriptione si-  
gnifices. non enim te puto uel desidiæ quidquam lo-  
ci relinquere, uel ijs leuitatibus, in quibus pleri-  
que adolescentes insaniunt, operam perdere. scis,  
quod sapientissimi homines prodiderunt, imitati-  
cem boni uoluptatem falsa specie decipere, illece-  
bram esse turpitudinis, escam malorum omnium,  
qua capitur ætas improuida, nec se captam sentit,  
nisi cum imprudentiæ pœnas luit. atque hoc in ge-  
nere labi, et errare, cum ceteris turpe sit, ijs uide-  
tur esse turpissimum, quibus ad amplectendam ho-  
nestatem præcepta non defuerunt. et, præcepta si  
ualent, quæ tibi ego, pro meo in te singulari studio,  
deesse non patiar: quanto plus ualere exempla æ-  
quum est, præsertim quæ posita ante oculos sunt,  
quæ tibi nunquam intueri non licet, quæq. familiæ  
tuæ quantam quotidie laudem pariant, facile po-  
es intelligere. itaque non a te mediocre aliquid,  
sed



PAULI MANVTII

*sed summa omnia exspectari, nec exspectari solum, sed exigi etiam quasi debita, debes cogitare. quæ si præstas; lætitia quidem parentes tuos, quibus potissimum, & patriæ natus es, afficies incredibili; te ipsum autem perpetuis instrues, maximisq. bonis; nec illa timebis externa, quæ casus, et fortuna inuehit; sed, a te ipso pendens, nullis obiectus iniurijs, firmissimo artium optimarum præsidio munitus, uitam deges beatissimam, æternaq. posteris tui nominis memoriam relinques. Vale. Venetijs.*

OCTAVIANO FERRARIO,  
Mediolanum.

O PRAECLARAM *παλινωδίαν*. at ego, tuarum litterarum memoria, contuleram in eum perpetuo quodam studio, quidquid præstare poteram officij, operæ, diligentiae. nec me tamen pœnitet, eò processisse, unde nunc tu ipse pœne reuocas. mutare autem consuetudinem, præsertim in bene merendo, uix licet. nam illa superiora, si doctrinæ non uis, in quo me fefellit opinio, humanitati certe dedimus. nunc dandum esse aliquid constantiæ, ne nostrum damnemus institutum, profecto uides. uerum absit iam hoc argumentum a litteris nostris: ualeant ea, quæ iucunditatem non habent, quam equidem non modo ex tuis elegantissimis epistolis, uerum etiam cum ipse ad te scribo, capere mirificam soleo. nihil est tanti, quod cum sermonibus nostris



nostris permutari debeat . nec , de nobis ipsis quod scribamus , deesse unquam patietur mutui amoris abundantia . Et , ut ad meas ineptias redeam , ego de , interest , cum generandi casu , quale est , τὸ νεμεσῶν interest τῆ φθορῶν , quod sine dubio coniungit , intellexeram : at tu exempla recitas cum dandi casu : quæ disiungunt illa quidem , sed ad locum Ciceronis , ut ego sentio , nequaquam pertinent . nō enim te fugit , ubi cum uerbis diuersa nominum societas est , ibi sententias quoque uariari . De libris tuis , quos bibliopolæ committas , dedi negotium homini domestico , ut a peritis de ratione uecturæ cognosceret , eosq̃ . quamprimum istuc mitteret . quod ille , ut est omnibus fere iucunda negligentia , fortasse non dum fecit . urgebo litteris , & mandata renouabo . Suilla farcimina curaturum te significas ; in quo amo uoluntatem tuam . quod autem addis , non ante , quàm extremo mense ; ne , cum recentia sint , inclusa corrumpantur ; consilium probo . et , quoniam uestra istius generis opsonia , qui palato sapere putantur , sine exceptione laudant ; nec artes quæstuosas officinæ temere dediscunt ; puto fore suauissima . Sed audi , quod esse totum aliud intelliges , id est aliquanto magis ad me pertinere . κακόςμαχος sumus , & cruditate laboramus : id quidem a pueritia : sed auxit uitium assiduus litterarum usus : quo adempto , quæ nobis , qui uulgaria contemnimus , delectatio , uel potius quæ uita superest ? quare ignosce , si mihi non impe

Z

ro :



ro: quod ne tu quidem, opinor, facis. quæsitum inter medicos est, ecquid adiuventi aquæ sulphureæ potus asferre posset. uarie sentientibus, recusauit; ne, quod aiunt, de sorte etiam in dubium uenirem. de gutta capiti instillanda sermo fuit. ne hoc quidem placuit: ne memoriam periclitarer. uentum denique ad uictus rationem. præbui me facillimum, quidquid uellent. in primis radicem probauerunt, quæ irios uocatur: quam condiri apud uos egregie, fertur. eam igitur, quod tuo commodo fiat, uelim perquiras, inuentamque, & mediocri uasculo diligenter inclusam cures aliqua ratione perfendam. quidquid erogaueris, bona fide, cui uoles, hic numerabitur. Alexandri ὑπέμνημα, non dum ab eo, cui frater commodauerat, extorqueri potuit. nec ego urssi uehementer, postea quàm, non ab Aphrodisiensi, cuius in eo libro mentio fit, sed a posteriore Alexandro scriptum cognoui: quod etiam χαρακτήρ declarat. Vale, & Cruceio, Capræque, communibus amicis, familiaribus tuis, quos utinam aliquando complectar, salutem plurimam. Patauij.

IO. BAPTISTAE RASARIO,  
Venetias.

A M O te uehementer de Ferrarij epistola: quæ mihi ita placuit, ut nihil unquam legerim libentius. sane causam suam diligenter agit, & mihi

hi quidem  
annis ear  
naq. opin  
torum rat  
nat. qua  
intellexer  
hoc ipso  
tiam in te  
a te ipso d  
dicio, quo  
pro meo e  
persuade  
quàm ex  
cum ami  
mulation  
& simpla  
cum caus  
litteris m  
nihil ex  
uetus inte  
te equali  
hi prædic  
lum offic  
teris acc  
aut omni  
nulla tanq  
suetudine  
dubito, q  
uix opino



hi quidem egregie probat . quanquam multis iam  
annis eam imbibi animo de illius ingenio , doctri-  
naq. opinionē , ut errare nihil credam , si quis mul-  
torum rationibus unam eius auctoritatem antepo-  
nat . quam tibi quoque sententiam probari , cum  
intellexerim antea ; cumque , ut uere dicam , hoc  
hoc ipso nomine plurimum accesserit ad beneuolen-  
tiam in te meam : cupio te nūc ne leuissime quidem  
a te ipso dissidere ; idq. mihi tum facile , pro eo iu-  
dicio , quod de tua uirtute semper habui , tum etiā ,  
pro meo erga Ferrarium singulari studio , libenter  
persuadeo . Sed , ut redeam ad epistolam ; uides ,  
quā erudite , quā ingeniose disputet ; quā te-  
cum amice , quāque , ut apertus nec ulla tectæ si-  
mulationis labe suffusus eius animus est , ingenue ,  
& simpliciter agat . alienatæ uero a te uoluntatis ,  
cum caussa nulla subsit , ne signa quidem ulla in eius  
litteris mihi uideor agnoscere . de quo quia te non  
nihil ex epistola tua sensi laborare ; nec iniuria :  
uetus inter nos amicitia fuit , eritque , ut spero , ui-  
tæ æqualis , maximis illius in te meritis , ex tua mi-  
hi prædicatione cognitis , non uulgaribus tuis in il-  
lum officijs cultu : purgabo te apud eum primis lit-  
teris accuratissime ; nec ab illo probata damnas-  
se , aut omnino in dubium reuocasse , sed quæsiisse non  
nulla tanquam a magistro tuo , ueteremq. in eo con-  
suetudinem retinuisse , si uolueris , ostendam . non  
dubito , quin , si qua ei de tuo sensu , quod equidem  
uix opinor , suspicio hæsit , amoueatur , ac se tibi quā-



PAULI MANVTII

*primum restituat . noui hominis lenitatem : beneuolentiam in te uidi : isq. mea in te beneuolentiae fons , ea primum origo fuit . nec enim , quae de te olim ad me scripserit , possum obliuisci , nec , si possum , uelim . Illud a te , mi Rasari , si quid nostra etiam caussa uis , etsi necesse non arbitror , tamen uehementer peto , & , si pateris , rogo , non ut optimum uirum , doctissimum hominem , Ferrarium , tuae laudis auctorem , quando is tibi ad philosophiam aditus aperuit , uiamq. muniiuit , obserues , ac diligas ; quod a te fieri , certo scio ; sed ut in omnibus officijs , quae ad illius non modo dignitatem , sed etiam uoluntatem pertinebunt , certare mecum uelis . in quo te mihi parem esse percupio , uinci nunquam patiar . Vale , & Magium nostrum , singulari adolescentem ingenio , tibi pro tua doctrina , mihi pro meo in eum non mediocri studio deditum , saluta . Patauij .*

*H A E C dictaui , ut soleo , filio meo . nam , ut scriberem ipse mea manu , neque per medicum licebat , nec sane stomachi ferebat imbecillitas .*

ANTONIO ROLANDO.

*S T V D I V M tuum in exhauriendis mandatis meis , celeritas in rescribendo , quorum ego a te alterum pro nostra coniunctione expectabam , alteram autem pro tuis occupationibus postulare uix audebam , magnam habent significationem amoris*

*ris in me  
ficijs , pa  
dabo : ne  
quod mihi  
consecutu  
game offi  
possum , a  
quo primi  
liari tuo ,  
ad me , d  
tum pudo  
prudenti  
stis dele  
rari sum  
doctrina  
Dudum  
postea f  
quod me  
rentur ,  
trinque  
quondam  
stra de  
nes mea  
studia t  
qui fuer  
locorum  
nescet .  
piditas  
abfutur*



ris in me tui : cui quidem , si paribus non licebit officiis , pari saltem ut amore respondeam , operam dabo : nec dubito , quin consequar : atque etiam , quod mihi uel iniurato uelim credas , me iam esse consecutum intelligo . qui enim , tua quæ fuerint erga me officia , meæ quæ sint partes , aut ignorare possum , aut non assidue cogitare ? Ego , Rolande , quo primum die , cum lectissimo adolescente , familiari tuo , itemq. meo , Andrea Duditio , accessisti ad me , dilexi mores tuos , in quibus ingenui multum pudoris , qui probitatis index est , multamque prudentiam elucere uidi . paucis diebus , cum de nostris delectationibus , id est de communibus litterarum studiis colloqueremur , probasti mihi ingenium , doctrinamq. tuam , & ad meam de te opinionem , Duditij testimonio excitatam , plurimum addidisti . postea facile inter nos exorta familiaritas : uel quod multis in rebus nostri sensus congruere uiderentur , & latentis quædam naturæ uis animos utriusque coniungeret : uel quod assiduitas tua pene quotidiana , ususque domesticus nihil amicitiae nostræ deesse pateretur . Me deinde Venetias rationes meæ , te non ita multo post Lutetiam uocarunt studia tua . manet amor tamen , in me quidem is , qui fuerat presente te , uigetq. memoria tui , nec locorum , aut temporum interuallis unquam euanesceat . quod nisi me tuæ laudis magna quædam cupiditas teneret ; angerer , quod abes , & , ut audio , abfuturus es : sed , uersari te in ista eruditorum ho-



minum celebritate, frui consuetudine, doctrinaque Hadriani Turnebi, quem iam pridem omnes cantant, ego orno, quantum possum, in sermonibus meis, nisi uehementer gaudeam; te non amem, nec, quem ames ipse, quod in primis cupio, dignus sim. Quare, nostra etiam causa contende, ut, quo consilio Lutetiā petiisti, id quammaxime, quamque licet celerrime consequaris. refer ad nos illa præclara, quorum gratia discedendum tibi a tuis, perferenda longi itineris incommoda, asperrimarum alpiū perpetuis obsessa niuibz iuga non sine magno periculo superanda existimasti. Quo de genere tecum agam breuius; quia, sensus cum optime tuos habeam cognitos, non dubito, quin sæpe tibi ueniat in mentem, ex ista urbe, quod, tanquam ad amplissimum artium ingenuarum mercatum, libenter omnes confluunt, inanem redire, quàm non deceat. Quod si te, studio cognitionis incensum, cetera, quæ istic habes plurima, liberalium doctrinarum adiumenta deficerent: unus tamen idem ille, quem paullo ante nominavi, qui præter ceteros cū litteris humanitatem, græca cum latinis, antiquæ philosophiæ scientiam, quod e scriptis eius facile cognouerim, cum elegantiore doctrina coniunxit, unus, inquam, tibi instar esse omnium Turnebus, unus & suo te commouere exemplo, & suis adiuuare plurimū documentis, consilijsq. posset. cuius ut a latere, quoad hominis permittet humanitas, ne unquam discedas, & istam urgeas occasionem, diuini-

diuinitus  
qui natura  
res, hortat  
bucrem ad  
ne, dān  
præclara  
sapientia  
time scribe  
tis, cum u  
bi, & om  
generis re  
a quo long  
ab ullo, p  
tamen, u  
se redigi,  
nis, cui ne  
ipsum, q  
tudini nec  
ercitation  
narum an  
& fortal  
accesse  
tim expl  
rum, nih  
edita, e  
& quær  
rare neg  
est: pete  
& iudica



diuinitus datam, adipiscendæ uirtutis, si tu is esses, qui naturam humanam sola perfici uirtute nescires, hortarer etiam atque etiam: idq. libenter tribuerem amicitiae nostræ: sed cauendum intelligo, ne  $\gamma\lambda\alpha\omega\kappa' \epsilon\iota\varsigma$  Adhinas; cum tu ibi sis, unde ad alios præclara instituta, unde laudabilis uitæ ratio, & sapientia fere manat omnis. Viam, et rationem latine scribendi, obsecro, mi Rolande, cur a me petis, cum is, quo ego uno magistro sum usus, & tibi, & omnibus Cicero pateat? an tu me uel huius generis recôditum aliquod tenere artificium putas, a quo longe absum, uel, si tenerem, posse fieri, ut ab ullo, præter quàm ab hoc ipso, cognouerim? nec tamen, utiliter quædam præcipi, & ad artem posse redigi, negabo: sed mihi ne tantum oneris imponis, cui nec a domesticis curis otij multum est, & id ipsum, quod est, uel amicis officij causa, uel ualitudini necessario tribuitur? Scripsi olim de meis exercitationibus, nescio quid, a nobilissimo uiro, bonarum artium patrono, Stephano Saulio rogatus: & fortasse digitum ad eum fontem intendi, quò si accesseris, non dicam equidem istam eloquentiæ sitim explebis, sed, ut arbitror, nihil inde non purum, nihil inquinatum hauries. extat ea, cum alijs edita, epistola. si uidebitur, leges: aut, si legisti, & quæris amplius; a me cur expectes, quem respirare negotia non sinunt, hoc quidem tempore non est: pete ab istis, qui uacant, optimis & scribendi, & iudicandi magistris. De Laertio, & quod egi

Z 4 sti,



PAULI MANVTII

sti, pergratum est; et, quod acturum te ostendis, id si prestabis, maximam inibis a me gratiam. Turnebus, ut me plurimum diligit, quod certe tuo faciet, exopto: plurimū ut mihi tribuat, quod litteræ tuæ significant, non postulo. quid enim ego sum? aut, si esse aliquid uideor, præ illo tamen quid sum? non enim χαλκεία χρυσείοις unquam cōferam, ne cum Homérico Glaucō errem; sed χρύσεια χαλκείοις antepōnam semper. Ille est, cui iure omnia tribuantur, qui iam peruenerit eō, quod nobis adspicere non licet. Saluta eum meis uerbis, cum ueterimo amico meo, spectatæ uirtutis, & industriæ uiro, Carolo Stephano. Vale. Venetijs.

CAROLO SIGONIO,  
Patauium.

EGI diligenter, quod mandaueras. præcise negauit, ac uisus etiam non nihil moleste ferre. sed, mihi crede, huius generis pæne magistro, uestri sensus non congruerent. nihil morosius. o multa in omnibus intolerabilia: quæ nobis tamen, mi Sigoni, qui a libris nescio quid plus, quàm ceteri, sapere didicimus, ferenda sunt. quanquam tibi quidem, pro tua prudētia, atque etiam pro superioris uitæ perpetua consuetudine nihil difficile. Sed, Patanijs te nunc esse, in celeberrimo Italiæ theatro, ubi spectantur, et notātur acerrime, quidquid agas, quidquid dicas, & sæpe mihi, nec unquam sine aliquo me-



metu in mentem uenit. sic sunt, qui amant: omnia cupiunt, omnia timent. Vides, quo te in loco tua uirtus, quanta omnium expectatione, constituerit. nihil mediocre præstandum est: nec, ut cum alijs, quibus te iam doctrina, industriaq. antecelluisse omnes iudicant, sed ut tecum ipse certes, teq. ipsum, si licet, uincas, omniq. laudis genere cumules, elaborandum. quæ, cum, ad quem scribam, considero; & cum mihi singularem tuam rectissimis in studijs cupiditatem, ac diligentiam propono; mirifice lætor; nec me tamen pœnitet hoc nostræ necessitudini tribuisse, ut ea legas a me scripta, quæ minime necessaria duxerim. Hesternum diem puto te mutuis cum Pace Scala sermonibus iocundissime traduxisse: quem uolo a te amari plurimum: uel quod ab illo te quoque amari plurimum sensi: uel quod eo nihil humanius, nihil amabilius. præterea, quod te uehementer mouebit, multis nominibus ego illum in oculis fero: nec in eo riuales habeo paucos. Faloppio nostro si discessum meum excusaueris, cum uxoris morbus urgeret; gratissimum erit. nec tamen diutius hic me commoraturum puto. tanti nihil est, ut uobis carere possim. Interim uale, et, si uacat, scribe, non accurate, sed, ut ego nunc, quidquid in buccam: ne pereat fructus nostrorum sermonum: quem si litteræ restituent; haud nullo tecum lenius absentiae tuæ desiderium: cuius igniculum, e cubiculo meo cum discederes, sentire cœpi: nec deinde tuum spectrum discessit ab oculis meis. Venetijs.



PAULI MANVTII

MARCO ANTONIO

M V R E T O ,

Romani .

GAVDEO, mi Murete, quod profecto etiā  
me tacente existimas, te nauare operam regibus,  
ingeniumq. tuum, qaod ego semper unice dilexi,  
extuliq. laudibus, a tanto Pontifice, & ab uniuerso  
Cardinalium Collegio uehementer probari. nam  
si qui aliter sentiunt: quanquam quis est, qui aliter  
sentire possit? ueruntamen si qui fortasse reperien-  
tur, quos liuor impediat, quo minus recte ac sincere  
iudicare possint; de ijs laborandum non erit: cū  
te praesertim ille noster, quem sequuntur multi, sed  
ille praeter ceteros, qui nobis quasi *μνηστήτα* & de-  
bet esse, non mediocriter ornet, atque diligat.

Hac altera tua oratio priorem illam uel aequat, uel  
uincit, sententiarum, uerborum, ordinis praestan-  
tia. quo in officio, ac munere cupio te pergere. si-  
mul enim perges in expedita, maximeque directa  
gloriae uia, per quam processisti iam longissime, ne-  
mine praecurrente, me fauente plurimum. De tua  
in me beneuolentia, cum recordor meam, dubitare  
non possum: meum in te animum expertus iam es:  
eundem si & esse nunc, et perpetuo futurum arbi-  
traris; non fallam opinionem tuam. nam & mea  
non solum consuetudo, sed etiam natura ita postu-  
lat: & tu perficis eas laudes, quarum principia me  
olim,

olim, e  
deo, in  
gratias  
tellio: e  
quam  
tius, m  
tria, ca  
human  
scellu ta  
nia de i  
obitu, q  
ex Gall  
in iure  
sa, quo  
si ferr  
quid en  
comm  
comm  
cum be  
ptum  
fore ma  
da, oca  
contiga  
me quie  
Ciceron  
prorsus  
dem uia  
bros, &  
dixi iam



olim, expectantem id, quod præstare te nunc uideo, in tui amorem impulerunt. Habeo summas gratias, quas agi a te cupio, Archiepiscopo Beccatellio: eumque meo nomine, ut quam licebit officiose, quamque plurimum salutes, ualde rogo. Deditius, ut scribit ad amicos, floret honoribus in patria, carus Imperatori, iucundus omnibus. nostri humanitatem, & ingenium: doctrinam auxit a discessu tuo, quantum uix credas: itaque summa omnia de illo adolescente sperare nobis licet. Duarenii obitu, de quo heri primum a Germano homine, qui ex Gallia recens uenerat, accepi, damni plurimum in iure ciuili factum est. equidem dolui uel tua causa, quod eum a te amari senseram. quanquam hæc, si ferret humanitas, prorsus dolenda non essent. quid enim proficimus? angi quidem grauius, neque communis condicionis necessitas concedit, & uitæ commutatio, breuissimæ cum æterna, miserrimæ cum beatissima, ualde uetat. Ego nunc, quod acceptum diuinæ benignitati refero, quodque tibi puto fore iucundissimum, ualetudine utor satis commoda, oculis quidem optimis, quod aliquot annis non contigit. itaque, cum otium non ferrem, (scis enim me quiescere non posse) commentarios in reliquas Ciceronis epistolas cæpi texere: & ut initia sunt, prorsus industria non οἴχεται. absolui, ut mihi quidem uidetur, maiorem partem, id est tres primos libros, & extra ordinem, octauum. in quibus, ut dixi iam, nisi me communis φιλαυτία decipit, non uidetur



PAULI MANVTII

detur opera male collocata. Habebis in clausula de Petro Fabro, tuo dicam, an meo? ita me triduo cœpit, sibiq. deuinxit ingenio, humanitate, prudentia. plane uixi, quàm diu mecum fuit: nec medio-cri sum amore discedentem prosecutus: nœ tu, si nihil præterea mea caussa uelles, qui & uis, & egi-ſti iam plurimum, tamen hoc uno munere, quòd auctus per te sum tam ornati adolescentis amici-  
tia, meis omnibus in te studijs, quæ tu merita uo-  
cas, optimam gratiam retulisti. Vale. Venetijs.

HIERONYMO CAPILVPO,

EPISCOPO FANENSI.

SANE postulabat mea peruetus in te obser-  
uantia, ex ingenij tui præclaris orta monumentis,  
ut aliquid ad te litterarum darem: sed me dignitas  
tua semper, & persona deterruit, uerentem, ne,  
talem uirum, tantarum rerum occupatione disten-  
tum, inanibus appellare litteris, pudentis hominis  
non esset. nunc, ut uere dicam, pæne accuso mode-  
stiam meam, quòd, dum cogito ad te scribere, nec  
tamen consilium explico, interea tua fecit singula-  
ris humanitas, ut anteuerteres. quanquam cur ego  
apud te, maximarum uirtutum laude præstantem,  
ad quas mihi adspirare nō licet, plus residere officij  
moleste feram, cum præsertim hoc ipsum amoris in  
me tui, quo equidem antiquius nihil habeo, non ob-  
ſcurum argumentum esse uideatur. Quocirca, ut  
inter-

interdu  
scribere  
sic ista  
etiam la  
fice dele  
meis lab  
ſtiti, me  
rem ex  
iudicio,  
triumph  
me laud  
pellas:  
gis, cur  
la res,  
que em  
interpr  
acrius a  
Tibi ne  
quodq.  
micitiam  
tiam re  
officij p  
te conce  
  
N  
  
Q  
littera  
doctrin



interdum me pudet pudoris mei, quòd nihil ad te scribere sim ausus, cum tamen maxime cuperem: sic ista tuæ uoluntatis erga me declaratione, istis etiam laudibus, quibus me ornat epistola tua, mirifice delector. noli enim existimare, si quid unquam meis laboribus, ac uigilijs non contemnendum præstiti, me fructum ullum, aut mercedem præstantiorem expectasse, quàm quæ ex tuo, tuiq. similium iudicio, ac testimonio percipitur. quod si assequor, triumpho. sin, quod suspicari facilius possum, ita me laudas, ut quasi deficiente in cursu tua uoce impellas: ne sic quidem uulgari me munere obstringis, cum ad cohortandum, atque incitandum, si ulla res, certe tua plurimum ualeat auctoritas. itaque enitar, ne tu me nò bonum tuarum litterarum interpretem fuisse putes. incumbam enim paullo acrius ad ea, quæ qui possidet, iure laudem fert. Tibi uero, quòd ad me tam humaniter scripseris, quodq. ultro ipse mihi diu exoptatum ad tuam amicitiam aditum aperueris, si, quam debeo, gratiam referre non potero, habebo saltem, ut priores officij partes re potius tibi, quàm studio et uoluntate concedam. Vale. Venetijs.

## NICASIO CASLETANO.

QUANTVM mihi uoluptatis attulerant litteræ tuæ, summæ tum humanitatis, tum etiam doctrinæ notis insignes: tantum postea doloris, ac  
mo-



PAULI MANVTII

molestia, erepta ab aduersam ualitudinem respon-  
dendi facultate, suscepi. non enim aut is ego sum,  
cui quidquam prius officio sit; aut eum te esse ex  
Duditij litteris cognoui, cuius amicitia contemnen-  
da potius, quam appetenda uideatur. sed omitto  
Duditij uel testimonium, quod apud me ponderis,  
sicuti debet, habet plurimum, uel uoluntatem, cui  
libenter omnia tribuerem: ipsa, quam ad me mis-  
isti, epistola, quid est, quod impetrare non possit?  
scripta primum humanissime, cum beneuolentiam  
in me tuam significes, meam exoptare uidearis:  
deinde ita eleganter, ac diserte, (ne uiuam, si men-  
tior) ut ego tibi in hac eloquentia laude comparem  
sane paucissimos, anteferre debeam neminem. Qua-  
re, cum istam animi tui singularem in me aman-  
do, atque etiam laudando liberalitatem libenter  
amplector: tum uero, me tibi parem in utroque uo-  
luntatem reddere, idque non tam officij tui magnitu-  
dine prouocatum, quam iudicio facere, uelim exi-  
stimes. Tu uideris, quid de me sentias, et quo me  
loco reponendum statuas: non enim ita laudem  
aspernor, praesertim quae ab ijs, de quibus bene om-  
nes existimant, profiscitur, ut quam de studijs  
meis opinionem suscepisti, eius deponendae, aut im-  
minuendae, tibi auctor esse unquam uelim. Ego,  
quod ad me attinet, si qua tui dabitur facultas or-  
nandi, plena manu tuas uirtutes ad caelum tollam:  
studio quidem, & amore ne uincar, et enitar, ut  
soleo, diligenter, et, ut spero, consequar. praesen-  
tem

tem sci-  
tas au-  
non con-  
dabo.

A M  
patre na-  
doctrin-  
pradica-  
sum ex-  
ditum  
tanqua-  
conuer-  
tas, qui  
quibus  
ceat, ex-  
rissime,  
te ad im-  
a uulgi  
gratulor  
gaudeat  
eximia,  
monebi-  
bit. int-  
uiri par-  
ge, atq-



tem scilicet mutui sermonis suauitatem longin-  
quitas aufert: litteris tamen, si ualebo, quod adhuc  
non contigit, ne prorsus abesse uideamur, operam  
dabo. Vale, & Duditio meo salutem. Venetijs.

IVLIO BELLOGRADO,  
Vtinum.

AMABAM te antea, mi Iuli, quòd esses eo  
patre natus, cuius excellentem probitatem, atque  
doctrinam non præsentes modo, sed longinqui etià  
prædicant, ego summam in me humanitatem sepe  
sum expertus: nunc, ista indole, isto te ingenio præ-  
ditum esse cum intelligam, ut paternam uirtutem,  
tanquam amplissimum patrimonium, non modo  
conuersare, uerum etiam augere possis; an dubi-  
tas, quin omnia in te studia libentissime conferam?  
quibus addam officia, cum licebit: & ut sepe li-  
ceat, exopto. Perge, adolescens egregie, mihiq. ca-  
rissime, in isto ad laudem cursu. uiam iniuisti, quæ  
te ad immortalitatem feret, directam, expeditam,  
a uulgi erroribus longe remotam. quo tibi nomine  
gratulor, mihi gaudeo plurimum, et, ut perpetuo  
gaudeam, futurum confido. species enim uirtutis  
eximia, quo propius eam aspexeris, eo te com-  
mouebit magis, & amorem sui mirabilem excita-  
bit. interim contemplare actiones prudentissimi  
uiri parentis tui: ad eius te imitationem totum fin-  
ge, atque conforma; ut haurias ab eo laudem tuâ,  
quam



PAULI MANVTII

*quam capere uberiores ex nulla disciplina potes .  
Me uelim existimes omnibus de te maxima polli-  
ceri, & in te amando, si patrem excipias, nemini  
concedere . Filius meus te sibi maioris fratris loco  
ducit ; nec ullum tui ornandi, quantum in ipso erit,  
locum prætermittet . Vale .*

HIERONYMO SERIPANDO,  
CARDINALI CREATO,  
Romam .

*A Q V O* primum tempore aliquid sapere ,  
id est a uulgi opinionibus dissentire cœpi, semper ita  
iudicavi, multo esse optabilius, multoq. præstan-  
tius, consequi uirtutem ipsam, quàm ornamenta  
uirtutis . itaque nunc, allato de tua dignitate nun-  
tio, quem hic ingenti letitia boni omnes excepe-  
runt, non sane tua causa magis, quàm antea, pro  
communi quidem Ecclesiæ bono, cui tantum ex ho-  
nore tuo præsidij, tantum splendoris accesserit, ma-  
gnopere sum letatus . tu enim is es, cuius animus  
hæc humana nunquam spectauerit, semper om-  
nem spem, omnemq. gloriam, ac felicitatem in u-  
no Deo, et in illa cælesti uita, recte, ac laudibiliter  
agentibus proposita, collocarit . cui sunt occultæ  
mirabiles illæ tot annorum cogitationes, actiones,  
conciones tuæ ? quæ si obscura fuissent, uno illo fa-  
cto illustrarentur maxime, cum illa præfecturæ ge-  
neralis insignia, quæ libenter omnes assumunt,  
multo



multo ipse libentius deposuisti. Quocirca non equidem magis, quia nunc Cardinalis es, quam quia semper ita uixisti, ut Cardinalium Collegio dignissimus esses, et mihi, & omnibus letandum intelligo. nec uero singularem, ac diuinam Pij I v. Pontificis Max. sapientiam admirari, et efferre laudibus unquam desinam, qui uexatam assiduo prauarum opinionum impetu, nec mediocri periculo fluctuantem Christianæ reip. nauem, auctoritatis, et doctrinæ tuæ pondere constituendam putauerit. itaque non iam illas a septemtrione horribiles procellas, a quibus antea naufragium impendere uidebatur, posthac timebimus. Pio I v. gubernante, quod utinam diuina benignitas diuturnum esse patiatur, tua Seripande, tuorumq. similium ope, summa tranquillitate perfruemur. id & speratur, iam indicto Concilio, quod unicum tantis malis eximia superiorum Pontificum sapientia remedium inuenit: & mihi quidem si contigerit, ut ad eam diem spiritum ducere liceat, cum sublatis in perpetuum exitiosi dissidij caussas, unam in communi salute uoluntatem, unum gregis uniuersi pastorem, ac moderatorem uideam; satis me uixisse arbitrabor, & plane latus ex hac uita discedam. Interim fruar expectatione; & tibi, tuisq. uirtutibus, quas omnes laudant, utinam imitari multi uellent, eam, quam debeo, obseruantiam, beneuolentiamq. præstabo. Vale. Venetijs.

AA

Aloysio



PAVLI MANVTII

ALOYSIO ESTENSI,  
CARDINALI CREATO,  
Ferrariam.

MVLTÆ, & magna Principibus uiris, inter quos, Aloysi præstantissime, tua præcipue nobilitas elucet, ad Studium eximiæ laudis adiumenta suppetunt: quæ si comitatur uoluntas, excellunt facile, sic, ut ad immortalitatis præmia, cum quibus non opes, non imperia sapientes comparant, expedita quadam, & quasi compendiaria uia perueniant. Hoc tibi contigisse, cum omnes antea faterentur, grauissimum accessit Pij I V. Pontificis Max. testimonium, qui te, diu expetitum, pæne recusantem, non rogantem quidem certe, in amplissimum Cardinalium Collegium, ipso maxime comprobante Collegio, summa bonorum lætitia, proxime cooptauit. Restat, quod futurum nemo dubitat, & tua superior uita pollicetur, ut istum honorem pro tua, maiorumq. tuorum dignitate administres. quod facile consequeris, si te, quidquid statues, quidquid ages, Cardinalem esse cogitabis, id est ex eo Ordine, unde maximi, ac præpotentis Dei Vicarij, rectores humani generis, Pontifices deliguntur. Locum tenes, quem summa dignitas illustrat, & in quo nullum neque dictum, neque factum obscurum esse possit, nec tibi aut a natura quidquam, aut a fortuna denegatum est, quo minus amplissimo



plissimo te dignum sacerdotio præbeas. operosum alijs, & perdifficile sit, ut est omnino, ac semper fuit, recte, & laudabiliter agere: Aloysio Estensi, in tanta ingenij, animique præstantia, tam propensa ad honestum uoluntate, tantis etiam opibus, quis aditum ueræ laudis non patere, quis æternæ iter gloriæ non esse facillimum existimet? Gaude igitur tam excellenti bono; & incumbere totus in eâ curam, ut antiquum familiæ tuæ decus, per tot sæcula, tot Ducum, tot Regum, & Imperatorum uirtute partum, non tueare solum, uerum etiam uehementer augeas. nam nunc quidem eo tantum nomine tibi gratulamur, quod simul cum isto honore præclaram sæpe exercendæ uirtutis occasionem accepisti. cumulabitur lætitia, & erit aptior gratulandi locus, cum hæc honorum insignia, quæ multis oneri fuisse constat, iustitia, pietate, omniq̃ue beneficentiæ genere ita sustinebis, ut & optimi Pontificis iudicio, & honorum expectationi, qua nulla maior unquam fuit, egregie satisfacias. quod euenturum breui, omnes confidunt: ego, pro meo in te singulari studio, quasi iam euenerit, præ senti gaudio cupiditatis meæ fructum capio. Vale. Venetijs.

IO. BAPTISTAE SARACIO,  
Ferrariam.

SEMPER equidem existimaui, quod tu quoque sentis doctissime Saraci, non minimum fortu-

AA 2 na



PAULI MANVTII

ne præstare uirtutem ; in qua etiam una satis esse  
ad bene beateq. uiuendum putarunt multi : tamen  
incidunt quædam tempora , cum ipsi etiam habenda  
fortunæ gratia uideatur . quod mihi nunc gaudeo  
contigisse . nam cum , aliquot abhinc annis , con  
sentiens multorum sermo , eximias ingenij tui sua  
uitates assidue prædicantiū , in eam me uoluntatē ,  
ac mentem adduxisset , ut diligerem te uehemen  
ter , & colerem : casu accidit proximis diebus , ut  
auctoritas tua , magnis atque perpetuis erga Prin  
cipes tuos meritis , uirtutibusq. parta , expedire me  
hærentem , atque impeditum perdifficili negotio pos  
set . hoc ego fortunæ meæ non uulgare beneficium  
esse duco . alterum est tuæ uirtutis , quòd , cum tibi  
meam cupiditatem uir egregius , omniumq. huma  
nissimus , Paulus Sacratuſ ostendisset , contulisti  
statim ad rationes meas studia tua , spemq. nostrā ,  
iam prope languentem , atque abiectam erexisti ,  
& confirmasti promissis primum , deinde etiam of  
ficijs tuis . quo quidem in me singulari merito ,  
quibus tibi uerbis gratias agam , plane non reperio .  
uincit enim , uincit prorsus , optime Saraci , ingenij  
meum humanitas tua . sed hoc ipso fit uirtus illu  
strior , cum in eos beneficia conferuntur , qui satis  
facere non modo ipsa re , sed ne uerbis quidem ullo  
modo possint . quod tibi persuasum esse quis dubi  
tet , qui consuetudinem bene merendi tuam , a præ  
stanti quadam natura ortam , liberalium doctrina  
rum studio mirabiliter auctam , cognouerit ? ue  
runt a-

uantame  
noluntas  
in molest  
entia, ne  
unc ad g  
sentio, ea  
tate apud  
impetrare  
esse putes  
meam, q  
rari offic  
de, præse  
mei litter  
re gratia  
salutari  
& Franc  
Vale .

P A

SOLE  
caussa, in  
delectant  
ut latine a  
ris, tum e  
troueris  
atque h  
ita copioſ



runtamen, quando mihi non simul cum facultate uoluntas quoque eripitur remunerandi, non nihil in molestia gaudeo, & fruor tacitus officij conscientia, nec tamen futurum despero, ut, quæ mihi nunc ad grati animi significationem deesse uerba sentio, eadem aliquando abundant, in tua benignitate apud alios prædicanda. Interim sine me hoc impetrare ab humanitate tua, ut multo maiorem esse putes obseruantiam, ac beneuolentiam in te meam, quàm ullo unquam a me exprimi, ac declarari officio possit. quod si, ut spero, facies; mihi crede, præsentem gratiam, quam ex primis Sacraei mei litteris absolutam exspecto, haud paullo maiore gratia cumulaueris. Cupio, nisi graue est, a te saluari meis uerbis Ioannem Baptistam Pignam, & Franciscum Seuerum medicum Argentensem. Vale. Venetijs.

PAVLO SACRATO,  
Ferrariam.

SOLET interdum euentus esse gravior, quàm caussa, interdum etiam caussa, quàm euentus. me delectauit utrumque pariter in litteris tuis. nam, et ut latine ad me scriberes, homo tum domesticis curis, tum etiam sedandis, ut audio, multorum controuersijs assidue distentus, certe amor impulit, atque humanitas: & epistola tua ita mihi ornate, ita copiose omnes non modo animi, uerum etiam

AA 3 inge-



ingenij tui partes expressit, ut nihil unquam legerim libentius. Ego tibi antea, optime Sacrate, tribuebam sane multa, quæ pauci consequuntur, prudentiam, integritatem, doctrinam, maxime uero præstantem quandam ad excolendas officijs amicitias & uoluntatis, & naturæ propensionem: istam uero orationis exornandæ facultatem, quæ cum multi temporis, magnæque uidetur esse industriæ, tum uero, ut ego sentio, atque usu etiam didici, ab intimo quodam, planeque recondito depromitur artificio, uix putabam tibi inter diuersa plane studia posse contingere. sed uidelicet id me fefellit, quod ingenium tuum communibus metiebar exemplis: nec mihi ueniebat in mentem, auunculi tui Cardinalis, Iacobi Sadoleti, præceptis, & consuetudine domestica aditum tibi ad omnem gloriam esse patefactum. nam cum ille cunctis uirtutibus, quas laudabit posteritas omnis, assequetur fortasse nemo, bonorum, ac sapientium iudicio uirorum excelluerit: hac tamen in primis latine scribendi laude ita floruit, ut ueteres illas propemodum æquauerit, nos quidem, per eandem uiam cupientes excurrere, longe reliquerit. sed, ut ex epistola tua coniicio, conseruabis hoc quasi patrimonium, familiaris uestre proprium; & hæc tibi communis hereditas erit cum patrueli fratre tuo, Paulo Sadoletto, quem omnes homines ad egregia quæque natum intelligunt. Equidem in hoc mihi ipse plurimum gratulor, qui tibi harum litterarum, quibus nescio

an



an quidquam non modo humanius, uerum etiam or-  
 natius esse possit, causam dederim. nam Iosephum  
 Fasnardum, quem ob eius doctrinam, & mores  
 egregios uehementer amo, oblitum arbitror mode-  
 stia suæ, cum de me loqueretur, & utrumque ue-  
 strum in eo consensisse, ut ille, te libenter audiente,  
 pro ueris falsa narraret, aut certe ueris plurimum  
 affingeret; tu illi, plena manu, ut saepe prodigus  
 amor est, ea, quæ prorsus non agnosco, in me conse-  
 renti, pro tuo in me studio libenter, & facile cre-  
 deres. utinam quidem, qui uobis nunc esse uideor,  
 is aliquando esse possim: quod quia sperare non li-  
 cet, ne cur optem quidem est. Meus in te animus  
 (quid enim præterea pollicear?) officio erit, mihi  
 crede, singulari: quæq. a te in meis rebus opera,  
 atque beneuolentia nauatur, perpetuo quodam er-  
 ga te studio ita compensabitur, ut mihi nemo om-  
 nium, excepto amore domestico, te uno carior, aut  
 iucundior unquam esse possit. Franciscus Moran-  
 dus, cuius ego contubernio, & quotidiana consue-  
 tudine mirifice delector, uir egregius, nec iuris  
 tantum ciuilis peritia, sed poetica etiam laude, &  
 litterarum elegantia uehementer excellens, mu-  
 tuo te diligit, &, qua ego tuis uerbis eum salute  
 impertiui, eandem tibi ut eius nomine his litteris  
 adscriberem, diligenter mandauit. tu saluere plu-  
 rimum a me iubeas Io. Baptistam Saracium, dedi-  
 tum semper optimis disciplinis, maximeque cupi-  
 dum ornandæ uirtutis, itemque Franciscum Seue-

AA 4 rum



*rum Argentensem, quem uidi nunquam, amo tamen sic, ut te mihi riualet esse uix patiar. Vale. Venetijs.*

FRANCISCO ROBORTELLO,  
Bononiam.

MAGNAM habeo gratiam Hieronymo Seripando, optimo Cardinali, omniumq. uirtutum gloria praestantissimo, quod ab aliqua nos ob imitationem uirtutis exorta simultate ad summam bene uolentiam, coniunctionemq. traduxerit. te quidem cum eximia doctrina opinione, quam apud omnes merito consecutus es, humanitatis laudem uelle coniungere, tum mea causa letor, qui tua consuetudine nimium diu molestissime carui, mea q. in te perpetuae uoluntatis ipse mihi egregie sum conscius; tum uero, quod inter te, & Sigonium meum, uiros tales, et plane duo nostrae Italiae lumina, non optime conuenire, ferendum uix erat. itaque, cum de nostra auctore Seripando reconciliata gratia ex ipsius Sigonii litteris cognouissem; feci statim, quod meae partes erant, ut animo te complecterer, meq. tibi, leuiter antea, nec sane mediocri cum dolore immutatum, libentissime totum restituerem. A te peto, non ut me mutuo diligas, quod te iam facere, perpetuoq. facturum certo scio, sed ut officijs etiam ita mecum certare uelis, quibus & cupide uincam, & uincar tamen non inuitus, ut nihil omnino



nino neque de mea in te uetere obseruantia, neque  
de tua in me beneuolentia detractū esse uideatur.  
quanquam hoc, tua fretus bonitate, et sapientia,  
cum sperauerim antea, nunc ut plane confidam, lit-  
teræ tuæ fecerunt, ad hominem bene doctum, &  
utriusque nostrum amantissimum, Raphaelem Cyl-  
lenium proxime conscriptæ: quibus in litteris par-  
tim de me, quo sum mirifice lætatus, amantissime  
loqueris, partim etiam typos græcos fratris mei,  
nescio qua culpa amissos, benignissime mihi pollice-  
ris, ac defers. Ego, mi Robortelle, istam uehemen-  
ter amo uoluntatem, quam tibi certe emetior: li-  
beralitate uero tua etsi delector maxime, tamen,  
cur utar, non est; cum officinam satis ampla &  
pereleganti huius generis copia magnis iā sumpti-  
bus instruxerim. tibi tamen, quia de commodo  
meo tua sponte cogitaueris, quod sine summo er-  
ga me amore fieri profecto non potuit, æque de-  
beo, ac si rem omnium maximam meo pernecessa-  
rio tempore detulisses. quod si a me paria, ac mul-  
to etiam præstantiora in omnibus rebus, quas ad  
tuæ laudis, tuique commodi partem aliquam per-  
tinere intelligam, studia, & officia expectabis;  
nunquam te fallam. atque huius quidem testem  
promissi, & quasi loco fæderis, quod a me uiola-  
ri nunquam patiar, hanc esse apud te epistolam uo-  
lo. Camillum Palaottum, cuius excellentem hu-  
manitatem, coniunctam pari uirtute, non dubito  
quin præclare cognitam habeas, & communem  
ami-



PAVLI MANVTII

*amicum, dignum Romulo parente filium, Pom-  
piliū Amasæum, rogo te, salutes meis uerbis di-  
ligenter. Vale. Venetijs.*

ALEXANDRO CRISPO.

HABET hoc uirtus, ut amicitias nullo inter-  
cessore conciliet. itaque, cum de studijs tuis, &  
incredibili quadam ad liberales artes uoluntatis  
propensione ex Sabastiani Leonis, familiaris mei,  
litteris cognouissem; dilexi te statim, idq. ut intelli-  
geres, uehementer optaui. nunc, quando opinio-  
nem meam de ingenio tuo susceptam epistola tua  
confirmat; ego quoque aliquantō magis ad te aman-  
dum impellor. quōd uero etiam in amore mihi re-  
spondeas, tuamq. operam, curam, & auctorita-  
tem nullo unquam loco defuturam promittas: u-  
trunque facio plurimi, & esse perpetuum cupio.  
quod ut confidam, tua probitas facit, multorum  
sermonibus, præcipue uero Leonis nostri testimo-  
nio comprobata. Hic ego hortarer, pro mea in te  
summa beneuolentia, ut acrius te ad omnem lau-  
dis cupiditatem incitares. sed neque industria tua  
cuiusquam indiget præceptis: nec te res ulla ma-  
gis ad gloriam accēdet, quā nobilitas tua, quam,  
non dubito, quin sæpe mente & cogitatione con-  
templeris. tantum igitur te rogabo, ut istum tene-  
as, quem cœpisti, cursum, nec te unquam aut uo-  
luptas, quæ adolescentibus maxime suis blanditijs,

&



& ficta boni specie perniciosas insidias tendit, aut  
 fucatus rerum humanarum splendor a studio uirtu-  
 tis, id est a uera, solidaq. gloria deducat. Vale,  
 & Leoni nostro, doctissimo atque optimo uiro, dic  
 salutem meo nomine plurimam. Venetijs.

SCRIPSIT HANC ROGATVS  
 AB AMICO.

CUM in summis molestijs, quibus me fortas-  
 se immerentem fortuna uexat, quæ quidem tibi sa-  
 tis notæ sunt, unicum mihi solatium fuerit beneuo-  
 lentia tua, quam opinabar me singulari quadam  
 ac perpetua erga te obseruantia, & studio quo-  
 dam incredibili consecutum: eo me solatio magna  
 ex parte priuatum esse, ex eo sermone, quem ha-  
 buit mecum proxime Drusus tuus, uehementer do-  
 leo. quod quidem eo patior acerbius, quia, si pos-  
 set augeri amor in me tuus, augeri potius debere  
 pro mea in te egregia uoluntate, maximisq. studijs,  
 existimabam. quid enim, a quo primum tempore  
 aditus mihi patuit ad amicitiam tuam, de te sense-  
 rim, ipse mihi optime sum conscius: quid uero præ-  
 dicauerim, testes habeo, non leuissimos homines,  
 sed præstantes uiros, eosq. minime paucos, quo-  
 rum auctoritas, & probata uita uel sine iureiuran-  
 do facile fidem facere possit. quæ cum recordor,  
 magnam ex officio meo uoluptatem capio: propte-

rea



rea quòd nihil unquam mihi grati animi memoria iucundius nec est, nec unquam erit. et quanquam animum tuum non nihil immutatum Drusi uerba significabant; cum ego perpetuitatem amoris tui expectauerim; eamq. tanti fecerim, ut ex omnibus rebus humanis nihil pæne pluris aestimauerim: tamen, non ut animatus nunc in me sis, sed ut antea fueris, in omni mea uita iucundissime cogitabo; quæq. in amicitia colenda a doctissimis uiris constantiæ tributa laus est, eam ut omnino consequar, enitar quantum in me erit: non quòd tua uirtus cuiusquam hominis laudationem, uel tua fortuna cuiusquam opes, aut merita desideret: sed profecto apud sapientissimos homines, quem ego te in numerum refero, significatio bonæ uoluntatis, etiam si merita non habet, pro meritis tamen est. Te uero, Principem egregium, omniumq. uirtutum apud omnes homines, maximeq. apud omnes Principes opinione florentem, præterea ista ornatum dignitate, quæ ad omnem laudem tacita quadam cohortatione uidetur impellere, figmentis commoueri hominum improbissimorum, & alienis fortasse bonis invidentium, prorsus æquum non est. Quid enim? an ego tam prauus esse possim, ut optimo uiro coner unquam in sermone detrabere? an tam stultus, ut, qui mihi multis rebus prodesse, multis etiam obesse possit, eum indignissimis laceßam iniurijs? an tam ingratus, ut, cuius erga me summam humanitatem, ac benignitatē senserim, de eo quidquam



quam cogitem, aut etiam loquar iniquius? Quid honor meus? an apud me nullius est ponderis? ille uero mihi uel ipsa uita carior adhuc fuit, eritq. in posterum. ita sum a puero educatus, ita natus: ita etiam didici ab exemplis maiorum meorum. an igitur honor meus tantam ferre posset inconstantiam? ille certe cum omnes maculas, tum hanc, quæ turpissima est, leuitatis, & intemperantiæ, respuit, ac reformidat. Quare, si peccarem in te, magne Princeps, simul in me ipsum peccarẽ. quorum alterum ab officio meo, alterum a uoluntate nimis abhorreret. Quod igitur neque committere debeo, neque possum; id mirarer equidem a te credi; si plane, quæ ad me delata sunt, uera omnia putarem. sed primum haud libenter id credo, quod iniucunditatem, ac sollicitudinẽ affert animo meo: deinde quod indignum uidetur bonitate tua, quam ego, ut maxime omnium habeo cognitam, ita maxime omnium efferre laudibus ubique soleo: postremo, quod cum ipsa ueritate pugnat. Quod autem, quiddam etiam de liberalitate mea gloriose a me iactatum, comminiscuntur: impudens mendacium est, ac, ne alijs utar argumentis, te ipso teste falsum. nam, fuisse me tui perstudiosum, omnia tibi, tuisque, quæ potuerim, obsequia, atque officia præstitisse, uere dixeris, & multi sciunt: quo tamen ipse nomine gloriari non soleo; contentus ipsa re sum: uerum, fuisse me, cui multa desunt, in te, qui cunctis rebus abundas, liberalem, & de meis  
riuulis



PAULI MANVTII

riuulis pæne aridis affluxisse aliquid ad tuos uber-  
rimos fontes, certe nemo dixerit ; nec, si quis dice-  
ret, ego agnoscerem . Hoc igitur uno, quod inanissi-  
mum esse constat, reliqua, mihi obiecta, refellun-  
tur . patent insidiæ maleuolorum : infirmatur, ut  
sæpe solet, a se ipsa, & suo quasi gladio iugulatur  
improbilas . itaque recreor paullulum in acerbissi-  
ma molestia : ut etiam hoc sperem, si qua uolunta-  
tis tuæ facta mutatio sit, quod quia meritis mini-  
me sum, ideo minime possum credere , me tamen  
ab humanitate tua facile impetraturum, ut te mi-  
hi totum restituas . nec enim decet, apud talem ui-  
rum, tantumq̃ . Principem, natura bonum , iudi-  
cio, & consuetudine optimum, consilijs & artibus  
locum esse hominum perditorum . quam mihi spem  
ut confirment litteræ tuæ, peto a te pro mea perue-  
tere non solum erga te, uerum etiam erga tuos o-  
mnes obseruatiā . idq̃ . a te tua, tuæq̃ . familiæ sum-  
ma dignitas postulat . Vale .



os liber-  
pui dice-  
id in an-  
refellu-  
natur, ne  
ingulati-  
acribili-  
a volun-  
ritus mo-  
me tamen  
u, ut te m-  
id talem u-  
nem, ind-  
i & artu-  
a moli spem  
mea per-  
rga tuos i-  
moliis san-

*[Faint, mostly illegible handwritten text in a medieval script, likely Latin, covering the main body of the page.]*



PA

P R

Q

AD

gan

T

artium, in  
concesser  
contuler  
dendi et  
cenderat  
us me ho  
nenerit,  
nem, ne  
nium me  
quiddam  
bi solitus  
re, uere  
paucis o  
iucundi



185

PAULI MANVTII  
P R A E F A T I O N E S,  
QVIBVS LIBRI, AD ILLVSTRES  
VIROS, AVT AD AMICOS MISSI,  
C O M M E N D A N T V R.

AD MATTHAEVM SENARE-  
gam, Ambrosii filium, in epistolas  
Ciceronis, quæ familiares  
appellantur, præfatio.

T V O ne, Matthæe Senarega, an meo  
dicam felici contigisse fato, ut, relicto  
Louaniensi celeberrimo gymnasio,  
quò, tanquam ad mercatum bonarum  
artium, uirtutis & eloquentiæ comparandæ caussa  
concesseras, Venetias te hoc potissimum nomine  
contuleris, quòd nostri, ut ipse dicere solitus es, ui-  
dendi et cognoscendi mira quædam te cupiditas in-  
cenderat? tu quidem, si tuum sensum explorem,  
uis me hoc tribuere fortunæ tuæ. nam, quòd ita e-  
uenerit, non modo ut ad amicitiam & consuetudi-  
nem, uerum etiam ad conuietum, & contuber-  
nium meum tibi aditus patuerit; in eo, quasi tibi  
quiddam expetendum contigerit, plurimum ipse ti-  
bi solitus es gratulari, de quo, non est meum statue-  
re, uere ne sentias, an secus. at illud meum est,  
paucis ostendere, cur tu contra mihi carissimus,  
iucundissimusq. sis, & quòd nunc in meis ædibus

B B      mecum



PAULI MANVTII

mecum habites, mecumq. uiuas, in eo ego quoque  
 mea felicitatis aliquid agnoscam. nam si tu ita de  
 me sentis honorifice, quod iudicio mouearis: æquū  
 est mihi a te concedi, ut ego de te non minus ue-  
 re, quā tu de me, iudicare possim. sin istam tibi  
 de me opinionem peperit humanitas: me quoque  
 non solum natura, sed ipsa iam ratio docuit, præcla-  
 rum esse humanitate excellere. itaque do me liben-  
 ter in eam partem, ut homines officijs colam, lau-  
 dibus exornem, re, si opus est, pro mea tenuitate  
 sustentem. Sed mehercule ego de te, mi Matthæ,  
 a uero animi mei sensu iudico: nihil me gratia, ni-  
 hil afficit ambitio. Primum, cum aliquoties mei  
 salutandi causa domum meam uenisses, pellexisti  
 me in amorem tui, comitate morum, & lenitate  
 sermonis: deinde, quod iam non tibi modo, uerum  
 & alijs petentibus negaueram, atque excluferam,  
 ut ego te domo reciperem, eloquentiaq. studijs e-  
 rem, multis precibus usus peruicisti. Nec mi-  
 ni tamen, quod tibi, meorum sermonum cupidita-  
 te flagranti, meamq. domesticam consuetudinem  
 petenti, satisfecerim, adhuc uenit in mentem pæni-  
 tere: quin, quo plus ad nostrum conuietum accedit  
 temporis, eo maiorem e tuis moribus, tuisq. stu-  
 dijs haurio suauitatem. non enim tam hoc in te lau-  
 do, quod certe in adolescente summa laude dignum  
 est, quod a studio doctrinae non te suis illecebris uo-  
 luptas, non commodum, non ipsa ualetudinis ratio  
 deducit; quā illud & admiror, & prædicare sa-  
 tis



tis pro dignitate non possum, quòd in tuis cogitationibus hac tibi prima est, et antiquissima, ut Deum optimum maximum, a quo uno, quæ uere bona sunt, emanant omnia, humanis rebus, quæ fluxæ nimis, infirmæq. sunt, omnibus anteponas. Perge adolescens optime in hoc præclaro diuinoq. sensu. hæc est omnium rerum una nobilissima, una, mihi crede, quæ omnium philosophorum scientias, una, quæ omnium Regum opes facile uincat. quare tu quidem oblecta te, quod facis, eloquentiæ studio; in qua, quo modo principia se dant, futurum auguror ut breui superiorem neminem, aliquando ne parem quidem habeas. sed illud stet in primis, neque unquam excidat, omnium uirtutum pietatem in Deum esse fundamentum. ac uide, quot inde tibi bona fluant. Primum, tuæ saluti consulueris egregie. animi salutem appello, non corporis. decet enim nos æternam potius illam uitam, omni felicitate circumfluentem, quàm hanc, quæ temporum spatijs definitur, miserijs nunquam uacantem, cogitare. deinde, patrem tuum, qui, ut audio de multis, atque etiam de te ipso, humanam prudentiam præ diuina religione nihil esse putat, incredibili uoluptate letitiâq. perfundes. cui quantum debeas, non ex eo solum intellige, quòd pater est; sed quòd is pater, qui te filium uult esse inter tuos ciues omni re florentem, atque honoratum; qui te consilijs a puero sapientissimis erudiuit; qui te suo exemplo, suis optimis institutis, ac factis ad lundem quo idie



PAULI MANVTII

uocat . Tali patri, tam probo, tam tui amanti, tam  
libenter suas omnes curas in te consument, curare  
debes, ut id, quod reliquum est uitæ, per te sit io-  
cundissimum . quod ita consequeris, si statueris, qui-  
bus artibus ideo nunc operam das, ut aliquando ce-  
teris hominibus elegantia sermonis, & scientia re-  
rum antecellas, earum artium infirmam esse glo-  
riam, nisi perpetuo erga summum Deum amore stu-  
dioq. fulciatur . mihi quidem, cui tu carissimus esse  
aut uis, aut certe ita uideris uelle, ut mihi persua-  
deas, magis ulla re placere non poteris, quàm si te  
in eo, quod instituisti, uitæ innocenter & cum uir-  
tute degendæ studio constantem, tibiq. simillimum  
uidero . Et, ut iam nunc intelligas, quos in animis  
hominum amoris igniculos uera uirtus accendat;  
scis quinctum abhinc mensem mihi tecum nihil fuis-  
se, te mihi nunquam uisum, ignotam mihi tuam fa-  
ciem, obscurum nomen . nunc, apud me quo loco  
sis, intelligere te puto . paucissimis diebus ex con-  
uictu consuetudo, ex consuetudine amor, ex amore  
familiaritas exorta . itaque tecum et sapissime sum,  
quod sub ijsdem tectis necesse est; & admodum io-  
cunde, quod ea, quæ in tuis moribus elucet, probi-  
tate consequeris . Et quoniam is ego sum, qui, quò  
me uoluntas ducat a ratione profecta, eò libenter  
sequar; gessi morem animo meo, tacite hortanti,  
ut hanc meam ad te amandum propensionem non  
modo tibi, sed, quatenus ego possim, reliquis etiam  
hominibus illustri aliquo officio ac munere declara-  
rem .



rem . cumq̃ . tulisset casus , ut hoc tempore Cicero-  
 nis epistolæ familiares, eæ , quas tu iam legendo et  
 peruolutando triuisti , denuo typis , ut nunc loqui-  
 mur, essent imprimendæ : peroportuna ad id, quod  
 uolebam, uisa res est . nam, hunc librum si cum tui  
 nominis inscriptione publicarem, putauim me facere  
 quiddam, quod utrique nostrum æque conueniret:  
 tibi, quia ex his primum Ciceronis epistolis ad lati-  
 næ orationis elegantiam informamur, ex his pri-  
 mus eloquentiæ quasi succus , qui qualis initio fue-  
 rit, permagni interest, ebibitur : mihi, quia , cum  
 hic liber omnium fere uersetur inter manus, cir-  
 cumferet, id quod ego cupio, tuum nomen, &  
 meum de te iudicium, meamq̃ . spem quamplurimis  
 ostendet . quorum alterum est eiusmodi, ut ego tibi  
 nunc ex æqualibus tuis neminem in ullo genere lau-  
 dis anteponam : altera, cum ætate processeris, ea  
 mihi de te pollicetur, quæ si euenerint, (omnium  
 autem rerum euentus in Deo positus est) uir eris  
 inter uiros maximus, & habebit a te familia tua  
 memoriam nominis sempiternam, patria uero exé-  
 plum in ciuitate uirtutis excolendæ præclarissimū .  
*Venetijs, M. D. LIV. mense Maio.*

AD CAROLVM PISAVRIVM,  
 Leonardi filium, in epistolas Cice-  
 ronis ad Atticum præfatio.

BENEFICIORVM, Carole Pisauri,  
 non eadem omnium est ratio . multi, quid detur,

BB 3

spectare



spectare solent, sua quidque magnitudine metiun-  
 tur, nihil attendunt præterea: ego potius, quibus  
 de causis, & a quo homine detur, animaduerto;  
 ac, si quid in aliquem, aut in me ipsum collatum est  
 gratiæ, tanti soleo æstimare, quanti uidetur is, qui  
 contulit, æstimandus. hinc fit, ut, quæ a patre tuo,  
 uiro sapientissimo, & cum alijs laudibus ornato,  
 tum uero omnium, quos ego in uita nouerim, hu-  
 manissimo, quæ item a patruo, qui nuper magno  
 bonorum omnium mærore mortuus est, Ioanne  
 Maria, Paphi Episcopo, excellenti non minus do-  
 ctrina, quàm bonitate, prædito, diuersis tempori-  
 bus in me profecta sunt officia, ea quanquam sum-  
 ma non fuerint, ( neque enim tulit occasio, neque  
 rationes meæ postularunt ) pro summis tamen ac-  
 ceperim, & earum rerum loco duxerim, quas qui  
 possident, beati existimantur. fons enim ille, unde  
 manarunt, amor fuit, et cum amore iudicium, quod  
 uterque de me habuit: quod equidem, si potero,  
 tuebor officijs: studio certe, omniq. prorsus cura,  
 atque industria bonum uirum, meritorumq. me-  
 morem præstabo. quod si liceret ingenium cum uo-  
 luntate coniungere; ut alterum alteri responderet,  
 & cupiditati uires æquarentur: illustrarem bene-  
 ficia uestra; ac fortasse efficerem, ut gratia mihi à  
 uobis aliqua deberetur, gratiam persoluenti. ue-  
 rum ut, hoc quidem ab infirmitate mea sperari mi-  
 nime posse, non solum intelligo, uerum etiam inge-  
 nue confiteor: sic illud facile polliceor, uereq. affir-  
 mo;



mo; si quid aut iam est in me facultatis, aut erit aliquando, iis, in quibus assidue uersor, studiis partum, & uigilijs, uelle me id in omni mea uita, quantumcunque erit, seruire totum uestrae laudi, tuae praesertim; quae cum a meis praeceptis, & consilijs originem duxerit, exornabo eam, tanquam opus meum, quibus potero artibus, qua licebit industria; florentemq. pulcherrimis uirtutibus alumnum disciplinae meae cum inspiciam, gratulabor utrique nostrum pariter, fructumq. amoris & studij ueteris in te mei ex tua gloria uberrimum capiam.

Ac tu quidem, mi Carole, cum tibi nasci contigerit ex ea familia, in qua semper uerus honor, & splendor uirtutis enituit, nihil debes humile cogitare, nihil angustum, nihil obscurum, aut inane. excelsa petat animus tuus, ampla, illustria, plena dignitatis, & gloriae. quod te semper a tua prima pueritia mea uox incitauit; quod pater tuus, cuius ad te cogitationes curaeq. referuntur omnes, assidue cohortatur; quod denique te uocant maiorum tuorum exempla; quorum nomina nulla dies extinguet, nulla obscurabit obliuio. non enim, si praestiteris ea, quae a te expectantur, quae maxima sunt, nouum in tuam familiam decus inferes: antiqua renouabis, praeclearamq. consuetudinem retinebis in tua domo laudis expetendae, exercendarumq. artium optimarum: quibus instructos, utiles fuisse patriae ciues, sibi & familiae gloriosos, de tua gente multos, si annales euolueris, inuenies. Verum, quan-



do te sacris addixisti, & illud uitæ genus complexus es, quod est totum in laudabili ratione, totum in præclaris cogitationibus & factis constitutum; non te libera uoluntas, ut alios, ad honestum re-  
ctumq. ducit; sed, quo te primum die ad religionem contulisti, eodem die legem ipse tibi imposuisti perpetuæ continentiæ; exclusisti rerum inanium cupiditatem; uelle ad solidam laudem omnia referre, uelle summi Dei gloriam in omni uita, id est tuam salutem, spectare professus es. Quare non tibi monitores, quorum te moueat oratio, expectandi: ipse te excita, ipse acue, & impelle. multæ sunt propositæ adolescētibus uia, fallaces, obliquæ, insidiosæ, oculis iocundæ, specie quadam obiecta uoluptatis: in quibus errare quotidie uides, & labi, ducem sequentes libidinem, non rationem, de tuis æqualibus quamplurimos. tu uiam uirtutis ingredi, simplicem, rectam, apertam, principio fortasse difficilem, atque asperam, exitu certe salutarem, et gloriosam. hanc, inquam, uiam, signatam, & impressam uestigijs proborū sanctorumq. uirorum, si uis ipse tibi carus esse, si uis ipse tibi recte consulere, unam ingredi: aut, si ingressus iam es, curre per eam celeri gradu ad ea, quæ te manent, præmia immortalitatis. Hæc ego, pro meo in te amore singulari, uetereq. erga parentem tuū studio, scriptis tecum ago, quæ sermonibus & libentius agerem, & sæpius, si liceret. sed, quando te Patanij tua studia, a quibus abduci non debes, me

Vene-

Venet  
tinet in  
consign  
cunque  
nec uer  
futura  
is epist  
non min  
ter, &  
pies ex  
optima  
nat enim  
mis. nat  
sermone  
Princip  
itudine  
pientia  
hoc hab  
mentum  
des ann  
dem deb  
tuas, t  
tanquam  
newolent  
Veneti



*Venetijs mearum rerum ratio, & ualetudinis detinet infirmitas: proficiscetur ad te mea uox, his consignata litteris: quæ tecum erit perpetuo, ubicunque fueris, te prosequetur, quocunque iueris. nec uero dubitavi, quin ea tibi paullo gratior esset futura, coniuncta cum Ciceronis uoce, id est cum ijs epistolis, in quibus cum Attico, familiari suo, non minus grauitè, & sapienter, quàm eleganter, & splendide loquitur. fructum, ut spero, capies ex utraque non uulgarem. ego enim, ut uelis optima, te hortor: Cicero uolentem adiuuat: ornat enim eloquentia, consilijs instruit sapientissimis. nam disputat sæpe in his epistolarum libris, sermone perquam eleganti, de statu reip. de uitij Principum, unde fluunt exitia ciuitatum, de uicissitudine fortunæ. qui tibi erit, accurate legenti, sapientiæ fons uberrimus. A me uero munusculum hoc habebis, meæ in te uoluntatis & studij argumentum. exiguum, inquires. fateor: sed uelim spectes animum, non rem: quam tamen ne ipsam quidem debes contemnere: siquidem eiusmodi est, ut tuas, tuorumq. laudes, a me non expressas, sed tanquam tenui penicillo designatas, simul cum beneuolentia mea cunctis gentibus patefaciat.*

*Venetijs, M. D. LVIII.*

*Ad*



AD BENEDICTVM ACCOL-  
tum, Rauennæ Cardinalem, in ora-  
tionum Ciceronis partem  
primam præfatio.

MAXIME esset optandum, Accolte clarif-  
sime, ut, quæ olim a doctissimis uiris magno labo-  
re, magnisq. uigilijs sunt elucubrata, ea nostram  
ad ætatem peruenire omnia potuissent. artium plu-  
rimarum scientia, quarum adiumento ad uitam re-  
cte instituendam indigemus, non desideraretur.  
uerum ita casu nescio quo accidit, ut ex ijs scriptis,  
quæ ueteres illi, homines sapientissimi, relique-  
runt, nō solum multa prorsus interierint, sed etiam,  
quæ in hanc diem seruata sunt, ita deprauata, ita  
mutila legantur, ut sapissime uix, aut ne uix qui-  
dem intelligi possint. hoc incommodum pater olim  
meus magnæ ex parte sustulit. cuius industria mul-  
tos excitauit, ut eandem rem aggressi, iacentem lit-  
terarum laudem pro suis quisque uiribus subleua-  
ret. quod si alij fecerunt, tantum æmulatione glo-  
riæ permoti: certe, cur ego id faciam, hoc plus ha-  
beo causæ, quòd, cum pater studiosis id, quod in  
hoc genere promiserat, morte præuentus præstare  
non potuerit, hoc me nomine ita appellant, quasi  
ad filios soleat non paternæ solum rei, sed uolunta-  
tis etiam hereditas peruenire. hæc me, ut debet, opi-  
nio multum mouet, sed auctoritas tua plurimum:  
quam



quam ego tanti soleo facere, ut, quamcunque tu probas rationem, ea demum & utilis mihi, & honesta uideatur esse. tu igitur cum ad hoc posteritatis adiuuandæ studium nos & uehementer, & sæpe sis cohortatus; effecisti, ut in eam rem tanto alacrius incumbamus, quanto pluris apud me tua, quàm reliquorum omnium, consilia sunt. quòd si labore, studio, diligentia profici hoc genere quidquam potest, ut certe potest: magnopere spero fore, ut neque te officij tui in me admonendo, neque liberalitatis in adiuuando pæniteat. cuius rei quasi specimen erit hæc prima Ciceronis orationum pars; quam ex ueterum exemplarium collatione diligenter emendatam, in manus hominum sub tuo nomine emittimus. nam cum usu, & consuetudine ita comparatum sit, ut, quibus rebus Principes uiri delectentur, in ijs rebus multi suum studium probare uelint; ex quo fit, ut ab alijs canes, ab alijs equos, aut aues nobiles dono dari uideamus: commode me facturum existimaui, si quid ego eius generis ad te mitterem, quod omnibus te præferre uoluptatibus intellexissem. soles enim quotidie fere a grauissimarum artium tractatione, in hæc studia, quæ sibi ab humanitate nomē adsciuerunt, quasi in hortum amœnissimum diuertere: ubi te modo oratorum, & poetarum flores, modo dulcium amicorum colloquia mirifice delectant: ut præter id temporis, quod ualetudini dare soles, quod sane pusillum est, hora nulla sit, quam non in litteris, et cum

uirtute



uirtute traducas. quam tuæ uitæ rationem qui ignorant, mirantur scilicet, unde illa tibi in aduersis rebus fortitudo tanta, unde animi robur illud inuicti, quod ne illa quidem ipsa, quæ in rebus humanis Fortuna dominatur, ullo pacto poterit infringere; contra cuius uim duplici te præsidio munieris, artium maximarum cognitione, et mentis optimæ conscientia. hæc est aliarum uirtutum, quæ in te sunt multæ, quasi princeps, & regina quædam; ut in alijs neminem tibi antepondere, in hac ne conferre quidem possim. Nam de prudentia, de pietate, de iustitia, ne uidear assentari, nihil dicam: ne de liberalitate quidem; quæ tamen ita nota est, ut non, qui eam laudet, assentator, sed, qui non laudet, maleuolus existimetur. cum enim hæc dandi beneficij ratio eiusmodi sit, ut nulla certior ad laudem, nulla item magis lubrica uideatur uia; propterea quod in beneficijs collocandis plerique fortunam hominum spectare solent, ut eandem gratiam, aut etiam cum fenore recipiant: non est, quod in hoc te labi quisquam arbitretur; cum & rarissime contingat, cuiusquam opera ut egere uidearis, & tu tamen quamplurimis, ob eximiam naturæ tuæ liberalitatem, atque amplitudinem, benigne facere & soleas, & possis. et cum de omnibus ad bene merendum natura es maxime propensus: tum uero ipsa te ratio atque doctrina ita conformauit, ut ad eos honestandos, qui se ijs artibus, in quibus ipse excelsis, dedidere, tuum soleas studium libentissime conferre.

ferre. quæ  
non sane  
me tuend  
commoda  
tius est ad  
tis laudem  
afflictam  
ciendam  
pius, tu  
cui tui test  
mij: euoc  
probe nom  
in aliquid  
me inanis  
quem ex a  
ut, min  
te satis fa  
id, quod d  
ria teneri  
quem esse  
do fore ut  
que nulla  
tandi loc  
ipsi quide  
nam, ut  
nomine  
neque ijs  
detur: s  
manitaz



ferre . quæ quidem humanitas & beneficentia tua non sane uideo qui possit in ullo maior esse , quàm in me tuendo fuit . quæ est enim a te res , quæ ad meum commodum attineret , prætermissa ? quis diligentius est adhortatus , ut hanc restituendæ antiquitatis laudem , qua pater meus olim excelluit , pæne afflictam excitarem ? quis eam ipsam ad rem perficiendam plura contulit ? cum etiam magnis Principibus , tui simillimis , ita me commendaris , ut , iudicij tui testimonio permoti , non minimis ad se præmijs euocarint . Quæ cum recordor , etsi me ipsum probe noui , tamen interdum mihi assentor , & mihi aliquid uideor esse , quòd a te sim ornatus . hæc me inanis ambitio ita delectat , ut illum dolorem , quem ex difficultate capio remunerandi , si non tollat , minuat quidem certe . quanquam tu is es , qui te satis superq̃ . remuneratum existimas , si modo id , quod dedisti , ab eo , qui accepit , intelligis memoria teneri . quo in officio præstādo , noli credere quæquam esse , qui me uincat . et huius quidem rei confido fore ut aliquando eiusmodi a me signa dentur , quæ nullum cuiquam de mea in te uoluntate dubitandi locum relinquant : nunc earum rerum , quas ipsi quidem hoc tempore possumus , maxima , primum , ut dixi , Ciceronis orationum uolumen in tuo nomine apparebit . omnino neque amplitudine tua , neque ijs officijs , quæ in me contulisti , digna res uidetur : sed , ut spero , muneris nostri tenuitatem humanitatis tuæ magnitudo subleuabit .

Ad



AD GVLIELMVM BELLAIVM  
 Langeum, apud Subalpinas gentes  
 pro Rege, in orationum Ci-  
 ceronis partem secun-  
 dam præfatio.

MAGNI refert, Bellai ornatissime, quo quid-  
 que tempore agatur; & ad omnes res non paruum  
 habere momentum solet occasio quædam, & com-  
 moditas, qua uti dicuntur ij, qui nihil, nisi loco, fa-  
 cere consueuerunt. nam quemadmodum pictorum  
 tabulæ certo loco positæ delectant; eademq. minus  
 bono lumine constitutæ, non item eorum, qui spe-  
 ctant, oculos tenere solent: sic actiones nostræ, mi-  
 rum est, quantum oportunitate commendentur: ut  
 interdum plus in tempore, quàm in ipsa re, positum  
 esse uideatur. quod ego cum semper iudicassem, ta-  
 men non sum ueritus, quin tibi, in ijs rebus uel ma-  
 xime occupato, quas Rex Christianissimus, et post  
 hominum memoriam maximus tuæ fidei diligen-  
 tiæq. mandauit, hoc ipsum, quod nunc a me profi-  
 ciscitur, officium futurum esset uel iocundissimum.  
 nam etsi magna tibi est grauissimorum negotiorum  
 imposita moles; quam tu summa tua cum laude, et  
 omnium pene gentium admiratione sustines: ta-  
 mē in ipsa illa occupatione ita te litterarum tracta-  
 tio delectat, ut et legas cum uoluptate, quæ alij scri-  
 pta reliquerunt, et scribas ipse, quæ a posteris cum  
 admi-



admiratione perpetuo legentur. ex quo illud consequeris, ut non modo Regis uoluntati seruias, quod est summa laude dignū; sed etiam posteritati consulas, quo laudabilius esse nihil potest. itaque tantum abest, ut a maioribus tuis, omni decore affluentibus, ad te ornandum quidquam haurias, ut etiam in te sit, quod ad illos redundet. nam si tibi aliunde petenda sit laus; unde plura suppetant ornamenta, quàm a fratribus tuis, maximeq. ab eo, qui a Paulo III. ita est in Cardinalium Collegiū cooptatus, ut ei summus Pontifex amplissimam dignitatē non quasi optatam concessisse, sed quasi debitam persoluisse uideatur? cui quidem uiro cum ad summam gloriam nihil desit; cumq. item tibi eae res abunde adsint, quibus homines hominibus antecellere uidentur: tamen fit uestra bonitate, & sapientia, ut uicissim & tu in illius dignitate, atque amplitudine, & ille in ingenio, atque in uirtute conquiescat tua. uterque uero magna apud Regem prudentissimum, & summo iudicio praeditum auctoritate, magno estis apud omnes nomine, & gloria. nam tu quidem, quis est tam longinquus, cui notissimus non sis? non ex praesenti corporis forma, (quanquā multas provincias Regis legatus obijsti) sed ex imagine ingenij tui; quam uerissimis eloquentiae coloribus expressam in tuis scriptis licet intueri. in hac cum & naturae tuae bonitas, et uirtutis eximia praestantia cernatur: sequitur, ut, ex ea qui te norunt, iidem ament. quorū ego in numero cum ita essem,

ut



PAULI MANVTII

*ut nemini concederem: tamen non est credibile, quantum ad illam ipsam animi erga te mei uoluntatem addiderit Gulielmi Pellicerij, oratoris in hac urbe regij, homini præstantissimi, prædicatio. cuius multi, & egregij de tua laude sermones me iã antea commotum impulerunt, ut ex orationibus Ciceronis, cuius tu libros e manibus dimittere non soles, alteram partem cum tui nominis inscriptione diuulgarem. qua in parte ab erroribus, & mendis uindicanda quantum operæ, studijq. posuerim, mihi ipse sum testis; quantum autem profecerim, & tu, & alij iudicabunt. tibi quidem, si consequar, ut nostra diligentia probetur; sane meos labores non exiguo compensatos esse fructu existimabo.*

AD ALEXANDRVM CAESARINUM, Cardinalem, in orationum Ciceronis partem tertiam præfatio.

*BENE mereri de litteris, etiam si utilitas præterea consequatur nulla, tamen præclarum in primis, atque egregium esse semper duxi: quanquam utilitatem spectare si uolumus, ea demum summa est, quæ ex hoc genere percipitur. fructus enim in posteritatis memoria, & prædicatione positus est, quem nemo unquam sapiens non præstantissimum esse iudicauit. sed hæc bene merendi ratio duplex uidetur esse. nam & qui aliquid ipsi scripserunt, et qui*



qui alios uel cohortatione , uel præmio , ut scribe-  
rent , impulerunt , litteris opem tulisse existiman-  
tur . quæ duæ res eiusmodi sunt , ut , qui alterutram  
commode faciat , ei scilicet a studiosis omnibus gra-  
tiæ sint agenda ; qui utranque , ne haberi quidem  
satis possint . Atque hanc laudem , ne apud ueteres  
quidem sæpe accidit , ut unus consequeretur : pro-  
pterea quod qui ea uirtute , atque fortuna fuerunt ,  
ut & ingenio posteris prodesse possent , & opibus ,  
ut idem facerent , multos adducere ; alterum facile  
fecerunt , ut eos , qui doctrina , & eloquentia uale-  
rent , ad iuuanda litterarum studia excitarent ; al-  
terum facere , ut ipsi monumentum aliquod indu-  
striæ suæ relinquerent , propter rerum gerendarum  
curam non ita potuerunt . quod item nostris tempo-  
ribus usu uidemus euenire . nam neque multi sunt ,  
qui præstare utrunque possint : & , qui possunt , ijs  
fere , cum uelint , non conceditur . cuius generis ex-  
emplum ; ne id , quod adest , aliunde quæramus ;  
concede quæso , Cæsarine præstantissime , ut a te su-  
mam ; & sine me hoc impetrare a modestia tua , ut  
ea , quæ sentio , de te dicam . certe enim , qui maio-  
rem aut iuris ciuilis , aut sacrarum litterarum co-  
gnitionem sit consecutus , neminem esse constat . ne-  
que tamen hæc studia , quæ humaniora appellantur ,  
quæ nos adhuc secuti sumus , contempsisti ; in qui-  
bus etiam diligenter uersatus es , ut illa superiora ,  
quæ quibusdam ipsa per se nimis horrida uidentur ,  
eloquentiæ pigmentis , cum uelles , atque etiam

C C quan-



quantum uelles, illustrare posses. est igitur in te ipso, unde posteritas adiuuetur. nec, ut arbitror, uoluntas deest: sed otium eripiunt maximarum rerum occupationes. nam quia tua uirtus non humili, neque obscuro loco latet, sed quasi in specula quadam excelsa, atque illustri posita est, unde opem ostetare bonis omnibus uidetur; iccirco homines accurrunt ad te, uel ut consilium, uel etiam ut auxilium petant. itaque negotijs a litterarum tractatione distractus, ex duabus rationibus, quibus initio bonas artes adiuuari posse dixi, alteram inuitus omittis, cum ipse nihil scribas; alteram studiose amplecteris, cum ijs, quos industria uides excellere, nulla re desis. quamobrem Hieronymus Ferrarius, qui se iam pridem tibi addixit, homo & ingenij, et iudicij laude praestantissimus, cum alia, quae a te habet, praedicare solitus est, tum illud uel maxime, quod domi tuae uiuens, te permittente, atque adeo libente, totum diem in litteris ponit, & otio fruitur tanto, quantum deserti in regione uix esset. cuius ex ingenio qui fructus percipiuntur, qui certe maximi sunt, ij sane tuae liberalitati referuntur accepti. a te habemus, quae Ferrarius in ueterum scriptis uel correctione restituit, uel explicatione illustrat. a te emendationes in Philippicas Ciceronis orationes, quas ille plurimas, atque optimas ad me misit, quae iam iamque edentur, a te inquam omnes sunt. itaque etiam eas ipsas orationes, ut a Ferrario, id est a te, restitutas, & quae praeterea

rea in bo  
ipfi, quae  
bi inscrip  
nescium  
rem agno  
tam, Cae  
quod iam  
quam pra  
tum me em  
in clientel  
se uidearis

AD IO  
Christ  
eius  
P

QVO  
praeferre o  
uult, non  
sed, quom  
quam ex t  
& multife  
bus prima  
tuntur, ne  
tabilibus  
quod ego



rea in hoc tertio uolumine continentur , in quibus ipsi , quæ male affecta erant , multa sanauimus , tibi inscriptas , atque dicatas emittimus ; ut , quod beneficium habemus maximum , eius beneficij auctorem agnoscamus , & huic libro summum ornamentum , Cæsarini nomen , apponatur . quare etiam id , quod iam pridem optavi , fortasse consequar , ut , quàm præclare ego de te sentiam , cum intelligas , tu me eum existimes , quo in amicitiam , uel potius in clientelam tuam accepto , non pessime sensisse uidearis .

# AD IOANNEM MONLUCIVM,

Christianissimi Regis consiliarium,  
eiusdemq. apud Venetam Rem-  
publicam oratorem, in Ci-  
ceronis oratorios li-  
bros præfatio.

Q V O D te non fugit , Monluci sapientissime , præstare omnes ceteris hominibus , sed alius alia re uult . non enim uniusmodi sunt nostræ uoluntates ; sed , quoniam ex animo , qui uarie afficitur , tanquam ex typo effinguntur , ipsæ quoque uariæ sint , & multiformes , necesse est . ergo non eadem omnibus prima sunt . Quoniam uero ex ijs , quæ appetuntur , necesse est aliquid excellat , ut de multis optabilibus unum optabile maxime sit : quid sit id , quod ego ceteris præstare putem , si de me quæra-

CC 2 tur ;



tur ; dicam, id, quod qui assequuntur, eorum in potestate sensus omnium, animiq. sunt. id autem sine dubio eloquentia est: quæ tantum possidet dignitatis, ut infra uel eorum fortunæ, quorum imperium provincia nutumq. sequuntur, me quidem iudice constituentur: cum ita accadat, ut ab hac quamcunque in partem uolentes ducamur, illis inuiti saepe pareamus. Sed quoniam, quo loco posita laus est, eum locum maximis difficultatibus Natura circumsepsit, ut perueniendi facultatem paucissimis relinqueret: non est, quare nobis in mentem ueniat mirari, cur neque diuturna, neque in multis perfectæ fuerit species eloquentiæ. illud uideo, cum in hanc cogitationem mentis aciem intendi, bene dicendi gloriam duabus rebus ali maxime, otio, & libertate. itaque in urbe Roma, quæ honorum oratorum quasi fecunda genitrix partus edidit uberri-  
mos, neque ante secundum Punicum bellum, neque post Cæsaris dominationem magnopere fuit, quod in hoc genere probares. Hannibale uictō, hostis Italiæ terribilis nemo fuit. tum in urbe securitas, tum summa tranquillitas orta: tum seditiosorum hominum ingenia popularibus concionibus acuit ambitio. conciones, inquam, eloquentiam pepererunt: nisi quid me fallit ratiocinantem: ratiocinor autem sic, & per hos quasi gradus interrogationis adscendo. Eloquentiæ quod summū fuit propositum præmium? consulatus: qui summus honor fuit. consulatum quis mandauit? populus. popu-  
lum



lum quis tenuit? concionator optimus. ergo a concionibus extitit orator. idemque, sublati concionibus, nullus fuit. cum enim ciuilibus armis oppressa respublica iaceret; uetus consuetudo periisset; a populo, cuius potestas uniuersi translata ad unum esset, non iam magistratus, non praefectura peterentur: eloquentiae, quae populi gratiam honorum spe quaesierat, inanis omnis & superuacanea fuit exercitatio. sic oratoria facultas, summorum hominum studijs exercitationibusque culta, cum a duobus Gracchis ad C. Caesaris aetatem, hoc est per annos centum fere ita uiguisse, ut nihil unquam fuerit illustrius; non effugit rerum humanarum commune fatum: quas ubi ad summum siue industria, siue natura perduxit, retro fere praecipiti lapsu reuoluuntur. Imperatores deinde multi rem Romanam exceperunt: quorum aetatibus uestigium ueteris eloquentiae nullum agnosceres. quid post? multo minus. nam imperij sede in Graeciam translata, crebrae uastationes Italiae consecutae; cum influentes barbararum nationum copias reprimeret nemo. tum non eloquentia modo, sed ipsa pene litterarum memoria funditus deleta, nec suus est bonis disciplinis honor, nisi multis post saeculis, restitutus. patrum denique, aut auium nostrorum memoria, cum exteros mores Italici caeli temperies aliquando ad humanitatem deduxisset, paullulum oculos litterae sustulerunt. doctrina primum, serius enituit eloquentia: nec mirum: doctrinam enim sine



eloquentia laudamus; eloquentem sine doctrina re-  
 ãte intelligens nemo duxit. nunc in oratorum nomi-  
 ne, quod eximium semper fuit, nihilo minor, at-  
 que haud scio an etiam maior, quàm priscis illis  
 temporibus, dignitas, et amplitudo est. mittuntur  
 a Regibus ad Reges, aut ad liberas ciuitates, qui  
 non de stillicidijs agant, non de iure fundi; quarum  
 rerum controuersias qui perite, & copiose discepta-  
 runt, scimus olim habitos esse eloquentes; sed ea  
 tractent, quæ prudenter disputata, otium gentibus  
 constituere, dignitatem imperij conseruare, termi-  
 nos proferre possunt. hoc qui præstat, eum ego ue-  
 teribus oratoribus non comparo solum, sed etiam  
 antepono. illi causas agebant primum apud iudi-  
 ces sorte ductos, deinde apud eos iudices, quibus de  
 aliena re, non de sua iudicantibus persuadere ora-  
 tor siue hoc, siue illud haud magno negotio posset.  
 nunc agitur in consilio lectissimorum uirorum: agi-  
 tur ijs de rebus, unde ad eos ipsos, qui iudicant,  
 maximum potest siue emolumentum, siue damnum  
 redundare; cum & de publica re iudicent, et in pu-  
 blica, extra quam nihil est, priuata cuiusque conti-  
 neatur. his probare quæ uelis, eo maioris ingenij  
 uidetur esse, quo difficilius ab artificio capitur pru-  
 dentia. itaque, cum hoc multi uoluerint, magnum  
 decus, atque ornamentum est eorum, quibus conti-  
 git, ut possent; qui sane pauci sunt: maximum ue-  
 ro, si cui tantum aut natura dedit, aut exercitatio  
 doctrinæ, ut inter hos ipsos emineret. qualem si  
 quis



quis te iudicet Monluci clarissime, hunc ego recte iudicare mihi persuadeam. nam si consideremus, primum a quo missus orator sis, deinde ad quos, tum quibus de rebus missus: ita reperiemus, missum ab eo Rege, qui omnes Reges sapientia uicerit, quoniam quidem omnium unus, quid contra Fortunam uirtus posset, maxime declarauit: ad eam rempublicam, quæ nisi sapientissimorum ciuium copia floreret, semperq. floruisset, profecto neque tanta nunc esset, cum olim minima fuerit; neque tam diu staret, cum ceteræ respublicæ suorum ciuium temeritate conciderint: ijs autem de rebus esse missum, quarum quæ magnitudo sit, ex eorum, ad quos pertinent, opibus apparet; quæ tantæ sunt, ut paucorum imperijs distributus terrarum orbis teneatur. Et cum hæc legatio tibi perhonorifica fuit; tum illud ad tui nominis celebritatem longe maximum accessit; quod, cum a Principe Turcarum Solymano pacem defessa bellis Europa peroptaret, eaq. sine Christianissimi Regis intercessione desperaretur; unus electus qui tantum muneri obires, acceptis a Rege mandatis, æstate media, summis caloribus in Græciam nauigasti. pacem ut componeres, optabatur: composuisti: hic me summa, difficillimis itineribus, per dispositos equos in Galliam recurristi. Exceptus alia cura, cum de sedandis inter Regem tuum, Regemq. Britannum magni momenti controuersus ageretur, præfuisisti. te consulente, agente, ultro citroq. cur-



sante, abiectis armis pax inter eos firmissimo fœdere constituta. Habes hoc omnino, Monluci, non dico a Fortuna, quam casus & temeritas regit, sed a te ipso, qui ad consilium et rationem omnia refers, ut in tuis actionibus felix usquequaque sis. nimirum fors, quam in rebus humanis dominari quidam sunt opinati, non omnium est æque communis; sed ipsa sibi uirtus propriam fortunam architectatur. non erras, quia non est errare sapientis: et quia sapienter agis, omnia procedunt. bonus etiam orator es, quia bonus uir: ingenium enim probitas commendat; nec minus mouet is, qui dicit, quàm ea, quæ dicuntur. Quòd nisi latinum sermonem in Italia peregrinitas immutasset; næ tu nobis longo interuallo & Crassos, & Antonios retulisses. sed quoniam ea lingua utimur, quam multis coeuntibus linguis generatam corrupta consuetudo peperit: ueteribus Romanis oratione dissimilis, ingenio simillimus, non tu quidem loqueris ut illi, sed ut illi tamen & sapis, & persuades. Quare non fuit ab re, cum ego eos libros, in quibus perfecti formam oratoris a Cicerone uidemus expressam, mendis antea deformatos, nunc mea correctione expolitos emitterem; non fuit inquam ab re, tuo nomini dicatos emittere; ut, quæ de perfecto oratore traduntur, ea perfecti item oratoris titulo cohonestarentur. hoc cum ita existimassem, quia uidebatur esse aptissimum, feci, & feci eo libentius, quòd, cum tu mihi & multa iam summæ humanitatis officia tri-

tribuisse  
ses; ego  
retribu  
gnibus  
ut uel  
ministe  
mū est;  
quia sup  
sed etiam

A D  
Rh

No  
sum et  
que cum  
inter qu  
si fonte  
rison be  
ceperan  
derent;  
uolunta  
tim est  
que du  
inter se  
ginem  
fificiti  
enim p



tribuisses, et is esses, qui tribuere etiam maiora pos-  
ses; ego, nisi aliquid, praesertim ubi daretur occasio,  
retribuere, uerebar, ne, ex duobus maxime insi-  
gnibus uitij, alterutrius infamiam non effugerem,  
ut uel ea uiderer, quae a te accepissem, minus me-  
minisse, quod a consuetudine naturaq. mea alienissi-  
mum est; uel ea, quae sperari possent, negligere; quod  
quia superbi esset, abest non modo a fortuna mea,  
sed etiam a uoluntate plurimum. Venetij, 1546.

A D B E N E D I C T V M  
Rhambertum, in Ciceronis libros  
de officiis praefatio.

NON ignoras, Benedicte Rhamberte, sen-  
sum esse quandam in hominibus similitudinem;  
quae cum in consuetudine cognita est, efficitur, ut,  
inter quos id accidit, amor exoriatur. ab hoc qua-  
si fonte multorum amicitiae manarunt, multos e-  
tiam beneficium cum obligasset; cumq. id, quod ac-  
ceperant, memoria conseruatim grate animo red-  
derent; idq. uterque fieri ob ingenij bonitatem, et  
uoluntatis erga se propensionem existimaret: sta-  
tim est illam opinionem beneuolentia consecuta. ita  
que duae causae sunt, quamobrem homines ament  
inter se: sed haec posterior, quae a rebus externis ori-  
ginem ducit, cum illa superiore, quae a natura pro-  
ficiscitur, nullo pacto uidetur esse comparanda. illa  
enim primum habet eam suauitatem, qua, ut opi-  
nor,



nor, & certe nulla maior est, cum eos, quibus utimur, & iisdem rebus, quibus nos, & æque atque nos affici sentimus: deinde, etiam qui in dando & accipiendo beneficio fructus est, eo non eget. nam si hæc actio bene merendi interdum est, & esse potest in ijs, qui uoluntate non admodum coniuncti sunt, quanto facilius existet apud eos, quorum animi ita consentiunt, ut, quasi natura hortante, easdem res appetere, ab iisdem fugere uideantur? at uero qui officiorum commoditatibus adducti in amicitiam coierunt; etiam si alter alterum initio summe diligat; tamen, si quando accidet, id quod accidere sæpe solet, ut ea, qua diligere cœperunt, causa tollatur; certe eorum animi pedetentim in amore languescent. quo in genere animaduertis Rhamberte quàm multi quotidie labantur. de quibus, facile est intelligere, quid sentias, cum ab eorum instituto tua ratio tam uehementer abhorreat. probe enim te, quæ nostra debeat esse in iungendis amicitijs cautio, quæ in iisdem colendis religio, quod item in omni uita præstandum officium sit, horum librorum, quos nunc tibi inscriptos ad te mittimus, lectio erudiuit. sensi in me ipso; quem ab opibus non magnopere firmum, aut ne firmum quidem, tamen octauum abhinc annum tanto studio es complexus, quantum, qui ab omni re paratissimus sit, remunerando compensare uix possit. cumq. rerum mearum status, ut sunt humana, interdum mutaretur; memoria teneo, te, nunquam immutatum, eandem



dem semper cum mihi, tum fratribus meis uoluntatem, ac beneuolentiam praestitisse. cum uero maior aliquanto inter nos consuetudo esse cepisset; quod quidem est factum, postea quam te in nostram uicinitatem contulisti: facile sentio, ad meam uitam recte conformandam quanto mihi observatio tuorum morum fuerit adiumento. collocutiones uero de litteris nostrae quid non dicam delectationis, sed utilitatis habuerunt? equidem, si liceret, totos dies uellem tecum ponere. quarum enim ego rerum cognitione delector, earum in omni genere quae tui sit iudicii subtilitas, intelligo. sed hanc latine scribendi rationem, in qua multi nunc uolunt excellere, paucissimi possunt, eam uero sic tenes, ut tuis scriptis mihi quidem purius nihil esse uideatur. quod eo mirandum est magis, quia tu non, ut alij, diuturno, atque assiduo librorum usu, sed temporum studio subsecutorum, hoc ut posses, consecutus es. nam ut omitтам, quod tibi, cuius fidei atque prudentiae Veneti senatus arcana creduntur, otium non saepe contingit: ecqui dies est, quo non ex amicis tuis aut consilio tibi aliquis, aut opera, aut etiam re sit adiuuandus? qua in consuetudine retinenda nimium diligens esse dum uis, accidit saepe, ut tuum potius ipse commodum, quam officij colendi facultatem praetermittas. quo ego me aptius facere sum arbitratus, si haec opuscula, in quibus maxime de officio praepcepta traduntur, ad te, quem cognoui esse omnium officiosissimum, mitterem.



PAULI MANVTII

*terem. genus hoc Rhamberte quoddam est, quo  
ego eos, qui de me bene meriti sunt, remunerari so-  
leo. perpende rem, nulla uidebitur: animum respi-  
ce, gratissimum dices.*

AD DIEGVM HVRTADVM  
de Mendoza, Caroli Cæsaris a consilio,  
& eiusdem apud Venetam Remp.  
oratorem, in philosophiæ Ci-  
ceronis primam par-  
tem præfatio.

SUPERIORIBVS diebus, cum domũ  
tuam uenissem, ut Benedictum Accoltum, qui a-  
pud te diuersabatur, honoris causa uiserem, quem  
ego hominem, non tam quia Cardinalis est, quàm  
quia Cardinalatu dignissimus, uehementer obser-  
uo: casu accidit, cum ego adesset, ut inter uos ser-  
mo oriretur ijs de rebus, quæ ab antiquis ignora-  
tæ, nostra patrumq. memoria non solum inuenta  
sunt, sed ad summam etiam elegantiam perpolitæ.  
cuius generis cum Accoltus ita multa commemo-  
rasset, ut mihi quidem, credo item alijs qui ade-  
rant, facile probaret ueterum solertiæ nostrorum  
hominum industriam antecellere: suggestisti tu, ne  
de philosophia quidem, in qua tantopere antiqui-  
tatem admiraremur, tibi uideri esse dubitandum,  
quin ea posset etiam nunc expoliri, atque ornari;  
si modo, quam quisque linguam a parentibus, at-  
que



que a nutricibus traditam cum lacte simul hausisset, in ea uellet scribere : nunc usu euenire, ut, externo sermone addiscendo, totam ætatem consumamus: quòd si nos a pueritia disciplinarum cognitioni totos dederemus ; non esse desperandum, quin et Platonēs, & Aristoteles aliquando possent existere : non enim & cælum hoc, unde spiritum ducimus, idem est, quod olim fuit, & hominum ingenia non eadem esse possunt. praua consuetudo naturam peruertit. quæ, tanquam ager, si colitur, fructus edit uberrimos : si negligitur, exarescit. annos triginta ponimus in uerbis percipiendis: quantum spatij restat, ut res ipsas consideremus? licet ad antiquitatem animum referre: num aut Græci illi philosophi, quorum nomen celeberrimum est, ea, quæ ab Aegyptijs acceperant, Aegyptio potius, quàm patrio sermone scripta reliquerunt; aut nostri aliena lingua, non domestica sunt usi, cū ea, quæ uel de Græcis sumpserant, uel ipsi pepererant, in usum posteritatis explicarent? constat, apud omnes gentes, qui suas cogitationes litteris mandare uoluerunt, eos fere ijs esse uerbis usos, quorum significationem matris in gremio cognouissent. quod item nostra ætate si fieret, facile contingeret, quod tu opinaris, Hurtade clarissime, ut in philosophia ueterum inuentis non nihil, uel etiam non parum addi posset. neque enim eos, qui fuerunt, usque eò cogitatione, ingenioque processisse existimandum est, ut ijs, qui futuri sunt, quod prætere



terea cognoscerent, nihil reliquerint. multa latent  
 adhuc, retrusa, atque abdita in immensitate natu-  
 ræ: quæ eliciet, & euocabit in lucem, si quis inue-  
 stigandis rationibus, & perscrutandis rerum caus-  
 sis ab ineunte ætate suum studium dederit. quod ab  
 ijs fieri commode non potest; uel potius nullo mo-  
 do potest, quibus non ea lingua, in qua alti educa-  
 tiq. sunt, sed ea, qua ueteres utebantur, scribere  
 consilium est. quorum tu si probares institutum,  
 quotusquisque tecum esset in eo laudis genere conse-  
 rendus? tenes enim perfecte Latinam linguam, te-  
 nes Græcam, Arabicam, alias præterea. scribis ta-  
 men ut in patria tua loquuntur. in quo uideo quid  
 spectes. quod pater tuus egit, ut optime de Hispa-  
 nia mereretur; id tu alia quadam ratione consequi  
 uis. ille enim, cum annum ageret uix dum quin-  
 ctum & decimum, qua ætate milites in exercitu  
 pauci solent esse, omnium approbatione, qui exer-  
 citus regeret, electus, Bathicæ Regem, bis acie fu-  
 sum, regno exsui, et, quæcunque in eius ditione fue-  
 rant, Catholici Regis imperio potestatiq. subiecit.  
 Aliam tu ornandæ, atque amplificandæ patriæ tuæ  
 rationem iniuisti. profers enim, quantum in te est,  
 Hispanicæ linguæ terminos; &, ut ea non solum  
 uerbis, & nominibus, sed etiam rebus, & scientijs  
 per te locupletata ab exteris nationibus appetatur,  
 ingenio doctrinaq. consequeris. quod nescio an om-  
 nibus patris tui uictorijs, atque triumphis sit an-  
 teponendum. nam, etsi populos bello superare, &  
 impe-



*imperium augere, præclarum est: tamen mihi cum animo meo consideranti multo melior uidetur esse condicio litterarum, quàm regnorum. hæc enim in unius hominis fortuna posita sunt, & unius sæpe culpa extinguuntur: ille uiuunt, & uigent quotidie magis, neque ulla temporis circumscriptione terminantur. itaque magni & excellentes uiri, qui bellicæ laudis gloria florerent, cum earum rerum, quas gessissent, memoriam nõ satis fore diuturnam sperarent, nisi ab hominibus ingenio præditis celebrarentur; eos, qui id præstare possent, non uulgaribus præmijs affectos, in honore summo, atque etiam in amore semper habuerunt. Quo mihi illorum laus uidetur esse illustrior, qui & res præclaras manu gerere, & quæ gesserint, litteris custodire ipsi possunt. quo in numero fuit soror illa tua præstantissima femina: cuius militaria facinora cū audimus, cuius eam nostræ ætatis uiro animi magnitudine comparamus: cum autem ea, quæ scripsit, legimus, uel antiquis scriptoribus ingenij præstantia simillimam iudicamus. Huiusmodi cum in tua familia mulieres existant, de uiris quæ sunt speranda? quanquam fratres omnes tui, tuq. in primis, ea, quæ sperabantur, iam præstitistis. itaque Carolus Imperator uestra potissimum uirtute, uestraq. fide nititur. nam fratrem tuum, Marchionem de Mondesar, qui ceteros ætate antecit, cum alijs in rebus, tum in uictoria Tunetana, equitibus leuis armaturæ & classi maximæ præpositum, ma*  
*gno*



gno suis rebus sensit esse adiumento: alterum au-  
 tem, Episcopatu Ianenſi ornatum, ſumme propter  
 eruditionem, & prudentiam diligit: tertium Indi-  
 cis prouincijs pro Rege, quartum Hiſpanicis trire-  
 mibus præfecit: te primum ſibi uoluit eſſe in conſi-  
 lio; deinde, cum difficultatem quandam temporum  
 pæne fatalem impendere, & ea, quæ cogitabat, ſi-  
 ne ſumma prudentia non eſſe tractanda intellige-  
 ret, unum e maximo numero delegit, qui apud Ve-  
 netam Remp. id muneris orator ſuſtineres. quo  
 quidem in munere clarior in dies ſignificatio tuæ uir-  
 tutis elucet. nam ad uſum rerum, quo uales pluri-  
 mum, addis doctrinæ cognitionem: quam a libris  
 petitam, grauiore in cauſſa conſilium capere ſi uiſ,  
 explicas, ut, propoſito præteritarum rerum exitu,  
 cautior præſentium ſit deliberatio. quod quoniam  
 maxime præſtant hiſtoria, & philoſophia: tu qui-  
 dem uehementer utriuſque ſtudio teneris; ſed ne-  
 ſcio quo pacto magis te philoſophia delectat; cre-  
 do quòd pluris apud te eſt, excogitare quæ nemo ui-  
 derit, quàm imitari quæ alij fecerint. Quo in ge-  
 nere cū omnino nullius ope uidearis indigere, quip-  
 pe qui ita abundes ingenio, ut, quocunque te appli-  
 cueris, excellas: tamen uide, quid egerim: iniuri-  
 tionem, ut iuuare te poſſem. nam hos Ciceronis de  
 philoſophia libros cum uetuiſtis exemplaribus con-  
 tuli, & emendatos ad te miſi; ut tibi, ſi quando eos  
 in manus ſumeres, quaſi facilior & expeditior le-  
 gendi curſus eſſet. ſæpe enim ex te audini, cum di-  
 ceres,



ceres, antiquorum in scriptis ita multa esse corrupta, ut in eorum, qui legerent, animos permiste falsa cum ueris influerent: cui malo si quis mederetur, eum te existimare a studiosis omnibus, sed a te ipso certe maximam esse gratiam initurum. quæ me uox non cohortata est, sed impulit, ut id facerem, quod fecisse me uides. Ac fieri tamen potest, ut meo te studio, & diligentia nihil iuuerim; & ea, quæ ego nunc in his libris restituta, in tuo nomine emitto, iam pridem ipse habeas omnia, domi tuæ nata, & a te ipso quæ sita: sed ego ita sum ratiocinatus: cum tu a philosophis didiceris, non in reges solum, & principes, qui summam iuuandi facultatem habeant, sed in tenuiores etiam liberalitatis nomen posse cadere, quòd bene mereri, etiam si non possunt, tamen & cupiant, & præclarum existiment; eadem ratione fore, ut, quòd ego te iuare uoluerim, pro eo id accipias, quasi maxime iuuerim.

AD MARCELLVM CERVINVM,  
Sanctæ Crucis Cardinalem, in alteram  
Ciceronis philosophiæ  
partem præfatio.

E S T genus hominum, qui ita sentiunt: philosophari, aut totum nihil esse, aut non eorum esse, qui rerum agendarum in studio uersantur. quorum in altero mihi uidentur, cum homines sint,

D D be-



bestiarum consuetudinem imitari; quæ tantum ea, quæ pedibus teruntur, quæq. adsunt, intuentur, nihil altum suspiciunt, nihil longinquum cogitant: in altero res a natura copulatas uelle seiungere. nam qui ab actione rerum philosophiam excludit, is, quantum in se ipso est, corporis & animi societatem dirimit; cum & corpus regimine animi, et animus ministerio corporis indigeat. Sed proferunt multos, quibus ignoratio philosophiæ non obstitit, quo minus ea, quæ uolebant, rectissime perficerent. quasi uero sit eadem rerum omnium natura, & quod uni aliqua in causa contigerit, id cuilibet omnibus in causis posse contingere credibile sit. naufragium facit natationis ignarus; arripit tabulam, & amplexu tenens, ad litus incolumis a fluctibus appellitur: num ideo natandi peritiam negemus esse utilem, quod, sine ea qui fuit, e periculo tempestatis euaserit? incidit aliquis in febrem; non curatur, & conualescit: tollemus igitur medicinam, quoniam sunt qui sine eius ope sanentur? nihil minus: nisi si ea, quæ in casu sita sunt, anteponimus ijs, quæ ratio gubernat. quod idem de philosophia dicendum est. nam ut illud demus, sine ea multos esse laudem consecutos: non & hoc dabimus, fore, ut sine eadem consequi omnes possint. non eiusdem semper generis agenda sunt res. est, ubi prudentia uel mediocris abunde satisfaciatur: est item, ubi mentis altior contemplatio requiratur. hoc extremum qui poterit, sequitur ut & illud primum: sed

sed qui ill  
cum ita si  
dicatio. in  
mo fere est  
ferendum.  
sed partes  
cuius hoc  
lophilia co  
trim. entum  
se cum rer  
iungi posse  
similit in ge  
in negotijs  
que minus ea  
me, meam  
legerim, an  
lium, quæ  
e scriptis et  
Romæ in  
omnino tua  
ita quæ  
non modo  
in altiore  
nium con  
esse uoluit  
men animi  
tus, qui in  
lisset, ma  
que paulle



sed qui illud primum, non & hoc extremum. quod cum ita sit; utrum præstet habere, facilis est dijudicatio. in optione enim, & eligendi potestate, nemo fere est, quin totum partibus censeat esse præferendum: propterea quòd non totum in partibus, sed partes includuntur in toto. Ergo, cum perspicuum hoc sit, accidere & posse, & solere, ut philosophiæ cognitio utilitatem afferat, ignoratio detrimentum: dubium non est, quin ea uideatur esse cum rerum actione coniungenda. Sed iidem coniungi posse negant: quo argumento? aiunt eas dissimili in genere uersari, alteram in otio, alteram in negotijs: itaque se non uidere, qui possit in utraque unus excellere. Hic ego, Ceruine præstantissime, meam memoriam non excutiam, ut ea, quæ legerim, aut audiuerim, reminiscar. non est consilium, quæ ad illos redarguendos faciant, ueterum e scriptis eruere. uolo, ut exemplo tuo refellantur. Romæ uiuis, & uixisti multos iam annos. nunquã omnino tua uirtus tam illustri loco latuit: sed postea quàm te Paulus I I I. incredibili Pontifex non modo sapientia, sed bonitate etiam ornatus, in altiore dignitatis gradu collocatum, suorum omnium consiliorum & participem, & adiutorem esse uoluit; tum uero clarissime sese ostendit lumen animi, ingenijq. tui; ut nullus esset honor tantus, qui in te collatus, non uideretur ei, qui contulisset, magnam esse iudicij laudem allaturus. itaque paullo post Cardinalis factus es, & factus tan

D D 2 to



to bonorum applausu, tantaq. latitia, quantam in animis hominum recte sentientium summa dignitas uirtuti tributa potuit excitare. quo toto tempore ualde tu quidem fuisti, atque es etiam nunc, districtus a negotijs, maximeq. ab ijs, quæ & ad sedandas Christianorum Principum discordias, & ad restituendam Religioni dignitatem pertinent: sed te tamen a philosophiæ studio nulla res unquam potuit diuellere. sic & animo, & corpori suis utrique muneribus apte distributis, quotidie fere modo a cognitione ad res agendas, modo a rebus agendis ad cognitionem traductus, teq. ipse in hoc quasi circulo identidem reuoluens, effecisti quod ab ijs, de quibus initio dixi, fieri posse negatur, ut & in tractandis negotijs, & in considerandis rerum humanarum diuinarumq. causis occupatus, dispari in studio, pari tamen cum laude uerseris. ex quo intelligitur, ab ijs, qui rerum actioni se dedunt, & percipi philosophiam, & tractari posse: debere autem ostendimus: est igitur eorum, qui aliter existimant, sententia omnis explodenda. Nos quidem & nostra sponte commoti, & tuo exemplo impulsu, quotidie magis philosophiam admirantes, in eius cognitione cupimus acquiescere; ad eamque, magnis defatigati laboribus, & molestijs, tanquam ad iocundissimum diuersorium properamus. quod si peruenero, uel potius cum peruenero; (cur enim meam ipse cupiditatem omnibus optimis non prosequar?) tum ego quidem multo, quam nunc, facilius

cilius tu  
bo. inter  
to minus  
que diffi  
dum uola  
de sudam  
memoria  
dum id, q  
Ciceronis  
dis, potij  
te maximo  
vindicta  
partes tri  
eam max  
tue perfo  
nt eam de  
ter & acc  
tua ueteri  
deberi fra  
naturis at  
ribus oble

AD R  
Card  
C

B E  
ctus, om



*cilius tua in me merita uel tuebor, uel etiam illustrabo. interea non sumus otiosi: utinā potius aliquanto minus occupati. prouinciam cepimus duram, atque difficilem, ueterum scriptorum libros emēdare dum uolumus. omnino in hoc onere sustinendo ualde sudamus: sed animus, tuarum cohortationum memoria confirmatus, manet in officio, manebitq., dum id, quod instituimus, absoluitur. nunc edimus Ciceronis libros de philosophia, sane multis a mendis, potissimum ex antiquo Bernardini Maffei, qui te maxime obseruat, iuuenis eloquentissimi, libro uindicatos. qui cum ita digesti essent, ut in duas partes tributi legeretur; cumq. ego ex ijs partibus eam maxime uellem tibi inscriptam emittere, quae tuae personae, dignitatiq. aptissima uideretur: feci, ut eam deligerem, in qua de natura deorum eleganter & acute disputatur: ut, quoniam ualde tibi pro tua ueteri erga me uoluntate, proq. summis officijs deberi fructus industriæ meae uidentur; ij dum ad maturitatem peruenirent, his te interim quasi floribus oblectares.*

**AD RAINVTIVM FARNESIVM,**  
Cardinalem, in suos commentarios  
Ciceronis epistolarum ad Atticum præfatio.

**BENE** audire, qui est recte factorum fructus, omnes fere uolumus, amplissime ac præstantissime

DD 3

tissime



tissime Rainuti: ipsum quidem recte facere, unde illud quasi ex fonte deducitur, paucorum hominum semper fuit. est enim tum perfecta natura, tum doctrina singularis: ut tamen natura sine doctrina facile possit ad laudem peruenire; doctrina sine natura laudabilis nunquam, turpis etiam saepe sit. itaque uel in agris inculto homines ingenio uirtutem tamen coluere: doctrinis autem eruditi uiri, quæ ad bene agendum esse instrumenta debuerant, ijs ad perniciem suarum ciuitatum sunt abusi. quid de Pisistrato græcæ historiæ loquuntur? quid nostræ de Casare? doctum utrunque, & eloquentem fuisse, ijs tamen utrunque sensibus, ut exempla maiorum, & legum sanctissima iura contemnentes, libertatem suis ciuibus eripere præclarum duxerint. ergo prima laus bonitatis est; quæ nihil, nisi seipsam, spectat, ipsa sibi finis est: altera doctrinæ; quæ nisi ad bonitatem referatur, laudabilis non est; ideoque, ut laudetur, finem sequitur se ipsa præstantiorem. quod si quis est, qui alterum cum altero coniunxerit; ut & bonus sit, & idem doctrinis institutus; neque rectum ideo solum cupiat, quia sit ipse ad rectum natura propensus, sed quia, quod rectum non est, id esse turpissimum intelligat: hic est, quem in uita humana diuina bona consecutum putemus. præclara res, sed exemplo minus nota: id autem, ut ego opinor, ob eam causam, quod unusquisque in uitam Principis, tanquam in speculum, intuens, ad illius similitudinem se ipse fin-

fingit, &  
trum recte  
rentur, au  
set, futurum  
fuit ullum  
tationes om  
tum profect  
ne. Respub  
tu, gubern  
pontificia T  
lum auctor  
in tantis te  
possit. cum  
ptime ipse  
sibi, defix  
sibi & consi  
in quo ego t  
terutrum el  
cipem malit  
cum sui diffi  
que; & Pa  
legium tali  
mergit uirt  
multos ann  
auguror, h  
duo clariss  
& Cardina  
tudinem te  
ideo te Pa



fingit , & format . ideoque uiri sapientes alteru-  
trum recte cupiuerunt , ut aut reges philosopha-  
rentur , aut regnar ent philosophantes : utrum ef-  
set , futurum ut ex uirtute penderemus . Quòd si  
fuit ullum tempus , cum homines rationes & cogi-  
tationes omnes suas in philosophia constituerent :  
tum profecto cæpit esse , cum auus tuus ad Christia-  
næ Reipublicæ , nimum magno periculo fluctuan-  
tis , gubernacula Dei iussu accersitus , sedit in sede  
pontificia Pontifex dignissimus , ea præditus non so-  
lum auctoritate , sed etiam sapientia , ut hic nos  
in tantis tempestatibus seruare solus a naufragio  
possit . cumque laudandus est maxime , quòd o-  
ptime ipse sentit , optimis semper in studijs , con-  
silijsq. defixus : tum , quòd optimos uiros adsciuit  
sibi & consiliarios , & suæ uoluntatis administratos .  
in quo ego tantum soleo ponere ; ut , si mihi ad al-  
terutrum eligendum optio detur , non bonum Prin-  
cipem malim cum bonis administris , quàm bonum  
cum sui dissimilibus . sed bene , quòd habemus utrum-  
que ; & Pontificem , qualem res poscebat , & Col-  
legium tali Pontifice dignissimum . itaque nunc e-  
mergit uirtus : honestum reuocatur : desertæ per  
multos annos litteræ patronos habent , diuque , ut  
auguror , habebunt . tu Rainuti , fraterq. tuus ,  
duo clarissima Italiæ lumina , uterque Cardinalis ,  
& Cardinalis uterque optimus , præclaram consue-  
tudinem tenebitis ab auo traditam . certe enim non  
ideo te Patauij per tot annos summi doctores eru-

DD 4 dierunt,



dierunt, ut ea, quæ tantis uigilijs quærebas, con-  
 cutus negligeres. amabis eadem, et fouebis: tuūq.  
 erit proprium studium non solum colendæ uirtutis,  
 sed etiam ornandæ. refer animum ad eos, qui mul-  
 tis ante sæculis extincti, tamen in laude uiuunt:  
 omnes reperies, his gradibus adscendentes, ad im-  
 mortalitatem peruenisse. quorum tu quia facta i-  
 mitaris; non dubito, quin eorum semper florenti-  
 bus nominibus ita tuum nomen inseras, ut nunquā  
 exarescat. materiem habes ad gloriam, Anconita  
 nam prouinciam; quam nunc ita regis adolescens,  
 ut ea præstes, quæ sæpe desideramus in senibus.  
 quæ quanquam ad eos solum, quibus cum potesta-  
 te præes, pertinere uideantur: tamen illa tuæ ditio-  
 nis terminis non continentur. scis consuetudinem  
 famæ. illa nos per ora hominum sublimes uehit: be-  
 nefacta simul et malefacta æque circumfert: sed be-  
 nefacta laudibus excipiuntur, malefacta conuicijs  
 exploduntur. itaque noli putare, te Picentibus so-  
 lis esse continentem, esse iustum, esse beneficum.  
 Picentes hæc uident, longinqui audiunt, & prædi-  
 cant. te aiunt esse, ad quem aditus omnibus pateat;  
 cui sit iustitiæ, sit pietatis antiquissima cura; cuius  
 & potestas timeatur, cum omnia possis; & boni-  
 tas diligatur, cum idem non plus licere tibi uelis,  
 quàm quantum leges præscribant. matre adolescens  
 laudibus eximie, imitator aui maiorumq. tuorum  
 recte cogitasti, In imperio laudem non esse, nisi  
 cum is, qui imperat, imperio dignus est. quod quia  
 tibi

tibi sue a-  
 bitror, ab  
 ram attin-  
 ipsum & h-  
 ueris; et a-  
 in me quid-  
 uidissem, a-  
 iam nolum  
 pestantem  
 tunc, cum e-  
 iudicium in  
 operis perp-  
 multorum  
 cum provin-  
 to ante, qua  
 Pontifex d-  
 epistolæ ad  
 nomine em-  
 laudibus ex-  
 to, serius o-  
 sed meum  
 las ad Att-  
 fuit. alijs i-  
 in hac qui-  
 difficilia,  
 propter bi-  
 ppter mor-  
 cis non sa-  
 sed tenta



tibi siue a natura, siue a disciplina, siue, ut ego arbitror, ab utraque simul contigit: quod ad naturam attinet, referimus ad Deum: de disciplina, te ipsum & laudamus, qui ad hæc præclara inuigila-ueris; et amamus, quia sũt amabiles uirtute præditi. me quidem et multis abhinc annis, cum Romæ te uidissem, atque allocutus essem, in tui obseruantiam uoluntas inclinauit, iam tum de tua indole expectantem ea, quæ consecuta sunt; & postea Patuij, cum in studijs optimarum artium totus esses, iudicium impulit. hæc tua Picentina legatio quasi operis perpolitio fuit: in qua thesauros philosophiæ, multorum annorum studio congestos, explicas, & cum provincia communicas. itaque cum ego multo ante, quàm istam tibi administrationem summus Pontifex demandasset, eos commentarios, quibus epistolas ad Atticum illustrare sum conatus, in tuo nomine emittere statuissem; postea simul cum tuis laudibus creuit uoluntas mea. eos igitur nunc emitto, serius omnino, quàm non nulli expectauerant; sed meam tarditatem opus ipsum excusat. epistolas ad Atticum interpretanti properandum non fuit. alijs in rebus possum esse quantũuis strenuus: in hac qui possum esse non tardus? primum multa difficilia, deinde non ijsdem caussis omnia, sed alia propter breuitatem, alia propter historias, alia propter mores. Huc adde, quòd mihi quibusdam in locis non satis fuit explicare ea, quæ aperta nõ erant; sed tentauì, num etiam paullo floridius possem, quàm



quàm nostri grammatici solent. Neque tamen sum nescius, fore multos, qui me in his commentarijs ut hebetem, quia non nulla minus acute uiderim, uel fortasse etiam ut cæcum, quia prorsus non uiderim, reprehendant. qui si mihi, cur id faciant, causas afferant probabiles; non committam, ut ijdem me etiam ut pertinacem possint reprehendere. amo enim ueritatem, neque eam in me ipso magis, quàm in alio: itaque complectar, sicubi eam uidero. Tibi uero, clarissime Rainuti, quod in has Ciceronis epistolas laboris impendi, maxime ob eam causam cupio probari, ut, si qui uere iudicare aut propter inscitiam non possunt, aut propter maleuolentiam nolunt, eos a consilio detrahendi, tua deterreat auctoritas. Venetijs, M.D. XLVIII.

AD ALFONSVM CARAFAM,  
Antonii Marchionis Montisbelli F.  
in suos commentarios Cicero-  
nis epistolarum ad Q. fra-  
trem præfatio.

Si suo quæque res merito penderetur, Alfonse Carafa; hominum esset in uirtute uigilantium præclara condicio; contraque, quos auersa a ratione uoluntas ad malas artes, et flagitiosa consilia trahit, cum iis pessime semper ageretur; eorumque docti exemplo, sapientius deinde alij nõ modo suis, uerum etiam publicis rationibus consulerent. itidem



dem enim, ut e corruptis seminibus uitiosæ fruges,  
 sic a malis exemplis improba studia, a laudabilibus  
 optima nascuntur. uerum hoc totum secus est. quip-  
 pe non modo ad reprehendendum, quæ reprehen-  
 di iure possunt, procliuiiores, quàm ad laudandum,  
 quæ laude digna sunt, omnes fere sumus, nec satis  
 æqua lance turpe & honestum examinamus; quæ  
 debemus pariter, alterum odisse, alterum diligere:  
 sed etiam sæpe facimus, ut eas res, easq. actiones,  
 quarum causas ignoramus, quæq. recte ne, an se-  
 cus fiant, diiudicare non possumus, accusemus ta-  
 men, acerrimaq. uituperatione, quæ interdum ef-  
 ferri laudibus oporteret, ea deprimamus. Ac, ne  
 me putes, *Alfonse* clarissime, huius initium sermo-  
 nis temere detulisse; ego nunc, si nescis, meam,  
 meam dico? immo uero communem utriusque no-  
 strum causam ago. aut enim uterque agimus egre-  
 gie; aut uterque similiter peccamus. Audis ne tu  
 uoces in latinæ linguæ nomen irrumpentes, homi-  
 num obtreçantium, qui rei pulcherrimæ scientiam  
 reprehendant; qui nos derideant, ludosq. faciant,  
 atque etiam, si dijs placet, odio dignos existiment,  
 quòd operæ tantum ac temporis in hoc tam nobili  
 studio collocemus? tu fortasse non audis, totus in  
 litteras abditus, multorum a consuetudine seiun-  
 ctus: aut, si audis, negligis, opinor, magnis non  
 tam fortunæ, in qua tamen ipsa multum inest,  
 quàm rerum omnium laudabilium præsijs ad om-  
 nia munitus. me uero, humilis hominem loci, hac

una



una tibi Romani sermonis cupiditate parem, ceteris rebus omnibus inferiorem, ista sane, quæ feriunt aures meas, uehementer commouent; non quod ea, quibus utuntur, argumenta firma sint; quæ ostendam esse inania: sed quod, ut eam quisque uirginem cuius amore flagret, intactam ab iniuria, puram ab omni labe uelit, sic ego, quasi lutosi maculis adspersam, ac fœdatam eloquentiam, quam semper dilexerim, cum adspicio, sensibus intimis afficio, sic, ut ferrre non possim. Obijciunt illud primum: quatenus aliquid cognosci possit, eatenus, in eo laborandum: latinam linguam obsoleuisse iam, & extinctam pene totam esse: quam enim hodie nationem, ut omnes animo perlustrentur, latine loqui? quod uero, ex ea supersit in libris, minimum id esse, tanquam aliquod inane simulacrum corporis exanimis: quocirca neque sciri perfecte, cum exiguam partem libri contineant, neque pronuntiarı decenter, cum sermonis usus euanuerit, a nobis posse. Secundo loco statuunt: ut absolute, percipi, quod negant, latina lingua possit, mirari se tamen etiam atque etiam, cur industriam in ea perdiscenda tam diuturnam ponamus: uitio quidem id fieri uoluntatis, & iudicij: dignitatem in re tantam non esse, ut hæere per tot annos in hoc studio debeamus. Concludunt postremo: ut de perfecta cognitione, de dignitate, ac præstantia concedatur; tamen esse, cum, ea pulsa, successerit alia, minime necessariam. Hæc isti: quæ specie aliquid uidentur; ego,



ego, re nihil esse, si quando me praesente disputantur, ostendo. Conuenit inter nos, esse aliquid in omnibus facultatibus, atque artibus extremum: quò nostra studia cum peruenerint, quiescendum. sed hoc extremum quibus terminis metimur, rei ne natura, an uulgi opinione? si opinione uulgi: licet propemodum otiose uiuere: mediocria, quæ putantur excellere, quæramus: id satis est: illa summa, ubi summum decus habitat, quæ uulgus ignorat, omitamus. sin extremum illud esse uolumus, quò peruentum cum est, progredi longius, non licet: moderata studia non dantur. perfectam enim scientiæ laudem adipisci, maximi operis est: itaque hoc extremum, quod, opinor, Natura nouit una, sapiens nemo unquam se putauit esse consecutum. extant, litterarum clarissimis testata monumentis, exempla summorum philosophorum: qui cum ætatem in abditarum rerum perscrutanda notitia contriuisent, multaq. partim legendo, partim cogitando preclara & eximia reperissent; latere tamen adhuc, magnis inuolutam difficultatibus, ueritatem, & aliquid sibi, atque adeo multum esse querendum existimabant. Eadem nunc, aut certe similis admodum nostra ratio est. Querimus id, quod in Latina lingua perfectum putamus. non assequemur: esto: ueruntamen, quo plus, ut assequamur, contenderimus, eo scilicet propius, si quid studio proficitur, accedemus. At laboris, & industriæ terminus tamen statuendus aliquis est. Concedo: sed



sed hoc quidem, si diligenter attendatur, nihil aliud est, quam perfectum ipsum definire. hoc enim ad unum nostri labores intenduntur, hoc unum nostra spectat industria. perfectum autem ipsum ego mihi ab hominibus imperitis certe definiri nolo. definiant ij, quibus utor magistris, Cicero, Caesar, Terentius, Plautus; quorum ex libris, quæ latinæ linguæ sit elegantia, quæ ubertas, quæ uis, facile possum intelligere. quæ si, non dico quanta sunt, (immensa enim esse uideo) sed si ea mihi magna ex parte comparassem; modum fortasse facerem studio meo: sed, ut inter hos, qui nunc homines uiuunt, aliquid esse uideamur, nihil tamen, si uere de nobis ipsis iudicare uolumus, præ illis, quorum extant satis multa scripta diuinitus, nihil, inquam, plane sumus. Quare, quod ad scribendum attinet, habemus abunde, quod imitemur. De pronuntiatione uero minimum laboro. quid enim? an putamus in ijs ipsis, qui tum Romæ uiuebant, eandem pronuntiandi rationem fuisse? non fuit. confluebant in urbem, illecti spe summorum magistratum, quod habuit illis temporibus premium eloquentia, oratores ex uniuersa Italia. causas agebant Romani homines pariter & peregrini, sono uocis dissimiles, pronuntiatione diuersi: suam tamen quisque, pro eo, quantum quisque ualebat ingenio, laudem ferebat. si Curibus educatum, aut Arpini, orantem in foro audires; Sabinum statim, aut Arpina tem agnosceres. neque tamen a forensi opera, & a  
iu-



indicijs propterea quisquam est exclusus, quia minus Romane, hoc est quia minus apte, minus ue decenter, pronuntiaret. Nunc ipsum, in hac, qua Itali omnes utimur, lingua est ne omnium in disiectis & longinquis urbibus simillima pronuntiatio? mehercule ne in iisdem quidem. Venetijs enim (domestico utar exemplo) aliter in urbe media, aliter in extrema loquuntur. quapropter nimis iniusto privilegio damnabitur latina lingua, si, quod in ceteris linguis usu uidemus euenire, ut non modo diuersis, uerum etiam iisdem & temporibus, & locis non similiter omnes pronuntient, id ei praecipuum apponatur: cuius etiam magnis ac praestantibus meritis aliquid largiri, tum humanitatis, tum aequitatis esset. Secundum erat de dignitate. in quo, non tam equidem quid ipse respondeat, quam quid istos in hanc mentem impulerit, quaero. Ita ne? dignitatem latinae litterae non habent? humiles, & obscurae sunt litterae illae, quae populi Romani nomen extollunt, atque illustrant? quae summorum Imperatorum fortiter & praeclare gesta per omnes gentes cum laude disseminant? quae maiores opes, quam ulla unquam lingua, maiora suorum meritorum praemia in orbis terrarum domina ciuitate sunt adeptae? Sed ineptus sim, si me patronum latinae linguae profitear: quae tantum possidet eloquentiae, ut, ipsa suam caussam si agat, facile se ab aduersariorum calumnia uindicare possit. Nunc, quod isti postremo loco argumentum, quasi postrema in acie subsidium



dium firmissimum, collocant, uideamus in eo quan-  
 tum roboris ac neruorum sit. plus enim est fortasse,  
 quàm ut contemnere, minus certe, quàm ut perti-  
 mescere debeamus. Nusquam, inquiunt, uiget u-  
 sus latini sermonis: aliter nunc omnes loquimur.  
 id uerum est. si quid igitur in latinam linguam stu-  
 dij confertur, opera non bene ponitur. hoc falsum.  
 duplex autem est, qua utor, ratio probandi. Pri-  
 mum illud suscipio, ac defendo: non, quæcūque ne-  
 cessaria non sint, propterea spernenda esse omnia,  
 atque explodenda; deinde, si spectetur utilitas, ita  
 latinam utilem esse linguam, ut etiam necessaria ui-  
 deatur. Quæ sunt, quæ uere, et proprie necessaria  
 dicimus? nimirum ea, quibus carere nullo modo  
 possumus. huiusmodi sunt primum elementa, dein-  
 de, quibus famem, frigoraq. arcemus, uictus, uesti-  
 menta, ades, aut ea, quibus hæc parantur; præte-  
 rea, in publicis rebus leges, & magistratus, in pri-  
 uatis seueritas, & uigilantia. ex hoc numero lati-  
 nam certe non esse linguam, facile concedo. neque  
 enim is ego sum, qui libenter cum ueritate pugnem.  
 Sed præter hæc, quibus hominum uita sustinetur,  
 ac regitur, quàm multa sunt, minime necessaria,  
 quæ tamen habemus in delicijs, quæ amamus, quæ  
 etiam honore prosequimur? gemmas, & uasa pre-  
 tiose cælata, columnas marmoreas, laqueata tecta,  
 sericas uestes, textiles picturas, artem in uocibus,  
 et fidibus, odores in unguentis, condimenta in cibis,  
 hæc certe, atque huius generis sexcenta, non ut ne-  
 cessitati



cessitati pareret, sed ut sensibus satisfaceret, inuenit industria. quæ quin habeant iocunditatis & ornamentum plurimum, nemo negat. quod si, quæ sensus iuuant, & laboriose quæ sita sunt, et retinentur accurate: quanto nobis ea, quæ animum oblectant, potiora debent esse? pascitur animus magnitudine rerum: quid Lini sublimius historia, quæ populi R. bellicam uirtutem commemorat? grauitate sententiarum: quis Cicerone prudentius, quis eruditius disputat? elegantia uerborum, & copia: quis eodem ornatior, quis uberior? uarietate scriptorum: quod genus Romanæ litteræ desiderant? poetas habent egregios, historicos, oratores, philosophos etiam excellenti doctrina claros. quæ si uera sunt: (sint, nec ne, res ipsa declarat: ambigere non licet) & si uoluptatem studiosis latina lingua parit incredibilem; possum istis tribuere, quod uolunt, necessariam uulgo non esse; dum ipsi contra, quod ratio postulat, atque exigit, hoc mihi tribuât, amandam esse uehementer, atque expetendam. Sed hæc ad eam, qua legendo fruimur, uoluptatem pars attinet: nunc, quod eram alterum pollicitus, de utilitate uideamus. Omnes linguæ aliarum admistione linguarum, si moderata sit, augentur; si nimia, corrumpuntur, atque intereunt. quod enim recipitur, id esse debet eiusmodi, ut recipientis naturâ suauis, suâq. magnitudine non exsuperet. itaque sermo hic noster Italicus multas Gallici sermonis, multas Hispanici, quasdam aliarum nationum

E E      habet



habet partes. caussam si quærimus: non alia, quàm earum gentium interuentus, & consuetudo, fuit. quòd si Gallorum, aut Hispanorum immensa multitudo, (exempli causa dictum à me sit: omen quidem inane esse uolo) sed si earum nationum maior aliqua uis in Italiam irruperit, ac permanserit: maior simul inducetur Gallici, aut Hispanici sermonis usus; et fortasse aduentitium illud usque eò ualebit, ut hoc domesticum uincat, suisq. sedibus expellat. quod olim Romanæ linguæ contigit: quam, inultarum ætatum spatio, multis maximarum rerum adiumentis auctam, atque confirmatam, diuersis tamen populis Italiam occupantibus diuersarum linguarum impetus oppressit. Cum igitur lingua linguam amplificet; nostraq. hæc Italica, non multis abhinc sæculis orta, nec admodum liberaliter præmiorum nutrimentis educata, non ita dum adoleuerit, ut suis contenta uiribus esse possit: statuo sic, atque concludo; accessionem ei fieri maiorem non posse; quàm si cum latina coniungatur: non modo, quia nulla plenior, aut ornatior: uerum etiam, quia nulla similior: ex quo sequitur, ut ad coeundam cum ea societatem nulla commodior. Est igitur litterarum Romanarum cum per se laudabilis admodum, & iucunda tractatio, tum uero, si quidem hunc ipsum, quo nunc utimur, auctum exornatumq. sermonem cupimus, magnopere necessaria. Atque hæc tu quoque uides, Alfonse ingeniosiss. me, tuumq. iudicium cum mea sententia coniungis.



iungis . itaque , cum a prima pueritia ad eloquentiæ Romanæ cupiditatem incumbere cœpisses ; postea te non ambitio , quæ sæpe præclare iacta fundamenta uirtutis euertit , non commodum , non illa bonis artibus inimica , uoluptas ab hoc studio deduxit . ac ne nunc quidem langues ; cum tamen omnia uideas ardere bello , armorumq̃ . strepitu aures tuæ quotidie personent . quin , dum patrui tui , Carolus Cardinalis , & Ioannes Palliani Dux , uterque ob uirtutem immortalitate dignissimus , maximeq̃ . pater tuus , Antonius Marchio Montisbelli , natus ad omnem gloriam , omniq̃ . princeps laude cumulatus , urbem Romam , et iura pontificia tuentur , partesq̃ . in bello quisque suas consilio , uigilantia , fortitudine ita explent , ut antiquam maiorum suorum consuetudinem referant ; ipse te interea contineres in tuis perennibus studijs ; animumq̃ . tum alijs magno Principe dignis uirtutibus , tum uero maxime excolis eloquentia , doctorem in ea , ducemq̃ . natus , diuino quodam munere , uirum excellentem , Ioannem Paulum Flauium ; qui te nouo quodam , planeq̃ . admirabili genere disciplinæ , abductum a uulgi erroribus , per directam semitam ad eximium illud ueteris Romanæ linguæ decus facile ducit , quò uel cum summis laboribus ac uigilijs adspirare pauci , aut fortasse etiam nemo potest . quanquam me non nunquam , de statu latinæ linguæ cogitantem , miseratio quædam acerbo cum dolore tangit : quòd ita futurum animo cernam , ut

E E 2 hæc ,



hæc, per tot iam secula, a tot ingenijs, tam diligen-  
ter culta, latine scribendi ratio, quæ parentem no-  
stram Italiam nobilitauit, quæ tot in nos merita  
contulit, ætate demum nostra, nisi remedium ali-  
quod diuinitus extiterit, suam honestatem omnem  
neglecta prorsus in perpetuum amittat. quod si re-  
bus inclinatis, iam iamq. cadentibus opem ferre  
quisquam potest; unus est Paulus IIII, Ponti-  
fex omnium optimus, idemq. diuina potius, quàm  
humana, sapientia præditus. unus, inquam, aut  
nemo unquam, & latinam linguam, & laudabilia  
quæque studia ueterem in dignitatem uindicabit.  
qui cum frater fuerit aui tui; cumq. illum una uir-  
tus ad eum gradum extulerit, unde humana om-  
nia despicit, supra casus omnes, supra fortunam ip-  
sam collocatus: hunc te decet imitari, huius uitam,  
perpetuo sanctissime traductam, huius omnia fa-  
cta, consilia, instituta tibi ante oculos ponere. ui-  
des pietatem erga me Deum. et in auctoritate Pô-  
tificia, id est in ipsa religione tuenda firmitudinem  
animi, atque constantiam. uides multiplicem rerû  
humanarû diuinarumq. scientiam, trium uero lin-  
guarum, hebraicæ, græcæ, latinæ cognitionem pæ-  
ne singularem. eloquentia uero prorsus eum excel-  
lere omnes fatentur: qui quidem ita quacunque de  
re non modo copiose, uerum etiam eleganter, ac di-  
serte loquatur ex tempore, ut ei non arte quæsitâ,  
sed a natura donata uideatur eloquentia. hunc igi-  
tur sequere, & in illius uestigio pedem statue. ipse  
enim

enim De  
quam ple  
ret. quen  
ob eam ca  
eius digni  
breui omni  
tabor prin  
caussa. qu  
demus, et  
ad istam u  
ferunt, for  
Abbis. Al  
fuit digna  
reos permi  
studio defi  
me de te n  
tam Italia  
magno uer  
domitilise  
modus es  
cem uolui  
ipollas a  
cum tibi  
ego per te  
quo certe  
paullo tam  
meas: qu  
nenolent  
no, idq.



enim Deum secutus est ; cum eam felicitatem ,  
 quam plerique mortales ignorant , animo cogita-  
 ret . quem tu quoque finem spectas , ut audio : &  
 ob eam causam futurum homines augurantur , ut  
 eius dignitatis , quæ summæ proxima est , insignia  
 breui omnino consequaris . quod cum euenerit ; læ-  
 tabor primum tua , deinde communium studiorum  
 causa . qui enim tuos impetus ad huc nunc ui-  
 demus , tuosq. plane sensus intelligimus ; an , ubi  
 ad istam uoluntatem auctoritas , atque opes acces-  
 serint , fore dubitemus , ut a te ipso dissentias ? Præ-  
 stabis Alphonse tu quidem alia præclara , te ipso sci-  
 licet digna , tuaq. familia , in qua florere uides he-  
 roes permultos , gloria circumfluentes , uirtutis in  
 studio defixos : maxime uero gratiam referes opti-  
 me de te meritis latinæ linguæ , eamque , paulla-  
 tim Italia cedentem , & ad transalpinas nationes ,  
 magno nostro dedecore , migrantem , in suam sedem  
 domiciliumq. renocabis . Cuius gloriæ causa , si mo-  
 nendus es , meritorem ad te , sin rogandus , suppli-  
 cem uolui mittere commentarium hunc meum in  
 epistolas ad M. Brutum , & ad Q. fratrem : qui  
 cum tibi studia commendat eloquentiæ , in quibus  
 ego per tot annos , utinam cum aliqua laude , ma-  
 gno certe cum labore uersor , commendat simul ,  
 paullo tamen uerecundius , se ipsum , & uigilias  
 meas : quarum fructus mihi erit uberrimus tum be-  
 nenolentia , tum iudicium tuum . Quasiui omni-  
 no , idq. mihi primum fuit , posteritatis utilitatem ;

E E 3 quod



PAVLI MANVTII

quod est proprium familiae nostrae: sed in te ipsum simul, cum huic operam commentario darem, spectavi. tu si probas ea, quae litteris mandamus; si faues industriae, optimeque te esse animatum erga mea studia significas: ego me, quae summa sunt, omnia consecutum putabo.

AD ANTONIVM AELIVM,  
Polae Episcopum, in orationis Ciceronis pro P. Sextio commentarium praefatio.

Cum alia multa, quae uigebant olim, rerum laudandarum studia perisset, atque extincta prorsus esse, dolendum est, Aeli, uir optime, ac doctissime: tum hanc, in qua sitam omnes uel maximam utilitatem intelligunt, interpretandi rationem ita amisimus; ut ex eorum, quibus nostra patrumque memoria suam hoc in genere industriam locare studium fuit, magno ac infinito prope numero, non tamen ita multos, qui tolerabiles uideantur; qui uero excellant, quam paucissimos, aut fortasse neminem liceat inuenire. atque huius quidem incommodi culpa unde manauerit, exponam. Primum illud in controuersiam non cadit; quo quidque praestantius, eo laboriosius, ac difficilius esse. alioqui nihil iam excelleret. quod enim consequerentur multi, in eo dignitas non esset, & ex copia uilitas existeret. est igitur in magnis rebus item magna,  
quae



quæ nos ab earum quasi possessione arcet, constituta difficultas. hæc porro simplex non est, sed in duo genera diuiditur. quedam enim, sicuti existimantur, ita difficilia sunt: quedam, cum non existimantur, tamen sunt. ubi difficultas & est, & apparet; inde multitudo uoluntatem & studium libenter abducit. rem quidem ipsam, quanti est, opinione æstimamus, & uehementer expetimus: magnis uero laboribus, & uigilijs ut ematur, non facile quisquam a se ipso impetrat. amat enim hominis natura moderatam quietem, eaq. alitur, & crescit; nimias contentiones, quibus frangitur, ac minuitur, recusat. ubi uero facile in speciem aliquid ostenditur, difficultas inclusa latet; cuiusmodi non esse pauca, inanis multorum docuit experientia: eò frequentes, bona spe inuitati, accurrunt; facileq. ad eas res aggrediuntur, in quibus uel mediocrem operam si ponant, futurum, ut ex animi sententia succedat, arbitrantur. quos deinde, graui temeritatis infamia, refellit euentus. huius generis hæc est, de qua orationem instituimus, ratio interpretandi. quis enim est, qui se non existimet Liuium posse, Sallustium, Virgilium, ipsum mehercule Cicronem ita commode explicare, ut desiderari ab eruditibus beneq. intelligentibus uiris nihil queat? atque hi, cum in C. Marij, aut in L. Syllæ nomen inciderint; si Marij, aut Syllæ uitam, a Plutarcho sumptam, in sua scripta totam transfulerint; tum se suas præclare partes absoluisse existimant: cum

EE 4

interim,



interim, in quo doctrinæ, quæ paullo sit occultior, appareant notæ, in quo ingenij lumen eluceat, in quo prudentiæ uis, aut iudicij signa cernantur, nihil afferunt. exire uidemus quotidie, a postremi ordinis hominibus factos, speciosis magnâq. pollicentibus titulis insignes, minimi pretij commentarios: quos non modo qui scribunt, falsa de se ipsis opinione decepti, uerum etiam qui typis impressos edunt, ijs, qui hoc de genere iudicare possunt, inconsultis, quodam modo deformant præclara studia litterarum, & de posteritate ipsa pessime merentur. sed cetera, quæ ferenda non sunt, feramus tamen, ac dissimulemus, sane multa: commentarios uero illos, qui passim leguntur, in Ciceronis orationes, (quem librum? latinorum omnium facile principem) grauem, inquam, illam immensi uoluminis molem quis est qui ferre ullo modo possit? loca sunt in Ciceronis orationibus male mendis affecta quâ plurima: sanari nullum uideas. sunt ob antiquitatis obscuram notitiam difficilia: quis est, de tot interpretum numero, qui lumine explanationis illustraret? denique communia tantum, quæq. omnibus pæne patent, ea sumunt ad explicandum: ex abditijs, quò sine labore et ingenio accessus non est, doctrinæ fontibus nihil hauriunt. contraque, multa corrumpunt magis, dum emendare conantur; multa exponendo peruertunt, et pulcherrimas sæpe sententias turpissimis inscientiæ maculis inquinant. Quæ me ita commouit indignitas, itaq. meum animum,

ut



ut uere dicam, misratio quaedam affecit, quasi ob illatam uiro optimo, egregieq. de litteris merito, Ciceroni, qui Romanae terminos eloquentiae longissime protulit, ignominiam; ut statuerim, si cum uita ualetudo, & cum ualetudine otium suppetat, triennium, aut quod omnino res exiget spatij, in hoc omnium pulcherrimo libro interpretando, studiosorum gratia, consumere: non quòd ego is sim, qui mihi tantum arrogem, ut alijs detractam scientiae laudem ad me transferam: abest hoc a consuetudine mea, abest a natura plurimum: sed neque rursus is sum, qui, cum ceteros probe nouerim, ipse me prorsus ignorem; & qui, cum alios accussem propterea, quia non praestant ea, quae ab eorum studio postulantur, ego me, si quid praestare posse mihi uideor, uelim contemnere. non ita laudem fugio; etsi nec nimis appeto. alterum stupidae cuiusdam sapientiae, alterum insanae ambitionis esse uitium semper duxi. neque uero, si quid mihi elegantioribus in litteris assumpsero, longe admodum ab ijs finibus, quos modestiae ratio praescribit, discedere mihi uidebor. scis tu Aeli, pro nostra uetere amicitia, & familiaritate, per quot annos, quibus laboribus haec, quae ab humanitate nomen acceperunt, studia coluerim. sciebat optime omnium, & mihi, cum uiueret, hoc nomine tribuebat plurimum, Bernardinus Maffeus Cardinalis, meus ille, in omni mihi uita deslendus Maffeus, Urbis deliciae, lepor, humanitas, exemplum antiqui officij, flos omnium uirtutum.



tutum. is amabat hæc studia mirifice, eaq. quibus poterat rebus ( poterat autem plurimis ) tuebatur, & fouebat. bene autem de hac, quæcunque in nobis est, uel potius quantulacunque est, latinæ orationis facultate existimabat: meq. quotidie, quantum possem, ut latine scriberem, urgebat. et scribebat ipse, ut scis, luculenter, & egregie. probabat omnino meum consilium, & efferebat, maxime, de commentarijs in Ciceronis orationes; sed exerceri malebat prius industriam meam in Antiquitatibus Romanis, ipso potissimum auctore institutis. interim, ut quasi ex unius partis forma de toto liceret ædificio conijcere, unam aliquam, quæ specimen ingenij mei præberet, orationem subsiciuis horis ut exponendam susciperem, hortatus est. ego sumpsi pro Sextio: nec multis post eum sermonem mensibus hunc, qui nunc in tuo nomine, Antoni Aeli, apparebit, commentarium absolui. et, quod, ille si uiueret, fecissem, ut hoc ei, quidquid est, muneris deferrem, studio meo commotus, illius uirtute impulsus; idem nunc, iisdem adductus causis, tecum facio libentissime. nam cum amicitia inter nos est, quanta inter duos, quorum & uoluntates, & iudicia consentiant, esse potest maxima: tum habes uirtutem, non eam, quæ petitur a libris, quæ uno scientiæ nomine definitur, sed eam, quæ oritur ex animi præstantia, & multas in se laudes continet, Studium in suscipiendis Ecclesiæ causa laboribus, constantiam in perferendis; humanitatem in exci-



excipiendis hominibus, benignitatem in subleuan-  
dis; comitatem in consuetudine familiarium, gra-  
uitatem in congressu & sermone clarorum tuiq. si-  
milium uirorum; denique uoluntatis propensionem  
ad optima quaeque singularem. itaque te summus  
ille artium honestarum patronus, decus Italiae,  
Alexander Farnesius Cardinalis in oculis fert; tibi  
arcana communicat; tuis in consilijs, si quid delibe-  
randum est, multum, si quid perficiendum, in uigi-  
lantia plurimum ponit. tu, quo apud illum Mas-  
seus olim loco fuit, eodem ipse nunc es: rectissimāq.  
laudandarum actionum uiam, obseruatis Maffei  
uestigijs, ingressus, pergis eò fauentibus hominibus,  
approbante Deo, ubi debitum ijs, qui bene ac lau-  
dabiliter uixerint, praeium, summa dignitas per-  
soluitur. Mouit etiam me uehementer illa ratio;  
quod erat inter uos coniunctio animorum artissi-  
ma, conueniebant sensus, congruebat uoluntas: prae-  
terea simplices animi, & puri, nulla simulationis  
arte obducti, nulla inuidiae aut maleuolentiae labe  
suffusi. Quare, quoniam illa Maffei suauitas, illud  
ingenium, illa uirtus erepta morte, nimium iniquo  
fato, nobis est; (tamen si memoriam illius uiri ne-  
que mihi mors, neque omnino dies ulla unquam e-  
ripiet) & quando, quae illius erant partes in ornan-  
dis liberalibus disciplinis, ea translata ad te uiden-  
tur, praecleariq. muneris quasi uicarius relictus es:  
ego quoque, quod in illum studij, quod habui uolun-  
tatis, ac beneuolentiae, (id erat tantum, ut accede-  
re



re nihil posset ) totum illud in te unum , illi quam-  
 simillimum , contuli : & qui te antea , multis erga  
 me meritis , multis ingenij tui suauitatibus addu-  
 ctus , unice dilexissem , tamen id , quod in amore  
 summum uidebatur , auctum , cum hoc accessit , e-  
 tiam atque etiam , plenissimeq. cumulatum intelli-  
 go . Tibi igitur offero , fructum ingenij mei , in ora-  
 tionem pro Sextio commentarium , operis uniuers-  
 si , quod maiores a me uigilias postulat , imaginem :  
 quod ipsum , Maffeo promissum , idem tibi , qui eius  
 in locum successisti , iam nunc animo dicamus . ue-  
 rum hoc serius fortasse præstabitur . de re enim ,  
 quod ad me attinet , constitutum est , & , ut uides ,  
 aggressus iam sum : de tempore , is , a quo nostrorum  
 consiliorum pendet euentus , rerum omnium mode-  
 rator uiderit Deus . Habeo nunc in manibus Anti-  
 quitates . eas nisi pertexuero , nihil instituerè in a-  
 nimo est . pertexere autem ut possim , duo sunt op-  
 tanda , ualetudo , & otium : quod utrunque , assi-  
 duis annorum superiorum studijs infirmatus , et rei  
 familiaris cura impeditus , nunc quidem magna ex  
 parte desidero . accipe interim hoc , quod adest , ar-  
 gumentum obseruantie in te meae ; & illud , quod  
 aliquando , ut speramus , futurum est , suo tem-  
 pore expecta .

Ad



AD IOANNEM MORVILLE-  
rium, Regis Gallorum apud Venetam  
Remp. Oratorem, in quattuor  
Demosthenis Philippicas,  
latinitate donatas,  
præfatio.

QVAM difficili in loco uersetur eorum indu-  
stria, qui de græco uertunt, neque tu, ut arbitror,  
ignoras, Ioannes Moruilleri, uir clarissime, cui uel  
exercitatio litterarum, uel ipsa natura, uel potius  
utraq; simul hoc dedit, ut in iudicando excelleres;  
& ego experiens ita sensi, ut, qui alijs antea in hoc  
genere peccantibus acerbior fuisssem, ac durior, i-  
dem postea, re tentata, eo libentius ignouerim, quo  
magis eandem ipse culpam extimescerem. Occur-  
runt ijs, qui de græcis latina faciunt, duo inter se  
maxime contraria uitia: quorum utrumque cum  
cuitandum æque sit, ita periculosa tamē cautio est,  
ut fere, declinare ab altero dum uis, in alterum in-  
curras. nam & qui in eo laborant, ut græca uerba  
totidem pæne latinis reddant, quòd fideles interpre-  
tes haberi uolunt, inepte faciunt, atque in illa ipsa  
nimis attenuata diligentia grauer peccant; quo-  
niam quidem res ipsa primum sit obscurior; quod  
cum interpretis officio pugnat; deinde latinæ ora-  
tionis dignitate cultuq. destituta sordescit: & qui  
horum in uerbis referendis religionem improbant,  
pu-



rutidamq. appellant, libertatem ipsi quandam & licentiam magis amant; his plerunque contingit, ut, dum ad ornamenta toto animo intendunt, ab ipsa sententia longius aberrent. summum artificium, summamq. possidet prudentiam, si quis inter has difficultates constitutus, quasi medius inter duas Syrtes ita nauigat, ut naufragium non faciat. quod etate nostra cum ex transalpinis hominibus multi, ex nostris etiam non pauci tentauerint; tamen, cum omnes excussi, uix unum aut alterum ex uersa multitudine reperio, qui perfecti munus interpretis expleuerit. Atque ego uidebam fore, ut in illam ipsam peccantium interpretum turbam conijcerer: & communem esse causam confiteor: sed mea tamen hoc probabilior est, quod alij se ad id, quod in hoc genere perfectum est, peruenisse sunt arbitrati; ego, quam a perfecto longe distem, ipsemet intelligo: ut mihi saltem incorrupta fuerit idea, alijs non solum perficiendi ratio defuerit, uerum etiam iudicandi. sed quia fieri potest, ut, quemadmodum alij falluntur in eo, quia sua scripta nimis indulgenter probant; ego contra fortasse fallar in eo, quia mea se uere nimis improbem: expecto, quid tu sentias, Moruilleri sapientissime: ut, siue inter me & alios interpretes aliquid interesse duxeris; siue me quoque in eodem, quod aiunt, haerere luto iudicaueris; ego, quidquid statueris, ad tuam sententiam meum de me ipso iudicium in utranque partem accommodem. Equidem probari a te,



a te , atque etiam laudari mea scripta uelim : & ,  
qui minime soleo esse ambitiosus , tamen igniculis  
quibusdam cupiditatis incendor , ut meum nomen  
in ore tuo uersetur . non enim , a quouis homine lau-  
dari , optabile est ; turpe etiam , a quibusdam . me  
quidem non tam ipsa laus , quàm laudantis auctori-  
tas afficit . quare cum tu is sis , de quo duo Reges ,  
at quales Reges ? omnium , qui in Gallia regnaue-  
rint , maximi , pater , & filius , optime senserint ;  
quorum alter legationem tibi ad Venetam remp.  
detulit , alter eundem honorem postea confirmauit ;  
cumq. in ipsa legatione publicam personam omni-  
re , loco , tempore ita sustineas , ac tuearis , ut sum-  
mam in te grauitatem omnes laudent , nec tamen  
humanitatem quisquam desideret : magni refert ad  
ingenij mei commendationem , quid tu , uir prima-  
rius , & omni laude circumfluens , de hac mea te-  
nui uigilia sentias . potest obscuram per se lucubra-  
tionem tuum testimonium illustrare . quod ego si as-  
sequar ; ad illa præstantiora , quæ maiorum uigilia-  
rum sunt , quæ scis a me iam esse instituta , fiam ala-  
crior : quæ ipsa posteri cum legent , ( non enim di-  
cam , si legent ; quia , quod summe cupio , summe e-  
tiam sperare iucundum est ) de tua , non una , aut  
altera uirtute , sed sapientia , quæ omnes uirtutes  
continet , me narrante cognoscent ; & , cum co-  
gnouerint , ipsi quoque prædicabunt . Venetijs ,  
M. D. L I.

Ad



AD HIPPOLYTVM ESTENSEM,  
Cardinalem, in librum de Roma-  
nis legibus præfatio.

OMNES artes, atque omnes res, HIPPO-  
LYTE Princeps, & Cardinalis, modo augeri, mo-  
do minui, nec easdem perpetuo esse, satis inter om-  
nes constat. patet hoc quidem oculis primum, dein  
de etiam mentibus. oculis notamus euenta: mente,  
cur quidque eueniat, quò ue referenda sit cuiusque  
rei mutatio, intelligimus. itaque lapides, & metal-  
la, quæ omnium durissima sunt, quæ uis hominum  
frangere uix potest, hæc tamen conficit, & consu-  
mit uetustas. quidquid enim ex partibus aliquando  
coijt, & concretum est; id easdem in partes ali-  
quando dilabatur, ac dissipetur, necesse est. habet  
hoc materia illa, unde res omnes constant, ut for-  
mæ mutationem querat: idque, quod sequitur,  
afsecuta, migrat in alias naturas, quasi, quod appe-  
tijt, eo nunquam esse contenta uideatur. neque ue-  
ro hæc naturales tantum ad res condicio pertinet,  
sed inuenta quoque hominum, operaq. attingit. mo-  
res, consuetudines, loquendi ratio, quam linguam  
uocamus, leges ipsæ, quas ne quid unquam ex ho-  
minum memoria deleat, in æs incidimus, omnia de-  
num, quæ ab arte naturam imitante fluxerunt,  
quotidie mutantur, ac tolluntur, non modo ab ex-  
ternis causis, contra uoluntatem nostram, uerum  
etiam

etiam a  
artes libe-  
gis, quàm  
atas nulla  
peratores,  
liam barba-  
dam reliqu  
opes, ac T  
X egregia  
subuenisset  
clarissimi  
laudis cupie-  
tes, magnis  
ra, credo, q  
nunc esset  
dor omnis o  
ius præclar  
ptus morte  
ra: & inte  
secut. a, ut,  
scientiarum  
rum tenebr  
fuit, atque  
pestas non  
lit, uerum  
fuit laude  
ut. ac nunc  
sane inter  
lo tentat



etiam a nobis ipsis, quia tempus ita postulet. sed artes liberales, optimaq. studia, quæ nusquam magis, quàm in Italia, honor aluerat, atque auxerat, ætas nulla magis afflixit, quàm cum Romani Imperatores, imperij sede in Thraciam translata, Italiam barbaris nationibus diripiendam, ac deuastandam reliquerūt. quòd nisi superioribus annis Principes, ac Pontifices aliquot, maxime uero Leonis X egregia, propeq. diuina liberalitas huic malo subuenisset; quem Laurentij Medices, patris sui, clarissimi uiri, exemplo commotum, etiam ueræ laudis cupiditas impulit, ut iacentes ingenuas artes, magnis propositis præmijs, excitaret: barbara, credo, quod ad litteras attinet, magna ex parte nunc esset Italia: dignitas omnis philosophiæ, splendor omnis obsolenisset eloquentiæ. sed neque ille huius præclari operis summam potuit absolvere, ereptus morte, disciplinis liberalibus nimis immatura: & interitum illius tempora sunt eiusmodi consecuta, ut, quæ paullulum iam luxerant honestarum scientiarum studia, ea perpetuis multorum annorum tenebris quasi nox quædam obscurauerit prorsus, atque extinxerit. fatalis enim bellorum tempestas non exercitationem modo litterarum sustulit, uerum etiam, quæ sunt in excolenda uirtute positæ laudes, eas labefecit omnes, atque peruerit. ac nunc quoque, cum pacis aliqua spes, longo sane intervallo, affulsisset, misera rursus eodem malo tentatur Italia, ueteresq. calamitates aduersus

F F

bonis



bonis artibus nescio quis Genius inuehit. Nunc te, Hippolyte Cardinalis, cui summam iuuandi generis humani uoluntatem Deus tribuit, eximiam ad laudem uocat occasio. suscipe desertum pæne ab omnibus litterarum patrocinium: collige tu, quæ alij dissipant, omnium laudandarum doctrinarum studia, & restitue nobis illa, quæ uel hominum improbitas, uel, ut aliò culpa deriuetur, fortune uis eripuit. hæc est actio digna Cardinali, digna Principe, Hippolyto uero & Cardinali, & Principe dignissima. Vidimus tuam præteritam uitam, ab ea nihil humile, nihil obscurum, nihil uulgare, ampla omnia, præclara, inusitati exempli, noui generis expectantur. quæ tu, ne a te ipso dissentias, nunc quidem magna ex parte præstabis, atque adeo iam præstas; bonis uiris, & eruditis beneficentia subleuandis. quorum ex ingenijs non dubito quin quotidie aliquid efflorescere tuo beneficio uideas. quod quia præclarum est, exemplum alij sequentur. scribent omnes, quod quisque poterit, ille tibi gloria, & commodorum spe compulsi. nam, ut coniecturam de me ipso faciam; quem esse nihil in litteris fateor; sed, ut aliquid tamen essem, laboraui; ego olim (decennium, opinor, abiit, eoq. amplius) auctoribus duobus eximijs uiris, Petro Bembo Cardinali, & Bernardino Masseo, qui postea dignitatem eandem magnis in Ecclesiam Christi meritis est consecutus, dederam me ad res Romanas, illas ueteres, obseruandas, & ex omnibus antiquorum monu-



monumentis omni studio colligendas : ut , cum illam remp. qua nulla fuit , nec erit unquam illustrior , uniuersam animo , ac scientia comprehendissem , latinis eam litteris explicarem , egregiumq. bene , ac laudabiliter instituta ciuitatis exemplum meis , quatenus quidem ipse possem , scriptis expressum , posteris relinquerem . Res erat praecelara ; meq. delectabat uehementer , & afficiebat ipsa tractatio . itaque meam omnem industriam , omnem curam , omnes denique in hoc studio cogitationes fixeram , ac locaram . sed accidit iniquo meo facto , ut horum utrunque , Bembum primo iam senē , cuius in beneuolentia ornamenti mihi erat plurimum , deinde Maffaeum , non aetate minus , quam uirtute , florentem , in quo mei spes otij sita omnis erat , a quo pendebam totus , importuna morte ereptum amiserim . destitutus eo praesidio , quo meae fortunae nitebantur uno , fractus animo , ac debilitatus institutum Antiquitatum Romanarum opus omiseram , & ad alia me conuerteram . postea uero quam , honorifica in primis condicione delata , magno sum a te tuo beneficio in tuorum familiarium ordinem inuitatus ; quod ego summæ felicitatis loco duxi ; erectus mente , atque animo , rursus , quod abieceram , suscepi , onusq. tantum , quantum priuatis opibus perferri uix , aut ne uix quidem potest , te uno fretus egregie sustineo . Et , ut ex parte totum indicare posses , de decem , quos exorsus sum , libris hunc de legibus potissimum , quem ad

F F 2 te



te mitterem, delegi: non quòd ita postularet or-  
do: (sextum enim in Antiquitatum uolumine lo-  
cum obtinet) sed, quòd, cum omnium librorum ma-  
teries non modo coacta iam in unum a me esset uni-  
uersa, uerum etiam satis diligenter in partes distri-  
buita; casu accidit, ut hic minus, quàm ceteri, ru-  
dis, minus esset impolitus. præterea feci libenter,  
tuis actionibus admonitus. leges enim hic liber com-  
plectitur. porro leges nihil aliud, quàm rationem,  
nihil, prætér ordinem, docent. ratio autem, & or-  
do, si usquam, in tuis moribus elucet. quippe nihil  
agis non moderatum, nihil non æquabile, nihil,  
quod non cum ea, quam sustines, persona, id est  
cum religione uere Christiana, ac sedis Apostoli-  
cæ dignitate consentiat. quare cum omnia mea tua  
sunt; quandoquidem ego me tibi, quidquid sum,  
& quantus quantus esse possim, totum addixi:  
tum uero hic de legibus Romanis liber uere tibi de-  
betur, tibiq. est a me iure optimo inscriptus. quo  
in libro bene positam a nobis operam si duxeris;  
de ceteris quin idem sentias, haud equidem uere-  
bor. pergo enim studio pari, uoluntate etiam, ut  
mibi uideor, acriore. unum modo exoptadum est,  
ut, quando nos ab hoc studio nulla utilitas, nulla uo-  
luptas, ne uoletudinis quidem satis imbecillæ ratio  
potest auellere, nostris laboribus tua beneuolentia  
quasi propitium numen adsit. sic enim fiet, ne qua  
prorsus in difficultate, ne quo unquam in scopulo  
nostra hæreat industria: & in eum, quò spectat  
ani-

simus, po  
prosequem

IN E  
D

FACT  
reledi essen  
scripti, ad  
ratio dierum  
iustudine,  
am, nel cief  
mea sponte  
publica litta  
gony, uiri o  
ma labe par  
cum, id quo  
ex fastorum  
cederet, qu  
ingenioque  
mentis ipsi  
diem edetm  
non enim il  
unde fastos  
Dionysio,  
quos etiam  
bent, coll  
homines



animus, portū secundo cursu, tuæ benignitatis aura  
prosequente, facile peruehemur. Venetijs, 1557.

I N E D I T I O N E K A L E N -  
D A R I I R O M A N I  
præfatio .

F A C T U M est a me sane libenter, ut, cum  
edendi essent Romani fasti, e lapidibus Capitolinis  
descripti, adiungerem ad eos Kalendarium, ex quo  
ratio dierum, pro ea, quæ Romæ olim fuit, con-  
suetudine, tota patet. atque in hanc me uolunta-  
tem, uel cupiditatem potius primum ea, quam &  
mea sponte, & patris exemplo semper spectavi,  
publica litterarum utilitas, deinde etiam Caroli Si-  
gonij, uiri optimi, & ab omni prorsus iniqui ani-  
mi labe puri, singularis doctrina deduxit. putavi  
enim, id quod res est, futurum, ut ad Kalendarium  
ex fastorum societate commendationis tantum ac-  
cederet, quantum ad ipsos fastos e Sigonij studio,  
ingenioque esse adiunctum, qui diligenter addita-  
menta ipsius, & in ea commentarium, qui prope-  
diem edetur, plenissimum legerit, facile cognoscet.  
non enim illa supplementa, quæ in lapidibus illis,  
unde fastos habemus, desiderantur, ex Linió, aut  
Dionysio, aut ex duobus tribus uel præterea libris,  
quos etiam leuiter eruditi homines in manibus ha-  
bent, colliguntur. non est id, ut rudes antiquitatis  
homines existimant, ioculare quiddā. opera hæc

F F 3

quidem



quidem esset, non industria. et opera quis laudem tribuit, cum in tempore duntaxat posita sit? industria uero non ab ingenio, non ab intentione quadam mentis abest: itaque iure laudatur. quod si satis esset historiam semel aut iterum legendo percurrere; nemo esset, cui Romanarum rerum notitiam assiduo biennij triennij ue studio comprehendere uniuersam non liceret: in qua tamen ego iam per decennium desudo: & quo diligentius ea ipsa, quæ legi sæpiissime, cogitatione retracto, eo certius, quantum in hoc genere sit difficultatis, intelligo. itaque opto, ut, quæ alij collegerunt, omnes edant statim, & mihi hanc laudem præripere conentur. uideo enim fuisse non nullos, qui, meis scriptis ad huius scientiæ studium aliquot abhinc annis excitati, & indicibus eorum librorum, de quibus edendis cogitare me, iam diu polliceor, animaduersis, quasi quodam lumine ad ineundam studiorum uiam prolato, ambitione præcipites, dum anteire nobis uolunt, in maximos, maximeq. pudendos errores inciderunt. quorum alios alij peritiores, nulla facta mora, alios fortasse nos, non illos quidem nominatim, significatione tamen satis aperta, ne omnino debita laude fraudentur, aliquando refellemus. Redeo ad Sigonium. Ille uero, cum, inspectis antiquis libris, lapidibus, nummis, nomina magistratuum uetustate uel amissa prorsus inuenit, uel mutila perfecit; cum fastorum partem, alienum in locum translata, in suam sedem retulit; cum censuras,

furas, ca  
pori sua  
nihil, in  
rum stud  
enim libra  
inducta  
nas curan  
itaque eua  
bus mensu  
plures ex  
omnes, cu  
ame uolun  
deo, eoq.  
exspectab  
i. emanant  
rum in eo  
quanto, q  
na de niqua  
bunt, in m

AD H I  
Hercul  
Ven

M A  
te, qui me  
nobilem  
dia conta



*suras, cum triumphos addidit, & trunco quasi cor  
pori sua membra restituit; nihil potuit difficilius,  
nihil, in quo maiorem a bonis bonarumq. littera-  
rum studiosis hominibus inire gratiam posset. hoc  
enim libro, hoc, inquam, quem nos edimus, (nam  
inchoata quis perfectis anteponat?) qui res Roma-  
nas curant, horis fere singulis utantur necesse est.  
itaque eum qui litteris a me poscebant superiori-  
bus mensibus, amici homines aliquot ex Hispania,  
plures ex Gallia, & Germania; hoc adscribebant  
omnes, cum Caroli Sigonij supplementis. quorum  
a me uoluntati satisfactum esse, uehementer gau-  
deo, eoq. magis, quod adiunxi, quod fortasse non  
exspectabant, non poscebant certe, Kalendarium  
Romanum, utile illud quidem dierum causa, quo-  
rum in eo genera distinguuntur, sed utilius ob id ali-  
quanto, quod ad comitia, iudicia, senatum, Roma-  
na denique omnia, qui coniectura, ingenioq. uale-  
bunt, multam inde scientiam derinabunt.*

AD HIERONYMV M FALETVM,  
Herculis Ferrariensium Principis apud  
Venetam Remp. oratorem, in ip-  
sius poemata praefatio.

MAGNA laus est eorum, Hieronyme Fale-  
te, qui non ad uulgarem humilemq. artem, sed ad  
nobilem aliquam, liberalemq. doctrinam sua stu-  
dia contulerunt: maxima uero, si quis eam philo-

F F 4

sophiae



sophie partem, que poesis appellatur, ita est complexus, itaq. haeret in ea cognoscenda, ut auelli nulla prorsus ratione possit. itaque ueteres illos, quibus optimi ac summi Dei uocem audire, eiusq. sermone frui saepe licuit, homines sapientissimos, atque sanctissimos, poeticae facultatis admodum studiosos fuisse constat, suasq. cogitationes non eo, quo quilibet uteretur, sermone, sed uersibus exponere uoluisse. quorum extant non nulla, sane praecleara: quae cum legimus, afficimur, & quasi diuina quadam ui abrepti, extollitur haud paullo altius, quam qui rerum humanarum in studio uersantur. Habet igitur ars poetica dignitatem; quandoquidem in ea latent arcana philosophiae, quae profanis oculis non patent: ea rudes animos excolit: ea nos ab rerum humilium studio deducit: ad egregios mores, ad ueram religionem, ad excellentem magnarum rerum cupiditatem uocat. Habet eadem suauitatem: quia uocibus apte constructa oratio miram infundit auribus animisq. iocunditatem. Et, ut uno uerbo comprehendam, poesis numerus est: numerus porro nihil aliud, quam ordo: ordinis autem principium a Deo fluxit. diuini sunt igitur homines poetae, nec ullo non honorum genere decorandi. poetas autem definio, non quicumque uersus faciunt; qui molesta & odiosa garrulitate saepe nobis obstrepunt; sed eos, quorum in uita non minus, quam in scriptis, elucet ordo; a quibus colitur humanitas, & beneficentia non modo laudatur, uerum

rum etia  
sunt sacr  
cie ita ue  
est boner  
ro his uir  
monstra  
ostendunt  
dra Lerna  
duntur, p  
Neque in  
praestant  
uitatem  
in morib  
etiam pro  
liberalis  
ses poetic  
aque inf  
sio diffide  
& antiq  
rum, in fi  
est apud  
poesim in  
Herculi  
memora  
to sse lena  
tea, dig  
occupat  
pe dict  
manif



rum etiam pro facultatibus exercetur. hæc enim sunt sacra illa mysteria, quæ poesis fabularum specie ita uelat, ut ea tamen uatum excellentium, hoc est bonorum uirorum, mentes intelligant. quæ uero his uirtutibus aduersantur uitia, hæc sunt illa monstra, inimica naturæ, quæ poeticis figmentis ostenduntur, sus Erymanthius, leo Nemeæus, hydra Lernæa, gigantes, & harpyæ, quæq. alia traduntur, perdendis hominibus, aut frugibus nata. Neque uero tu, Faete doctissime, tantam animi præstantiam possideres; non esses tam ad omnem uirtutem, ad omnem laudem propensus; non tam in moribus elegans, in consuetudine comis, atque etiam pro tuarum copiarum ratione beneficus, ac liberalis; nisi magistræ ab ineunte ætate habuisses poeticam artem; quæ te suis præceptis erudit, atque informant; nihil ut ageres, quod ab honesto dissideret; nihil ut in omni uita, præter decus, & antiqua maiorum tuorum, hominum clarissimorum, instituta, cogitares. cuius tanti beneficii non est apud immemorem gratia collocata. habes enim poesim in delicijs: eam amas: eam ornas. cumque Herculis, Ferrariensium Principis post hominum memoriam maximi personam sustineas, idq. tanto splendore, ac tanta, quanta nemo unquam antea, dignitate; summis tamen magnarum rerum occupationibus districtus, scribis sæpe uersus Calliope dictante, & a grauissimis curis tanquam in amænissimos Musarum hortos animi caussa diuertis.



tis . superioribus quidem diebus , cum egregium il-  
 lum Athenagoræ , ueteris philosophi , librum , de  
 altera hominum uita græce scriptum , Italicum in  
 sermonem conuertisses ; atque ego te , quod uiato-  
 res , difficili confecto itinere , consueuerunt , aliquot  
 dierum quietem uelle capere existimarem : inueni  
 te poema tuum de bello Sicambrico , non nullis ab-  
 hinc annis compositum , ita tractantem accura-  
 te , ut adderes non pauca , quædam detraheres ,  
 multa corrigeres . quæ cum legerem , admiratus  
 elegantiam uerborum , splendoremque sententia-  
 rum , hortatus sum ut ederes , & eo magis , quod  
 reliqua tua poemata , non modo iam typis impres-  
 sa , uerum etiam scripta , per manus , perque o-  
 ra doctorum uirorum eximia tua cum laude uoli-  
 tarent . qua in re non modo meo , uerum etiam  
 studiosorum omnium nomine gratias tibi habeo ,  
 habeboque , dum uiuam , immortales ; quod meis  
 hortatibus , ac precibus tribuisti tantum , ut te mihi  
 totum remitteres , tuorumque poematum ius omne  
 tuum , omnemque plene potestatem ad me liberalis-  
 sime transferres . quod cum impetrassem , exceptus  
 sum illico ea cura , Principi ne alicui uiro , quod fe-  
 re solet , an amico homini , ac familiari , an uero tibi  
 ipsi potius ingenij tui fetus essent dicandi . tibi qui-  
 dem tua deberi uidebantur : sed ab huiusmodi consi-  
 lio tua mihi multis in rebus perspecta modestia de-  
 terrebat . rursus , cum intelligerem , omnes fere li-  
 bros , qui typis diuulgantur , uel ijs dicari solere ,  
 quorum



quorum auctoritas, aut quorum opes utilitatem aliquando aliquam ei, qui mitteret, parere posset; uel ijs, quos pro magnis eorum beneficijs aliquo munere remunerari æquum esset; uel ijs denique, cum quibus minime vulgaris intercederet amicitia: hæc, Faulete humanissime, cum omnia concurrerent, uirtus sum, tuaq. ad te ipsum scripta mittere constitui. nam etsi Princeps tu quidem fortuna non es, summis tamen Principibus tua te uirtus ita commendauit, carumq. reddidit, ut eorum opibus æque, ac tuis, eos, quos diligis, beare possis. sed omitto reliquos. Hercules uero, Ferrariensium Princeps, immortalitate dignissimus, cui te totum uni addixisti, cuius esse uis quidquid in omni uita præstare potes, is quo te numero habeat, facile declarauit, cum, post multas legationes, ad Sarmatarum Regem, ad Imperatorem, ad Pontificem, oratoris apud Venetam remp. munus honorificentissimum tibi commisit. quapropter, quod ad hanc partem attinet, parui refert, utrum Principis nomine liber aliquis inscribatur, an uero eius, cuius apud Principes auctoritas ea sit, ut prodesse quibus uelit non mediocriter possit. De tuis autem erga me officijs quid agam pluribus? quæ cum & multa sint, & maxima; tum uero illud excellit, quod in hac mea satis diuturna oculorum uoletudine uenire domum meam quam sæpiissime, animumq. meum, tristibus curis affectum, tuo aspectu, ac sermone recreare solitus es. Amicitia uero si spectan

cia



da fuit ; neminem tibi debui anteferre . coniunxit enim nos non casus , ut multos , non uulgare aliquot studium , non ambitio , non utilitas , sed ipsa , quæ omnes res nobilitate uincit , uirtus , & artium liberalium societas ; quarum uterque nostrum incredibili studio tenetur . Mitto igitur ad te , quando ita ratio postulat , tua poemata , non ut tibi , de me optime merito , quasi gratiam referam de tuo ; sed ut habeat a me nostra ætas , atque adeo posteritas ipsa , primum , testimonium beneuolentiæ , atque obseruantia in te mea , deinde beneficium , quod , tua scripta cum leget , fatebitur esse maximum . Interea peto a te , ut in illo maiorum uigiliarum opere de fisco , cui non dum extremam manū imposuisti , exorari te sinas , id est ut absoluas , atque perpolias . magnum enim inde fructum capient omnes iurisperiti : cum te difficiles admodum reconditæ materiæ nodos ingenio soluentem , & quæstiones illas implicatas atque inuolutas explicantē , exquisitoq. quodam ordine tractantem intuebuntur . Neque uero tua mihi est occupatio minus nota : cum & negotia tractes Principis eximij ; & ob tuam uirtutem nobiles uiri non modo quotidie , rerum omnibus pane horis officij honorisq. causa ad te adeant : sed rursus eum te esse noui , qui , quod tibi occupationes eripiunt , id ingenij præstantia consequaris . consule igitur gloriæ tuæ : consule studiosis omnibus antiquarum nouarumq. legum : effice , ut , quantum in poetica facultate , quantum eloquentia polles ,

tantum

tantum  
obscurita  
significen  
nac episto  
gularem  
re : atque  
clare faci  
que nostra  
illum fuit  
quantum

AD I  
rina  
i

Ex  
ris doctr  
Principe  
signis huc  
quæstionis  
tus , equ  
summo l  
iamen a  
iustitie  
peres , u  
liberal  
ra form  
nostra



*tantum in iure civili, maximeq. in ea parte, quæ obscuritatis habet plurimum, ualere te tua scripta significant. Meam uero hanc, quam profecto in hac epistola uides elucere, uoluntatem, animiq. singularem ad te amandum propensionem amplectere: atque ita statue, si tu mihi, quod, ut uideo, præclare facis, in amore respondebis, par amicorum neque nostra, neque ueterum memoria coniunctius ullum fuisse. idq. quanti a me fiat; dabo operam, quantum in me erit, quotidie certius ut intelligas.*

**AD ISABELLAM VILLAM A-**  
**rinam, Salernitani Principis con-**  
**iugem, in Scipionis Capicii**  
**poemata præfatio.**

*Ex omnibus rebus humanis cum nihil sit litte-  
 ris doctrinaq. præstantius; sequitur, ut litterato  
 Principe laudabilius nihil esse uideatur. non enim,  
 si quis humili fortuna scientijs animum excoluerit,  
 quamuis omnium uirtutum intelligentia sit orna-  
 tus, æque tamen eas uirtutes exercere poterit, ut  
 summo loco natus. omnium est scire, non omnium  
 tamen agere. non cadit in quemuis administratio  
 iustitiæ, non liberalitatis. esse oportet, quibus im-  
 peres, ut iustitiam colere possis; esse, quod des, ut  
 liberalitatem. Et quoniam ad hæc primum a natu-  
 ra formamur, et fingimur, ut, quæ laudabilia sunt,  
 nostra sponte diligamus; deinde præceptis institui-*  
*mur,*



mur, ut uoluntatem ratio confirmet: utrunque si quis habet, uerissimis laudibus ornatur, eo magis, si is est, cui tertium etiam illud contigerit, ut fortunæ commodis abundet. nam qui uirtutem non ut primum bonum, sed ut alterius boni causam quaerit, ut diuitiarum, ut honorum: ei uirtus, quæ perfecta non est, quia quaeritur ad aliud, perfectam laudem afferre non potest. perfecta uero uirtus est, quæ se ipsa contenta nihil appetit, quod extra sit. hanc si quis est qui sequatur, qui unam diligat, qui ipsam propter ipsam, non propter aliud, expectandam ducat; hic est, quem Dii præter ceteros diligere putantur, cui quidem eam mentem dederint, ut præter ceteros saperet. Tua hæc est, Isabella præstantissima, tua inquam hæc maxime laus est. cum enim tibi aut ad opes, aut ad dignitatem nihil fere posset accedere; quarum rerum cupiditate adducti, magnarum artium in studijs plerique uigilant; ipsa, nihil huiusmodi spectans, uirtutis amore capta, cuius pulchritudinem animo cerneret, effecisti, studio tu quidem, sed ingenio magis, ut, cum esses omnium nobilissima, omniumq. pulcherrima, quorum alterum maiorum tuorum, maximeq. uiri tui, Principis omni laude cumulati, magnis rebus testata uirtus, alterum benignissima tibi Natura dedit, eadem & sis, & habearis omnium doctissima. hinc illa ad te colendam singularis omnium propensio: hinc multorum poetarum, quibus grauißima Regum bella magni operis argumentum

tum supp  
ita ingen  
laudatissi  
obseruat:  
ita conclu  
nia. itaque  
nihil unqu  
mus esse.  
permittent  
libros, de  
tres, me  
rem. diu  
m, multa  
hoc genere  
nis apud m  
legantiam  
miam min  
legi. Hoc  
mo, & q  
mus, non  
sic inquam

AD T

Q  
tibi, Te  
studioq



tum suppeditare poterant , ad te canendam tradu-  
 eta ingenia: hinc Capicius ille tuus, tuarum laudum  
 laudatissimus præco : qui te admiratur unam , qui  
 obseruat : qui cum de te multa, et uera prædicauit,  
 ita concludit, unam habere, quæ optabilia sint , om-  
 nia. itaque me quidem eodem studio inflammauit,  
 nihil unquam ut ardentius optarim , quàm ex tuis  
 unus esse . quod quo facilius impetrarem, feci, ipso  
 permittente , atque etiam libente Capicio , ut eius  
 libros, de Principijs rerum duos, de uate maximo  
 tres , meæ in te summæ obseruantia testes emitte-  
 rem . diuinum carmen est , multis luminibus inge-  
 nij , multa arte distinctum . equidem nihil legi in  
 hoc genere perfectius : ut ne Lucretius quidem plu-  
 ris apud me sit : quo cum antea propter sermonis e-  
 legantiam delectarer, utererq. multum , cæpit mi-  
 hi iam minus esse familiaris , postea quàm Capicius  
 legi. Hoc opus, & quia scriptum est a tui studiosis-  
 simo, & quia uersibus te dignis, id est luculentissi-  
 mis, non dubito , quin a me missum auide accipias,  
 sic inquam, ut de isto me munere ames plurimum .

AD TORQUATVM BEMBV M,  
 Petri filium, in Virgilium  
 præfatio .

Q V O D ego de poetica facultate sentio, idem  
 tibi, Torquate Bembe , qui res præclaras ingenio  
 studioq. consecutus es, bene iam esse cognitum ac  
 per-



persuasum facile puto ; non esse eam inter ea , quæ  
 minimi ducuntur ; non uulgarem , non leuem ; sum-  
 mum esse quiddam , ac plane diuinum ; quiq. suas  
 ad eam cogitationes conferant , etiam si , quod uo-  
 lunt , non assequantur , probandos tamen esse , quia  
 scilicet ad maxima contendant ; qui uero in ea ita  
 uersentur , ut excellant , colendos nobis esse uehe-  
 menter , omniq. omnium laudum genere cohonestan-  
 dos . . Ac miror equidem fuisse , hodieq. esse non nul-  
 los , qui rem hanc pulcherrimam , ac deorum nobis  
 munere concessam , parui pendant , atque etiam , si  
 dijs placet , in sermonibus uituperent . Quid , in-  
 quiunt , est poetica ? fabulas continet : fabulis au-  
 tem quid inanius ? Ridicule : qui ex ipsorum inge-  
 nijs ceterorum ingenia metiantur ; quæq. ipsis ob-  
 scura sunt , ea reliquos uidere non putent . Ego con-  
 tra ita soleo disputare ; utinam , Torquate , te præ-  
 sente , ac tui similibus : nihil enim tam optandum ,  
 quàm habere iudicem in cōtrouersis , qui causam ,  
 qua de agitur , quæq. propter aliquam difficultatem  
 in dubium uocatur , optime calleat . sed ego contra ,  
 cum in hos incidi , ita soleo disputare . Est ne aliquid  
 hominum generi utilius , aut omnino philosophia  
 præstantius ? negare coguntur . si negent , eos ratio  
 refellet , & ueritas ipsa : quæ cum pugnat , facile  
 uincit . una enim est philosophia , quæ uitia nostris  
 ex animis euellat ; una , quæ inserat uirtutes : huma-  
 na omnia , multis obstructa difficultatibus , aperit ;  
 diuina , non illa quidem prorsus , sed magna tamen  
 ex

ex parte p  
 stat, siue a  
 omnibus ,  
 contaminat  
 lucris, qua  
 dicit antiqu  
 uulgus uteb  
 ro, & nunc  
 summa homi  
 cebat . hoc  
 fer, & quat  
 tia: lectis ex  
 tur uersus :  
 cum philoso  
 suauitate ex  
 m uersibus  
 pendi pulch  
 fabulas, qu  
 quibus fab  
 prebender  
 iatiam, ab  
 exempla,  
 qui nostra  
 tanos, San  
 sunt enim  
 suetudo d  
 Torquate  
 cantat : n  
 cursus fu



ex parte patefacit. atque hanc, quæ tantas res præstat, siue artem, siue scientiam, ne communis esset omnibus, uulgiq. tractatione impurisq. mentibus contaminata sordesceret, obscuris fabularum inuolucris, quasi aliquid sacrosanctum, uelauit, et custodiuit antiquitas. fabulas porro ipsas non eo, quo uulgus utebatur, communi, & soluto, sed exquisito, & numeris adstricto orationis genere præsci illi, summa homines sapientia præditi, prodiderunt. placebat. hoc illis, primum ut rei dignitatem, si posset, & quatenus posset, uerborum augeret elegantia: lectis enim, admodumq. puris uocibus efficitur uersus: nihil hauritur de fæce: deinde, quia, cum philosophiam tractarent, maiore nescio qua suauitate ex illo concentu, quem numerosa uocum in uersibus compositio gignit, aures animosq. perfundi pulchrum putabant. quæ cum ita sint: neque fabulas, quæ philosophiam continent, neque uersus quibus fabulæ ipsæ continentur, iure quisquam reprehenderit. His ego ad coarguendam istorum incertitiam, alijsq. præterea utor argumentis. addo exempla, eaq. Italorum, & eorum hominum, qui nostra, patrumq. memoria floruerunt. Pontanos, Sannazarios, Fracaſtorios (omitto alios: sunt enim multi) non ne musarum in primis consuetudo delectauit? propius accedo. pater tuus, Torquate, Petrus Bembus, quem orbis terrarum cantat: nec iniuria: uixit enim, quantus ei uitæ cursus fuit, in uirtute totus: is cum alias coluit phi

G G

loſophiæ



losophiæ partes, tum uero poeticam artem amauit  
 amore quodam ardentissimo; eiusq. studium a pri  
 ma pueritia complexus, nunquam ne in extrema  
 quidem senectute dimisit. scripsit autem uersus in  
 omni ætate multos, et scripsit omnium elegantissi  
 me, sic, ut ei Apollo dictasse uideatur. itaque re  
 cte fecit, optimoq. sane consilio pater meus, qui  
 latinorum poetarum principem Virgilium eius no  
 mini, quem optimum poetam nouerat, inscriptum  
 emisit. recte item ego, qui patris mei exemplum  
 secutus, tibi, & tanti uiri filio, multis uirtutibus  
 ornato, & facultatis poeticæ studiosissimo, ac peri  
 tissimo, eundem poetam, quasi munus Bembæ fa  
 milix debitum, dicauerim. nam quemadmodum pa  
 rentes nostri alter alterum tum sermonibus, tum  
 scriptis ornabat; ut, quantum inter se amarent, æ  
 qui & iniqui cognoscerent: item ego cupio, et cona  
 bor, quantum in me erit, (an præstare possim, ne  
 scio; sed conabor certe) ut ex meis scriptis nostrâ  
 amicitiam, meamq. in te summam obseruantiam  
 etiam ipsa posteritas intelligat. non enim, cum  
 hanc meam multis abhinc annis ad te amandum et  
 colendum uoluntatem contuli, id solum spectauit, ut  
 quasi hereditatem adirem amicitix paternæ: ta  
 met si hoc ipsum quoque me mouit, sicuti mouere  
 debuit, sane plurimum: sed tua quædam propria se  
 cutus sum: tuos, inquam, mores, tua studia, tuas  
 uirtutes uidi primum: deinde ex iudicio fluxit a  
 mor; & quò mea sponte profendebam, ratio im  
 pulit.



pulit . noui te adolescentem , noui iuuenem , et Pat-  
 tauij , & Venetijs , sanctissime uiuentem , & præ-  
 clara illa cum doctissimis uiris philosophiæ studia  
 tractantem . in quibus cum iam , tuo quidem ali-  
 quid , aliorum autem iudicio multum profecisses ;  
 Romam te , in eam urbem , contulisti , quam pater  
 tuus theatrum per annos multos habuit suarum  
 uirtutum celeberrimum . ibi nunc tu quoque specta-  
 ris , & probaris : ibi plausum fers a bene intelligen-  
 tibus , beneq. sentientibus uiris : ibi denique uera  
 illa Petri Bembi cernitur , & agnoscitur in te filio  
 non minus animi , quàm corporis , effigies : & , ut  
 principia se dant , futurum omnes existimant , ut  
 summi tibi in Ecclesia Petri honores , ac præfectu-  
 ræ deferantur : deberi quidem iam , nemo est , qui  
 non intelligat . Quare letor equidem , ac fruor iam  
 nunc , pro meo erga te studio , quasi præsentibus  
 honoribus tuis ; & præcipio gaudia , quanta potest  
 animus meus capere maxima , tuæ futuræ dignita-  
 tis . perge modo , ut cœpisti , in tuis perennibus stu-  
 dijs , & animum tuum pulcherrimis , teq. dignis co-  
 gitationibus exerce . uides eam uiam , qua pater  
 tuus iuit . extant uestigia . istac euntibus rectissi-  
 mus est ad gloriam cursus , offensio nulla , nullus er-  
 ror . quod fecisti , laudamus : sunt enim magni , ue-  
 req. laudandi processus in uirtute tui . quod reli-  
 quum est : quia te summum illud ad decus , quod ex-  
 cellentibus ingenijs propositum est , tanquam ad  
 metam peruenire cupimus ; & , quod cupimus , id



PAULI MANVTII

*in te ipso positum uidemus ; fauemus animis , prosequimur studijs , uocibus cohortamur . Atque ego quidem , huiusce animi mei non obscurum , ut opinor , argumentum , hunc librum , qui me tacente apud omnes gentes loquetur , tibi inscriptum ad te mitto . uolo æternum extare monumentum , unde homines , quid de te senserim , quid iudicauerim , intelligant . uolo , habeas ipse munus a me , unde , quid tua causa uelint , conijcias ; & maiora , cum ornandi tui maior aliqua facultas existet , officia , studiaq. exspectes . Venetijs , M . D . LV .*

AD PAVLVM RHAMNVSIVM,  
Ioannis Baptistæ filium, in Cæsaris,  
commentarios præfatio .

*QVI magistram uitæ dixit esse historiam ; nã ille , Paule Rhamnusi , & dixisse uere , & præclare sensisse mihi uideri solet . facile enim unus homo , quid multis hominibus euenerit , cum intelligit , eruditur , atque ipse sibi normam componit actio-  
num suarum , uitæq. totius inter omnes errores , omniaq. pericula ad ueritatem , ac salutem dirigen-  
dæ . nec aliud est nostra prudentia , quàm euentorum obseruatio , rerumq. præsentium , ac futura-  
rum ex præteritis , tanquam ex fonte , scientia der-  
uata . quod ex uniuerso litterarum genere uel sola  
uel certe maxime præstat historia , præsertim si quis  
eam ita tractet , ut , euenta dum notat , animum re-  
ferat*



ferat ad causas, in easq. attente inspiciat, & ratio-  
nem quærat, cur hoc factum, illud omissum, cur ex  
illo calamitates, ex hoc optata contigerint. Atque  
hoc primum est de historiae fructu. sequitur digni-  
tas. Res gestæ narrantur inter summos Reges, po-  
tentissimas ciuitates, bellicosissimas nationes. caus-  
sæ porro bellorum sunt, quæ sunt humanarum re-  
rum maximæ, imperium, salus, gloria: quæ ponun-  
tur in armis omnia, & a consilio ducum, a uirtute  
militum, ab ipsa fortuna pendent. Neque uero di-  
gnitatem quidem habet, ac fructum, uoluptatem  
autem historia desiderat. nam si uoluptas est, quam  
magnarum uariarumq. rerum adspæctus animis no-  
stris infundit: nulla pulchrior species, nulla gratior,  
nulla prorsus historia incundior. uides, ut in tabu-  
la picta, aduersa ducum excellentium stratagema-  
ta, artes, insidias; spem potiundi, metum amitten-  
di; casos exercitus, urbes captas, imperia deleta:  
age, fortuna commutata, cadere insultantem, ui-  
ctum exsurgere; eodem pæne momento latitiam  
pelli marore succedente, maroremq. latitia. hæc  
dum legimus, haurit animus uoluptatem incredibi-  
lem; aliturq. pabulo suauissimo, nec satiatur, do-  
nec ad exitum peruenerit. Cyrus ille, Persarum  
Rex, qui orientem subegit, Pyrrhus Epirota, ca-  
strametandi laude præter ceteros insignis, & duo  
illi, barbarorum omnium clarissimi, Alexander  
Macedo, & Hannibal, præterea de Græcis Themis-  
tocles, Agesilaus, Epaminondas, quo modo, cum

G G

3

eorum



eorum facta commemorantur, animos nostros afficiunt? expectatione suspendunt, pascunt gaudio, metu macerant. uerum hæc maxime Romana patient in historia: quæ uel diuturnitate, ac magnitudine bellorum, uel uarietate fortunæ uberrimam exemplorum in omni genere copiam suppeditat. Romana porro uiri præstantes multi cum litterarum monumentis tradiderint; quorû ingenijs, quæ cuique merces gloriæ pro cuiusque facultate debebatur, ea posteritatis iudicio persoluta; eminet inter omnes, mea sententia, (nec uero secus antiquitas sensit) primumq. sibi dignitatis gradum C. Cæsar iure uindicat. nam & uixit qua plurimum ætate Romæ floruit eloquentia: & coluit ipse eloquentiam præter ceteros: rebus uero gerendis non interfuit modo, uerum etiam præfuit: quo factum, ut usum quoque, qui ualet in scribenda historia multum, cum doctrina coniunxerit. extant, bono quodam litterarum fato, præclari illius de bellis, ipso Duce gestis, commentarij; qui se non solum omnibus omnium historijs æquare, uerum, ut omnes fatentur, anteferre etiam uidentur. Breuitatem scis in oratione magnam esse laudem, cum eo tamen, si uitetur obscuritas. facile enim, dum illam sequimur, in hanc incidimus. quod in Thucydide uitium Cicero notauit, cum esset alioqui scriptor egregius. At uero C. Cæsar, cum breuitatem maxime omnium adamauerit, ita tamen pressus est, ut eodem nihil fieri possit illustrius. proprie loquitur, & significante

gnificante  
tum in ex  
sus oratio  
dentium a  
in historia  
optime, m  
nibus habe  
ediscendus  
te quantu  
tibi Venet  
numq. diff  
aduersus B  
diderit ex  
ariam præ  
fuerit: de  
tui neruos  
neri fuisse  
te fero in  
rem intre  
paulu  
tum, ad  
ad laudat  
ro, facile  
tis enim  
expecta  
sit hæc,  
ca, inee  
re, pot  
tum,



gnificanter: ornamentorum tantum habet, quantum in exponenda re decet. nam elaboratam studio  
 sius orationem, nimiaq. excultam elegantia prudentium aures non modo in commentarijs, uerum  
 in historia quoque respuunt. Hic tibi est, Rhamnusi  
 optime, mihiq. multis nominibus carissime, in manibus habendus, tractandus assidue, obseruandus,  
 ediscendus: ut eum penitus, si fieri potest, aut certe quantum potest, imitatione exprimas. nam cum  
 tibi Veneta Resp. bellum illud memorabile, omniumq. difficillimum, quod Henrico Dandulo Duce  
 aduersus Byzantios gestum est, latina oratione tradiderit explicandum; magnisq. etiam tuam industriam praemijs honestandam decreto publico censuerit: debes eniti uehementer, ac omnes ingenij  
 tui neruos contendere, ne quis te tanto imparem oneri fuisse unquam putet. Atque ego quidem, qui  
 te fero in oculis, qui tuae gloriae faueo, cum in ipsam rem intueor, grauem sane, admodumq. difficilem, paullulum commoueor: rursus, cum ad ingenium  
 tuum, ad industriam, ad illos animi tui praclaros ad laudem impetus mentem & cogitationem refero, facile confirmor, & huiusce tibi commissi muneris eum, quem cupio, id est plane gloriosum exitum  
 exspecto. Verum, ne sint in te ipso, quae sunt; & sit haec, quae tibi ineunda uia est, quantumuis lubrica, incerta, impedita: an tu potes labi, potes errare, potes usquam offendere, ducem secutus patrem  
 tuum, Ioannem Baptistam Rhamnusium, spectatum.



te sapientie uirum, consiliorum omnium summi  
 X uirum collegij participem; cuius elucet in urbe  
 nostra uirtutes eximia, nomen autem, æternis con-  
 signatum atque impressum ingenij monumentis,  
 per orbem terrarum fama dissipauit. is te sua do-  
 ctrina instruet, consilio monebit, prudentia reget.  
 at quo studio? quo scilicet pater filium, & quo ta-  
 lis pater talem filium debet. nec sane uideo, quem  
 deceret magis, aut in quem hæc aptius, quàm in te,  
 prouincia conueniret. nam cum eas res, quæ tibi  
 sunt latinis litteris tractandæ, magna ex parte li-  
 ber, ut audio, contineat Gallica scriptus uetere lin-  
 gua, tum ipsa perobscura, tum multis præterea di-  
 uersarum linguarum uocabulis permista, atque  
 confusa; eum porro librum pater tuus & unicum  
 habeat, et unus ipse (de nostris quidem homini-  
 bus) optime omnium intelligat: sapientissime, ut  
 in omni re semper, ita proximis mensibus decre-  
 tum a X uiris est, ut hæc tibi potissimum Ve-  
 netæ pars historiæ mandaretur, cuius haurire  
 scientiam non aliunde, quàm ex tuis ædibus,  
 licebat. Ego quidem, etsi intelligo, qui sis, quàm  
 te delectet uerus honor, quàm tua spòte incumbas  
 ad decus; tamen hortor te, sensus huc omnes tuos,  
 cogitationesq. conuertas; excites ipse te; confide-  
 res etiam atque etiam, quid susceperis, a quibus  
 commissum, qua tua ætate, qua omnium expecta-  
 tione. Venetam scribis historiam, nec uniuersam,  
 sed quod in ea maxime putatur excellere: scribis  
 Principum

Principa  
 atate ma  
 manet gl  
 Quibus e  
 præsente  
 tus tua m  
 secus que  
 nes opinio  
 in qua Ve  
 ut aliena e  
 iungas, q  
 ad legenda  
 ris, eorum  
 totum effi  
 perfectius  
 iuris quod  
 hoc temp  
 antea, em  
 parere, n  
 me uulga  
 historiæ  
 mentari  
 mouit m  
 fouendis  
 gentis c  
 uetustia  
 propin  
 ius tu n  
 quis in



Principum Reip. decreto : scribis adolescens : qua  
 etate magnas res aggressos uel insignis admodum  
 manet gloria , uel temeritatis nota sempiternæ .  
 Quibus ex rebus , et quòd ante studiorum tuorum  
 præstantes fructus edidisti ; & quòd patris tui uir-  
 tus tua uirtus putatur , nec tibi sunt petenda extrin-  
 secus quæ domi tuæ nascuntur ; orta est inter homi-  
 nes opinio , historiam te nobis daturum egregiam ;  
 in qua Venetæ urbis ita narres præclara facinora ,  
 ut aliena cum laude tui nominis immortalitatē con-  
 iungas . quod ita futurum , mihi persuasum est , si te  
 ad legendos assidue Cæsaris cōmentarios contule-  
 ris , eorumq. ad imitationem , & quasi imaginem  
 totum effinxeris . hoc enim in genere nihil habent  
 perfectius latinæ litteræ : et eos , quo tibi essent , tui  
 iuris quodam modo facti , cariores aliquanto , cum  
 hoc tempore nostris ex ædibus haud paullo , quàm  
 antea , emédatiores exirent , uolui in tuo nomine ap-  
 parere , multis in hanc mentem caussis , ijsq. mini-  
 me uulgaribus adductus . nam , ut omittam , quòd  
 historiam scribenti nihil aptius , nihil omnino his cō-  
 mentarijs utilius quisquam dixerit : ualde me com-  
 mouit multorum annorum , ac pæne sæculorum in-  
 fouendis optimarum artium studijs præclara tuæ  
 gentis consuetudo . ac uolo mihi , quod attinet ad illa  
 uetustiora , silentium imponere : uenio ad ea , quæ  
 propius ad ætatem nostram accedunt . Auo tuo , cu-  
 ius tu nomen , et una cum nomine uirtutem refers ,  
 quis in omni uita uirtutem amauit ardentius ? qui  
 cum



PAULI MANVTII

cum in litteris usquequaque excelluerit, tum uero iuris ciuilibus cognitionē egregie consecutus est: eiusq. rei testes habuit amplissimas Veneti imperij ciuitates, in quibus tum ciuiliū, tum capitalium rerum iudicijs, magna pariter & integritatis, & doctrina laude, praefuit. Mitto Hieronymum, patrum tuum, medicinae, ac philosophiae studijs praestantem: qui cum in Syriam eo consilio esset profectus, ut Arabicis litteris imbueretur; paucis annis tantum profecit, ut plerosque Auicennae libros in latinam linguam egregie conuerterit. Alios quoque possum de tuis maioribus, hac laude praestantes, minime paucos inuenire: sed parente tuo contentus uno esse possum: quo semper in hac ciuitate non solum amico, uerum etiam patrono eruditi homines usi sunt, neque sibi ornamenti, aut praesidij plus in eius amicitia, atque auctoritate, quam commodi repositum in benignitate senserunt. Accedit illud, quod idem pater tuus cum in Gallia, reip. causa, diu uixerit, eamq. provinciam, Rege Ludouico XII, uniuersam fere peragrarit; magnam eorum locorum partem, de quibus mentionem in his commentarijs fieri uides, praesens ipse nouit, eaq. tibi in sermone, non secus ac in tabula picta, diligenter, uerissimeq. ostendere solitus est. itaque, cum hunc librum ad te statui mittere, illud intellexi, magistrum te habere excellentem in hoc rerum ac locorum Gallicae provinciae studio, parentem tuum: quo sum aliquanto magis in suscepto consilio confirmatus. Tibi

bi uero  
mo. mil  
fuit, ut  
perspice  
iunction  
xerit, qu  
maxime  
uirtute,  
ptis, al  
AD A  
Ca  
  
Cv  
ne digna  
ulti Car  
dibili uo  
modum  
enim po  
uo est.  
memori  
spatio,  
guo uol  
et uos  
lectam  
tissimo  
tium,  
co. si  
ueter



bi uero displicere meum erga te officium non existi-  
mo. mihi quidem ipsi ob eam causam gratissimum  
fuit, ut ex tenui munere beneuolentiam in te meā  
perspiceres: quæ cum a parentum nostrorum con-  
iunctione, qua nulla maior esse potuit, originem du-  
xerit, quotidie tamen augetur studijs erga me tuis,  
maxime uero causis ijs, unde facile manat amor,  
uirtute, ac probitate, quarum altera tuis in scri-  
ptis, altera in moribus elucet.

AD ANTONIVM TRIVLTIVM,  
Cardinalem, in historiam Sallu-  
stii præfatio.

Cum omnes me litteræ, omnisq. libero homi-  
ne digna cognitio uehemēter delectat, Antoni Tri-  
ulti Cardinalis amplissime: tum uero pascor incre-  
dibili uoluptate, & afficior maiorem quendam in  
modum sensibus intimis, dum historiā tracto. quid  
enim potest esse iocundius? Rerum interitus obli-  
uio est. at eæ reuiuiscunt historia, cum in nostram  
memoriam reuocantur: quæq. multorum annorū  
spatio, multis abhinc sæculis gesta sunt, ea nos, exi-  
guo uolumine comprehensa, & tanquam in conspe-  
ctu nostro posita, cognoscimus. Si sermonibus de-  
lectamur: resonat in scriptis hominū uox eloquen-  
tissimorum, nihil temere, nihil incompote narran-  
tium, omnia grauitè, suo quidque ordine, & lo-  
co. si consuetudine clarorum uirorum: uersamur,  
uetera legentes, cum Regibus, cum Principibus ui-  
ris,



ris, magnis in bello ducibus, sapiētissimis rerum p.  
 rectoribus: ora ipsa mehercule, lineamenta, et for  
 mam non tam corporis, quā animi, eorum, quos  
 nunquam uidimus, uidemur tamen quasi præsēn-  
 tes intueri. Quod si recte instituendæ uitæ rationē  
 ac doctrinam sequimur: usu maxime rerum quæri  
 tur prudentia. usus est, uel cum experimur ipsi, uel  
 cum, experientibus alijs, quid euenerit, obserua-  
 mus. nobis ipsis, experiri multa si uelimus, facile  
 non licet. labore opus est, ac tempore: & fortuna  
 tentanda; nec tentatur interdum sine periculo. cō  
 modius ergo, ac tutius, euentis aliorum examinan-  
 dis, prudentia comparatur. id autem, profecto ui-  
 des Antoni doctissime, ac sapientissime, proprium  
 esse historiæ bonum: in qua patent fortunæ uicissi-  
 tudines, regnorum mutationes, hominum siue ui-  
 tia, siue uirtutes: ex quibus, quæ uitāda nobis sint,  
 quæ expetenda, nullo nostro periculo, nullo labo-  
 re, sedentes in otio docemur. Atque hoc in gene-  
 re Polybius inter Græcos, de nostris maxime is, cu-  
 ius nunc libros tibi inscriptos emitto, Sallustius ex-  
 cellit. euenta enim ita narrat, ut causas simul ape-  
 riat. ex quo oritur illa omnium pulcherrima scien-  
 tia, ut, malorum, & calamitatum origine perspe-  
 cta, nihil agamus, nisi quod ratio præscribit; om-  
 niaq. nostra consilia, omnes actiones ueterum exē-  
 plorum regula metiamur. Quæ cum sit omnium,  
 qui annales antiquorum euoluunt, communis utili-  
 tas: alia quædam tua condicio est. habes enim histo-  
 riam

riam in f  
 egregium  
 bros nece  
 peregrin  
 mo petas  
 quere m  
 pace instit  
 ratio, si at  
 quires. in  
 tis Epami  
 misq. uir  
 gunt, bon  
 dem res, e  
 tar. at tu  
 uidebis, i  
 Iacobum  
 mirum, se  
 pem; pra  
 ne, prate  
 tem. N  
 quia tec  
 deat, n  
 nixerit,  
 hostium  
 acie per  
 ti fuit,  
 campe  
 ria, in  
 non ff



riam in familia tua : neque tibi, si quid inuenire uis  
egregium, & imitatione dignum, confugere ad li-  
bros necesse est, neque longius euagari, & quasi  
peregrinari animo, ac mente, more multorum. do-  
mo petas, licet, omnium uirtutum exempla. perse-  
quere maiores tuos cogitando. quæ fuerit eorum in  
pace iustitia, in bello uirtus, in omni fortuna mode-  
ratio, si attendes, nihil ad gloriam domesticam re-  
quires. iustus Aristides, prudens Themistocles, for-  
tis Epaminondas : de Romanis multi, multis exi-  
mijsq. uirtutibus insignes. horum alij facta dum le-  
gunt, bonas artes ex eorum uita discunt, & ad eas-  
dem res, eademq. studia laudis cupiditate rapiun-  
tur. at tu refer animum ad tuos maiores. eminere  
uidebis, instructum egregijs artibus, Ioannem illū  
Iacobum Triultium, magni animi, summi consilij  
uirum, scientia rei militaris ætate sua facile princi-  
pem ; præterea, iustum, liberalē, abstinentem, pla-  
ne, præter decus, & gloriam, nihil in uita cogitan-  
tem. Nam de laudibus Hieronymi, parentis tui,  
quia tecum quasi loquor, ne seruire tuis auribus ui-  
dear, nolo multus esse : tantum dicam ; quā diu  
uixerit, Gallicā rem in bello floruisse ; postea quā,  
hostium multitudine oppressus, fortiter pugnans in  
acie perierit, concidisse. tantum in uno uiro momen-  
ti fuit, ac roboris. Age, sint hæc, ut ita dicam, in  
campestri quadam luce posita : quid ? in urbe Ro-  
ma, id est in omnium gētiū celeberrimo theatro,  
non spectata, probataq. uehementer est trium tuæ  
gentis



gentis Cardinalium doctrina, religio, sapientia? ut, Triultiorum nomine multorum uocibus in multas partes dissipato, non ipsa tantum Roma, sed omnis plane Italia, omnis, ubi colitur humanitas, Europa personaret. Omitto alios: sunt enim multi: nec tu quenquam ignoras. non enim sunt ex imaginibus, aut ex illa colorum inani specie maiores tui cognoscendi. quærenda tibi facies tuorum non est. clari sunt ex recte factis: uirtute distinguuntur: cum alius in alia, in omnibus simul omnes enituerint.

Quæ tu quoniam a primis annis ad hanc ætatem non modo cogitasti, uerum etiam uita, ac moribus expressisti; propterea te, Episcopatu Tolonenſi iã antea insignitum, legationibus honestatum, primũ Perusina, et Auenionensi, in quibus miram iustitiæ laudem tulisti, deinde ad Regem Gallia, & ad Venetam Remp. ubi prudentiam, ubi grauitatem incredibilem præstitisti, proximis diebus Cardinalem creauit Paulus IIII. Pontifex omnium optimus, omniumq. maximus, iudicio præditus acerrimo in æstimandis hominum ingenijs, ac moribus, itaq. animatus, ut, quæ cuiusque meritis præmia debentur, ea libetissime, ac liberalissime persoluat. in quo, nemo est, qui tuam animi singularem æquitatem, ac moderationem uehementer non admiretur, ac laudet; qui summæ nuntium dignitatis, cum est ad te, multis presentibus allatus, ita acceperis, ut nemo, te commotum, nemo, ne leuiter quidem affectum, ex uultu, aut oratione, aut ullo corporis gestu

gestu p  
pientib  
bonis u  
tutis inf  
finem no  
mines, q  
cupiant,  
nihil min  
maduers  
magis. e  
tea, om  
idem om  
nemo con  
omnibus  
tia fortia  
gantia: t  
tu benign  
tiam non  
tute pr  
runt, m  
dem con  
rum, m  
te tuara  
Roma  
men fu  
gii, or  
mor, a  
tibus,  
tem e



gestu potuerit intelligere. ita patuit, quod ab insipientibus ambigi, ac disputari quandoque solet, a bonis uiris uirtutem magis ipsam diligere, quam uirtutis insignia; honorem esse premium recte agendi, finem non esse; magnos illos, ac praestantes esse homines, qui laudabiliter ita uiuant, quasi laudem percipiant, ita laudem, aut dignitatem excipiant, quasi nihil minus antea cogitauerint. quod in te & animaduersum est maxime, & observatur quotidie magis. colere enim te quidem studiosius, quam antea, omnes uidentur: ipse autem, qui antea fueras, idem omnibus es. nemo excluditur sermone tuo, nemo congressu: tui omnibus copiam facis: eandem omnibus humanitatem ostendis. Sequitur insolentia fortunam: comes est rerum secundarum arrogantia: tu mansuetudinem amas: tu continentiam, tu benignitatem perpetuo retines. iure ergo hoc etiam nomine Cardinalis es: iure habes hanc, quod tui te pro Petri Ecclesia suscepti labores extulerunt, maximi sacerdotij dignitatem. et nunc tu quidem comitatu stipatus honestissimo familiarium tuorum, multo tamen insignior, atque ornatior cohorte tuarum uirtutum, quae tibi comites ubique sunt, Romam redibis expectatus, expetitusque, columen futurus Christianae reip. splendor sacri Collegij, ornamentum familiae tuae. I, decus Italiae, amor, ac deliciae bonorum omnium, dijs bene iuuantibus, ad eam urbem, quae sola peregrinam uirtutem excipit, sola ornat honoribus, sola dominam facit

cit



cit rerum omnium humanarum. nos autem, quibus  
 tuam iustitiam, tuam benignitatem ostenderas, læ-  
 ti tua dignitate, mæsti discessu, te prosequimur ab-  
 euntem optimis ominibus; fauimus animis, preca-  
 mur linguis; uota prorsus eadem, quæ pro paren-  
 tibus, ac liberis nostris, pro tua salute suscipimus.  
 Atque ego, in hac omnium eximia letitia pariter  
 & molestia, præcipuo quodam dolore diuellor; quia  
 fato nescio quo meo contigerit, ut, quam diu Vene-  
 tijs fuisti, ego semper afflictus importuno morbo ia-  
 cuerim: quo etiam nunc langueo: & ad morbum  
 accedit ægritudo: quoniam quidem, alijs ad te ad-  
 euntibus, deq. ista dignitate gratulantibus, ipse ex-  
 cludor unus, nec possum meæ summæ erga te obser-  
 uantiæ præsentis officio satisfacere. hac tamen spe  
 sustentor, quod humanitas ac sapientia tua facile  
 fortunam a crimine seiunget. consilio aliquid pecca-  
 tur: accuses: iure feceris. culpam autem in ijs re-  
 bus, quæ non a uoluntate nostra pendent, sapiens  
 nemo unquam dixit esse. quare nec tu mihi, quia  
 non ualeo, uitio dandum putabis: & hoc ipsum,  
 quia, me non ualere, non tam corporis, quam of-  
 ficij caussa doleo, laudi etiam fortasse tribues. e-  
 quidem habeo non uoluntatis modo testem, uerum  
 etiam studij ac beneuolentiæ auctorem in te meæ,  
 hominem honoratum, & cum omni uirtute excel-  
 lentem, tum uero omnium, quos ego in uita uide-  
 rim, humanissimum, Petrum Carneseccum Pro-  
 tonotarium; qui te amat egregie, facitq. plurimi,  
 tuasq.

tuasq.  
 uerum  
 teat ob  
 aliquam  
 bus. inte  
 luntas ill  
 Sallustij  
 libros, q  
 apud te  
 ties anim  
 tacitus sa  
 licibus m  
 duam pra  
 existimab  
 si assequor  
 colam ani  
 tum poter  
 satisfaciam

AD AL  
 in libr  
 C

CON  
 cum ad re  
 solus ex o  
 mentis ex  
 pore & i



*tuasq. laudes utraque manu ad astra saepe tollit. uerum ego non id solum spectro, mea ut uni tibi pateat obseruantia. illustrabo eam, si potero, meis aliquando scriptis, et patefaciam omnibus gentibus. interim, ut haec tibi nostra ex aliquo signo uoluntas illucescat, praecalam edo tuo cum nomine Sallustij historiam: cui tu si locum dabis inter eos libros, qui ab oculis tuis abesse non solent; uigebit apud te nostri memoria: quoties eam uidebis, toties animo tibi occurram; adero tibi saepe absens; tacitus saepe tecum loquar; meq. esse de tuis familiaribus unum, de ijs maxime, qui operam tibi assiduam praebent, qui tuo potissimum honori seruiunt, existimabis. quod ut ita sit, uehementer opto: & si assequor, feram in caelum istam humanitatem, colam animo, tuebor officijs, & imitabor, quantum potero: studio certe, si minus re licebit, tibi ut satisfaciam, elaborabo. Venetijs, M. D. LVII.*

**AD ALOYSIVM GARZONIVM,**  
in libros **XXIII** de lingua latina, qui  
Calepini nomine circumfe-  
runtur, praefatio.

**CONSTARE** tibi puto, *Aloysi Garzoni,* cum ad res praecclaras natus homo sit, quippe qui solus ex omnibus animantibus munere rationis ac mentis excellat, nullam tamen artem eodem tempore & inuentam simul esse, & absolutam: omnes

HH humil



PAULI MANVTII

humili tenuiq. ab initio profecta, paulatim quasi per gradus adscendentes, ad id, quod summū uideatur esse, peruenierunt. hoc & in litteris accidit, maximeq. quibusdam in libris, qui eiusmodi sunt, ut, semel atque iterum aucti, locupletari tamen, atque ornari deinde possint. quo ex genere bonum factum Calepinus sortitus est, cui quotidie fere omnes homines de suo largiantur. certe enim illius dictionarium, quod nunc emitimus, non tam ipsius industria, quam aliorum labore studioq. in tantam altitudinem excreuit. unum tamen desidero, quod ij, quibus illud propositum fuit, ut in hunc librum quamplurima congererent, id ipsum, quod fecerunt, ut adderent, facere consideratius diligentiusq. potuerunt. quorsum enim in herbarum montiumq. nominibus colligendis diligentes sumus; uerba autem latinæ linguæ illustra maxime, ac significantia, quæ nescire nemo uult, in augendo Calepino negligimus? ergo ipsi hoc potissimum spectauimus: & opinor, tantum præstitimus, quantum qui, hoc dictionario cum alijs dictionarijs conferendo, cognoscet, non dubito quin de hac opera nobis & faueat, & bene precetur. non enim libet hic commemorare, quæ quibus in uerbis sint a nobis addita: nam sexcenta sunt, neque sumpta ex apertis aliorum librorum indicibus, sed ex ijs latinæ linguæ fontibus, ad quos peruenire cuius non licet. utrū autem ipsi peruenierimus, res ipsa indicet. In eo etiam ab aliorum instituto discrepauimus, quod alij

alij tan  
rant; n  
cupidis  
recte pe  
de libro  
addidim  
stulauit  
etione d  
neas, co  
tas corre  
icquas  
purgatio  
illud puta  
dum cura  
tra, ne q  
fumus,  
etionibus  
tius intra  
coegim  
quem loc  
dædocus  
latinis sc  
nme re  
sustulim  
co dictio  
ob uaria  
manus  
tibi a m  
daret a



alij tantum, ut addant, quæ utilia putant, elaborant; nos etiam, quæ non utilia sunt, & discendi cupidis contraria, quæ scilicet Calepinus ipse non recte percepit, hæc, inquam, dedimus operam, ut de libro, tanquam de tritico lolium, eximeremus. addidimus, mutauimus, sustulimus, prout res postulauit. dictiones certe græcas, ex multiplici lectione deprauatas, ut est fere, nisi diligenter caueas, corruptrix librorum typographia, tam multas correximus, ut, quod fabulosum est, nos dicere isopixes possimus, Augeæ stabulum a nobis esse repurgatum. Nostrum etiam in hoc opere proprium illud putamus, quod, cum alij in addendo supra modum curiosi fuerint, ut liber excreset; nos contra, ne quid præter rem addderemus, superstitiosi fuimus, nec minus in exsecando diligentes. ut in dictionibus græcis, latinarum ordini insertis, uel potius intrusis, multas, quasi de alieno loco, migrare coegimus. exempli gratia inter latinas dictiones quem locum habere potuit catabathynus, aut hœdocus, aut pseudonymus, & huiusmodi, quæ a latinis scriptoribus latine pro exemplo adducta minime reperiatur: quæ propemodum innumerabilia sustulimus, eodem iure quo latina uocabula de Græco dictionario tolleremus. Et quoniam hoc uolumen, ob uariam infinitamq. doctrinam, multorum per manus circumfertur: facile futurum putauimus, ut, si tibi a me inscriptum exiret, significationem multis daret amoris erga te mei. nam, ut omittam merita



PAULI MANVTII

in me tua, quæ nulla unquam delebit obliuio, tui  
me suauitates ingenij, tua incredibilis humanitas,  
singularis probitas, eximia ad colendam uirtutem  
animi propensio ad amandum alliciunt. non enim  
ideo mihi carus es, quia sis Venetæ reip. omnium  
amplissimæ, a secretis, aut quia nunc una cum uiro  
clarissimo, omnibusq. uirtutibus ornatissimo, Mi-  
chaele Suriano Legato, particeps & minister consi-  
liorum omnium ad Philippum, Hispaniæ Regem,  
sis profectus: sed, quia talem te præstas, ut & hæc  
tibi, admodum ampla, atque honorifica, munera  
iure deferantur, et egregijs animi tui bonis maiora  
quoque debeantur. Sit igitur hic liber et tibi, & re-  
liquis argumentum beneuolentiæ meæ, testimo-  
nium iudicij, grati uero animi, non omnino quale  
uelim, sed quale possum hoc tempore, monumentū.  
tu autem istam præclaram in nos uoluntatem con-  
serua: &, quo instituisti cursu, per directam, ma-  
ximeq. expetitam, ac certam litterarum uiam ad  
gloriam contende. quod ego quidem, qui tuos sen-  
sus, tuos ad laudem impetus optime teneo, ita op-  
to, ut sperem, ita spero, ut futurum mihi persuade-  
am. idq. etiam reliquis prædicare non desino.  
Venetijs, M. D. LVIII.

Ad

AD M  
rium  
cu

R E R  
fint homi  
re cogitat  
ste autem  
hil fallit  
dumq. fir  
da Acade  
& commi  
fuit. Ne  
eiusmodi  
nostrorum  
quis inter  
apparant  
bis diuina  
nem com  
quasi spec  
tatis, egr  
lenti uiro  
terarum  
da censu  
stantissim  
primum  
nio, nubi



AD MICHAELEM GHISLERIUM, Cardinalem, in librum de locutione Dei, Academiae Venetae nomine, praefatio.

R E R V M humanarum exitus, quàm uaria sint hominum consilia, declarant. quòd si quis bene cogitat; sequitur, ut idem laudabiliter agat. re Ëte autem agentem, nihil unquam frustrabitur, nihil fallat. Decet igitur nos optima spe niti, admodumq. firma, quibus, in condenda, atque instituenda Academia nostra, nihil, praeter Dei gloriam, & communem hominum utilitatem, propositum fuit. Neque uero actiones nostrae, ut speramus, eiusmodi erunt, ut hanc ad optimas res animorum nostrorum incredibilem propensionem ambigue aliquis interpretari, aut in dubium reuocare possit. apparantur quotidie summa cura, & edentur a nobis diuina doctrina referti, qui pietatem, ac religionem complectuntur, illustres libri. & interim, quasi specimen quoddam, aut pignus nostrae uoluntatis, egregia quaedam de locutione Dei, ab excellenti uiro conscripta, pijs mentibus, ac sacrarum literarum, id est uerae gloriae, studiosis communicanda censuimus. quae duabus maxime de causis, praestantissime uir, tuo nomine decuit esse inscripta: primum, quòd, suscepto Academiae nostrae patrocinio, nihil praetermittis, quod ad eam ornandam, au-

H H 3 gen-



PAULI MANVTII

gendamq̃. pertineat: & nos, quæ a te officia profiscuntur, quibus animis, quàm libentibus, quàm gratis excipiamus, aliquo item officio tum ipsi tibi, tum ceteris omnibus indicatum, maximeq̃. perspicuum esse cupimus: deinde, quæ de Deo loquuntur, ad quem potius mitti æquum fuit, quàm ad eum, qui diuina studia in omni suæ uitæ cursu, cunētis et opibus, & honoribus anteposuit? qui cum uniuersam de Deo, diuinisq̃. rebus doctrinam accuratissime quæsiuit; tum uero cum ipsa doctrina uitæ rationem coniunxit, & , ut omnes rectam, salutaremq̃. uiam tenerent, aut, qui diuerterant, in eam reuocarentur, studio, consilio, monitis, auctoritate contendit. nihil obscure fama loquitur de tuis uirtutibus. nihil de te aut exiguum, aut dubium affertur. patent multis, ac certissimis argumentis eximia tua in Christi Ecclesiam merita: colunt te omnes ob doctrinam: imitantur multi ob integritatem: amant ob humanitatem, maximeq̃. ob rectam, ac simplicem naturam, ab omni fūco, omniq̃. fastu longissime remotam. præconem uero tuarum laudum omnibus horis audimus eum, qui summa ipse laude dignus est, Federicum Baduarium, auctorem, & conditorem, Deo duce, Academiæ nostræ: cui quidem uiro tum uitæ probitas, tum ex assiduo studio doctrina, & ex diuturno rerum usu prudentia fidem, atque auctoritatem in omni sermone conciliat. ipso igitur non modo approbante, uerum etiam hortante, præclarum de Deo libellum.

lum, g  
tit, tuo  
Acade  
primum  
pulsu, p  
omni int  
tes intell  
mo Deo o  
Tu inter  
tua, ut  
susceptos  
præfatio  
optimis  
ad uiam  
sacogno

AD A  
Alli

VT  
te poetic  
lam lau  
difficill  
te parte  
di carm  
gantissi  
sibi con  
cōpreh



lum, grauem sententijs, illustrem uerbis, ad te mit-  
tit, tuoq. dicatum nomini cum omnibus gentibus  
Academia nostra communicat. quæ cum se tibi, suo  
primum iudicio commota, tuis deinde meritis im-  
pulsæ, penitus addixerit, eandem obseruantiam in  
omni uita præstabit, et, ut eam futuræ quoque gen-  
tes intelligant, ipso, ad quem omnia referimus, sum-  
mo Deo opem ferente, aliquo merito consequemur.  
Tu interim, quando iam hoc tribuisti humanitati  
tuæ, ut nos susciperes; tribue idem constantiæ, ut  
susceptos tuearis, ac foveas, ita tamen, si nos tuo  
præsidio, ac studio dignos, id est nostra ingenia in  
optimis artibus exercentes, nostrasq. uoluntates  
ad unam uirtutem dirigentes, & audies, & re ip-  
sa cognosces. Venetijs, M. D. LVIII.

AD ANTONIVM CARLONEM,  
Allifarum Principem, in Sannazarii  
poemata præfatio.

UT est præclarum, ornatissime Princeps, in ar-  
te poetica excellere: sic ea cognoscere, quibus ad il-  
lam laudem perueniatur, maximum quiddam, ac  
difficillimum est. fallitur enim, si quis absoluti poe-  
tæ partes in eo positas arbitratur, ut, cum metien-  
di carminis rationem optime perceperit, cum ele-  
gantissimarum uocum supellectilem quasi quandâ  
sibi compararit, addo etiam cum materiem animo  
côprehensam ordine quodam atque artificio distin-



PAULI MANVTII

possit. itaque a me, qui eodem in ære sum, petere uidentur, uniuersorum causam ut suscipiam, tibiq., propter hoc officium, quid omnes de te et sentiant, et loquantur, aliqua ratione significem. Ego, licet ipsa te recte factorum conscientia contentum esse, nihil præterea requirere, exploratum habeã; tamen, ut eorum honestissimo desiderio ne desim, do me libenter in eam partem, in quam etiam mea sponte propendebam; & ad ostendendum non eorum modo animum, sed etiam obseruantiam et pietatem in te meam, hæc ipsa Sannazarij poemata, quæ nostris typis edenda curasti, nomini tuo dicatæ ad te mitto. Leges hic omnia, quæcunque ab eo latine scripta nunc extant. primum autem erit diuinum illud, quod ipse de partu Virginis inscripsit, opusculum: dein Christi lamentatio: mox eclogæ quinque: quas tamen decem scripserat; sed e Gallia reuersus, has tantum, quas emisimus, & fragmentum illud, quod post Salices collocauimus, inuenit, reliquis aut furto surreptis, aut per incuriam suorum, quibus eas discedens crediderat, amissis. sequuntur elegiarum libri tres, epigrammatum totidẽ. quæ omnia tuo inscripta nomini apparebunt; ut eius beneuolentiæ, quàm Sannazario & uiuo, et mortuo præstitisti, hunc saltẽ fructum percipias. Venetijs, M. D. XXXV.

INDEX

IND

ALEX

Alfonso

Aloysio

Andrea

108.

Andrea

Andrea

Antonio

Antonio

Antonio

Antonio

Antonio

Antonio

BART

Benedict

Benedict

Bernard

CAES

Camillo

Carolo

Christe

DION

FAB

Franc

Franc

Franc

Franc

Franc

Franc



INDEX EORVM, AD QVOS  
missæ sunt epistolæ.

ALEXANDRO Crispo .	81
Alfonso Caraxe .	2
Aloysio Estensi .	177
Andrea Dudutio .	102. 104. 105. 106. 107 108. 109. 146.
Andrea Patricio .	121. 122
Andrea Zebridonio .	97
Antonio Augustino .	39. 40. 42
Antonio Merlo .	142
Antonio Possuino .	24
Antonio Rolando .	170
Antonio Verantio .	95
BARTHOLOMAEO Riccio .	37
Benedicto Accolto .	138. 139
Benedicto Rhamberto .	42
Bernardino Maffeo .	15
CAESARI Ferrantio .	57
Camillo Palacotto .	155
Carolo Sigonio .	172
Christophoro Madrutio .	21
DIONYSIO Lambino .	124. 160
FABIO Stella .	44
Francisco Gonzaga .	23
Francisco Luisino .	17
Francisco Molino .	64
Francisco Morando .	127
	Francisco



# INDEX

<i>Francisco Othomano.</i>	48
<i>Francisco Robortello.</i>	180
<i>Francisco Seuero.</i>	132
<i>Francisco Vargæ.</i>	29
<i>GABRIELI Catiano.</i>	16
<i>Gaspari Contareno.</i>	137
<i>Gilberto Cognato.</i>	123
<i>Gulielmo Paccio.</i>	148
<i>HANNIBALI Caro.</i>	59.60.61
<i>Hannibali Cruceio.</i>	141
<i>Hieronymo Capilupo.</i>	174
<i>Hieronymo Faletto.</i>	30
<i>Hieronymo Furnarino.</i>	52
<i>Hieronymo Lippomano.</i>	25.27
<i>Hieronymo Seripando.</i>	176
<i>Hippolyto Estensi.</i>	63
<i>Horatio Vrsino.</i>	163. 167
<i>IACOBO Grifolo.</i>	140
<i>Io. Antonio Turoneo.</i>	165
<i>Io. Baptistæ Pastorio.</i>	46
<i>Io. Baptistæ Pignæ.</i>	144
<i>Io. Baptistæ Rasario.</i>	169
<i>Io. Baptistæ Rhamnusio.</i>	82
<i>Io. Baptistæ Saracio.</i>	178
<i>Ioanni Sambuco.</i>	135. 145
<i>Ioanni Sturmio.</i>	49. 50
<i>Io. Vincentio Pinello.</i>	100
<i>Iulio Bellogrado.</i>	176
<i>Iulio Pogiano.</i>	161
	<i>Laينو</i>


LAEV.  
 Lazaro  
 Lauren  
 MARC  
 M. Ant  
 M. Ant  
 71. 7  
 173.  
 M. Ant  
 90. 9  
 Mario Co  
 Mario N  
 Michaeli  
 NICAS  
 Nicolao  
 OCTAV  
 Octavian  
 PAVL  
 Paulo M  
 Paulo Sa  
 Petro Ce  
 Petro M  
 Petro  
 RAINV  
 Romulo  
 SEBAS  
 Siluestr  
 Silvio  
 Stanisla



# INDEX

48	LAEVINO Torrentio.	52.128.157
180	Lazaro Bonamico.	148
132	Laurentio Gambaræ.	129.147
29	MARCELLO Ceruino.	13
16	M. Antonio Lombardino.	54
137	M. Antonio Mureto.	65.66.67.68.69.70
123	71.72.73.74.75.76.77.78.79.80.81	
148	173.	
59.60.61	M. Antonio Natta.	84.85.86.87.88.89
141	90.91.92.93.	
174	Mario Corrado.	43.133
30	Mario Nizolio.	35
52	Michaeli Turriano.	94
25.27	NICASIO Casletano.	175
176	Nicolao Nathanaelo.	129
63	OCTAVIANO Ferrario.	156.164.165.168
167	Ostauiano Magio.	62
140	PAVLO Contareno.	19
165	Paulo Magnulo.	149.150
46	Paulo Sacrato.	179
144	Petro Celso.	134
169	Petro Misconio.	93.158
82	Petro *	124
178	RAINVTIO Farnesio.	1
35.145	Romulo Ceruino.	22.125
49.50	SEBASTIANO Leoni.	59.151
100	Siluestro Aldobrandino.	151
176	Silvio Antoniano.	36
161	Stanislao Fogeluetrio.	159
Lauro	Stephano	





005935.22



